



14. 8. 295





COLLECTION
UNIVERSELLE
DES

MÉMOIRES PARTICULIERS,

RELATIFS

A L'HISTOIRE DE FRANCE.

TOME VI.

*CONTENANT les Mémoires du bon Messire
JEAN LE MAINGRE, dit BOUCICAUT,
Maréchal de France.*

XIV. & XV^e. SIÈCLES.

IL paroît régulièrement chaque mois un Volume de cette Collection. Les Editeurs ont pris les précautions nécessaires pour qu'il en ait paru 12 volumes à la fin de l'année 1785.

Le prix de la Souscription pour 12 Volumes, à Paris, est de 48 l. ou de 24 l. pour la demi-année. Les Souscripteurs de Province payeront de plus 7 l. 4 s. pour l'année entière, ou 3 l. 12 s. pour la demi-année, à cause de frais de poste.

C'est au Directeur de la Collection des Mémoires, &c. qu'il faut s'adresser, *rue d'Anjou-Dauphine N^o. 6, à Paris.* Il faut avoir soin d'affranchir le port de l'argent & des lettres.

COLLECTION

UNIVERSELLE

DES

MÉMOIRES PARTICULIERS

RELATIFS

A L'HISTOIRE DE FRANCE.

TOME VI.

A LONDRES;



Et se trouve à PARIS,

Rue d'ANJOU-DAUPHINE, N°. 6.

1785.

of the



1877

1877

NOTICE
DES EDITEURS
SUR LES MÉMOIRES
ET LA PERSONNE
DU MARÉCHAL
DE BOUCICAUT.

LES Mémoires que nous publions aujourd'hui , nous les avons d'abord rejetés de notre Collection , parce que l'Histoire intérieure du royaume , à l'époque qu'ils embrassent , nous avoit semblé suffisamment développée dans ceux de Pierre Fenin , par lesquels nous avons terminé notre cinquième Volume. En effet on ne trouve dans l'Historien de Boucicaut rien de ces troubles civils , qui au nom des Argmagnacs & des Bourguignons ont fait du règne de l'infortuné Charles VI une longue suite de désastres. Cet ouvrage ne laisse soupçonner par aucun endroit que l'Auteur ait vécu au milieu de cette fatale division de la Famille Royale.

Ce profond silence que l'Historien a gardé , soit par une modération bien rare à cette époque , soit par une politique jalouse de

Tome VI.

a

ménager l'un & l'autre parti , nous avoit déterminés à ne faire aucun usage de son écrit. Mais quelques personnes , dont les avis doivent nous être chers , nous ayant donné le conseil de ne rien précipiter , nous avons repris l'*Histoire du Maréchal de Boucicaut* , & bientôt nous avons reconnu qu'elle étoit nécessaire à notre Collection , soit parce qu'elle renferme des détails curieux sur les mœurs & les usages de l'ancienne Chevalerie , soit parce qu'on y trouve fidèlement consigné tout ce que les François ont fait en Hongrie contre les Turcs , & dans l'État de Gènes , lorsque cette République se donna volontairement à la France.

Sous ce double point de vue , ces Mémoires sont un monument précieux qu'il importe d'autant plus de conserver à notre Histoire , que nul autre ouvrage original ne peut les suppléer. Ils ont fourni en grande partie aux Historiens postérieurs tout ce qu'ils ont dit de la bataille de Nicopoli & de la soumission des Génois.

Cependant nous avons à choisir entre deux vies du Maréchal de Boucicaut , l'une & l'autre écrites par une plume anonyme.

La première , composée du vivant même de Boucicaut , sur les pièces originales four-

nies par les braves Chevaliers qui avoient marché sous la bannière du Maréchal , étoit restée manuscrite jusqu'en 1620 que Théodore Godefroi la publia imprimée en un volume in-4° de 434 pages , après l'avoir reçue de M. de Machaut , sieur de Romainville.

La seconde , composée dans le siècle de Louis XIV , & publiée en 1697 , forme un in-12 d'environ 300 pag. , dont la lecture n'est pas sans intérêt , quoique le style en soit très-inférieur à celui de la plupart des ouvrages qui distinguent le beau siècle de notre littérature.

Entre ces deux ouvrages notre choix n'a pas hésité long-tems. Il s'est fixé sur le plus ancien ; & ce n'est point par le seul droit d'ainesse qu'il nous a paru mériter la préférence. Ce droit , placé dans la balance , est d'un grand poids sans doute. Plus l'existence des monumens de l'Histoire est reculée dans le passé , & plus leur témoignage est puissant & respectable. C'est la source à laquelle il faut nécessairement remonter , si l'on est jaloux de connoître le véritable cours des évènements. Mais à ce premier motif , dont l'autorité se fait sentir aisément , un second non moins important encore est venu se joindre. Nous avons reconnu que l'Historien nouveau n'est

dans la plus grande partie de son ouvrage que le copiste, ou le traducteur du vieil Historien. Il semble en convenir lui-même en avouant dans son avertissement qu'il n'a omis aucun des faits rapportés dans cette *Histoire ancienne* ; & si nous ajoutons que celle-ci a dans la partie du style les graces propres au langage écrit du siècle où elle a été composée, mérite qu'elle partage avec les Mémoires de Joinville, & qu'on regrette dans l'Historien moderne qui s'est tenu si loin du langage des bons Auteurs ses contemporains, nous aurons pleinement justifié notre choix.

Cependant comme d'une part l'Histoire ancienne ne va point jusqu'à la mort du Maréchal de Boucicaut, & que de l'autre, l'Histoire moderne a prolongé sa narration jusqu'à cette époque, après avoir donné même plus d'étendue au récit de certains évènements publics, tels que la bataille de Nicopoli, le grand schisme d'Occident, la révolution de Gènes, la bataille d'Azincour, ce qui la rend plus complète, puisque Boucicaut fut mêlé à tous ces évènements, nous avons dans les Notes enrichi la première d'un extrait de la seconde. Tout ce que celle-ci raconte d'important, nous l'en avons emprunté pour suppléer au silence de celle-là ; en sorte qu'au lieu d'une

seule Histoire, nous en donnons deux, pour ainsi dire, au Public. C'est ainsi que dans notre Volume précédent, au lieu de réimprimer la totalité de l'ancien Journal de Paris, dont l'ensemble est trop fastidieux, nous nous sommes soumis au pénible travail d'en extraire, pour en former les Notes placées à la suite des Mémoires de Fenin, tout ce qu'il renferme d'important & de nécessaire.

On desireroit connoître sans doute la personne de l'Auteur que nous redonnons aujourd'hui. Mais nous l'avons déjà dit, il est resté anonyme. On voit seulement par l'ouvrage même qu'il étoit au service du Maréchal, & qu'il le lui avoit dédié, ce qui pourroit le rendre suspect d'un peu de flatterie, si ce soupçon n'étoit détruit par le soin que l'Auteur a pris de rester inconnu au Maréchal lui-même. Le flatteur n'a pas coutume de se cacher. Il se montre, parce qu'il veut recueillir le fruit de sa bassesse. Aussi pensons-nous qu'on peut sans aucune défiance s'en rapporter au témoignage de l'Anonyme. Il a récité ce qu'il a vu; & ce qu'il n'a point vu, il le tient de *plusieurs Chevaliers de grand renom, & Gentilshommes vaillans, lesquels ont connu & hanté dès son enfance le bon vaillant preux Marechal*; il le raconte ainsi

lui-même dans le Chapitre second de la première partie.

Maintenant nous avons à rendre compte des suppressions que nous avons estimé nécessaires.

Notre Auteur, comme tous ceux de ces siècles, où le goût étoit encore une plante étrangère sous le ciel de la littérature française, abonde & se répand en réflexions morales, dont l'innutile prolixité rend la lecture fatigante, & qu'on pourroit appeler un ennuyeux bavardage. Ce qui nous fourniroit à peine une phrase digne de quelque attention, aujourd'hui même que nous sommes tous devenus d'intrépides raisonneurs, lui suffit quelquefois pour en composer des Chapitres entiers, dans lesquels il perd entièrement de vue son héros, & ne produit sur la scène que les grands personnages d'Athènes & de Rome. L'Histoire de son pays est alors celle dont il s'occupe le moins. Mais nous qui ne la devons jamais perdre de vue, nous avons donc été forcés par notre plan de retrancher toutes ces longues & oiseuses dissertations, nous réduisant à ne conserver que les faits de l'Histoire. Ainsi dans le premier Livre (car l'ouvrage est divisé en quatre parties) nous avons supprimé le

Chapitre VIII, & la dernière page du XXIV, qui ne renferment que des inutilités.

Nous avons fait de même dans le second Livre pour les I. II. IV. V. ; retranchemens que nous avons étendus sur les XIII, XIV, & une partie du XIX Chapitres du troisième Livre, à la suite duquel nous nous sommes défendus de reproduire le quatrième Livre, parce qu'il n'intéresse plus l'Histoire; ce n'est qu'un panégyrique *des vertus, & bonnes mœurs & conditions qui sont au Mareschal, & de la manière de son vivre*. On pourra facilement en juger à la seule inspection du titre des Chapitres : car nous en avons conservé l'énoncé, en nous imposant néanmoins la loi d'en extraire fidèlement le très-petit nombre de faits & d'anecdotes qui servent à louer Boucicaut bien mieux que toute l'abondance inutile des réflexions de l'Anonyme.

C'est par cette sage précaution, à laquelle nous serons toujours fidèles, que nous pouvons nous flatter de donner aujourd'hui des Mémoires intéressans, dégagés de toute inutilité & non mutilés. Nous portons hardiment le défi que l'érudit le plus fanatiquement idolâtre des anciens monumens puisse nous citer dans les retranchemens que nous

avons faits, un seul trait que l'Histoire soit autorisée à regretter. Nous craignons bien plutôt le reproche contraire; mais du moins en serons nous absous par les sages & solides amateurs de notre Histoire, que nous avons seuls en vue dans nos pénibles travaux.

Ce qui nous reste à dire sur la personne de Boucicaut se réduit à peu de chose, parce que nos Mémoires la font assez connoître. Mais comme Théodore Godefroi à la fin de son édition, a recueilli tout ce qu'on fait de la maison des Boucicaut, nous devons le publier aussi.

- « ¶ 1. *De Jean le Maingre, dit Boucicaut ;
I. du nom, Marechal de France, du re-
gne des Rois Jean II & Charles V.*

L'Histoire de Iean de Saintre, Chambellan du Roy Iean II, écrite par Antoine de la Salle, & dediée à Iean Duc de Calabre, & de Lorraine, fils de René Roy de Sicile, en parle de ceste sorte au Chapitre XLVII.

En celuy temps estoit en la Cour un tres-jeune Escuyer, tres-gracieux, de la Duché de Touraine, qui par esbatement fut nommé Boussiquaut, grand pere des Boussiquauts qui

font aujourd'huy. Tres-saige, subtil, & advenant Escuyer, & qui assez avant estoit en la grace du Roy. Saintré qui estoit jeune, le voyant si homme de bien, aussi pour l'amour du pays, tres-volontiers s'en accointa, & tellement se accompaignerent & aimerent que deux freres ne eussent sceu plus s'entre-aymer. Et jasoit ce que Boussiquaut feut depuis tres-vaillant Chevalier, outre plus estoit-il subtil & attrempé plus que Saintré n'estoit. Et aussi au faict d'armes Saintré estoit tenu le plus vaillant. Et pource les Heraults & les Roys d'armes en feirent un commun proverbe, en disant :

*Quand vient à un assault,
Miculx vault Saintré que Bouciquault.
Mais quand vient à un Traicté,
Miculx vault Bouciquault que Saintré.*

C'est à sçavoir l'un pour les armes, & l'autre pour le conseil.

Et c'est le mesme Boucicaud qui en l'an 1360 feut choïsy pour l'un des Deputez au traicté de Bretigny de la part de Charles, Regent du Royaume, depuis cinquiesme du nom Roy de France.

Sa veufve Florie de Linieres, sœur de Godemar de Linieres, & Dame d'Escoubleau, & de la Bertiniere vivoit encores l'an 1385.

Ils sont tous deux enterrez en l'Eglise de Saint Martin de Tours, derriere le Chœur, en la chapelle des Boucicauts. Ainsi qu'il se veoid par leurs Epitaphes, tels qu'il s'enfuit, qui m'ont esté communiquez avec la plus part de ces Memoires par Monsieur de Peiresc, Conseiller au Parlement de Provence.

Cy gist feu noble Chevalier, Messire Jean le Meingre, dict Boucicaut, le pere, Marechal de France, qui trespassa à Dijon, le xv. jour de Mars.....

Cy gist feüe noble Dame Florie de Linieres, femme du dict Marechal, laquelle trespassa en son chastel de Breuil doré, le... jour de... MCCCC...

¶ 2. De Jean le Meingre, dict Boucicaut, II du nom, Marechal de France du regne du Roy Charles VI, & Gouverneur de Gennes, duquel est ceste Histoire. Il estoit fils du susdict Jean I.

L'an 1406 il feit foy & hommaige à Louys II, Roy de Sicile pour les Seigneuries de Pertuis, Meirargues, Pellisane, les Pennes, & autres situées en Provence.

L'an 1414, il feut Gouverneur pour le Roy en Languedoc, & au Duché de Guyenne.

L'an 1415, il feut faict prisonnier à la bataille d'Azincourt, estant à l'avant-garde, & feut mené en Angleterre, où il deceda l'an 1421.

Il est inhumé avec ses pere & mere en la susdicte chapelle des Boucicauts, comme il appert de son epitaphe que voycy.

Cy gist noble Chevalier Messire Iean le Meingre, dict Bouciquaut, le fils, Marechal de France, grand Connestable de l'Empercur & de l'Empire de Constantinople, Gouverneur de Genes pour le Roy, Comte de Beaufort, de Clux, d'Aleſt, & Vicomte de Turenne, lequel trespassa en Angleterre, illec estant prisonnier, le 27. jour de..... MCCCCXXI.

Sa femme Antoinete, Vicomtesse de Turenne, estoit fille de Raymond, Vicomte de Turenne, lequel Raymond estoit fils de Guillaume Roger, Comte de Beaufort en Anjou, & d'Eleonor de Comminge, fille de Bernard Comte de Comminge, & Vicomte de Turenne.

¶ 3. *De Geoffroy le Meingre, dict Boucicaut, Gouverneur du Daulphiné, frere puisné de Iean le Meingre, dict Boucicaut, II du nom, Marechal de France, & Gouverneur de Genes.*

L'an 1402, il estoit Gouverneur du Daul-

phiné, & luy appartenoient les Seigneuries de Luc, de Rocquebrune, & de Bulbone en Provence.

Sa premiere femme se nommoit Constance de Saluces. Et la seconde feut Ysabeau de Poitiers, de laquelle il eut deux fils à sçavoir Louys, & Iean. Le dict Louys feit son testament en l'an..... Par iceluy il instituë son heritier Aymar de Poitiers, Seigneur de Saint Valier, son cousin-germain, à la charge de porter son escu escartelé des armes de Poitiers & de Boucicaut, & adjouster au furnom de Poitiers celui de Boucicaut, en disant Aymar de Poitiers, dict Boucicaut. Et substitüe au dict Aymar Guillaume de Poitiers, de Clerieu, & les siens, & ceux qui seront proches des armes de la Maison de Poitiers; & à leur default le Seigneur des Barres, & Jacques des Barres, oncle du dict Seigneur des Barres, & les leurs.

¶ 4. *De Geoffroy le Meingre, dict Boucicaut, Evesque de Laon, frere puisné de Iean le Meingre, dict Boucicaut, I du nom, Mareschal de France.*

L'an 1363. il estoit Evesque de Laon.

L'an 1370, il mourut à Boulongne la grasse en Italie, après avoir institué ses neveux

Iean, & Geoffroy, les heritiers en ses biens meubles montans à la valeur de cinquante mille francs ».

« Pour terminer cette notice, nous n'aurions plus rien à ajouter à ces recherches de Godefroi, si nous n'avions à défendre la mémoire du Maréchal de Boucicaut d'une accusation grave, dont quelques Historiens l'ont chargée. On reproche à ce guerrier une administration trop rigoureuse dans son gouvernement de Gènes, & c'est, dit-on, cet excès de sévérité qui fit perdre à la France la possession d'un Etat qui s'étoit volontairement soumis à nos rois. Il nous semble qu'une pareille inculpation est au moins hasardée; & que pour prouver notre opinion, les faits & les raisonnemens s'accordent ensemble.

Avant Boucicaut, Gènes étoit en proie à tous les défordres qu'entraîne l'esprit de parti & de faction. L'autorité dans les mains du Sénat étoit sans force pour punir & protéger. L'industrie & le commerce étoient anéantis. Le pauvre assuré de l'impunité dépouilloit le riche, ou le forçoit à s'enfuir pour se cacher. La déprédation, le viol, l'assassinat étoient également les œuvres du jour & de la nuit. Mais Boucicaut arrive, & l'ordre se rétablit. Le cours d'une année lui suffit pour

faire un peuple florissant du peuple qu'il gouverne. Le pauvre revient à l'amour du travail & au respect des loix. Le riche rentre sans effroi dans ses foyers, & ne cédant plus son opulence, s'applique à l'accroître encore. Une marine nombreuse, commerçante & guerrière parcourt les mers du levant, & rapporte les productions de l'Asie, échangées contre celles de l'Europe. Boucicaut veille à tout, & devient pour l'état confié à ses soins, comme une seconde Providence. Il est vrai qu'il s'arma de sévérité. Les auteurs & les chefs des désordres publics furent condamnés à la mort, & subirent la rigueur de leur jugement. Mais s'il est des momens où l'indulgence n'est que de la faiblesse, n'est-ce pas lorsque l'impunité prolonge le malheur & perpétue le crime ?

La preuve incontestable que Boucicaut ne fit que ce qu'il devoit faire, & que son administration ferme & sévère fut un bienfait, se développe d'elle-même, lorsqu'on compare Boucicaut aux Gouverneurs qui l'avoient précédé. Ceux-ci, parmi lesquels on voit le Comte de St. Pol, avoient usé de douceur & de clémence, & cette administration indulgente n'avoit rien changé au sort des Génois. Les factieux, à leurs premiers cri-

mes, en ajoutoient toujours de nouveaux, & prenant la patience de leurs Gouverneurs pour de l'impuissance, ils alloient ramener les jours de l'anarchie. Il falloit Boucicaut pour conjurer ce malheur; il le conjura en effet, & sa juste sévérité lui valut ce succès.

Que si Gènes secoua quelques années après la soumission qui l'attachoit à la France, pourquoi chercher la cause de cette défection dans l'administration de Boucicaut, plutôt que dans cet amour indomptable de la liberté qui doit nécessairement ramener longtemps vers elle tous les desirs d'un peuple qui vient de la perdre ? La liberté politique ne sera jamais au nombre de ces biens dont la perte ne laisse qu'un regret fugitif. Une Nation qui ne l'a jamais connue, ou qui du moins a vieilli dans l'esclavage peut sans doute en ignorer jusques au sentiment ; mais il vit long-temps, prêt à reprendre toute son énergie, dans ceux qui en naissant ne reconnoissoient d'autre souverain que leurs propres loix.

Et comment d'ailleurs peut-on reprocher à Boucicaut une administration sévère, lorsqu'il voyoit le déplorable état où gémissoit la France entière, parce que les rênes du Gouvernement échappées des mains d'un

xvj NOTICE DES ÉDITEURS.

jeune roi devenu fou, vingt Princes de son sang se les disputoient à la fois, & donnoient à tous les chefs des nations la crainte des malheurs sans nombre attachés à un Gouvernement foible & combattu; lorsque la foiblesse de la France abandonnoit les Gouverneurs de Province, & faisoit une loi aux plus sages de tirer toute leur puissance de leur caractère; lorsque, pour contrebalancer ce vieil amour de la liberté, il auroit fallu dans Gènes aux ordres du Gouverneur des troupes dont la présence pouvoit imposer; lors qu'enfin Boucicaut étoit réduit à lui-même, ou du moins à un très-petit nombre de compagnons d'armes que sa seule réputation retenoit sous le drapeau? Il n'est permis de prononcer contre Boucicaut qu'après avoir rapproché les uns des autres tous ces motifs de justification, ou d'excuse. Un jugement sans restriction seroit peut-être une injustice, dont les plus grands Historiens ne se sont pas toujours assez défendus.

Fin de la Notice des Éditeurs.

MEMOIRES

M É M O I R E S
O U
L I V R É D E S F A I T S
D U B O N M E S S I R E .
J E A N L E M A I N G R E ,
D I T
B O Û C I C A U T ,
M A R É C H A L D E F R A N Ç E .

Lequel dit Livre est party en quatre Parties.

LA premiere Partie parle de son enfance ,
& de la poursuite en armes & faicts qu'il feit
jusques au temps qu'il fut esleu pour estre
Gouverneur de Gennes.

*La seconde Partie parle depuis qu'il eut le
dict gouvernement jusques au retour qu'il feit
de Syrie.*

Tome VI.

A

2 MÉM. DU MARÉCH. DE BOUCICAUT.

*La troisieme Partie parle depuis le temps
du dict retour jusques au temps present.*

*La quatrieme Partie parle des vertus ,
bonnes mœurs & conditions qui sont au Ma-
reschal , & de sa maniere de vivre.*

M É M O I R E S
O U
L I V R E D E S F A I T S
D U B O N M E S S I R E
J E A N L E M A I N G R E ,
D I T
B O U C I C A U T ,
M A R É C H A L D E F R A N C E .
P R E M I E R E P A R T I E .

*Cy commence la premiere Partie de ce Livre ,
laquelle parle de l'enfance de Boucicaut , &
de la poursuite en armes & faits qu'il fait
jusques au temps qu'il fut esleu pour estre
Gouverneur de Gennes.*

C H A P I T R E P R E M I E R .

*Cy commence le livre des faits du bon Messire
Iean le Maingre, dit Boucicaut, Marechal
de France, & Gouverneur de Gennes.*

D E U X choses sont, par la volonté de Dieu,
establies au monde, ainsi comme deux piliers

à soutenir les ordres des loix divines & humaines , qui à creature humaine donnent reigle de vivre en paix & deüement sous les termes de raison , & qui accroissent & multiplient le sens humain en congnoissance & vertu , & l'ostent d'ignorance , & avec ce deffendent & soustiennent & augmentent le bien propre & aussi le public , & sans lesquels seroit le monde ainsi comme chose confuse , & sans nul ordre. Et par ce pouvons nous veoir que comme elles nous soient nécessaires, pour le grand bien d'elles, & le grand profit qui nous en vient , nous les devons souverainement priser , honnorer , soutenir , loüer , & avoir en reverence. Iceulx deux piliers sans faille sont Chevalerie , & science , qui moult bien conviennent ensemble : car en ~~Days~~ ~~Royaume~~ , ou Empire auquel l'une des deux faudroit , conviendrait que le lieu eust peu de durée ; car là où science seroit destruite , loy seroit nulle. Et comme homme ne puisse bien vivre sans loy , & seroit retourné comme en beste , avec ce le Royaume ou contrée , là où deffence de Chevalerie cesseroit , l'envieuse convoitise des ennemis , qui rien ne craindroient , tost à confusion le mettroit.

Or nous a , Dieu en soit loüé , avec les

autres biens que faicts nous a, donné ces deux défences : mais de l'une parlerons plus avant au propos que nous voulons traicter ; c'est à sçavoir de Chevalerie , en la loüant en la personne d'un vaillant & noble Chevalier encores au monde , Dieu luy tienne , aujourd'huy vivant en bon aage , & prosperité de corps , d'esprit , & de noble estat. C'est Monseigneur Messire Iean le Maingre , dit Boucicaut , Mareschal de France , & Gouverneur de Genes , en la reverence & honneur duquel , pour les dessertes de ses biens-faicts sera au plaisir de Dieu traicté & parfaict ce present Livre. Racomptant le bien de luy , tant en vertu de nobles mœurs , gentillesse , & toutes graces , comme en proïesse , & vaillantise de son corps , & biens faicts par luy accomplis , és quelles vertus on le veoid perseverer de mieulx en mieulx. Et comme à tous par nature ceste vie soit briefve , est chose deüe & de belle ordonnance , afin que le bienfaict des vaillans ne soit mie amorty , que ils soient mis en perpetuelle souvenance au monde , c'est à sçavoir en registre de livres. Et pour ce est-il dict de plusieurs vaillans trespassez , de qui les noms & bontez sont mis en memoire , que ils ne sont pas morts , ains vivent ; c'est à dire que le bien d'eulx

n'est pas mort , car leur bonne renommée est encores vive au monde , & vivra par le rapport des tesmoins des livres jusques à la fin du monde. Et avec ce , c'est chose convenable , que en memoire autentique soient mis les bons , & leur nom autorisé , afin que ceux qui tendent à honneur puissent prendre exemple de bien faire , pour atteindre au loyer de bonne renommée , qui est due à ceux qui le desservent.

Mais à un peu revenir au propos de prouver ce que devant est dict , c'est à sçavoir que aussi avecques Chevalerie , science doit estre louée ; comment sçaurions-nous des bons trespassez les biensfaits entre nous humains , de qui l'entendement ne comprend rien des choses passées , fors par le rapport d'autrui , si science n'estoit , qui le nous-certifie ? Ce sont lettres & escriptures , lesquelles sont le premier membre de science , par qui nous sont rapportées les choses passées , & que à l'œil nous ne voyons mie. Et pour ce dict Caton : Lis les livres. Car certes homme , de quelque estat qu'il soit , ne sera ja droictement appris , si n'est par introduction de lettres & de livres. Et pour ce me semble que moult devons louer science & ceux qui les sciences nous donnerent , par qui avons congnois-

fance de tant de nobles choses , que nos yeux ne peuvent veoir , & des vaillans preux trespassez , qui tant honnorablement vesquirent en ce monde , qu'ils en ont desservy memoire à tousjours.

CHAPITRE II.

Cy dit par quel mouvement ce present livre fut fait.

Affin qu'il ne soit pas celé , mais sçeu de tous ceulx qui ce present Livre verront & orront , par quel mouvement il a esté fait , & mis sus , il est à sçavoir que plusieurs Chevaliers de grand renom & Gentils-hommes vaillans , poursuivans le noble fait & hautesse des armes , lesquels ont congneu & hanté dès son enfance de tels y a & encores font le bon vaillant preux Marechal , de qui nous parlons , & ses nobles ancestres , & esté avec luy en maintes nobles places , & assemblées chevaleureuses , parquoy tant l'ont veu & esprouvé en toutes conditions , qui à vaillant Chevalier advisent , ont advisé que affin que le temps advenir , si comme devant est dict , le nom & bienfait de si vaillant preud'homme ne soit pery , ains soit demeurant au monde avec les vivans par longue memoire ,

& que les autres s'y puissent mirer, que bon feroit que certain Livre de luy, & de ses faicts fust fait. Et pource, comme il en soit bien digne, adviserent personne propice à qui l'oeuvre commeirent & chargerent, laquelle personne pour l'autorité de luy, & aussi d'iceulx nobles dignes de foy, ne contredit leur bon vouloir, ains promet à l'aide de Dieu l'accomplir au mieulx que faire le scauroit, selon la relation de leurs rapports, & sans rien du sien en parlant de luy adjouter; & ainsi entreprist ce dict Oeuvre, apres le tesmoignaige & le rapport d'iceulx, qui estre nommez ne veulent, afin que envieux ne deissent que aucune flaterie leur feist dire.

C H A P I T R E I I I.

*Cy dit de quels parens fut le Marechal
Boucicaut, & de sa naissance & enfance.*

Or entrons dorenavant au propos que nous entendons à poursuivre, c'est de parler du vaillant Boucicaut; à la loüange duquel veritable & sans flaterie, sera continué ce livre, à l'aide de Dieu, jusques à la fin. Fils fut du noble & tres-vaillant Chevalier Monseigneur Iean le Maingre (1), dit Bouci-

cant, lequel dict Chevalier fut moult preud'homme, & de grand sçavoir, & toute sa vie & son temps employa en la poursuite d'armes, & à l'exemple des vaillans anciens, qui ainsi le feirent, ne luy chailloit de tresor amasser, ne de quelconques choses fors d'honneur acquerir. Pour lesquels biens-faits, & sa grand vaillance, & preud'hommeie, au temps des grandes guerres en France, au vivant du chevaleureux Roy Iean, fut fait Marechal de France, lequel servit le dict Roy en ses guerres, si comme assez de gens encore vivans le sçavent, si puissamment, que de present est appellé & toujours sera le vaillant Marechal Boucicaut. Et encores pour un petit toucher de la grand'ardeur & seule convoitise qu'il avoit en la poursuite d'armes, sans ce qu'il luy chaloit de quelconque autre avoir, dirons de luy en brief, ce qu'il respondoit à ses parens & autres de ses amis, quand par plusieurs fois le blasmerent de ce qu'il n'acqueroit terres & Seigneuries pour ses enfans, veu qu'il estoit tant en la grace du Roy. *Je n'ay rien, disoit-il, vendu, ne pensé à vendre de l'heritage que mon pere me laissa, ne point acquis aussi, n'en ay, ne veuil acquerir ; si mes enfans sont preud'hommes,*

*& vaillans , ils auront assez ; & si rien ne
vaillent , dommaige sera de ce que tant leur
demeurera. Assez se pourroit dire de ce
vaillant preud'homme , qui voudroit parler
de ses faicts , & vaillances : mais pour tirer
à la matiere dont nous esperons parler , à
tant nous en souffrerons. Si ne forlignie mie
son vaillant fils , s'il est plain de bonté , car
ainsi que dit le Proverbe commun , de bonne
fouche bon syon. Sa femme , & mere de
celuy dont nous faisons nostre livre , fut
Madame Fleurie de Linieres , qui en son vi-
vant estoit tres bonne, belle, sage & tres-noble
Dame, & d'honneste vie. Né fut celuy dont
nous parlons en Touraine , en la cité de
Tours , & en baptisme eut nom Iean. Si
fut chèrement tenu de ses parens , comme
leur premier fils , & nourry joyeusement ,
comme il appartient à enfant de tel parage.
Mais le vaillant pere , dont cy dessus avons
parlé , ne dura au fils que deux ans apres
sa naissance. Si trespassa de ce siecle , dont
dommage fut au Royaume de France , aussi
à la noble Dame sa femme , qui moult le
pleura , & grand dueil en fist , & aussi fut
grand perte à ses enfans. Si fut cest enfant
bel , & doucet , & tres-plaisant à nourrir ,
qui au veufvage de la mere feut grand re-*

confort. Car au feu qu'il croissoit , grace & beauté croissoient & multiplioient en luy. Si fut enfant bel plaissant, gracieux, & de joyeux vifage, un peu sur le brunet, & assez courouré, qui bien luy fist. Si estoit avenant, joyeux, & courtois en tous ses enfantibles faicts. Et quand il fut un peu parcreu, la sage & bonne mere le fist aller à l'escole, & luy continua à y aller, tant qu'elle l'eut avec foy en ce temps de son enfance.

Tout ainsi que dict le Proverbe commun : Ce que nature donne, rien ne peut tollir ; car quoy que l'on die, dès l'enfance de l'homme se peuvent appercevoir ses inclinations, de quoy que ce soit, si comme par experience se peut chaque jour veoir. Et ce tesmoignent assez les anciennes Histoires des faicts de plusieurs vaillans, si comme de Cyrus, qui en son enfance cuidoit estre fils du Pasteur qui l'avoit nourry, & ses bestes gardoit aux champs, & il estoit de Royale lignée, & fils de la fille d'Astiages, Roy de Perse, lequel Roy l'avoit commandé à occire dès qu'il feut né, de peur qu'il le desheritast, quand en aage seroit, pour cause d'un fier songe qu'il avoit songé, qui ainsi luy fut par Sages exposé. Mais comme le dict commandement du Roy ne fust mie du tout

obey , le trouva un pasteur au bois pendu par les drapelets à un arbre. Si le nourrit sa femme comme sien : mais quand il feut parcreu , nature , qui ne peut celer ce qu'elle donne , ne voulut pas mucier en lui son noble sang , & sa Royale venuë.

(Le reste du Chapitre est aussi inutile que le commencement de cette comparaison de Boucicaut avec Cyrus).

C H A P I T R E I V .

Encores de l'enfance du dict Boucicaut.

A propos de ce que dict est dessus , dès l'enfance du noble Marechal Boucicaut , duquel nous esperons ramener à digne memoire les tres-notables , & beaux faicts par luy achevez , & accomplis , au contenu de ce livre , estoient en luy apparans ses belles , bonnes & honorables conditions , & inclinations naturelles : car ses jeux enfantelins estoient communément de choses qui peuvent signifier faicts de Chevalerie , & nature prophetisoit en cestuy cy les haults offices que Dieu & bonne fortune luy aprestoient à venir en son temps. Car il sembloit les enfans de son aage , puis alloit

prendre & saisir certaine place, comme une petite montaignete, ou aultre part, & avec luy Geoffroy son frere, qui en son parfaict aage a esté & est Chevalier de tres-grand'emprise, fort & fier à ses ennemis, hardy & de grand courage, & bel de corps, & de visage, & en si grand office, comme Gouverneur du Dauphiné; & aussi Mauvinet, leur frere de mere, qui moult vaillant Chevalier a esté en son vivant. Iceux estoient avecques luy, à garder le pas, ou le lieu contre les autres petits enfans, à qui de sa puissance chalengioient la place, & autres-fois vouloit estre l'assaillant, & par force en deboutoit les autres, puis faisoit assemblées, comme par batailles, & aux enfans faisoit bacinets de leurs chapperons, & en guise de routes de gens d'armes, chevauchant les bastons, & armez d'escorces de buches, les menoit gaingner quelques places les uns contre les autres. A tous tels jeux volontiers jouoit, ou aux barres, ou au jeu, que l'on dict le *croq madame*, ou à faillir, ou à jeter le dard, la pierre, ou si faictes choses. Mais à quelque jeu qu'il jouast, tousjours estoit le maistre, & vouloit congnoistre du droict ou du tort des autres enfans. Et dès lors estoit sa maniere Seigneuriale, & haulte; &

se tenoit droit, la main au costé, qui moult luy avenoit, regardant jouer les autres enfans, pour juger de leurs coups, & ne parloit mie moult, ne trop ne rioit. Non pas que ce luy veint d'orgueil, ne outrecuidance : car il estoit amiable, doux & humain, & courtois sur tous autres enfans, & tres-humble & tres-obeissant à son maistre, qui le gouvernoit, & à toute gent ; mais que tort on ne luy feist : car ce ne souffroit-il en nulle guise. Et telle maniere avoir à si jeune enfant, estoit demonstrence de son grand & noble courage, qui dès lors se donnoit à congnoistre. Et qu'il eust grand cœur, apparut bien une fois, que son maistre l'avoit batu, pour cause que un enfant s'estoit plaint qu'il luy avoit donné une buffe, pource qu'il l'avoit desmenty ; Boucicaut ne pleuroit point, ains tenoit sa main sous sa joue, comme tout pensif. Son maistre, qui regarda la maniere qu'il ne pleuroit point, comme font les autres enfans communément, qui pleurent quand on les a battus, luy dist asprement : *Regardez, est-il bien fier ce Seigneur là, il ne daigne pleurer.* L'enfant luy respondit : *Quand je seray Seigneur, vous ne m'oserez battre, & je ne pleure point, pour ce que si je pleuroye, on sçauroit bien que*

vous m'auriez batu. Quand il fut un peu grandelet, le faige Roy (a), qui lors vivoit, lequel n'avoit pas oublié les bons services que son pere le vaillant Marechal Boucicaut avoit faicts en son vivant au Roy Iean & à luy, aussi és faicts des guerres du Royaume de France, contre les Anglois, eut esperance que semblablement le fils seroit vaillant, & que bien estoit raison qu'il le remunerast des biensfaicts de son feu pere. Si voulut, & ordonna qu'il fust amené par deça, & qu'il demeurast à la Cour du Daulphin de Vienne, son fils, qui à present regne (b). Et ainsi feut faict. Si fut nourry avec le dict Daulphin (c) jusques à ce qu'il eut d'aage environ douze ans. Et tant comme il y feut se gouverna tres-gracieusement, tellement que le Daulphin l'avoit moult cher, & semblablement tous les autres haults & nobles enfans, qui là estoient nourris, & mesmement aussi les grans gens l'aimoient, & moult reputoient ses belles manieres sages & gracieuses, toutes telles que noble enfant taillé à venir à grand bien doit avoir.

(a) Charles V. (b) Charles VI.

(c) En qualité d'enfant d'honneur.

* C H A P I T R E V.

*Cy dit de la premiere fois que Boucicaut prist
à porter armes.*

Boucicaut , comme dict est , estoit ja venu en l'aage de douze ans , & non-obstant que ce soit moult grande jeunesse à ja commencer à porter armes , cestuy enfant outre le commun cours des autres enfans , qui en cest aage naturellement ont coustume de plus desirer à jouer avec les autres enfans que à faire quelconque autre chose , ne cessoit de se debatre , & guermenter qu'il fust armé , & allast à la guerre. Et à bref parler , non-obstant que plusieurs qui l'oyoient se rigolassent de luy , disans : *Dieu de l'homme d'armes* , tant s'en debatit , que le Duc de Bourbon (a) en ouyt parler. Et de ce qui luy feut rapporté que l'enfant disoit , & du grand desir qu'il avoit d'aller en guerre , eut moult grand ris , considerant le grand courage qu'il avoit en si jeune aage , dont il presuma que s'il vivoit encores seroit un vaillant homme , dont il feut moult joyeux : & pour le plaisir qu'il y prist , requist au Roy que il luy voulust bailler pour le mener avec luy en l'armée qu'on faisoit adonc , pour aller en Nor-

(a) Louis II, dit le Grand.

mandie, assieger & prendre les chasteaux, & forteresses du Roy de Navarre, (a) qui lors vivoit, à qui le Roy Charles avoit contens. A laquelle dicte requeste du Duc de Bourbonnois, le Roy par maniere de jeu & d'esbatement, & pour accomplir le desir de l'enfant s'y consentit : mais bonne garde luy bailla. Si fut Boucicaut armé, & mis en estat : quand il se veid habillé tout ainsi qu'il demandoit, ne convient à demander s'il eut grand joye. Et quand il estoit armé, ce ne luy sembloit mie charge, ains en estoit si joly que il s'alloit remirant comme une Dame bien atournée. Et tant se contenoit bel, que ceulx qui le voyoient y prenoient grand plaisir. Et ainsi le jeune enfant Boucicaut alla en celle armée, de laquelle feut principal chef le Duc de Bourgogne, (b) frere du Roy Charles, avec lequel estoit le Duc de Bourbon, & le bon Connestable de France Messire Bertran de Claquin, & maints autres vaillans Capitaines, & grande foison de gens d'armes. Par laquelle puissance furent pris par force maints forts chasteaux, & forteresses, c'est à sçavoir Bretueil, Beaumont, Requierville, Gauray, Saint Guillaume de Mortaing, & tant qu'il ne luy demeura que

(a) Charles le mauvais, (b) Philippe le Hardy.

Tome VI,

B

Cherebourg. Et ce faict, s'en retournerent en France. Mais tant gracieusement se gouverna l'enfant dessus dict en ce voyage, que oncques homme ne le veid lassé du fais du harnois, ne de quelconque peine qu'il convenint souffrir aux sieges, ains tousjours si joyeusement s'y contenoit, que vraiment on pouvoit juger par les contenance que armes debvoient estre son naturel mestier. Mais au retour faillit la joye de l'enfant Boucicaud : car ja cuidoit estre un vaillant homme d'armes : mais esbahy se trouva, quand on luy dist : *Or ça ça maistre bel homme d'armes, revenez à l'escole.* Si fut derechef mis à l'escole avec le Daulphin, comme devant, dont moult se trouva marry. Et ainsi comme vous oyez, fut celui voyage le premier où Boucicaud fut oncques armé : mais de bonne heure y commença : car si bien puis l'a continué, que pris n'a gueres de repos.

C H A P I T R E V I.

Cy dit comment en jeune aage Boucicaud voulut poursuivre les armes, & se prist à aller en voyages.

Ainsi un espace de temps feut l'enfant Boucicaud tenu à sejour malgré luy, avec le Daul-

phin, tant que moult luy commença à ennuier. Si se prist moult à tourmenter d'estre tiré hors de là, & de porter armes, laquelle chose moult desiroit : car bien luy sembloit que ja feust fort, & dur assez, pour donner & recevoir grands coups de lance & d'espée, & de soustenir le fais qu'il y convient. Et de ce tant mena grand noise, que le Roy ouït parler de sa grand volonté, & qu'il disoit vrayement que qui ne l'armeroit il iroit servir aucun Gentilhomme, qui luy donneroit chevaux & harnois : car plus ne vouloit ainsi sejourner en Court. Le Roy eut grand plaisir de veoir en si jeune cœur tel desir & volonté de ja venir à vaillance : & si pensa que bien retrairoit à son chevaleureux pere. Et quoy qu'il retardast de luy octroyer ce qu'il requeroit, pource que trop jeune luy sembloit, tant en fait parler au Roy, & tant le requist, que en la parfin conveint qu'il feust armé. Si le fait le Roy moult bien ordonner de tout ce qui luy convenoit, & tres-bien monter, & bonne compaignée luy bailla, & assez de quoy despenfer. Et ainsi en tres-bel estat l'envoya derechef en la compaignée du Duc de Bourbon, qui joyeusement le receut, lequel alloit avec le Duc de Bourgogne, par le commandement

du Roy, à tout belle compaignée de gens d'armes, après le Comte de Bouquingam, Anglois, qui adonc alloit domageant le Royaume de France. Si luy fut par le dict Duc de Bourgogne & sa compaignée par fois, porté maint domage, tant que à petite compaignée s'en retourna en Angleterre, & petit eut gaigné en France. En celuy voyage moult se commencerent à demonstrier les vaillances du bon courage & hardiesse du jouvencel Boucicaut. Car és escarmouches & rencontres qu'ils faisoient sur leurs ennemis, tant & si avant s'y abandonnoit que nul plus que luy ne s'y advanturoit. Et tant que merveilles estoit à veoir à si jeune enfant faire ce qu'il faisoit, & plus en eust fait encores, qui luy eust souffert. Mais assez y avoit avecques luy qui ne le souffroit faire tous ses hardis vouloirs, pource que trop se vouloit abandonner. Et mesmement le bon noble Duc de Bourbon, qui devant l'aimoit pour l'amour de son vaillant pere, l'acueillit adonc en plus grand amour, pour l'apparence & signe qu'il voyoit en luy d'estre vaillant homme. Et depuis lors l'eut moult cher en sa compaignée. Ce voyage fait, s'en retourna à Paris le Duc de Bourgogne, & le Duc de Bourbon, & Boucicaut avec eulx;

fi feut grandement receu du Roy , & du Dauphin son fils, qui ja avoient ouy parler de l'esprouve de son hardieſſe & grande volonté.

CHAPITRE VII.

Cy devise les effais que Boucicaut faiſoit de ſon corps , pour ſoy duire aux armes.

Ne ſe tient pas à tant le noble jouvencel Boucicaut. Si dit que plus ne le tiendra la Court à ſejour , & qu'il ſera doreſnavant maïſtre de ſoy. Ia luy ſemble qu'il ſoit homme, & que il doive travailler comme les autres. Si s'en partit moult toſt de Paris, & s'en alla en Guyenne avec le bon Mareſchal de Sancerre (a) , qui alloit mettre le ſiege devant Monguiſon. Et comment Boucicaut ſe mainteint en celuy voyage , nous vous dirons : tant eſtoit grande l'ardeur de la volonté qu'il avoit aux armes, que nulle peine ne luy eſtoit grieve , & ce qui eut eſté grand travail à un autre , à luy eſtoit tres-grand ſoulas. Car quand il eſtoit un peu à ſejour , adonc comme celuy que grand deſir menoit, ne ſe pouoit tenir coy. Dont maintenant s'eſſayoït à faillir ſur un courſier tout armé , puis autre fois

(a) Louis de Sancerre, Seigneur de Charenton.

couroit ou alloit longuement à pied, pour s'accoustumer à avoir longue haleine, & souffrir longuement travail. Autrefois serissoit d'un coignée, ou d'un mail grand piece, & longuement, pour bien se duire aux harnois, & endurcir les bras, & les mains à longuement ferir, & qu'il s'accoustumast à legerement lever les bras. Pour lesquelles choses exercer duisit tellement son corps, que en son temps n'a esté veu nul autre Gentil-homme de pareille appertise; car il faisoit soubrefaut armé de toutes pieces, fors le bacinet, & en dansant le faisoit armé d'une cotte d'acier. Item failloit sans mettre le pied à l'estrier sur un courfier armé de toutes pieces. Item à un grand homme monté sur un grand cheval, failloit de terre à chevauchon sur ses espaules, en prenant le dict homme par la manche à une main, sans autre avantage. Item en mettant une main sur l'arçon de la selle d'un grand courfier, & l'autre empres les oreilles, le prenoit par les creins en plaine terre, & failloit par entre ses bras de l'autre part du courfier. Item si deux parois de plastre feussent à une brasse l'une pres de l'autre, qui feussent de la hauteur d'une tour, à force de bras & de jambes, sans aultre aide, montoit au plus hault, sans

cheoir au monter, ne au devaler. Item il montoit au revers d'une grande eschelle dressée contre un mur tout au plus hault, sans toucher des pieds, mais seulement sautant des deux mains ensemble d'eschelon en eschelon, armé d'une cotte d'acier, & ostée la cotte, à une main sans plus montoit plusieurs eschelons. Et ces choses sont vraies, & à maintes autres grandes appertises faire duisit tellement son corps, que à peine peut-on trouver son pareil. Puis quand il estoit au logis, s'effayoit avec les autres Escuyers à jeter la lance, ou à autres essais de guerre, ne ja ne cessoit. Et ainsi se conteint on celui voyage, ne ja ne luy sembloit qu'il peust estre à temps à aucune besongne pour soy bien esprouver. Et quand ils feurent au siege devant la dicte forteresse de Monguison, aux assauts qui y furent faicts, là s'effayoit Boucicaut, qui legerement couroit des premiers, pour faire en toutes choses en tel cas ce que appartient à tout bon homme à faire. Et tant s'y abandonnoit perilleusement, que tous s'en esmerveilloient : pour lesquels bienfaicts, & l'apparence de sa grande hardiesse & vaillance, le prist le dict Marechal de Sancerre en moult grand amour, & dist, presens plusieurs de ses gens. *Si cest enfant vit, ce sera un homme*

*de grand faict. Et à la parfin feut prise la dicte
forteresse, & plusieurs autres chasteaux, &
forteresses feurent prises par traidé. Et apres
ce s'en revindrent en France.*

C H A P I T R E V I I I.

*Cy parle d'Amour, en demonstrent par
quelle maniere les bons doivent aimer, pour
devenir vaillans.*

(Ce Chapitre est étranger à l'Histoire).

C H A P I T R E I X.

*Cy comment dit Amour, & desir d'estre aimé,
creust en Boucicaut courage, & volonte
d'estre vaillant, & chevalereux.*

Si preint à devenir joyeux, joly, chantant,
& gracieux plus que oncques mais : & se
preint à faire Balades, Rondeaux, Virelais,
Lais, & Complaintes d'amoureux sentiment.
Desquelles choses faire gayement & doulce-
ment, amour le feit en peu d'heures si bon
maistre, que nul ne l'en passoit. Si comme
il appert par le livre des cent Balades, du-
quel faire luy & le Seneschal d'Eu feurent
compaignons au voyage d'oultre mer. Et
voulut avoir robes, chevaux, harnois, &
tous habillemens cointes, & faitis, plus que

il ne souloit. Ia avoit choisy Dame belle & gracieuse (a), & digne d'estre aimée, si comme amour l'avoit admonesté, pour laquelle preindrent ses pensées à croistre de plus en plus en desirs chevaleux. Si prist devise & mot propice à l'entente, & propos de son amour, qu'il porta en tous ses habillemens. Et feut secretement en son courage desireux de tant faire par bien servir, celer, & par vaillance, & poursuivre armes, que l'amour de sa Dame peut acquerir. Si la voyoit quand il pouvoit, sans blafme d'elle. Et quand à danse ou à feste s'esbatoit, où elle feut, là nul ne le passoit de gracieuseté & de courtoisie en chanter, en danser, en rire, en parler, & en tous ses maintiens. Là chantoit chansons & rondeaux, dont luy-mesme avoit faict le dict, & les disoit gracieusement, pour donner secretement & couvertement à entendre à sa Dame, en se complaignant en ses rondeaux, & chansons, comment l'amour d'elle le destaignoit. Mais il ne feut mie tost hardy de plainement dire sa pensée, comme font les lobeurs du temps present, qui sans desserte vont baudement aux Dames

(a) Antoinette de Turenne, fille aînée de Raymond, Vicomte de Turenne, Comte de Beaufort, & d'Eléonor de Comminge.

requerir qu'ils soyent ayez : & de faintiſes & faulx ſemblans, pour elles decepvoir bien ſe ſçavent aider. Ainſi ne ſeit mie l'enfant Boucicaut, ains devant elle & entre toutes Dames eſtoit plus doux & bening que une pucelle. Toutes ſervoit, toutes honnoroit, pour l'amour d'une. Son parler eſtoit gracieux, courtois, & craintif devant ſa Dame. Si celoit ſa penſée à toute gent, & ſagement ſçavoit jecter ſon regard & ſes ſemblans, que nul n'apperceust où ſon cœur eſtoit. Humblement & douteuſement ſervoit amour, & ſa Dame. Car il luy ſembloit qu'il n'avoit mie aſſez faiſt de bien, pour ſi haulte choſe requerir & demander, comme l'amour de Dame, & pource mettra ce diſt toute peine que par ſon bienfaire elle ſoit eſmeue à l'aimer, & le prendre en grace, & voudra toutes ſes manieres & conditions & contenances amender, & continuer de mieulx en mieulx pour l'amour d'elle. En celuy temps eſtoit aſſez de nouvel couronné le Roy Charles fixieſme du nom (2), qui à preſent regne. Adonc commencerent à multiplier feſtes & jouſtes, & danſes en France, plus que de longtemps n'y avoit eu, pour cauſe du jeune Roy, à qui jeuneſſe, puissance, & Seigneurie, admeſtoient de ſe ſoulacier & eſba-

tre, comme à jeune cœur qui a puissance est chose naturelle. Si faisoit le Roy au temps de lors souvent & menu de belles festes à Paris, & ailleurs, où haultes Princeesses, & Dames, & Damoiselles, de toutes parts estoient mandées. Si peut-on sçavoir que maintes en y avoit de belles, joliès, & richement atournées. Là s'efforçoient ces jeunes Chevaliers & Escuyers d'estre jolis, cointes, & avenans : car la veue de tant de nobles & belles Dames leur accroissoit le courage & volonté d'estre amoureux & avenans plus que oncques. Mais là estoient les joustes à tous venans grandes, & plainieres. Si ne s'y faingnoient Gentilshommes, de chascun endroit soy monstrier son vasselage pour l'amour des Dames. Là estoit le jouvenceul Boucicaut, joly, richement habillé, bien monté, & bien accompagné, lequel en recepvant le doux regard de sa Dame, lance baissée vous poignoit son destrier de telle vertu, que plusieurs en abatoit en son encontre. Et tant bien s'y contenoit, que chascun s'esmerveilleoit de ce qu'il faisoit. Car moult jeune d'aage encores en celuy temps estoit. Si faisoit à merveilles parler de luy, & les Dames, & toutes gens par grand plaisir le regardoient & grand plaid en tenoient,

que vous en feroye long compte. Ainsi comme vous oyez croissoit amour au courage de Boucicaut desir , & volonté d'estre vaillant. Si ne fera mie dorenavant des derniers en toutes besongnes belles & honorables ; où employer se pourra. Toutes ses pensées, & autres toutes bonnes volontez fait amour croistre & multiplier au couraige de Boucicaut, lequel bien le meit à effect. Comme il apperra par la description de ses bons faicts, & poursuite de Chevalerie, comme nous dirons cy-aprés.

C H A P I T R E X.

*Cy dit comment Boucicaut fut fait Chevalier,
& des voyages de Flandres.*

Afin que tous ceulx qui ce présent Livre verront, & orront, sçachent & voyent clairement comment sans juste cause, ne sont mie meus les dessus dicts Chevaliers, & Gentils-hommes, par le mouvement desquels, & ordonnance, ce present Livre est fait, à vouloir & desirer que le nom du vaillant homme, de qui nous voulons traicter en cestuy volume, soit mis en perpetuelle memoire au monde, pour donner comme devant est dict exemple à tous ceulx qui

desirent au hault honneur, & prouesse de Chevalerie, en demonstrent qu'à ce ne peut nul atteindre sans grands travaux, & labeur continuel en armes, & en bons faicts, leur plaist que après leurs tesmoignage autentique, & digne de foy, je declare & demonstre en ceste presente escriture tout au long & par quelle maniere le bon Boucicaut a employé sa vie diligemment & continuellement en exercice d'armes, & en faicts de vaillance, & que en racomptant les faicts, & les voyages où il feut, commenceant dés sa premiere jeunesse jusques à ores, je puisse demonstrier s'il a son temps employé en oisiveté, & folie. Pour entrer en la narration des choses touchées, il est à sçavoir que environ le temps dessus dict, les Flamans se rebellerent contre leur Seigneur le Comte de Flandres (a), & de faict le chasserent. Pour laquelle chose le dict Comte veint devers le Roy de France Charles sixiesme du nom, qui à present regne, comme à son souverain Seigneur, requerir aide & secours contre iceulx, pour subjuguier & remettre en obeissance les villes de Flandres, & le dict pays, comme Seigneur doit secourir son vassal, si besoing en a, & il l'en requiert. Et aussi à la priere du Duc Philippes

(a) Louis, dit le Mâle.

de Bourgogne, oncle du dict Roy, lequel Duc avoit espousé Marguerite, fille du fufdict Comte de Flandres. N'y envoya pas le Roy tant feulement, ains lui même en propre perfonne y alla(a), accompagné de fes oncles, & de ceulx de fon noble fang, à moult grande Baronnie, & tres-grand oft de Chevaliers, & de gens d'armes. En celuy voyage alla le jouvencel Boucicaut, qui encores eftoit moult jeune : mais nonobftant fon jeune aage y fut fait Chevalier de la main du bon Duc de Bourbon, oncle du Roy, qui moult l'avoit cher, & en laquelle compaignée & fous lequel il eftoit. Là s'affemblersent par leur préfomption les Flamans à bataille contre leur fouverain Seigneur le Roy de France, & contre leur naturel Seigneur le Comte de Flandres, dont la mercy Dieu, qui à toutes chofes juftement pourveoit leur en prift comme il doibt faire à tous fujets, qui contre leur Seigneur fe rebellent. Car en leur pays mefmes és plaines de Rosebech feurent, prefent le Roy, eftant armé en la bataille, nonobftant qu'il feuft encores en-

(a) Charles VI fut à S. Denis recevoir l'oriflamme des mains de l'Abbé, & la confia au grand Maître de fa Maifon, Philippe de Villers Lifle-Adam, avec toutes les cérémonies d'ufage.

fant, morts & desconfits soixante mille Flamans. Advint en icelle bataille que le Chevalier nouvel, dont nous parlons, se voulut par sa grande hardiesse coupler main à main à un Flamand, grand & corfu. Si le cuida ferir à deux mains de la hache qu'il tenoit. Le Flamand, qui le veid de petit corsage, presuma bien que encores estoit enfant, si le desprisa, & si grand coup luy frappa sur le manche de sa hache que il lui feit voler des poings, en lui disant : *Va teter, va enfant.* Or veois-je bien que les François ont faute de gens, quand les enfans menent en bataille. Boucicaut, qui ce oïit, & qui grand deuil eut que sa hache estoit perdue, tira tantost la dague, & soubdainement se fiche sous le bras de l'autre, qui jamais ne l'eust cuidé. Si luy donna si grand coup au dessous de la poitrine, que il faulsa tout le harnois, & avec toute la dague luy ficha és costez, & il cheut en terre de la douleur qu'il sentit, ne puis ne luy messeit. Si luy dit Boucicaut par mocquerie : *Les enfans de ton pays se jouënt-ils à tels jeux ?* D'autres beaux coups & aventureux bienfaicts feit le nouvel Chevalier à ceste besongne, & tant & si bien s'y porta, que il donna bonne esperance de son faict à tous ceulx qui le voyoient.

Et ainsi feut tout le pays de Flandres subjugué par le Roy de France. Et tout ce faict, le Roy s'en retourna à Paris. Mais les Flamans indignez contre les François, & desirans de eulx se vanger s'ils eussent peu, après que veirent bien le Roy se feut party pour ce qu'ils ne pourroient forçoyer contre le Roy, & que leur puissance estoit trop petite, pour grever les François, appellerent les Anglois à leur aide, & les meirent en leurs pays : dont quand le Roy le sceut il y retourna, c'est à sçavoir l'année d'après. Et cestuy feut le voyage de Bourbourg, où le Roy prist Bergues d'assault, où les Anglois estoient qui s'enfuirent. A cest assault, & és autres besongnes ne fut mie des derniers Monseigneur Boucicaut, ains si bien s'y porta que nul mieulx. Et ainsi, par trois années le Roy alla en Flandres (3), tant qu'il rendit les Flamans & tous le pays subjeet à luy, & obeissant à leur naturel Seigneur. Le Roy apres la prise de Bergues, en s'en retournant en France, laissa son Connestable Clisson à Teroüenne, accompagné de bonnes gens d'armes, pour garder la frontiere. Mais le jouvencel Boucicaut ne ressembra mie ceulx lesquels apres le grand travail fuyent tant qu'ils peuyent au repos & aise

aïse comme font les nouveaux & tendres, ains voulut à toutes fins demeurer en garnison avec le dict Connestable.

CHAPITRE XI.

Comment Boucicaut feut la premiere fois en Prusse, & puis comment la deuxieme fois il y retourna.

Après le département de la frontiere dessus dicte, né s'en voulut mie retourner Monseigneur Boucicaut à Paris, ains les autres faisoient, ains dit que il accompliroit le desir qu'il avoit d'aller en Prusse. Et comme communément font les bons qui voyager desirent, pour accroïste leur prix, . entreprist adonc celui voyage. Si se partit, & bien accompagné s'en alla en Prusse, là où se mist en toute peine à son pouvoir de porter dommage aux Sarrafins (4), & là demura une saison, puis s'en retourna en France. Bien fut temps, & assez avoit desservy, que il eut de joye de reveoir sa Dame, & n'est pas doubte que son gracieux cœur, jeune, gentil, & tout parfait en loyauté, sentoît ardemment la pointure du desir amoureux, qui tire les amans à convoiter veoir leurs amours, quand tres-loyaument aiment; mais nonobstant ce desir, qui point de lui ne parloit, vouloit

avant qu'il s'aventurast à requérir si grand don comme l'amour de sa Dame, le desservit par bien faire. Si prisoit tant si hault don, que il ne luy sembloit mie, si comme dict est, qu'il peust assez faire pour si grande grace acquerir, & tous ses faicts tenoit à peu de chose envers si riche guerdon. Mais Amour, qui ne desprise pas les humbles servans, ne leur souffre mie, pourtant s'ils n'osent grace demander, perdre leur doux loyer & merite, & que ceulx, qui en vaillance si bien s'espreuvent que il en soit renommée, ne soient apperceus de leurs Dames estre vrais loyaux amoureux, & que Amour ne die & mette en oreille aux belles pour qui ils se penent, comme leurs vrais amans s'efforcent de valoir pour l'amour d'elles. Parquoy souventesfois tant y met peine Amour que elle esveille courtoisie, qui tant s'en entremet avec franche volonté, que iceulx sont aimez sans que ils le sçaichent. Et tout ce leur est pourchassé par leurs biensfaicts, & haultes dessertes. Si croy bien que par celle voye peut advenir M^{re} Boucicaut à sa gracieuse entente sans vilain penser. Car trop feust la Dame vilaine, qui refusast un tel servant; parquoy je tiens que à son retour lui pourchassoit Amour joye, & tout le doux accueil que à son amant Dame

par honneur peut donner & faire. Et ainsi Boucicaut retourna en France, où il fut un peu à Paris à séjour. Au temps de lors avoit paroles de traité entre les François, & Anglois, auquel traité allerent à Boulongne le Duc de Berry, & celui de Bourgongne, oncles du Roy. Si voulut Boucicaut pour tousjours son honneur accroistre en voyageant, & voyant de toutes choses aller avec eulx au dict traité, & retourna avec les dicts Nosseigneurs. Et pource que il lui sembla que on ne besongnoit mie moult adonc en France en fait de guerre, pour tousjours employer sa jeunesse en bien faire, s'en retourna la deuxiesme fois en Prusse, où l'on disoit que celle saison devoit avoir belle guerre. Là demeura un temps, puis s'en reveint en France (5).

CHAPITRE XII.

Comment Messire Boucicaut apres le retour de Prusse alla avec le Duc de Bourbon devant Taillebourg, & devant Bertueil, qui furent pris, & autres chasteaux en Guyenne.

Au temps de lors les Anglois occupoient moult le Royaume de France en plusieurs lieux, c'est à sçavoir maintes villes & chasteaux que ils tenoient par force, tant en

Picardie, comme en Guyenne & autre part. Combien que Dieu mercy, par la vaillance des bons François ja en estoit le pays moult descombré, & tousiours alloit en amandant au proffit du Roy de France, par les bons vaillans qui peine y mettoient. Entre lesquels bons & vaillans estoit le bon Duc de Bourbon dessus nommé, qui aux diés Anglois faisoit souvent maintes envahies, dont il yffoit à son honneur. Et pour ce, comme dit le proverbe commun, que chacun aime son semblable, pourtant qu'il estoit bon, aimoit-il moult cherement Boucicaut, pour cause qu'il le voyoit hardy, & vaillant, & passer tous les jouvenceaux de son aage. Si le tenoit volontiers près de luy, & grand plaisir avoit que il feust en sa compaignée. Si avint en la saison apresque le diés Boucicaut fut retourné de Prusse, comme diés est, que le Duc de Bourbon s'appresta pour aller en Guyenne, mettre le siege devant aucuns chasteaux, que les Anglois tenoient. Si mena avec luy moult belle compaignée. C'est à sçavoir mille cinq cent hommes d'armes, & foison de traict. En celle compaignée ne s'oublia pas le bon Boucicaut, qui moult enuis eust demeuré derriere. Ains tout ainsi que les belles Dames ont coustume se resjouir d'aller à feste, ou

les oiseaux de proye quand on les laisse voler après la proye, se resjoüissoit celuy gracieux jouvencel d'aller en armée. Quand le Duc de Bourbon fut en Guyenne, il meit le siege devant Taillebourg, qui moult estoit fort chastel, & fut prins par force. Puis alla mettre le siege devant Bertueil (a), qui est une forteresse de grand force, & là trouverent moult grand defence. Là feut faicte une mine deffoubs terre, laquelle feut si bien continuée, que elle perça le mur du chastel, tant que les ennemis la veindrent defendre, & là endroict à estriver. Contre les diés ennemis feut des premiers Boucicaut, qui à pousser de lance & d'espée main à main vaillamment se combatit, & longuement y souffrit. En telle maniere que par luy & par ceulx qui le suivoient fut pris le dict chastel, où moult eut grand honneur Boucicaut, & moult l'en priferent ses bons amis. Apres ces forteresses prises, le Duc de Bourbon alla devant un autre fort chastel appellé Mauleon. Là feut livré fort assaut, & au dernier feut pris par mine, & par eschelle, où feurent faictes moult de belles armes. Le premier en eschelle feut Boucicaut, qui longuement se combatit, & tant

(a) Verteuil en Angoumois.

que nonobstant les pesans coups que on luy lançoit d'amont tant de pierres , comme d'espées , nul ne le peut garder que il ne feust des premiers sur le mur : & là feit tant d'armes que plus faire nul n'en pourroit. Ces choses faictes , le Duc de Bourbon alla devant un autre chastel appellé le Faon , mais la prise des autres forts chasteaux espouventa ceulx qui dedans cestuy estoient , pource que ils voyoient que moult estoit le Capitaine & sa compaignée vaillans. Si n'oserent attendre l'assault , ains se rendirent à la volonté du bon Capitaine , & pareillement se rendit au Duc de Bourbon un autre fort chastel appellé le bourg Charante. Pour ce que tout ne se peut dire ensemble , convient parler des matieres l'une apres l'autre. Si est à sçavoir que tandis que le siege duroit devant Bertueil , veindrent nouvelles en l'ost que les Anglois s'estoient assemblez , pour aller combattre une forte Eglise de nostre Dame. Ces choses ouyes , s'assemblerent une compaignée de Chevaliers & Escuyers , desireux d'acroistre leur honneur & renommée , & dirent que ils leur seroient au devant. Boucicaut , qui autre chose ne queroit fors aventure d'armes , voulut estre de la route , & tant qu'ils feurent par route

trente Chevaliers , & Escuyers , tous de de grande renommée. De celle compaignée fut Capitaine & conduiseur , pour ce que le pays sçavoit , & les destours , & les adresses , un Chevalier , qui au dict siege estoit , que on nommoit Messire Emery de Rochechouart. Si monterent tantost à cheval les trente bons Gentils-hommes , bien habillez de leurs harnois , & tant allerent par destours que ils vindrent à rencontrer les Anglois , qui garde d'eulx ne se donnoient , & bien estoient en nombre soixante dix. Tantost s'entrecoururent sus , & forte & aspre feut la bataille , qui n'estoit mie pareille. Car plus du double les Anglois estoient : mais nonobstant ce , tant s'y porterent vaillamment les nostres , & tant feut bien chacun endroiçt soy , que les Anglois furent à la parfin tous morts , & desconfits , excepté neuf qui s'enfuirent. Ce faict , le dict Messire Emery de Rochechouart les mena advanturer devant un chastel bien garny , appelé le Bourdrun (a) ; lequel par leur vaillance ils combattirent trois fois en un jour : mais pour ce que trop peu de gens estoient ne le peurent prendre , si leur en conveint partir.

(a) Bordrun.

C H A P I T R E X I I I.

*Cy diſt comment le Duc de Bourbon laiſſa
Meſſire Boucicaut és frontieres ſon Lieu-
tenant, & comment il jouſta de fer de glaive
à Meſſire Sicart de la Barde.*

Ia s'eſtoit tant eſprouvé Meſſire Boucicaut ,
que ſa vaillance, laquelle avec la force luy
croiſſoit de jour en jour , eſtoit congneüe &
maniſtée à tous ceulx qui ſe trouvoient en
armes en place où il fuſt. Parquoy ſi grand
honneur luy feit le Duc de Bourbon que
au partir du pays, apres les deſſus diſts
chasteaux pris, comme diſt avons cy devant,
& que il s'en voulut partir & venir en
France, le feit ſon Lieutenant és frontieres
& au pays de delà , & ne laiſſa mie pour
ſon jeune aage , que il ne luy laiſſaſt grand
charge de gens d'armes. Et avec luy deme-
rerent Meſſire le Barrois, Monſeigneur de
Chasteaumorant , & Meſſire Regnauld de
Roye, cent cinquante hommes d'armes, &
cent arbaleſtriers. Si n'en fut mie deçu le
Duc de Bourbon de là le laiſſer. Car n'y
demeura pas en oiſiveté, ne en vain. Car
nonobſtant l'hyver, & la dure ſaiſon, alla

tantost assaillir une forteresse appelée la Granche (a), laquelle ils combattirent par trois jours, puis fut prise. Ne se deporta pas à tant en celuy hyver, ains ainsi comme en icelle morte saison les Gentils-hommes se feulent esbatre à chasser aux Connins & lievres ou autres bestes sauvages, le bon Boucicaut par maniere de soulas s'esbatoit à chasser aux ennemis; & le plus souvent ne failloit mie à prendre. Et tout ainsi comme on a de coustume prendre icelles bestes en diverses manieres, c'est à sçavoir à force de bons chiens, ou par traict d'arc, & de dards ou par bourfes & filets, ou autres manieres de les decevoir, ainsi semblablement le vaillant Capitaine, qui contre ses ennemis se devoit aider de plusieurs sages cauteles, les surprenoit en maintes manieres. Si voulut aller assaillir la forteresse de Corbier (b), & va ordonner une embusche, où il feut, & avec luy Messire Maüvinet, son frere, & ses autres dessus dicts compaignons, tant que ils feurent vingt huit Chevaliers, & Escuyers sans plus, tout homme d'esslite. Et ordonna que une route de ses autres gens d'armes iroient courir par devant la dicte forteresse. Et ainsi feut fait: car il s'alla

(a) Ou Des Granges. (b) Corbie.

embuscher au plus pres qu'il peut du chastel; & se cacha tout coyement entre arbres, & mafures, qui là estoient. Tantost apres veindrent courir ceulx qu'il avoit ordonnez par devant le chastel. Quand ceulx de dedans veirent nos gens courir par devant eulx, tantost faillirent dehors, & les meirent en chasse. Car tout de gré les nostres fuyoient. Quand ils seurent davantaige eslongnez, adonques faillit l'embusche; & prirent à courir vers la porte du chastel pour eulx ficher dedans. Quand la Guette du chastel veid faillir l'embusche, tantost escria par son signe au Capitaine, & à ceulx qui estoient avec luy faillis dehors que ils retournassent, & ils le feirent tantost. Mais si tost ne sceurent arriver, que ils ne trouvassent ja Mefire Boucicaut combatant à pied pardevant la porte. Car tout le premier devant ses compaignons, comme le plus courageux, estoit là arrivé, où il faisoit merveilles d'armes; mesmement devant que ses compaignons veinssent. Car ja avoit pris le compaignon du Capitaine, qui le plus vaillant de ceulx de dedans estoit. Ia estoient ses gens arrivez, avant que ceulx du chastel peussent estre retournez. Lors commença la bataille grande & fiere: mais tant y ferit le bon Boucicaut

avec sa compaignée , que ceulx du chastel feurent tous morts & pris , exceptez cinq qui s'enfuirent , & se bouterent au chastel , tandis que les autres se combatoient. Quand ce feut fait , Boucicaut avec les siens se va loger devant le chastel , & envoya querir tout le demeurant de ses gens. Si meit son siege par belle ordonnance. Quand ceulx de dedans veirent ce , ils n'oserent attendre l'assault , ains se rendirent , sauves leurs vies. Si feit Boucicaut la forteresse raser par terre. Et après s'en retourna en son logis : car il en y avoit qui mestier avoient de repos. Mais comme Messire Boucicaut lassoit guairir ses gens & reposer , luy fut rapporté que un Chevalier Anglois de Gascongne , appellé Messire Sicart de la Barde , avoit par maniere d'envie dit de luy aulcunes paroles , comme en disant que il n'avoit mie le corps taillé d'estre si vaillant comme on le tenoit. Pour lesquelles paroles , nonobstant que celuy fust un des beaux Chevaliers que on sceust , & tres-vaillant homme d'armes , luy manda Boucicaut , que pour ce que il le sçavoit un des meilleurs & des plus beaux Chevaliers que on sçeut , il se tiendroit moult honoré d'avoir aulcune chose à faire avec luy , & pour ce le prioit que il luy voulust

faire cest honneur que il luy voulust accomplir aucunes armes telles comme luy mesme voudroit choisir & deviser, Car il estoit jeune & novice en fait d'armes, si avoit bien mestier d'estre appris & enseigné d'un si vaillant homme comme il estoit. Quand le Chevalier eut entendu ceste requeste, pour ce qu'il se sentoit bon jousteur, il luy remanda qu'il luy accompliroit volontiers un certain nombre de coups de fer de glaive. Ceste chose accordée, la journée feut emprise, & la place où seroit. Quand ce veint au jour devisé, Messire Boucicaut se partit bien monté, & bien habillé, accompagné des principaux Gentils-hommes des siens, & alla devant le chasteau de Chaulucet; de laquelle garnison le dict Messire Sicart de la Barde estoit: car par sa grande hardiesse avoit le dict Messire Boucicaut accepté la place devant la dicte forteresse. Là s'assemblerent les deux Chevaliers à la joust: Le premier coup ne faillit pas Messire Sicart, ains assena Messire Boucicaut en targe si grand coup, que à peu ne le feist voler des arçons. Ne l'assena pas à celuy coup Boucicaut, pour son cheval qui se desfroya. Si feut durement couroucé. Les lances leur feurent rebailées, & derechef poignirēt

L'un contre l'autre. A celui coup ne faillit mie Boucicaut, qui grand peine meit à bien viser. Si assena son compaignon en la visiere, que il rompit les boucles, & à peu qu'il ne luy fist voler le bacinet du chef, & du coup fut si estourdy, que qui soustenu ne l'eust, il alloit par terre. La tierce fois poignirent l'un contre l'autre, il assena Messire Boucicaut, si que la lance vola en pieces, & l'eschine luy feit plier. Mais Boucicaut le assena tellement, qui n'eut si bon harnois qu'il le garentist qu'il ne luy fischaft la lance par entre les costez, & le porta par terre, si que on cuidoit qu'il fust mort : Et ainsi finit ceste Iouste sans parfaire le nombre des coups, qui vingt debvoient estre. Mais l'essoine de l'une des parties acheva l'emprise. Si s'en partit Messire Boucicaut à tres-grand honneur; & assez tost apres le Duc de Bourbon, par le commandement du Roy, l'envoya querir. Si s'en retourna à Paris.

C H A P I T R E X I V.

Comment Messire Boucicaut jousta de fer de glaive à un Anglois appelé Messire Pierre de Courtenay, & puis va à un autre nommé Messire Thomas de Clifort.

Quand l'hyver fut passé, & le renouvel du doux printemps fut revenu, en la saison que toute chose meine joye, & que bois & prez se revestent de fleurs, & la terre verdoye, quand oisillons par les boscaiges menent grand bruit, lors que rossignols demeinent glay, au temps que Amour faict aux gentils cœurs aimans plus sentir sa force, & les embrase par plaissant souvenir, qui faict naistre un desir, qui plaifamment les tourmente en douce langueur de savoureuse maladie. Adonc au gay mois d'Avril, estoit le bel gracieux, & gentil Chevalier Messire Boucicaut à la Court du Roy, où festes & danſes souvent se faisoient. Si estoit gay & joly, richement habillé, & en toutes choses si avenant, que nul ne le passoit. Si croy bien que quand Amour departoit ses grands trefors, & ses tres-douces joyes, qu'il n'oublioit mie Boucicaut son loyal servant, qui tout bien des-

fervoit. Si le nourrissoit ainsi Amour de ses doux mets, tandis qu'il avoit temps & aise de veoir sa douce Dame. Mais vaillantise, qui ne le laissoit longuement estre à sejour, luy tournoit son plaisir en grande amertume, quand la belle eslongnoit. Si le conduisoit douce esperance, qui luy disoit qu'à son retour seroit doucement receu de sa plaisante maistresse, pour l'amour de laquelle il feroit tant, qu'elle en oïroit toutes bonnes nouvelles. Et ainsi apres qu'il eust eu des doulx biens amoureux en celle dicté plaisante saison, pour les mieulx desservir, voulut de rechef Boucicaut aller au labour d'armes en frontiere au pays de Picardie. Dont il adveint tandis qu'il estoit là, que il ouït dire que un Chevalier d'Angleterre, appellé Messire Pierre de Courtenay, lequel estoit passé en France, s'alloit vantant qu'il avoit traversé tout le Royaume de France, mais oncques n'avoit peu trouver Chevalier, qui eust osé jousler à luy de fer de glaive, & si s'en estoit mis en son devoir de le requerir. Quand Messire Boucicaut eut ouy ceste vantise, moult en eut grand despit. Et tantost par un Herault luy manda que il ne vouloit mie que il eust cause de tant se plaindre des Chevaliers de France, comme que ils

luy eussent failly de si peu de chose, comme de jousler de fer de glaive, & que luy, qui estoit un des plus jeunes, & du moindre pris, si ne luy faudroit mie de gregneur chose. Si voulust adviser toutes telles armes comme il luy plairoit, & il les luy accompliroit tres-volontiers. Laquelle chose fut tres-briefvement faicte. Car bien sembloit à celuy de Courtenay, qui moult estoit vaillant Chevalier, & tres-renommé, que de Boucicaut viendroit-il tost à chef. Si assemblerent à la jousle les deux Chevaliers : mais sans que j'alonge plus ma matiere, pour deviser l'assiete des coups d'un chacun; pour dire en brief, tous leurs coups parfirent; mais ce feut si bien & si grandement au bien de Boucicaut (6), que il en faillit à son tres-grand honneur & loüange.

Pour laquelle chose tantost après, par maniere d'envie, un autre Chevalier d'Angleterre, Thomas de Clifort, l'envoya requérir de faire certaines armes nommées, lesquelles il luy accepta tres-volontiers. Et nonobstant que le droit & coustume d'armes soit telle, que le requerant va & doit aller devant tel Juge comme celuy qui est requis veult essire, Messire Boucicaut doubtant que il peust estre empesché par le Roy., ou autre de nos
Seigneurs

Seigneurs de France , si ceste chose leur venoit à congnoissance , ou que le Iuge que il esliroit ne les y voulust recevoir , alla accomplir les dictes armes à Calais devant Messire Guillaume de Beauchamp , pour lors Capitaine de Calais , & oncle du dict Messire Thomas. Quand ils feurent au champ , & vint à la jousté , sans faille tous deux moult vaillamment le feirent : & à la parfin de leurs coups , Messire Boucicaut porta à terre de coups de lance Messire Thomas , cheval & tout en un mont : si descendit tost à pied Boucicaut , & se prirent aux espées. Et sans plus alonger le compte des armes qu'ils firent à pied , c'est à sçavoir d'espées , de dagues & de haches , sans faille Messire Boucicaut tant y feit , que tous dirent que il estoit un tres-vaillant Chevalier. Et ainsi en faillit à son tres-grand honneur.

Après ces choses , en celle mesme année le Roy eut Conseil que grand bien seroit pour luy & pour son Royaume , & grande confusion à ses ennemis , si luy mesme passoit à grand puissance en Angleterre. Si fut fait adonc à celle entente moult grande armée , en laquelle fut baillé à M^{re} Boucicaut la charge de cent hommes d'armes. Mais ne tint pas le dict voyage (7) ; car avant qu'il peust estre mis sus du tout , l'hyver

vint si fort que despecer le conveint. Et feut appellée celle allée le voyage de l'Escluse, parce que là vouloit le Roy monter en mer, & jusques là alla. Si s'en retourna en France. Et ainsi fut Messire Boucicaut à sejour celle saison, dont ne despleut mie à celle qui de bon-cœur l'aimoit, qui maintes hachées souventesfois avoit en son cœur pour les perilleuses adventures où il s'abandonnoit.

C H A P I T R E X V.

Comment Messire Boucicaut alla en Espagne, & comment au retour le Seigneur de Chateaufneuf Anglois entreprist à faire armes à luy, vingt contre vingt, & puis ne le voulut ou n'osa maintenir.

Ceste année ensuivant (8) adveint que le Duc de Lanclastre à tres-grande puissance alla en Espagne pour detruire le pays; & pource que il n'avoit mie intention de tost retourner, mena avec luy sa femme & ses enfans. Si avoit en son aide le Roy de Portugal, à cause de certaines alliances qui estoient entre eulx. Quand le Roy d'Espagne se veid ainsi oppressé de ses ennemis, il envoya tantost ses messaigers devers le Roy de France, le sup-

plier que il luy voulust envoyer brief secours : de laquelle chose le Roy dit que ce feroit-il tres-volontiers. Si y envoya Messire Guillaume de Nouillac (a), & Messire Gaucher de Pafac (b), avec certain nombre de gens d'armes. Mais tantost après le Duc de Bourbon y alla avec grand foison de gens, avec lequel Messire Boucicaut alla. Si y eut si belle compaignée, que quand le Duc de Bourbon avec ceulx qui estoient allez devant furent ensemble, ils se trouverent en nombre de gens d'armes bien deux mille. Adonc pour le secours qui alors veint au Roy d'Espagne, les Anglois qui ne veirent leur advantaige à celle fois, se retrairent en Portugal. Et quand le Duc de Bourbon eut esté une piece au pays, pource que il luy sembla que on ne faisoit mie moult, il s'en partit pour retourner en France, & passa en retournant par le Comté de Foix. Là se trouvoit aucunes fois Messire Boucicaut en compaignée d'Anglois, où ils beuvoient & mangeoient ensemble quand le cas s'y adonnoit. Et adonc pour ce que les dicts Anglois apperceurent quelques abstinences que le dict Messire Boucicaut faisoit, demanderent si c'estoit pour faire armes, & si c'estoit pour ceste cause que tost trouveroit

(a) De Neully.

(b) De Pafay.

qui l'en delivreroit. Boucicaut leur respondit que voirement estoit ce pour combattre à oultrance : mais que il avoit compaignon, c'estoit un Chevalier nommé Messire Regnault de Roye, sans lequel il ne pouvoit rien faire. Et toutesfois, s'il y avoit aucuns d'eulx qui voulussent la bataille, il leur octroyoit, & que à leur volonté prinsrent jour tant que il l'eust fait à sçavoir à son compaignon. Et encores s'ils vouloient estre plus grand nombre, il se faisoit fort de leur livrer partie tant que ils voudroient estre, c'est à sçavoir, depuis le nombre de deux jusques au nombre de vingt. Si allerent tant avec ces paroles, que un Seigneur Anglois du pays, que on appelloit le Seigneur de Chateaufort, & estoit parent du dict Comte de Foix (a), accepta ceste bataille : c'est à sçavoir vingt contre vingt, dont des Anglois celui dict Seigneur devoit estre chef, & des François Messire Boucicaut. Si fut ainsi ceste chose accordée des deux parties, & devoit Boucicaut querir Iuge. Si eurent le Duc de Bourbon, & de ce l'alla tant requerir que il s'y accorda, & pour l'amour de luy voulut bailler bons ostages pour tenir la place seure : mais je ne sçay si les Anglois trouverent en ce leur excuse pour delaisser la

(a) Gaston Phebus.

chose, & que repentifs de celle emprise fussent; car ny le Duc de Bourbon, ny plusieurs autres que Messire Boucicaut leur presenta, ils ne voulurent accepter pour Iuges.

Quand Messire Boucicaut veid ce, moult luy en pesa, pour ce que bien voyoit que ja s'en repentoient. Parquoy luy, qui sur toute chose desiroit la bataille, afin que ils ne s'en peussent excuser, & que plus ne sceussent que dire, leur offrit que la bataille fust devant le Comte de Foix : mais le dict Comte ne le voulut oncques accepter, ne leur tenir place. Si demeura ainsi la chose au tres-grand honneur de Boucicaut. Et le Duc de Bourbon, luy party du Comté de Foix, s'en vint par le Duché de Guyenne, & alla combattre une ville appellée le Bras Saint Paul, auquel lieu on fit de moult belles & chevaleureuses armes, & par especial de la personne de Boucicaut en eschele, & autrement à grand danger & peril : car les fossez estoient profonds de plus d'une lance, & tranchez à plain comme un mur, & si y avoit moult grand garnison qui bien defendoit la place. Mais nonobstant ce, quand ce veint au fort de l'assault, Boucicaut au hardy courage sans rien doubter faillit és fossez sans'aide nulle, & plusieurs autres le suivirent, pour gravir

& monter sur un pont qui là estoit , dont les ennemis avoient despiecé plusieurs ais , & alloit le dict pont droit à leur porte sans pont levis. Mais l'on n'y pouvoit aller sans le danger de deux tours , & avec ce les dicts ennemis avoient fait devant la dite porte , comme du long d'une lance loing un bon & fort palis qui estoit gardé des dictes deux tours. En ce fossé , comme dict est , estoit Boucicaut & autres , auxquels le Duc de Bourbon envoya une eschele pour monter sur le dict pont , à laquelle dresser à grand diligence meit la main Boucicaut , & tout le premier monta sus , & tout devant les autres vint au palis d'enhault. Mais après luy monterent tant d'autres desireux semblablement d'avoir honneur à la journée , comme bons & vaillans , que l'un empeschoit l'autre. Si que en nulle guise ne pouvoient combattre de leurs lances pour la petitesse de la place.

Quand Boucicaut veid que ainsi empeschoient l'un l'autre , il bouta & feit cheoir l'eschele pour faire descendre la grand charge de gens qui dessus estoit. Si ne fault mie parler comment là estoient bien servis de grosses pierres lancées des deux tours de dessus. Plus firent les ennemis. Car pour empescher aux nostres la montée , ils ouvri-

rent leurs portes, & veindrent combattre main à main avec nos gens de lances & d'espées. Là leur vint au devant Messire Boucicaut & ceulx qui avec luy estoient, qui ne leur faillit mie. Si feit là de tresgrandes armes Boucicaut, & moult y sousteint grand faiz. Car trop estoient les ennemis de gens qui tant y poufferent, que ils feirent resfaillir nos gens és fossez sans eschele. Mais tousjours encores que tout seul feust demeuré des siens, leur tenoit estail Boucicaut. Grand piece se combatit, & tant d'armes faisoit, que les amis & les ennemis le regardoient par grand merveille. Et ainssi dura si grand piece ceste bataille que un Lyon de grande fierté deust estre lassé; tant que les dicts ennemis veindrent sur luy à si grande quantité, que à force de pouffer des lances le feirent cheoir au fossé. Si cessa à tant l'assault : car tard estoit. Mais ne fault demander le grand honneur & la feste que le Duc de Bourbon fist le soir à cestuy vaillant champion Boucicaut. Et generalement tous Chevaliers & Escuyers grande louange luy donnoient, & petits & grands ne parloient sinon de luy; & de ce que on luy avoit veu faire, grand compte en tenoient, en racomptant chascun à son tour diverses

armes de grand force que veu faire luy avoient : & à brief parler, au jugement de tous, l'honneur de la journée en emporta Boucicaut. Le lendemain voulurent nos gens recommencer l'assault; mais quand les ennemis veirent ce, ils se rendirent, & pour celle prise semblablement se tournerent François plusieurs chasteaux & villes de là environ.

C H A P I T R E X V I.

Comment Messire Boucicaut alla outre mer; où il trouva le Comte d'Eu prisonnier.

Faites & accomplies les choses dictes cy-dessus, le Duc de Bourbon s'en retourna à Paris; mais Messire Boucicaut, qui grand desir avoit de visiter la terre d'outre mer, prit congé du dict Duc. Et luy & Messire Regnauld de Roye de compaignée partirent ensemble, & tant errerent qu'ils vindrent à Venise, où ils monterent sur mer, & allerent descendre en Constantinople. Et là demeurerent tout le carefme. En ces entrefaites envoyerent devers Amurat, pere de Bajazet, qui estoit adonc en Grece, près de Galipoli, pour requerir un saufconduit, lequel il leur octroya tres-volontiers. Si s'en

allèrent après devers luy, & il les receut à grand feste, & leur fit tres-bonne chere, & ils luy presenterent leur service, en cas que il feroit guerre à aucuns Sarrafins. Si les en remercia moult Amurat; & demurerent avec luy environ trois mois : mais pource que il n'avoit pour lors guerre à nul Sarrafins ils prirent congé, & s'en partirent, & il les feit convoyer seurement par ses gens par le pays de Grece, & par le Royaume de Bulgarie, & tant qu'ils feurent hors de sa terre. Si tournerent vers Hongrie, & tant allerent qu'ils arriverent devers le Roy de Hongrie (9) qui les receut à tres-grand chere, & grand honneur leur fit. Si avoit adonc le dict Roy moult assemblé de gens, pour un grand debat qu'il avoit avec le Marquis de Moravie, dont il fut pour ceste cause encores plus joyeux de leur venuë. Là demurerent trois mois, & après prirent congé du Roy & s'en partirent, & adonc se separerent l'un de l'autre. Car Messire Régnauld de Roye tourna vers Prusse, & Messire Boucicaut qui desiroit, comme dict est, visiter la Terre Sainte, retourna à Venise, & prit son passaige outre mer. Si alla en Hierusalem, au pelerinage du Saint Sepulchre, que il visita tres-devotement, & aussi fut par tous

les saincts lieux accoustumez. Et lors qu'il faisoit la dicte cerche, il ouït nouvelles que le Comte d'Eu (a), lequel venoit au dict sainct pelerinage, avoit esté arresté à Damas de par le Souldan de Babilone. Si tost que Boucicaud eut ce entendu, adonc nonobstant que il eust laissé toute sa robe en une nave sur la mer en intention d'aller en Prusse, par sa tres-grande franchise, & pour l'honneur du Roy de France, à qui le dict Comte estoit parent, nonobstant qu'il n'eust oncques à luy gueres d'acointance, alla devers luy à Damas, dont le Comte eut grand joye quand il le veid. Si y arriva Boucicaud si à point, que le Souldan avoit envoyé querir le Comte pour amener au Caire devers luy. Quand il y feut, le dict Souldan feit mettre en escript tous les gens qui estoient au dict Comte d'Eu, & de sa mesgnie; & aux autres pelerins qui estoient avec luy, & n'estoient pas de ses gens, il feit donner congé de eux en aller. Mais le tres-bon gentil Chevalier franc & liberal Boucicaud, qui s'en fut allé s'il eust voulu, ne le voulut laisser là estre prisonnier sans luy, ains pour luy faire compaignée se fist escrire & se meit en la prison avec. Et là demeura de sa volonté, & sans con-

(a) Philippe d'Artois.

trainte, à ses propres despens, par l'espace de quatre mois que le dict Comte feut es prisons du Souldan, qui après les laissa aller. Et quand ils furent hors de prison, ils retournerent à Damas, & de là prirent leur chemin à aller à Saint Paul des deserts, & de là à Sainte Catherine du mont de Sinaï, & puis s'en veindrent droict en Hierusalem. Et là derechef Messire Boucicaut visita le saint Sepulchre, & paya tous les treus qui y sont establis, pour luy, & pour ses gens, comme devant, & refist la cerche en tous les autres lieux. Et quand le Comte d'Eu & Boucicaut eurent par tout ainsi esté, ils s'en partirent & veindrent à Barut, en intention de monter là sur mer pour eulx en retourner; mais ils furent arrestez des Sarrafins; & l'espace d'un mois fut passé, avant qu'ils les laissassent partir. Si monterent en mer, & de là s'en allerent en Cypre, & puis de Cypre à Rhodes, & là prirent une galée, qui les mena jusques à Venise : & ainsi s'en retournerent en France. Et quand ils furent en Bourgogne, ils trouverent en leur chemin le Roy, qui estoit à l'Abbaye de Clugny, & s'en alloit prendre possession du Languedoc, où il n'avoit oncques esté. Si les receut le Roy moult joyeusement, & grand

feſte fait de leur venuë. Si ſe loua le Comte d'Eu moult grandement au Roy de Boucicaut, & de la bonne compaignée que il luy avoit faiſte, & dit qu'onques n'avoit trouvé tant de franchise ny de bonté en Chevalier. Si luy ſceut le Roy moult bon gré du bon amour que il avoit porté à ſon couſin, & tous ceulx qui la verité en ſceurent le tindrent à grand franchise, & bonté, & moult en louerent Boucicaut (10).

C H A P I T R E X V I I .

De l'emprife que Meſſire Boucicaut fait luy troiſieſme de tenir champ trente jours à la jouſte à tous venans, entre Boulongne & Calais, au lieu que on diſt Ingelbert.

Il eſt à ſçavoir que Meſſire Boucicaut avoit eſté en ſa jeuneſſe communément en voyages avec le bon Duc de Bourbon, lequel pour la bonté que il avoit veue en luy dès ſon premier commencement, l'avoit retenu de ſon hoſtel, & avec luy, comme il eſt diſt cy-devant. Si advint alors, comme le Roy eſtoit alors à Clugny, comme il eſt diſt, que pour le grand bien que il voyoit

qui tousjours multiplioit en Boucicaut, il l'aina plus que oncques mais, combien que l'amour fut commencé dès leur enfance. Si le voulut avoir du tout en sa compaignée, & de fait le demanda au Duc de Bourbon, qui en fut content, pour l'avancement de Boucicaut : & ainsi fut du tout de la Court du Roy, & s'en alla avec luy en ce voyage de Languedoc.

En ce voyage advint, ainsi comme amour & vaillance chevaleureuse admonestent souvent le courage des bons à entreprendre choses honorables, pour accroistre leur pris & leur honneur, pourpenſa Boucicaut une entreprise la plus haute, la plus gracieuse, & la plus honorable, que passé a longtems en Chrestienté Chevalier entrepriſt. (Et ſoit noté & regardé aux faiſts de ce vaillant homme) comment ſans doute il eſt bien vray ce que le proverbe diſt, *que aux œuvres non mie aux paroles ſe demonſtrent les affections du vaillant preux*. Car il n'y a point de doute que l'homme qui a affection & deſir d'attaindre & parvenir à honneur, ne penſe tousjours comment & par quelle voye il pourra tant faire que il puiſſe deſſervir que on die de luy qu'il ſoit vaillant. Ne jamais ne luy ſemble que il ait aſſez faiſt, quelque bien

que il face, pour avoir acquis los de vaillance & proüesse. Et que ceste chose soit vraye, nous appert bien par les œuvres de cestuy vaillant Chevalier Boucicaut. Car pour le grand desir qu'il avoit d'estre vaillant, & d'acquérir honneur, n'avoit autre soing fors de penser comment il employeroit sa belle jeunesse en poursuite Chevaleureuse. Et pource que il luy sembloit que il n'en pouvoit assez faire ne prenoit aussi comme point de repos : car aussi tost que il avoit achevé aucun bienfaict, il en entreprenoit un autre. Si fut telle l'emprise (11) que après que il eut congé du Roy, il fit crier en plusieurs Royaumes & pays Chrestiens, c'est à sçavoir en Angleterre, en Espagne, en Arragon, en Alemaigne, en Italie, & ailleurs, que il faisoit sçavoir à tous Princes, Chevaliers & Escuyers, que luy accompagné de deux Chevaliers, l'un appelé Messire Renault de Roye, l'autre le Seigneur de Sampy, tiendroient la place par l'espace de trente jours sans partir, si esloine raisonnable de la laisser ne leur venoit. C'est à sçavoir depuis le vingtiesme jour de Mars jusques au vingtiesme jour d'Avril, entre Calais & Boulogne, au lieu que l'on dist Ingelbert. Là feroient les trois Chevaliers attendans

tous venans, prests & appareillez de livrer la jousté à tous Chevaliers & Escuyers qui les en requerroient, sans faillir jour, excepté les Vendredis. C'est à sçavoir un chacun des dicts Chevaliers cinq coups de fer de glaive, ou de rochet à tous ceulx qui seroient ennemis du Royaume, qui de l'un ou de l'autre les requerroient, & à un chacun autre, qui fut amy du Royaume qui demanderoit la jousté, seroit delivré cinq coups de rochet. Ce cry feut faict environ trois mois avant le terme de l'entreprise, & le fit ainsi faire Boucicaut, affin que ceulx qui de loing y voudroient venir eussent assez espace, & que plus grandes nouvelles en feussent, par quoy plus de gens y veinssent.

Quand le terme commença à approcher, Boucicaut preint congé du Roy, & s'en alla luy & ses compagnons en la dicte place, que on dict Ingelbert. Là feit tendre en belle plaine son pavillon qui fut grand, bel & riche. Et aussi ses compagnons feirent coste le sien tendre les leurs, chascun à part soy. Devant les trois pavillons un peu loignet avoit un grand orme. A trois branches de cest arbre, avoit pendu à chacune deux escus, l'un de paix, l'autre de guerre. Et est à sçavoir que mesmes en ceulx de guerre n'a-

voit ne fer ne acier, mais tout estoit de bois. Coste les escus, à chacune des dites trois branches y avoit dix lances dressées, cinq de paix, & cinq de guerre. Un cor y avoit pendu à l'arbre, & devoit par le cry qui estoit fait, tout homme qui demandoit la jouste corner d'iceluy cor, & s'il vouloit jouste de guerre, ferir en l'escu de guerre, & s'il vouloit de rochet, ferir en l'escu de paix. Si y avoit chacun des trois Chevaliers fait mettre ses armes au-dessus de ses deux escus, lesquels escus estoient peints à leurs devises différemment, afin que chacun peust congnoistre auquel des trois il demanderoit la jouste.

Outre cest arbre avoit Messire Boucicaut fait tendre un grand & bel pavillon, pour armer & pour retraire, & rafraischir ceulx de dehors. Si devoit après le coup feru en l'escu faillir dehors monté sur le destrier, la lance au poing & tout prest à poindre celuy en la targe duquel on auroit feru, ou tous trois, si trois demandans eussent feru és targes. Ainsi fait là son appareil moult grandement & tres-honorablement Messire Boucicaut, & fait faire provisions de tres-bons vins, & de tous vivres largement, & à plain, & de tout ce qu'il convient si plantureusement

tureusement comme pour tenir table ronde à tous venans tout le dict temps durant, & tout aux propres despens de Boucicaut. Si peut-on sçavoir que ils n'y estoient mie seuls : car belle compaignée de Chevaliers & de Gentilshommes y avoit pour les accompagner, & aussi pour les servir grand foison de mesnie. Car chascun des trois y estoit allé en grand estat. Si y avoit Heraults, Trompettes, & Menestriers assez, & autres gens de divers estats. Et ainsi comme pouvez ouyr fut mis en celle besongne si bonne diligence, que toutes choses dés avant le temps de trente jours feurent si bien & si bel apprestées, que rien n'y conveint quand le dict jour de la dicte emprise feut venu. Adonc furent tous armez & prests en leurs pavillons les trois Chevaliers, attendans qui viendrait. Si fut Messire Boucicaut par especial moult habillé richement. Et pource que il pensoit bien que avant que le jeu faillist y viendrait foison d'estrangers, tant Anglois comme autre gent; à celle fin que chacun veid que il estoit prest & appareillé s'il estoit requis d'aucun delivrer & faire telles armes comme on luy voudroit requerir & demander, prit adonc le mot que oncques puis il ne laissa, lequel est tel. **CE QUE VOUS VOULDREZ.** Si

le fist mettre en toutes ses devises, & là le porta nouvellement.

Les Anglois, qui volontiers se peinent en tout temps de desavancer les François, & les surmonter en toutes choses s'ils peuvent, ouyrent bien & entendirent le cry de la susdicte honorable emprise. Si dirent la plus part & les plus grands d'entre eulx que le jeu ne se passeroit mie sans eulx. Et n'oublierent pas dés que le dict premier jour fut venu à y estre à belle compaignée, mesmes des plus grands d'Angleterre, si comme cyaprès on les pourra ouyr nommer. A celuy premier jour, ainsi comme Messire Boucicaut estoit attendant tout armé en son pavillon, & aussi ses compaignons és leurs, à tant est veu venir M^{re} Jean de Holande (a) frere du Roy Richart d'Angleterre, qui à moult belle compaignée tout armé sur le destrier, les Menestriers cornans devant, s'en veint sur la place. Et en celuy maintien de moult haute maniere, presente grande foison de Gentilshommes qui là estoient, alla le champ tout environnant. Et puis quand il eust ce faict, il veint au cor, & corna moult haultement. Et après on luy laissa son bacinnet qui fort luy fut bouclé : Adonc alla ferir

(a) Le Comte de Huntingdon.

en l'escu de guerre de Boucicaut qu'il avoit bien advisé.

Après ce coup ne tarda mie le gentil Chevalier Boucicaut, qui plus droict que un jonc sur le bon destrier, la lance au poing, & l'escu au col, les Menestriers devant, & bien accompagné des siens, vous sort de ce pavillon & se va mettre en rang. Et là bien peu s'arreste, puis baïsse sa lance & met en l'arrest, & poind vers son adversaire qui moult estoit vaillant Chevalier, lequel aussi repoint vers luy. Si ne faillirent mie à se rencontrer, ains si tres-grands coups s'entre-donnerent és targes, que à tous deux les eschines conveint ployer, & les lances volerent en pieces. Là y eut assez qui leurs noms haultement escrierent : si prirent leur tour, & nouvelles lances leur furent bail-lées, & derechef coururent l'un contre l'autre, & semblablement se entreferirent. Et ainsi parfirent leur cinquiesme coup, assis tous de fer de glaive, si vaillamment tous deux que nul n'y doit avoir reproche. Bien est à sçavoir que au quatriesme coup, après que les lances furent volées en pieces, pour la grande ardeur des bons destriers qui fort couroient, s'entre-heurterent les deux Chevaliers si grand coup l'un contre l'autre,

que le cheval de l'Anglois s'accula à terre, & feust cheu sans faille si à force de gens il n'eust esté soustenu, & celuy de Boucicaut chancela, mais ne cheut mie. Après ceste jousté, & le nombre des coups achevez, se retirerent les deux Chevaliers és pavillons; mais ne fut mie là laissé à sejour moult longuement Boucicaut; car d'autres y eut moult vaillans Chevaliers Anglois, qui semblablement comme le premier luy requirerent la jousté de fer de glaive, dont en celuy jour on delivra encores deux autres, & parfist ses quinze coups, assis si bien & si vaillamment que de tous il se departit à son tres-grand honneur.

Tandis que Boucicaut joustoit, comme dict est, ne cuide nul que ses autres compaignons feussent oiseux, ains trouverent assez qui les hastèrent de joster, & tout de fer de glaive. Si le firent si bel & si bien tous deux que l'honneur en fut de leur partie. Si ne sçay à quoy je esloigneroye ma matiere pour deviser l'assiette de tous les coups d'un chacun, laquelle chose pourroit tourner aux oyans à ennuy : mais pour tout dire en brieif, je vous dis que les principaulx qui jousterent à Boucicaut les trente jours durant, furent, premierement celuy dont

avons parlé, & puis le Comte d'Arli (a) qui ores se diſt Henry (b) Roy d'Angleterre, (lequel jouſta avec dix coups de fer de glaive : car quand il euſt jouſté les cinq coups ſelon le cry, le Duc de Lanclaſtre (c) ſon pere luy eſcrivit que il luy envoyoit ſon fils pour apprendre de luy. Car il le ſçavoit un tres-vaillant Chevalier, & que il le prioit que dix coups vouluſt jouſter à luy,) le Comte Mareſchal, le Seigneur de Beaumont, Meſſire Thomas de Perci, le Seigneur de Clifort, le Sire de Courtenay, & tant de Chevaliers & d'Eſcuyers du diſt Roy d'Angleterre que ils furent juſques au nombre de fix vingt, & d'autres pays, comme Eſpaignols, Alemans, & autres, plus de quarante, & tous jouſterent de fer de glaive. Et à tous Boucicaut & ſes compaignons paſſèrent le nombre des coups, excepté à aucuns qui ne les peurent achever, parce que ils furent blecez. Car là furent pluſieurs des Anglois portez par terre, maîtres, & chevaux, de coups de lances, & navrez durement. Et meſmement le ſukdiſt Meſſire Jean de Holande fut ſi bleſſé par Boucicaut que à peu ne feuſt mort, & auſſi des autres eſtrangers. Mais le vaillant gentil Chevalier Bou-

(a) De Derbi. (b) Henry IV. (c) Jean.

cicaut, & ses bons & esprouvez compaignons, Dieu mercy, n'eurent mal ne blesseure.

Et ainsi continua le bon chevaleureux sa noble emprise par chacun jour jusques au terme de trente jours accomplis. Si en faillit à tres-grand honneur du Roy, & de la Chevalerie de France, & à si grand los de luy & de ses compaignons, que à tousjours mais en devra estre parlé. Et s'en partit de là Boucicaut avec les siens, & s'en retourna à Paris, où il fut tres-joyeusement receu du Roy & de tous les Seigneurs, & aussi des Dames grandement festoyé & honoré. Car moult bien l'avoit desservy.

C H A P I T R E X V I I I.

Comment Messire Boucicaut alla la troiesme fois en Prusse, & comment il voulut venger la mort de Messire Guillaume de Duglas.

Ne demeura mie longuement apres l'achevement de la susdicte entreprise, que le Duc de Bourbon entre prist le voyage pour aller sur les Sarrafins en Barbarie, à moult grande armée (12). D'icelle allée eut moult grand joye Boucicaut. Car ne cuida mie que ce deust estre sans luy ; mais quand il en

demanda congé au Roy, il ne le voulut nullement laisser aller, dont moult grandement pesa à Boucicaut, & tel desplaisir en eut que il ne voulut tenir en Cour, pour chose que le Roy luy deist. Si feit tant à toutes fins que il eut congé d'aller derechef en Prusse. Si partit après le congé le plus tost qu'il peut, de peur que le Roy ne se r'advist & ne le laissast aller : mais quand il feut par de là il trouva qu'il n'y avoit point de guerre. Si delibera de demeurer au pays toute celle saison pour attendre la guerre. Et tandis qu'il estoit là, ja y avoit si longuement attendu, que son frere Messire Geoffroy, lequel on a nommé le jeune Boucicaut, qui estoit retourné de Barbarie avec le Duc de Bourbon, auquel voyage avoit esté plus de huit mois, le veint là trouver. Si s'entreferirent les deux freres moult grande joye ; Et ainsi comme Messire Boucicaut & son frere attendoient temps & saison que la diide guerre se feist, luy veint messaige de par le Roy, qui luy mandoit qu'il avoit en propos de faire certain voyage, si vouloit qu'il feust avec luy, & pour ce luy mandoit expressément, que tantost & sans delay s'en retournaist vers luy.

Ces nouvelles ouyes, Boucicaut, qui desobeir n'osa, quoy que il luy en pesast, se

mist au retour, si comme raison estoit, & tant erra pour venir tost devers le Roy, que il estoit ja venu au pays de Flandres. Et comme il estoit à Bruxelles, messaige luy vint de par le Roy, qui luy mandoit que par l'ordonnance de son Conseil il avoit changé propos, si luy remandoit qu'il estoit à sa volonté de s'en revenir ou de tenir son voyage. Quand Boucicaut ouït ce, il fut moult joyeux, & s'en retourna dont il venoit. Et ainsi comme il s'en retournoit, & ja estoit à Königsberg, advint telle aventure : que comme plusieurs estrangers feussent artivez en la dicte ville de Königsberg, lesquels alloient pour estre à la susdicte guerre, un vaillant Chevalier d'Escoffe appelé Messire Guillaume de Douglas fut là occis en trahison de certains Anglois. Quand ceste mauvaisié fut sceüe, qui desplaire devoit à tout bon homme, Messire Boucicaut, nonobstant que à celuy Messire Guillaume de Douglas n'eust eüe nulle accointance; mais tout par la vaillance de son noble courage, pour ce que le faict luy sembla si laid qu'il ne deust estre souffert ne dissimulé sans vengeance, & pour ce que il ne veid là nul Chevalier ny Escuyer qui la querelle en voulust prendre, nonobstant qu'il y eust grand foison de

Gentils-hommes du pays d'Ecosse, ains s'en taisoient tous, il fit à sçavoir & dire à tous les Anglois qui là estoient, que s'il y avoit nul d'eulx qui voulust dire que le dict Chevalier n'eust esté par eulx tué faulusement & traistreusement, que il disoit & vouloit soutenir par son corps que si avoit, & estoit prest de soutenir la querelle du Chevalier occis. A ceste chose ne voulurent les Anglois rien respondre, ains dirent que si les Escossois qui là estoient leur vouloient de ce aucune chose dire que ils leur en respondroient : mais à luy ne voudroient rien avoir à faire; & ainsi demeura la chose, & Boucicaut s'en partit, & fut tout à point en Prusse à la guerre, qui fut la plus grande & la plus honorable que de long temps y eust eu : car celle année estoit mort le hault Maître de Prusse & celuy qui de nouvel estoit en son lieu establi meit sus si grande armée qu'ils estoient bien deux cent mille chevaux, qui tous passerent au Royaume de Lesto (a), où ils firent grande destrudion de Sarrafins, & y preindrent par force & de bel assaut plusieurs forts chasteaux. Et en ceste besongne, pour ce que Messire Boucicaut veid que la chose estoit grande, & moult honorable &

(a) Lithuanie.

belle , & qu'il y avoit grande compaignée de Chevaliers & d'Escuyers , & de Gentils-hommes , tant du Royaume de France comme d'ailleurs , leva premierement banniere , & fist en celle besongne tant d'armes que tous l'en louierent , & par l'entreprise de luy avec le hault Maistre de Prusse fut fondé & fait en celuy pays de Sarrafins , au Royaume de Lecto , malgré leurs ennemis & à force , un fort & bel chastel en une Isle , & nommerent le dict chastel en François le chastel des Chevaliers. Et demurerent sur le lieu le dict hault Maistre & Boucicaut accompaignez de belle compaignée de gens d'armes pour garder la place tant que il feust achevé , & après s'en retournerent en Prusse.

C H A P I T R E X I X .

Comment Messire Boucicaut fut fait Marechal de France.

Au temps que Messire Boucicaut estoit en Prusse , comme dict est cy devant , trespassa de ce siecle le Marechal de Blainville. Mais , comme dict la Balade : *qui bien aime n'oublie pas son amy pour estre loing* ; le bon Roy de France , qui aimoit de moult grand amour , & aime encores & tousjours aimera Bouci-

caut, comme par plusieurs fois luy avoit démontré , à celle fois derechef grandement luy monstra. Car nonobstant que si tost que le Marechal de Blainville (a) fut trespaslé , luy fut requis l'Office par plusieurs haults & grands Seigneurs ; & nonobstant que Boucicaut ne fut mie present, ains ne l'avoit veu ja avoit pres d'un an, ne l'oublia pourtant le bon noble Roy : ains delibera incontinent que autre ne l'auroit que luy. Et de faict luy manda hastivement que tantost & sans delay il s'en retornast. Si veint si à point le messaige du Roy devers Boucicaut, que il le trouva que ja il s'en retournoit du susdict voyage de Prusse. Si se hastia pour ces nouvelles encores plus de venir, & quand il fut approché de France il sceut que le Roy estoit adonc au pays de Touraine. Si tourna celle part , & tant erra que il le trouva en la cité de Tours, & vint vers luy si à point que il estoit adonc au propre hostel où il mesme estoit né, & où son pere en son vivant demeüroit. Devant le Roy se meit à genoüils Boucicaut, & comme il debvoit humblement le salua.

Quand le Roy le veid, ne convient de-

(a) Jean Mauquenchin , dit *Mouton* , Sire de Elainville & Maréchal de France.

mander s'il luy fit grand chere : car ne cuidez pas que de long temps nul Chevalier fust receu du Roy à plus grand feste. Si luy dist incontinent le Roy : *Boucicaut, vostre pere demeura en cest hostel, & gist en ceste ville, & fustes né en ceste chambre, si comme on nous a dit. Si vous donnons au propre lieu où vous naquistes l'Office de vostre pere, & pour vous plus honnorer, le jour de Noel qui approche, apres la Messe, nous vous baillerons le baston, & ferons recevoir de vous le serment comme il est accoustumé.* Boucicaut qui estoit encores à genoulx remercia le Roy humblement comme il devoit faire. Et quand veint au jour de Noel se leva de matin Messire Boucicaut & se vestit moult richement. Là estoyent ja venus grand foison de Chevaliers & Seigneurs ses parens & affins pour l'accompagner. Et quand temps & heure luy sembla s'en alla en moult noble appareil à la Messe devers le Roy.

Quand la messe fut chantée, le Duc de Bourbon qui moult l'aimoit, comme celuy que il avoit nourry, & duquel il avoit faict noble & bonne nourriture, le prist & le mena devers le Roy, & avec eulx feurent plusieurs autres Seigneurs & Chevaliers qui l'accompagnerent. Devant le Roy se mit à genoulx

Boucicaut, & le Roy le receut très-joyeusement, & le revestit de l'Office de Marechal, en lui baillant le baston. Et là estoit le Duc de Bourgogne oncle du Roy, lequel pour luy faire plus grand honneur voulut luy mesme en recevoir le serment. Nonobstant que ce ne soit chose accoustumée que autre le reçoive que le Chancelier de France, qui mesme là estoit present. Là estoit M^{re} Olivier de Clisson pour lors Conestable de France, & Messire Iean de Vienne Admiral, & grand foison de Baronnie, qui tous dirent que le dict noble Office ne pouvoit estre en autre mieulx employé, & grand joye en eurent, comme de celuy qui le valoit & qui bien l'avoit desservy. Et ainsi fut fait Boucicaut Marechal de France. Si fait à noter en cest endroit le grand bien de cestuy Chevalier, lequel ainsi qu'il est constenu és histoires des chevaleureux Romains, quand il advenoit que aulcun d'entre eulx estoit veu & apperceu dès son enfance plus que les autres enfans estre enclin en l'amour & poursuite d'armes, en continuant faits chevaleureux par grande ardeur, tant & si vaillamment que mesme-ment en jeune aage eust ja fait maintes choses fortes & honorables, tousjours continuast de mieulx en mieulx, on presumoit & jugeoit-

on par tels signés que tels enfans & joveu-
ceaux seroient en leur droit aage tres-vail-
lans hommes : Et pour ce les Romains ne
laissent point pour la grande jeunesse d'iceux
à les mettre és grands Offices de la Chevalerie,
si comme les faire Ducs, Connetables, & Che-
vetains de tres-grands osts, nonobstant que l'or-
donnance commune ne feut de mettre hom-
mes en tels Offices que ils n'eussent à tout le
moins accomply trente ans : mais ceulx qu'ils
veoient avancez en excellence outre le com-
mun cours de nature, ils les avançoient
aussi en honneur outre les autres hommes.
Et ce faisoient-ils affin que ils feussent plus
avivez & embrasez en l'amour & ardeur des
armes de tant comme plus s'y verroient hon-
norer. Comme ils feirent de Pompée le tres-
vaillant Chevalier, qui tant avoit ja fait de
bien en son enfance & jeunesse, que ils le
reputerent digne dès l'aage de vingt deux ans
d'estre Consul de Rome, qui estoit Office
comme nous dirions Duc & Connestable de
la Chevalerie.

A cest exemple, comme il me semble,
fut fait le noble joveucl Boucicaut, lequel
tant avoit ja fait de bien par longue conti-
nuation dès son enfance tousiours multipliant
en vertu & bienfaits, que il feut réputé

digne d'estre mis en si noble Office comme de Marechal de France dès l'aage de vingt cinq ans (a), qu'il avoit sans plus accomplis, lors que le Roy le revestit du dict Office. Mais vrayment, nonobstant ce jeune aage ne descheut pas en lui l'honneur de si noble estat. Car sa grande bonté, vail'ance & vertu, exceda, passa & vainquit tous les mouvemens & inclinations de folle jeunesse. En telle maniere qu'il estoit plus meur en vertu & mœurs dès l'aage de vingt ans que plusieurs ne sont à cinquante. En laquelle grace & meureté à tousjours perseveré & perseverer, multipliant en bien, si comme il appert par ses faicts, lesquels en continuant nostre maniere seront declarez cy apres.

CHAPITRE XX.

Comment le Marechal Boucicaut alla avec le Roy à Boulongne au traité. Et la charge de gens d'armes que le Roy luy bailla après pour aller en plusieurs voyages, & comment il prit le Roc du Sac.

Après que le Roy eut estably Boucicaut son Marechal, il s'en retourna à Paris, & le

(a) Chose sans exemple jusqu'alors & depuis ce tems-là, dit l'Historien moderne de Boucicaut.

dict Mareschal avec lui, si fut tout cest hyver à sejour avec le Roy en jeux & esbatemens avec les Dames, qui de sa présence estoient joyeuses. Car tout ainsi qu'il estoit propice & vaillant en fait d'armes, semblablement estoit tres-avenant & gracieux de toutes choses entre Dames & Damoiselles, & bien y sçavoit son estre, & pour ce estoit tres-aimé & bien venu. Si y avoit adoncques trefves entre François & Anglois, & pour ce un peu plus longuement fut à sejour. Quand veint l'esté d'après, durant les dictes trefves le Roy tint un Parlement à Amiens, & avec luy alla son frere le Duc d'Orleans, ses oncles le Duc de Berry, le Duc Bourgogne & le Duc de Bourbon, & autres Seigneurs du sang Royal, & d'autres grand foison, & tous les Capitaines de France, c'est à sçavoir le Comestable de Clifson, le Mareschal de Sancerre, le Mareschal de Boucicaut, l'Admiral de Vienne, & avec ce belle compaignée de Seigneurs, & de Chevaliers & Escuyers.

A Amiens devers le Roy veindrent à parlement les Anglois, c'est à sçavoir le Duc de Lanclastre(13) à belle compaignée de Seigneurs & de Chevaliers, & d'Escuyers. Et là fut traité de paix : mais adonc ne la conclurent mie. Si s'en retourna le Roy à Paris, & ne demeura

meura pas moult longuement apres, que un maltalent sourdit entre le Roy & le Duc de Bretagne : parquoy le Roy feit grand mandement & assemblée de gens d'armes, & luy mesme en personne se meut pour aller sur luy. Si ordonna le Roy en celuy voyage au Marechal de Boucicaut grande charge de gens d'armes, c'est à sçavoir six cent hommes d'armes soubz lui, dont il furent joyeux d'estre soubz tel Capitaine. Et pour le grand amour que les Gentils-hommes avoient à lui, & la grande opinion que ils avoient de sa bonté, furent plus d'autres quatre cent hommes d'armes qui oultre la susdicte charge se veindrent mettre soubz luy, & s'en tenoient bien honnorez. Et luy comme tres-saige Capitaine bien les sçavoit tenir & gouverner, en telle maniere que tous l'aimoient & craignoient. En celuy voyage le Roy bailla le gouvernement de la moitié du pays de Guyenne au dict Marechal, & ordonna que quand il auroit faict son emprise du voyage où il alloit, & qu'il retourneroit en France, que le Marechal avec une grande compaignée de gens d'armes s'en iroit en Auvergne mettre le siege devant un tres-bel & fort chastel appellé le Roc du Sac, que les Anglois avoient pris pendant les trefves.

Le Roy à tout ceste belle compaignée de gens d'armes alla jusques au Mans, ne plus outre ne passa, pour maladie qui luy prist (14). Si fut ce voyage rompu; mais le Marechal au partir de là obtint le commandement du Roy, & s'en alla au plus tost qu'il peut en Auvergne mettre le siege devant le dict chasteau du Roc du Sac. Et si meit son siege en si belle ordonnance que tous l'en louerent, & que il sembla bien que il estoit ja duit de son mestier. Si fist livrer dur assaut au chasteau par plusieurs jours, car moult estoit forte place, & là fut fait de moult belles armes. Et au dernier ne peut plus tenir le chasteau. Si se rendirent ceulx de dedans au Marechal. Et fut celle prise moult honorable: car grande deffence y trouverent, parquoy convint de tant plus grand sens & force à en venir à chef.

C H A P I T R E X X I.

*Comment le Marechal alla en Guyenne, & les
fortereffes qu'il y prit.*

L'an apres que le Marechal eut prins le Roc du Sac, vindrent nouvelles au Roy que les Anglois avoient pris au susdict pays d'Auvergne une ville appellée le Dompine. Par-

quoy le Roy ordonna que le Comte d'Eu (a), qui lors estoit fait nouvel Connestable, iroit en Auvergne, & le Marechal avec luy, & meneroient mille hommes d'armes pour mettre le siege devant la dicte ville. Si se partirent du Roy le Connestable & le Marechal à tout leur compaignée, en intention d'executer & mettre à effect ce qui leur estoit commis de par le Roy. Et quand ils feurent arrivez à Limoges, ils sçeurent que le Marechal de Sancerre qui pour lors estoit au pays, avoit delivré par traité la dicte ville de Dompine, & qu'il en estoit à accord. Et pource le Connestable & le Marechal, afin que les Anglois eussent honte de plus rompre les trefves, feirent venir devant eulx tous les Capitaines Anglois qui au pays tenoient chasteaux & forteresses, & leur feirent promettre & jurer de loyaument tenir & garder les trefves : & ces choses faictes s'en reveindrent en France. Mais l'an apres les Anglois, qui petit ont accoustumé de tenir ce qu'ils promettent, preindrent derechef sus les dictes trefves deux forteresses és marches de Xaindonge & d'Angoulesme, l'une appellée le Cor, & l'autre la Roche. Si les tenoit & gardoit contre le Roy un appellé Parot le Biernois.

(a) Philippe d'Artois.

Si fut ordonné par le Roy que le Marefchal iroit à tout cinq cent hommes d'armes pour les affieger : mais le Roy luy commanda que ainçois il allast à Bordeaux requerir au Duc de Lanclastre, qui là estoit, qu'il luy feist delivrer icelles fortereffes qui fus les trefves avoient esté prises. Ce commandement bien reteint le Marefchal. Si s'en alla à tout sa compaignée droit à Bordeaux, & là trouva le Duc de Lanclastre qui le receut à moult grand honneur, & bonne chere luy fait. Le Marefchal luy fait bien & faigement sa requeste, disant comment ce pouvoit tourner à petit honneur aux Anglois d'ainfi rompre les trefves, & d'aller contre ce qui avoit esté promis & juré, & que il lui feist rendre les fortereffes qui fus les convenances & en rompant les dictes trefves avoient esté prises. De ceste chose luy fait honorable responce le Duc de Lanclastre, en luy disant que ce n'avoit esté mie de son consentement, ne que oncques n'en avoit rien sceu. Si luy en promet-
toit restitution plainiere, & en faire faire telle amende comme il luy plairoit. Si manda tantost à celuy Parot le Biernois que incontinent rendist les fortereffes, & amandast les forfaitures, ou il mesme l'iroit assieger. Si furent tantost renduës les dictes fortereffes, &

restitué le dommaige. Et le Marechal demeura toute celle saison au pays, où il se trouvoit souvent en celuy temps de trefves avec les Anglois, qui pour sa valeur moult l'honnoient. Et là estoit parlé entre eulx souventesfois de maintes armes & faicts de Chevalerie. Si s'en retourna par devers le Roy (15).

CHAPITRE XXII.

Cy commence à parler du voyage de Hongrie, comment le Comte d'Eu admonesta le Marechal d'y aller.

Après ces choses le voyage de Hongrie fut mis sus. Et pour ce que ce fut une entreprise de grand renom, & dont plusieurs gens ont désiré & desirer sçavoir du faict toute la maniere & la pure verité de la chose, pour cause que en plusieurs manieres & differemment l'une de l'autre on en devise, me plaist & assez faict à nostre propos que je devise de long en long depuis le commencement jusques à la fin tout le contenu de la verité d'iceluy voyage, & comment il meut premierement. Si est à sçavoir que le Comte d'Eu, cousin prochain du Roy de France,

avoit, comme vaillant Chevalier qu'il estoit, & grand voyageur selon son jeune aage, ja esté en plusieurs parts avau le monde en maints honorables voyages. Entre les autres avoit esté en Hongrie, & le Mareschal avec luy, si comme cy devant avons compté. Si l'avoit le Roy de Hongrie moult honoré en son pays, & à luy faict grande amitié & maint signe d'amour. Pour laquelle alliance & affinité, le dict Roy de Hongrie luy manda & fit sçavoir par un Herault que Bajazet venoit sur luy en son pays à bien quarante mille Sarrafins, dont les dix mille estoient à cheval, & les trente mille à pied. Si avoit délibéré de leur livrer la bataille. Et pour ce comme tout bon Chrestien & par especial tous vaillans nobles hommes doivent desirer eulx travailler pour la foy Chrestienne, & volontiers & de bon cœur aider à soutenir l'un l'autre contre les mescreans, il luy requeroit son aide, & aussi le prioit que il le feist à sçavoir au Mareschal Boucicaut, en la bonté & vaillance duquel il avoit grande fiance, & ainsi le voulust annoncer à tous bons Chevaliers & Escuyers qui desiroient accroistre leur honneur & leur vaillance. Car moult estoit le voyage honorable, & aussi avoit grand besoing de leur secours & aide.

Quand le Comte d'Eu eut ouy ces nouvelles, tantost il le dist au Marechal, lequel incontinent & de cœur delibera d'y aller. Si respondit que au plaisir de Dieu il iroit sans faille. Car à ce estoit-il meü pour trois raisons. L'une pour ce que il desiroit plus que autre riens estre en bataille contre Sarrafins. L'autre pour la bonne chere que le Roy de Hongrie luy avoit faicte en son pays. Et la tierce raison estoit pour le grand amour que il avoit à luy qui entreprenoit le voyage, & le plaisir que il avoit d'aller en sa compaignée. Si fut ceste chose tantost espanduë par tout, & tant alla avant que le Duc de Bourgogne (a) qui ores est & lors estoit Comte de Nevers en ouyt parler.

Adonc luy qui estoit en fleur de grand jeunesse desirant suivre la voye que les bons quierent, c'est à sçavoir honneur de Chevalerie, considerant que mieulx ne se pouvoit employer que de donner au service de Dieu sa jeunesse, en travaillant son corps pour l'accroissement de la foy, desira moult d'aller en ceste honorable besongne. Et tant timonna son pere le Duc de Bourgogne qui lors vivoit, qu'il eut congé d'y aller. De ceste chose alla le bruit partout, & pour ce

(a) Jean sans peur, fils aîné de Philippe le hardi, Duc de Bourgogne.

que adonc estoient trefves en France, pour laquelle cause Chevaliers & Escuyers y estoient peu embesongnez des guerres, desirerent plusieurs jeunes Seigneurs du sang Royal, & autres Barons & nobles hommes à y aller, pour eulx tirer hors de oisiveté, & employer leur temps & leurs forces en faict de Chevalerie. Car bien leur sembloit, & vray estoit, qu'en plus honorable voyage & plus selon Dieu ne pouvoient aller.

Si fut toute la France esmeiie de ceste chose. Et pour les nobles Seigneurs & Barons qui y alloient, à peine estoit Chevalier ne Escuyer qui puissance eust qui n'y desirast aller. Et des principaulx qui furent de ceste emprise dirons les noms & le nombre des François. Le premier & le chef de tous feut le Comte de Nevers qui ores est Duc de Bourgogne, cousin germain du Roy de France, Monseigneur Henry & Monseigneur Philippes de Bar freres, & cousins germains du Roy, le Comte de la Marche, & le Comte d'Eu Connestable, cousins du Roy. Des Barons le Seigneur de Coucy, le Marechal de Boucicaut, le Seigneur de la Trimouille, Messire Iean de Vienne Admiral de France, le Seigneur de Heugueville, & tant d'autres Chevaliers & Escuyers, toute fleur de Chevalerie & de

noble gent, que ils furent en nombre bien mille du Royaume de France.

Si fait icy à noter le grand couraige & bonne volonté que les vaillans Francois ont tousjours eu & ont en la noble poursuite d'armes, pour lequel honneur acquerir n'espargnent corps, vie, ne chevance. Car il est à sçavoir que nonobstant qu'ils eussent fait le Comte de Nevers leur chef, si comme raison estoit; si y alloit chacun à ses propres despens, excepté les Chevaliers & Escuyers qui y alloient sous les Seigneurs & Barons pour les accompagner & pour leur estat. Et entre les autres le Marechal de Boucicaut y mena à ses despens soixante dix Gentils-hommes, dont les quinze estoient Chevaliers ses parens, c'est à sçavoir Messire le Barrois, Messire Iean & Messire Godemart de Linieres, Messire Regnaud de Chavigny, Messire Robert de Milli, M^{re} Iean Degreville, & autres, jusques au nombre dessus dict. Et semblablement les autres Seigneurs en menerent, & par especial le Comte de Nevers y mena belle compaignée de Gentils-hommes de l'hostel de son pere & des siens.

C H A P I T R E X X I I I .

Comment le Comte de Nevers, qui ores est Duc de Bourgogne, voulut aller au voyage de Hongrie, & comment il fut fait Chevetaine de toute la compaignée des François qui là allerent.

Quand le Comte de Nevers & les autres Seigneurs & Barons eurent tres-bien appresté leur erre, ils prirent congé du Roy, de la Royne & de nos Seigneurs, & de leurs peres & parens. Si croy bien que assez y eut pitié au departir des pleurs & des plaints de leurs prochains, & des meres & femmes, sœurs & parentes. Et n'estoit mie sans cause. Car moult estoit le voyage perilleux comme bien y a paru, & si elles eussent sceules dures nouvelles qui leur en estoient à venir, je ne croy mie que à de telles y avoit le cœur ne fust party. Si feut piteuse la departie à ceulx qui puis ne retournerent. A tant se meit le Comte de Nevers en voye (16) à toute sa belle compaignée, & tant erra par l'Alemaigne, & puis par Autriche, qu'il arriva au Royaume de Hongrie. Tantost allerent les nouvelles au Roy qui estoit adonques en la cité de Bude, comment le Comte de

Nevers à tout moult noble compaignée des Seigneurs de la fleur de lys, & d'autres haults Barons & bonne gent venoit à son aide. De ceste nouvelle fut moult joyeux le Roy, & le plus tost qu'il peut veint à l'encontre à tout moult grande compaignée de gent; car ja avoit faict moult grand amas de gens d'armes, tant d'estrangers comme de ceulx de son pays.

Tant alla le Roy qu'il rencontra le Comte de Nevers. Quand le Roy fut approché de luy moult feit grande reverence au dict Comte & à tous ceulx du sang Royal, & aux autres Barons, & tous receut à grande joye & honneur. Si les mena en sa cité de Bude, où grandement les honnora & aisa de tout ce que il peut. Si n'eurent pas esté là moult de jours à sejour, quand le Roy de Hongrie par la volonté & assentement des Seigneurs François qui fors la bataille ne desiroient, ses ordonnances, & ses gens meit en arroy bien & bel, & comme qu'il affiert en tel cas. Et peu de jours apres se meit sur les champs pour aller au devant des Sarrafins, lesquels on luy avoit dict que ils approchoient. Et quand il feut dehors, trouva que nos François & les autres estrangers, & les siens propres qu'il avoit avec luy, montoient bien à cent mille

chevaux. A l'issuë du Royaume de Hongrie veindrent au fleuve que on nomme le Danube, si le passerent à navires. Outre ceste riviere avoit une grosse ville fermée que on nommoit Baudins (a), qui se tenoit pour les Turcs ; si la voulurent nos gens assaillir. Devant ceste ville feut fait le Comte de Nevers (b) Chevalier, aussi le Comte de la Marche & plusieurs autres. Le lendemain qu'ils feurent arrivez prirent à combattre la dicte ville par grande ordonnance. Mais aussi tost que l'assault feut commencé faillit dehors le Seigneur du pays, lequel estoit Chrestien Grec, & par force avoit esté mis en la subjection des Turcs, & veint rendre luy, la ville & tout son pays au Roy de Hongrie, & luy delivra tous les Turcs qui estoient dedans la forteresse.

(a) Bodin.

(b) Il n'avoit alors que vingt deux ans, & ce fut Enguerrand, le brave Sire de Coucy, qui lui donna l'accolade & l'épée de Chevalier.

C H A P I T R E X X I V.

*De plusieurs villes que le Roy de Hongrie
prist sur les Turcs , par l'aide des bons
François ; & comment le vaillant Marechal
Boucicaut entre les autres bien s'y porta.*

Après que la ville de Baudins eut esté prise comme dict est, se partit de là le Roy de Hongrie à tout son ost, & s'en alla devant une autre ville appellée Raco (a). Mais si tost que le Comte d'Eu & le Marechal de Boucicaut sceurent que le Roy avoit deliberé d'aller là, ils feirent une emprise pour y estre des premiers. Si allerent avec eulx plusieurs grands Seigneurs, c'est à sçavoir Messire Philippes de Bar , le Comte de la Marche, le Seigneur de Coucy, le Seneschal d'Eu & plusieurs autres, & chevaucherent toute nuit tant qu'ils y feurent le matin. Mais si tost que les ennemis les veirent approcher, ils issirent dehors en grand quantité pour aller rompre un pont gisant qui estoit par dessus un grand fossé , qui deffendoit que nul ne peust venir pres des murs ny de la closture de la dicte ville. Et estoit celuy fossé si tres-profond que en nulle

(a) Dans la Romanie.

maniere on ne le pouvoit passer fors par sus iceluy pont. Si arriverent là nos gens qui se hastoient d'aller avant que les Sarrafins peussent estre à temps à despecer le pont. Si s'entrecoururent sus en celle place, & nos gens les envahirent de grand vigueur, qui moult y feirent de belles armes. Car les Sarrafins taschoient tousjours à venir rompre le pont, & avoient faict une telle ordonnance, que tandis que une partie d'entre eulx maintiendroit la bataille, les autres iroient despecer le dict pont : mais tout ne leur valut rien. Car le vaillant Mareschal demanda au Comte d'Eu, pour ce que il estoit premier chef d'icelle emprise, la garde du dict pont, qui forte chose estoit à garder, & difficile pour la grande quantité de Sarrafins qui tousjours y arrivoient ; & il luy bailla. Si le garda si vaillamment luy & ses gens que Sarrafins n'eurent pouvoir d'en approcher, & moult y fait le Mareschal de belles armes par plusieurs fois. Car souvent repoussoit les Sarrafins par vive force dedans leur ville, & puis derechef ils issioient dehors. Mais il leur estoit derechef à l'encontre, par telle vertu que ils ne pouvoient souffrir la bataille, & r'aller les en convenoit. Et à bref parler de ce que il fait là endroit, sans

faillie tellement y ouvra que il monstra bien, si comme autresfois avoit faict, que il estoit un tres-vaillant & esprouvé Chevalier. Le Comte d'Eu & les autres Barons François qui avec luy estoient, qui se combatoient à l'autre partie des Sarrafins comme dict est, tant y feirent & tant y chappelerent, & tant bien s'y porterent que par force rebouterent les Sarrafins en leur ville & moult en occirent. Celle journée arriva le Roy de Hongrie à tout son ost celle part, & tantost prist à mettre ses gens en ordonnance pour assaillir la ville.

Quand le Mareschal Boucicaut veid ce, il envoya tantost de ses gens en un lieu pres d'illec, où il y avoit de beaux arbres, & fait faire deux grandes eschelles: & quand il veid la grand flotte des gens d'armes venir pour aller assaillir la ville, adonc dit-il à ses gens, *Certes, dit-il, grand honte nous seroit si autres gens passoient ce pont devant nous qui l'avons eu en garde. Or sus mes tres-chers compaignons & amis, faisons tant en ceste besongne que il soit renom de nous.* A tant sans plus dire se meit devant, & tous ses gens le suivirent de bonne volonté: si s'alla mettre au plus pres du mur, & là furent apportées les eschelles que il avoit

faist faire. Si commença l'assault luy & les siens avant que autres gens y veinssent. Si veissiez là faire merveilles d'armes : car la grande hardiesse que ces bonnes gens prenoient és biens faicts de leur conduiseur les faisoit abandonner comme lyons, & pour la grande ardeur que ils avoient de monter contre mont les murs, ils chargeoient tant les eschelles que à peu ne brisoient. Si estoit la bataille là moult grande de ceulx de dehors qui estrivoient à monter sur les murs, & de ceulx de dedans qui leur chalangoient vigoureusement. Si s'entrelançoient de merveilleux coups, dont moult y en avoit de morts & d'affolez d'un costé & d'autre : toutesfois feirent tant Sarrafins que ils froiferent une des eschelles des grands fais des pierres que ils lançoient contre val. Et sur l'autre fut monté Hugues de Chevenon qui portoit le panon du Marechal, qui moult vigoureusement se combatit. Mais tant le presserent les Sarrafins que ils luy arracherent le dict panon d'entre les poings, & à la fin renverserent luy & l'eschelle contreval, où il fust moult froissé : mais tost y eut qui le tira hors de la presse.

Si fut là l'assault grand & merveilleux. Ia y estoient arrivez les autres François, &
le Roy

le Roy de Hongrie à tout son grand ost. Si dura ainsi tout le jour jusques à ce que la nuit les departit. Et si le Mareschal y avoit esté des premiers, aussi feut-il des derniers retraits. Et tant y feît d'armes celle journée, que de luy & de son faict feurent grandes & honorables nouvelles, & aussi de ses bonnes gens qui tant bien s'y porterent, que nulles gens mieulx ne peussent. Mais nonobstant que le bon Mareschal & ses gens feussent si foulez que à peu n'en pouvoient plus, ne cuidez mie que pourtant s'allassent reposer; ains quand tous furent passez se teint à garder le susdict pont que les ennemis ne le veinssent despecer. Et si croyez fermement, vous qui ce oyez, que nul n'avoit envie de luy oster cest office, ny de prendre la garde du dict pont. Le lendemain que nos gens cuiderent retourner à l'assault, ceulx qui estoient dedans, qui estoient la plus grande partie Chrestiens Grecs, veirent bien que nonobstant que fust leur ville moult forte, que ils ne se pourroient au dernier garder, se rendirent au Roy de Hongrie sauves leurs vies & leurs biens. Et le Roy, qui eut conseil que le mieulx estoit de les y prendre que ce que il meist plus en peril ses gens, & aussi veu que ils estoient Chrestiens, les re-

ceut à celle convenance. Si feut estably le Marechal pour les garder que nulle offense ne leur feust faicte. Si entra dedans la ville à tout ses gens, & si bien feit son debvoir de les garder que rien ne leur fut messaiet. Et iceulx Chrestiens baillerent tous les Turcs qui estoient dedans au Roy de Hongrie, qui tous les feit mourir.

Ceste chose achevée, se partit le Roy pour aller mettre le siege devant Nicopoli (a), qui est une moult forte ville, & en allant à ce siege, le Marechal, qui le cœur n'avoit à autre chose fors à toujours grever les Sarrafins, sçavoit par ses espies les embusches & les retraits, où Sarrafins par routes & par troupeaux repairoient, & se mettoient en embusches pour cuider courir sus aux nostres. Mais le vaillant Marechal, par son sens & par son aguet, leur estoit sur le col avant que ils s'en donnassent de garde, & par telle maniere leur porta de grands dommaiges par plusieurs fois, & moult en occirent luy & les siens. Et semblablement feit le Comte d'Eu & nos autres Barons François, qui tant bien feirent tous jusques alors, & tant monstrent leurs

(a) C'étoit une des villes les plus considérables de la Romanie, bâtie sur les bords d'une rivière qui descend des montagnes voisines & se décharge dans la mer blanche.

proûesses, que le Roy de Hongrie & tous ceulx de sa partie en estoient d'autant enhardis, & leur en estoit creu le couraige, que ils ne doubtoient tout le monde. Helas ! si fortune ne leur eust nuit, bien pourroient encores benir l'heure & le jour que telle noble compaignée de François leur estoit venuë. Mais comme fortune est souvent coustumiere de nuire aux bons & aux vaillans, sembla que elle eust envie du grand bien & de l'excellente vaillance qui estoit en eulx. Hé qui est-ce qui se puisse garder de male fortune quand elle veut courir sus & nuire à qui que ce soit ?

(Le reste de ce Chapitre est une inutile déclamation de Rhéteur contre l'inconstance de la fortune.)

CHAPITRE XXV.

De la fiere bataille que on diät de Hongrie, qui feut des Chrestiens contre les Turcs.

Quand le Roy de Hongrie avec son ost feut arrivé devant la ville de Nicopoli, il se logea par grande ordonnance, & tantost feut commencer deux belles mines par dessoubs terre, lesquelles feurent faictes & menées jus-

ques à la muraille de la ville. Et feurent si larges que trois hommes d'armes pouvoient combattre tout d'un front. Si demeura à celuy siege bien quinze jours. En ces entrefaictes les Turcs ne musèrent mie : ains feirent tres-grand appareil pour courir sus au Roy de Hongrie. Mais ce feut si celément que oncques le Roy n'en sceut rien. Et ne sçay s'il y eut trahison en ses espies, ou comment il en alla : car combien que il eust estably assez de gens pour bien prendre garde au dessein des Sarrafins, n'en avoit-on ouy nouvelles jusques à celuy quinziesme jour que il avoit esté au siege, pour laquelle cause ne se donnoit d'eulx nulle garde.

Quand veint le seiziesme jour jusques à l'heure de disner, veindrent messaiges batans au Roy dire que Bajazet avec ses Turcs estoit à merveilleusement grande armée si pres d'illec, que à peine seroient jamais à temps armé son ost & ses batailles mises en ordonnance. Quand le Roy qui estoit en son logis ouyt ces nouvelles, il feut moult esbahi. Si manda hastivement par les logis que chascun s'armast & saillist hors des logis. Si pöuvez sçavoir que en peu d'heure feut cel ost moult esmeu. Chascun y courut aux armes qui mieulx mieulx. Ia estoit le Roy.

aux champs quand on veint dire au Comte de Nevers qui seoit à table, & aux François, que les Turcs estoient au plus près de là, & que le Roy estoit tout hors des logis en plains champs en ordonnance pour livrer la bataille. De ce se debvoient tenir aulcunement mal contents le Comte de Nevers & les Seigneurs François que plus tost ne leur avoit le Roy mandé; mais encores me doute que il leur face plus mauvais tour. Ceste nouvelle ouye tantost faillit le Comte de Nevers & les siens en pieds, & villement s'armerent. Si monterent à cheval & se meïrent en tres-belle ordonnance, & ainsi allerent devers le Roy que ils trouverent ja en tres-belle bataille & bien ordonnée, & ja pouvoient veoir devant eulx les bannieres de leurs ennemis.

Et est à sçavoir sur ce pas cy, que sauve la grace des diseurs qui ont dict & rapporté du faict de la bataille, que nos gens y fuirent, & allerent comme bestes sans ordonnance, puis dix, puis douze, puis vingt, & que par ce feurent occis par troupeaux au feur que ils venoient, que ce n'est mie vray. Car comme ont rapporté à moy qui après leurs relations l'ay escript, des plus notables en vaillance & Chevaliers qui y feussent, &

qui sont dignes de croire, le Comte de Nevers & tous les Seigneurs & Barons François, avec tous les François que ils avoient menez, arriverent devers le Roy tout à temps pour eulx mettre en tres-belle ordonnance, laquelle chose ils feirent si bien & si bel que à tel cas appartient. Et la banniere de nostre Dame que les François ont accoustumé de porter en bataille, bailla le Comte à porter à Messire Jean de Vienne Admiral de France, pour ce que il estoit le plus vaillant d'entre eulx, & qui plus avoit veu : & feut mis au milieu d'entr'eulx comme il debvoit estre. Et de toutes choses tres-bien s'habillerent comme faire on doit en tel cas. Les Turcs d'autre part ordonnerent leurs batailles, & se meirent en tres-belle ordonnance à pied & à cheval : & feirent une telle cautele pour decevoir nos gens. Tout premierement une grande tourbe de Turcs qui à cheval estoient se meirent en une grand bataille tout devant leurs gens de pied, & derriere ces gens à cheval, entre eulx & ceulx de pied, feirent planter grande foison de pieux aigus que ils avoient fait apprestier pour ce faire. Et estoient ces pieux plantez en biaisant, les pointes tournées devers nos gens, si hault que ils pouvoient aller jusques au ventre des chevaux.

Quand ils eurent fait cest exploit, où ils ne meirent pas grand piece : car assez avoient ordonné gens qui de les ficher s'entremettoient, nos gens qui le petit pas serrez ensemble alloient vers eulx estoient ja approchez. Quand les Sarrafins les veirent assez près, adonc toute celle bataille de gens à cheval se tourna serrée ensemble comme si c'eust esté une nuée derriere ces pieux, & derriere leurs gens de pied que ils avoient ordonnez en deux belles batailles si loing l'une de l'autre que ils meirent une bataille de gens à cheval entre les deux de pied, en laquelle pouvoit avoir environ trente mille archers. Quand nos gens furent approchez d'eulx, & qu'ils cuiderent aller assembler, adonc commencerent les Sarrafins à traire vers eulx par si grand randon, & si druement, que oncques grefil ne goute de pluye ne cheurent plus espoiffement du ciel que là cheoient flesches, qui en peu d'heure occirent hommes & chevaux à grand foison.

Quand les Hongres qui communément, si comme on dict, ne sont pas gens arrestez en bataille, & ne sçavent grever leurs ennemis, si n'est à cheval traire de l'arc devant & derriere tousjours en fuyant, veirent ceste entrée de bataille, pour peur du trait com-

mencerent une grande partie d'eulx à reculer, & eulx traire en sus comme lasches & faillis que ils feurent. Mais le bon Marefchal de France Boucicaut, qui ne veoid mie derriere luy la lascheté de ceulx qui se retrayoiēt, ce qu'il n'eust cuidé en piece, ny aussi ne veoid pas devant eulx & au plus pres les pieux aigus qui là malicieusement estoient plantez, va dire & conseiller comme preux & hardy qu'il estoit, *Beaux Seigneurs*, dit-il, *que faisons-nous icy, nous lairrons nous en ceste maniere larder & occire laschement ? Et sans plus faire assemblons viftement à eulx, & les requerons hardiment & nous hastons, & ainsi escheverons le trait de leurs arcs.* A ce conseil se teint le Comte de Nevers à tout ses François, & tantost pour assembler aux Sarrafins frapperent avant & se embatirent incontinent entre les pieux dessus dits qui fort estoient roides & aigus, si qu'ils entroient és pances des chevaux, & moult occirent & mehaignerent des hommes qui des chevaux cheoient.

Si feurent là nos gens moult empestrez, & toutes-fois passerent oultre. Mais ores oyez la grande mauvaistié, felonnie & lascheté des Hongres, dont le reproche sera à eulx à tousjours. Si tost qu'ils veirent nos

gens enchevestrez és pieux , & que traict ne autre chose ne les gardoit que ils n'allassent courir sus aux Turcs , adonc tout ainsi que nostre Seigneur feut delaissé de sa gent si tost qu'il feut és mains de ses ennemis, ne plus ne moins tournerent les Hongres le dos & prirent à fuir. Si qu'il ne demeura oncques avec nos gens de tous les Hongres fors un grand Seigneur du pays que on appelle le grand Comte de Hongrie & ses gens, & les autres estrangers qui estoient venus de divers pays pour estre à la bataille. Mais peu estoient contre si grande quantité. Mais ne croyez que pourtant ils reculassent ne gauchissent , ains tout ainsi comme le sanglier quand il est atainct , plus se fiche avant tant plus se sent envahy, tout ainsi nos vaillans François vainquirent la force des pieux & de tout & passerent oultre comme courageux & bons combatans. Ha ! noble contrée de François , ce n'est mie de maintenant que tes vaillans champions se monstrent hardis & fiers entre toutes les nations du monde. Car bien l'ont de coustume dés leur premier commencement. Comme il appert par toutes les Histoires qui des faicts de batailles, où François ayent esté, font mention, & mesmement celle

des Romains & maintes autres qui certifient par les esprouves de leurs grands faicts que nulles gens du monde oncques ne feurent trouvez plus hardis ne mieulx combatans , plus constans ne plus chevalereux que les François. Et peu trouve l'on de batailles où ils ayent esté vaincus que ce n'ait esté par trahison, ou par la faute de leurs Chevetains & par ceulx qui les debvoient conduire. Et encores osay-je plus dire de eulx, que quand il advient que ils ne s'employent en faicts de guerre & que ils sont à sejour que ce n'est mie leur coulpe : ains est la faute de ceulx à qui appartiendroit à les embesongner. Si est dommaige quand il advient que gent tant chevaleureuse n'ont chefs selon leur vaillance & hardiesse. Car choses merueilleuses feroient.

Mais à revenir à mon propos , les nobles François , comme ceulx qui estoient comme enragez de la perte que ja avoient faicte de leurs gens, tant du traict des Sarrafins , comme à cause des pieux , leur coururent sus par si grand vertu & hardiesse que tous les espouventerent Si ne fault mie à parler comment ils ferirent sur eulx. Car oncques sanglier escumant ny loup enragé plus fierement ne se abandonna.

Là feut entre les autres vaillans le preux Marefchal de France Boucicaut qui se fichoit és plus drus , & s'il eut deuil bien leur demonstroit. Car fans faille tant y faisoit d'armes que tous s'en esmerveilloient , & si durement s'y conteint , & tant y feit de Chevalerie & d'armes diverses , que ceulx qui le veirent dient encores que l'on ne veid oncques nul Chevalier ny autre quel qu'il feust faire plus de bien & de vaillances pour un jour que il feit à celle journée. Aussi feit bien le noble Comte de Nevers qui chef estoit des bons François , qui tant bien s'y portoit que à tous les siens donnoit exemple de bien faire. Le vaillant Comte d'Eu ne s'y faignoit mie , ains departoit les grands presses avant & arriere. Si faisoient les nobles freres de Bar , qui de leur jeunesse qui encores grande estoit , moult s'y conteindrent vaillamment. Et le Comte de la Marche , qui le plus jeune estoit de tous , ne encores n'avoit barbe , y combatoit tant asseurement que tous l'en priferent. Là estoit le vaillant Seigneur de Coucy , Chevalier esprouvé , qui toute sa vie n'avoit finé d'armes suivre , & moult estoit de grand vertu. Si demonstroit là sa prouesse , & bien befoing en estoit. Car Sarrafins à grand massues

de cuivre que ils portent en bataille , & à gifarmes , souvent luy estoient sur le col. Mais leur collées cher leur faisoit achepter. Car luy qui estoit grand & corfu , & de grand force, leur lançoit si tres-grands coups que tous les destranchoit. Le chevaleureux Admiral de France restoit d'autre part, qui n'en faisoit mie moins. Le Seigneur, de la Trimouille qui à merveilles estoit beau Chevalier, vaillant & bon, faisoit souvent Sarrafins tirer en fus. Iceulx Barons & esprouvez Chevaliers, & de grand vertu, reconfortoient & donnoient hardiesse de faict & de parole aux nobles jouvenceaux de la fleur de lys qui là se combatoient non mie comme enfans, mais comme si ce feussent tres-endurcis Chevaliers. Et besoing leur en' estoit. Car tousjours croissoit sur eulx la presse & la foule.

Les autres vaillans Chevaliers & Escuyers François tant bien s'y porterent que oncques nulles gens mieulx ne le feirent. Si fait le grand Comte de Hongrie & tous les siens, à qui moult desplaisoit de la laide & honteuse departie que les Hongres avoient faicte. Aussi moult s'y efforcèrent tous les autres estrangers. Helas ! mais que leur valoit ce ? Une poignée de gens estoient contre

tant de milliers. Car si peu estoient que ils ne pouvoient occuper fors seulement le front de l'une des susdites batailles, où il y avoit de gens plus de trois contre un d'eulx. Et toutesfois par leur tres-grand force, vaillance & hardiesse, desconfirent icelle premiere bataille, où moult en occirent. Pour laquelle chose Bajazet feut tellement espouventé que luy ne sa grand bataille de cheval n'oserent assaillir les nostres, ains s'enfuyoit tant qu'il pouvoit luy & les siens, quand on luy alla dire que les François n'estoient que un petit de gens qui là ainsi se combatoient, & n'avoient aide de nuls, car le Roy de Hongrie à toute sa gent s'en estoit fuy & les avoit laissez, si seroit grand honte à luy d'ainsi fuir à tout si grand ost devant une poignée de gens.

Quand Bajazet ouït ce, adonc retourna à tout moult grande quantité de gens qui frais estoient & reposez. Si coururent sus à nos gens qui ja estoient foulez, navrez, lassez, & n'estoit mie de merveilles. Quand le bon Mareschal veid celle envahie, & que ceulx qui les debvoient secourir les avoient delaisfé, & que si peu estoient entre tant d'ennemis, adonc cogneut bien que impossible estoit de pouvoir resister contre si grand ost,

& qu'il convenoit que le meschef tournast sur eulx. Lors feut comme tout forcené , & dict en luy mesme que puisque mourir avec les autres luy convenoit que il vendroit chere à ceste chiennaille sa mort. Si fiert le destrier des esperons , & s'abandonne de toute sa vertu au plus dru de la bataille , & à tout la tranchante espée que il tenoit fiert à dextre & à fenestre si grandes collées que tout abatoit de ce qu'il atteignoit devant soy. Et tant alla ainsi faisant devant luy que tous les plus hardis le redouterent & se prirent à destourner de sa voye : mais pourtant ne laisserent de luy lancer dards & espées ceulx qui, approcher ne l'osoient , & luy comme vigoureux bien se sçavoit deffendre. Si vous poignoit ce destrier qui estoit grand & fort, & qui bien & bel estoit armé au milieu de la presse , par tel randon qu'à son encontre les alloit abatan.

Et tant alla ainsi faisant tousjours avant , qui est une merveilleuse chose à racompter , & toutesfois elle est vraye, comme tesmoignent ceulx qui le veirent, que il transpercea toutes les batailles des Sarrafins , & puis retourna arriere parmy eulx à ses compaignons. Ha Dieu quel Chevalier ! Dieu luy sauve sa vertu. Dommaige sera quand vie luy sau-

dra. Mais ne sera mie encores, car Dieu le gardera. Ainsi se combatirent nos gens tant que force leur peut durer. Ha quelle pitié de tant noble compaignée, si esprouvée gent, si chevaleureuse, & si excellente en armes, qui ne peut avoir secours de nulle part, ains cheurent en la gueule de leurs ennemis, si comme est le fer sur l'enclume. Car tous les environnerent & envahirent de toutes parts si mortellement que plus ne se peurent deffendre.

Et qu'elle merveille ! Car plus de vingt Sarrafins estoient contre un Chrestien. Et toutesfois en occirent nos gens plus de vingt mille : mais au dernier plus ne peurent forçoyer. Ha quel dommaige & quelle pitié ! Ne deust-on pendre les desloyaux Chrestiens qui ainsi faulcement les abandonnerent ? Que male honte leur puisse venir : car si de bonne volonté eussent aidé aux vaillans François & à ceulx de leur compaignée, il n'y feust demeuré Bajazet ny Turc que tout n'eust esté mort & pris, qui grand bien eust esté pour la Chrestienté. Si feurent là morts & occys de ceste chiennaille la plus grande partie des Chrestiens ; & des Barons le Seigneur de Coucy, dont moult feut grand

dommaige. Car vaillant Chevalier , saige & esprouvé estoit.

Aussi feut l'Admiral (17) & maints autres. Mais nos Seigneurs du sang de France, & la plus grande partie des Barons, & plusieurs Chevaliers & Escuyers feurent retenus prisonniers, qui avant ce moult vigoureusement se combattirent (a). Entre lesquels le Mareschal, lequel comme celuy qui tenoit sa vie pour perduë, & cher la vouloit vendre, avoit faict entour luy à force de coups si grand cerne de morts & d'abatus que nul ne l'osoit approcher pour le prendre. Car comme lyon forcené qui rien ne redoubte sembloit que il feust entre eulx. Pour laquelle chose moult y eurent grand peine, & plusieurs des Sarrafins y conveint mourir avant qu'il peust estre pris : mais au dernier tant le presserent qu'à force avec les autres l'emmenèrent.

(a) Tel fut le malheureux succès de la bataille de Nicopoli, donnée le 15 de Septembre de l'an 1396. Elle dura trois heures; il n'y eut que les François qui combattirent. Le Palatin, ou grand Comte de Hongrie, fut le seul de sa nation qui refusa de les abandonner.

CHAPITRE XXVI.

*De la grand pitié du martyre que on faisoit
des Chrestiens devant Bajazet, & comment
le Marechal fut respité de mort.*

Le lendemain de la douloureuse bataille, de rechef fut la tres-grande pitié. Car Bajazet seant en un pavillon emmy les champs, fait amener devant soy le Comte de Nevers & ceulx de son lignaige, avec tous les autres Barons François & les Chevaliers & Escuyers, qui estoient demeurez de l'occision de la bataille. Là estoit grand pitié à veoir ces nobles Seigneurs, jeunes jouvenceaux, de si hault sang comme de la noble lignée Royale de France, amener liez de cordes estroitement, tous desarmez, en leurs petits pourpoints par ces chiens Sarrafins, laids & horribles, qui les tenoient durement devant ce tyran ennemy de la foy qui là seoit. Si sceut par bons truchemens & par certaine information que le Comte de Nevers estoit fils de fils de Roy de France & cousin germain, & que son pere estoit Duc de grande puissance & richesse, & que les enfans de Bar, le Comte d'Eu & le Comte de la Marche estoient d'iceluy mesme sang & parens pro-

chains du Roy de France. Si se pensa bien que pour les garder auroit d'eulx grand tresor & finance : & pource delibera que iceulx & aucuns autres des plus grands Barons il ne feroit pas mourir : mais il les faisoit là tenir assis à terre devant luy. Helas ! tantost apres feit commencer le dur sacrifice : car devant luy faisoit les nobles Barons, Chevaliers & Escuyers Chrestiens tous nuds, & puis tout ainsi que l'on peint par les parois le Roy Herode assis en chaire, & les Innocens que l'on destranche devant luy, estoient là destranchez nos seaulx Chrestiens à tous grands gisarmes par ces mastins Sarrafins en la présence du Comte de Nevers, à ses yeux voyans. Si pouvez sçavoir, vous qui ce oyez, si grand douleur avoit au cœur, luy qui est un très-bon & benin Seigneur, & si grand mal luy faisoit d'ainsi veoir martirer ses bons & loyaux compagnons & ses gens, qui tant luy avoient esté seaulx, & qui si preux par excellence estoient.

Certes je croy que tant luy en douloit le cœur que il voulust à celle mort estre de leur compaignée. Et ainsi l'un apres l'autre on les menoit au martyre, ainsi comme jadis on faisait les benoists martyrs, & là on les fraploit horriblement de grands cousteaux par testes,

par poitrines & par espaules, que on leur abatoit jus sans nulle pitié. Si peult-on sçavoir à quels piteux visaiages estoient menez à celle piteuse procession : car tout ainsi que le boucher traîne l'aigneau au lieu de sa mort, esloyent là menez sans nul mot sonner pour occire devant le tyran les bons Chrestiens (18). Mais nonobstant que ceste mort feut moult dure, & le cas tres-piteux, toutesfois tout bon Chrestien doibt tenir que tres-heureux seurent & de bonne heure nez de telle mort recevoir : car une fois leur convenoit mourir, & Dieu leur donna la grace que ils moururent de la plus sainte & digne mort que Chrestien puisse mourir, selon que nous tenons en notre foy, qui est pour l'exhaussement de la foy Chrestienne, & estre accompaignez avec les benoists martyrs, qui sont les plus heureux de tous les Ordres des autres Saints de Paradis. Si n'est mie doubte que s'ils le receurent en bon gré, que ils sont Saints en Paradis. A icelle piteuse procession feut mené le Marechal de France Boucicaut tout nud, fors de ses petits draps. Mais Dieu qui voulut garder son servant pour le bien qu'il debvoit faire le temps à venir, tant en vengeance sur Sarrafins la mort de cette glorieuse compaignée, comme des autres grans biens qui par son bon sens & à cause

de luy debvoient advenir, feit que le Comte de Nevers sur le point que on vouloit ferir sur luy, le va regarder moult piteusement, & le Marechal luy.

Adonc prist merueilleusement à douloir le cœur au dict Comte de la mort de si vaillant homme, & luy souvint du grand bien, de la prouesse, loyauté & vaillance qui estoit en luy. Si l'advisa Dieu tout soubdainement de joindre les deux doigts ensemble de ses deux mains en regardant Bajazet, & feit signe qu'il luy estoit comme son propre frere, & qu'il le respitast : le quel signe Bajazet entendit tantost, & le feit laisser. Quand cette dure execution feut parfaite, & que tout le champ estoit jonché des corps des benoïsts Martyrs, tant de François comme d'autres gens de diverses contrées, le maudit Bajazet se leva de là, & ordonna que le Marechal qui de mort avoit esté respité feust mené en prison en une grande bonne ville de Turquie, appelée Bursé. Si feut fait son commandement, & là fut tenu jusques à la venue du dict Bajazet.

CHAPITRE XXVII.

*Comment les nouvelles veindrent en France de
la dure desconfiture de nos gens.*

Après cette mortelle desconfiture, fut la grand pitié des Chrestiens François & autres qui estoient là allez pour servir le Comte de Nevers & les autres Seigneurs, Chevaliers & Escuyers, si comme Chappellains, Clercs, varlets, paiges, & aultres gens qui ne s'armoient mie, & mesmement d'aulcuns Gentils-hommes qui eschapperent de la bataille. Si n'estoit pas petit l'esbahissement de eulx trouver en tel party sans chef, entre les mains des Sarrafins. Si estoient comme brebis esparfes sans Pasteur entre les loups. Adonc prist à fuir qui fuir peut hastivement au fleuve du Danube à refuge, comme si ce feust lieu de leur sauvement, comme gent esperduë, & que peur de mort chassoit de peril en aultre. Là se ficherent és bateaux que ils trouverent, qui premier y peut venir; mais tant les chargeoient que à peu n'enfandroient, & que tous ne perissoient ensemble. Les autres qui advenir n'y pouvoient, despoüilloient leurs draps, & à nager se mettoient :

mais la plus grand part en perit, pour ce que trop est ceste riviere large & courante. Si ne leur pouvoit durer haleine tant que ils feussent arrivez : & des noyez en y eut sans nombre. De ceulx qui eschapperent en reveint en France aucuns Gentils-hommes & autres qui rapportèrent les douloureuses nouvelles. Et aussi les propres messaigers que le Comte de Nevers envoya au Duc de Bourgongne son pere, & les aultres Seigneurs aussi à leurs peres & parens.

Quand ces nouvelles furent sceües & publiées, nul ne pourroit deviser le grand deuil qui fut mené en France, tant du Duc de Bourgongne qui de son fils se doubtoit que pour argent ne le peust r'avoir, & qu'on le feist mourir ; comme des autres peres, meres, parens & parentes des autres Seigneurs, Chevaliers & Escuyers qui morts y estoient. Et commença le dueil grand par tout le Royaume de France de ceulx à qui il touchoit, & mesmement generalement chascun plaingnoit la noble Chevalerie, qui estoit comme la fleur de France, qui perie y estoit. Le Duc de Bourgongne avec le dueil qu'il menoit pour la doubte de son fils, moult plaingnoit piteusement & regretoit ses bons nourris Gentils-hommes qui morts estoient

en la compaignée de son dictz fils. Le Duc de Bar grand deuil demenoit pour ses enfans, & faire le debitoit, car oncques puis ne les veid : les meres en estoient comme hors du sens. Mais aux piteux regrets de leurs femmes nul autre ne se compare. La Comtesse de Nevers, la bonne preude femme, qui de grand amour aime son Seigneur, à peu que le cœur ne luy partoit : mais aucune esperance pouvoit avoir du retour. N'eut pas moins de deuil la saige & vaillante dame la Comtesse d'Eu, fille du Duc de Berry, rien ne la pouvoit reconforter : car quoy que on luy dist, le cœur luy disoit que plus ne verroit son Seigneur ; laquelle chose advint, dont de deuil pensa mourir quand elle sceut son trespas. La belle & bonne Baronesse de Coucy tant plora & plaignit la mort de son bon Seigneur, que à peu que cœur & vie ne luy partoit, ne oncques puis qui que l'ait requise, marier ne se voulut, ne celuy deuil de son cœur ne partit. La fille au Seigneur de Coucy qui perdu y avoit son pere & son mary Messire Henry de Bar, dont elle avoit deux beaux fils, avoit cause de deuil avoir, & croy bien que elle n'y faillit mie, & tant d'autres Dames & Damoiselles du Royaume de France, que grand pitié estoit d'oïr leurs plaintes &

& regrets, lesquels ne sont mie à plusieurs d'elles, quoy que il y ait ja grand piece, encores finis, ne à leur vie croy que ils ne finiront. Car le cœur qui bien aime de leger pas n'oublie. Si firent tous Nosseigneurs faire le Service solemnelement en leurs Chappelles pour les bons Seigneurs, Chevaliers & Escuyers, & tous les Chrestiens qui là estoient morts. Le Roy en fait faire le solemnel service à nostre Dame de Paris, où il fut & tous Nosseigneurs avec luy. Et estoit grand pitié à oïr les cloches sonner de par toutes les Eglises de Paris, où l'on chantoit & faisoit prieres pour eulx, & chascun à larmes & plaintes s'en alloit priant. Mais peult bien estre que mieulx eussions besoing que ils priaissent pour nous, comme ceulx qui sont, si Dieu plaist, Saints en Paradis. Le Duc de Bourgogne au plus tost qu'il peut envoya ses messaigers devers Bajazet à tout moult riches & beaux presens, & aussi fait le Roy de France & les aultres Seigneurs, en le priant de mettre à rançon tost & brièvement les prisonniers, & que ils n'eussent par luy mal ne grevance : mais comme le chemin soit long ne feurent pas les messaigers si tost arrivez, & moult ennuye à qui attend. Mais à tant de ce me tairay, & retourneray aux dicts prisonniers.

CHAPITRE XXVIII.

Comment le Comte de Nevers fut emmené prisonnier à Burse, & plusieurs autres Barons. Et de la rançon que on envoya à Bajazet, & du bienfaict du Marechal.

Peu de jours après la dicte desconfiture, alla Bajazet à la ville de Burse, & mena avec luy le Comte de Nevers & les autres prisonniers. Si les feit mettre en bonne forte prison, & bien les feit garder. Quand ils eurent là esté un espace de temps, où ils avoient moult de mesaises, le Comte de Nevers se conseilla avec les siens. Si delibera par leur conseil que bon seroit que il envoyast devers Bajazet sçavoir s'il les vouldroit faire mettre à rançon. Pour faire ceste Ambassade fut ordonné le Marechal & le Seigneur de la Trimouille. Si firent tant que ils furent mis hors de la prison, & allerent par fournir leur messaige devers Bajazet; mais en ce perdirent leurs pas, car pour chose que ils sceussent dire, ne faire, n'y voulut entendre. Et quand ils furent retournez, & eurent rapporté ce qu'ils avoient trouvé, leur ordonna le Comte de Nevers que ils

retournassent derechef devers Bajazet, & de par luy le priaissent chèrement que il les voulust mettre seulement eulx deux à rançon, à celle fin qu'il les peult envoyer pour chasser finance pour luy & pour sa compaignée, car grand besoing en avoient.

Si retournerent les deux dessus dictz devers Bajazet, & luy feirent la requeste du Comte de Nevers; laquelle chose il oüroya assez volontiers, & les meit à rançon, & leur donna congé d'aller là où il leur plairoit par fausconduit. Quand ils furent retournez, le Comte de Nevers & sa compaignée eurent grand joye de leur delivrance, & tantost leur ordonna où ils iroient pour chasser finance. Si s'apprestèrent le plustost que ils peurent, & partirent pour aller à Rhodes. Quand ils furent là arrivez, maladie tantost print au Seigneur de la Trimouille (a), (19) de laquelle il mourut dans peu de jours, dont il pesa moult au Marechal, qui avoit faict tout son pouvoir de sa guairison, & moult avoit esté de luy soigneux; si le feist ensepvelir le plus honnorablement qu'il peut. Et quand ce fut faict, il arma deux galées & s'en veint à Metelin, & là parla au Seigneur de Metelin, & le pria de

(a) Gui, VI de nom.

par le Comte de Nevers & de par les autres Seigneurs que il les voulust secourir de certaine finance, & que bonne seureté luy en seroit faicte. De ceste chose feit si grande diligence le bon loyal Marefchal, & tant y meit peine, & si gracieusement & tant faiblement parla au dict Seigneur de Metelin que il eut de luy & d'autres riches marchans du pays jusques à la somme de bien trente mille francs, duquel argent luy-mesme se obligea tres-estroitement.

Quand il eut ainsi faict sa finance il s'en retourna hastivement devers le Comte de Nevers & sa compaignée, qui furent moult esjoüis & reconfortez de sa venuë & de la finance que il leur avoit apportée, dont grand besoing avoient. Et puis se partit d'eulx, & alla devers Bajazet payer la rançon à quoy il l'avoit mis, & fut quitte de sa prison, & s'en pouvoit aller où il luy plaisoit. Mais ne cuidez mie que pourtant le tres-loyal Chevalier abandonnast ne laissast le bon Comte de Nevers, ne sa compaignée : ains se r'alla bouter avec eulx en prison tout aussi gayement que si prisonnier feust, de laquelle chose moult luy sceurent bon gré. Et luy dit le Comte de Nevers telles paroles : *Ha Marefchal ! de quel couraige vous venez vous*

mettre derechef en ceste dure & maudite prison, quand vous vous en pouvez aller franchement en France ! Ausquelles paroles il respondit. *Monseigneur, Ia à Dieu ne plaise que je vous laisse en ceste contrée, ce ne sera mie tant que j'auray au corps la vie. A grand honte & à grand mauvaiſtié me devroit tourner de vous laisser emprisonné en lieu si divers, pour m'en aller aïſier en France.* De ce le remercia moult le Comte de Nevers ; si le renvoya devers Bajazet pour pourchasser leur delivrance & les meſtre à rançon. A laquelle chose il meit moult grand peine. Car moult le trouvoit dur & reveſche, & sembloit qu'il n'y voulust entendre, ne on ne le pouvoit faire mettre à nulle raison. Si alla & reveint le Mareſchal par pluſieurs fois pour celle cause, & longuement dura ce traité ; car Bajazet ne ſçavoit que faire de les faire tous mourir ou de les mettre à rançon : car il doubtoit s'il les laiſſoit aller, que après quand en France ſeroient retournez aſſemblaffent grand oſt & r'allaffent ſur luy pour eulx venger, pour laquelle cause pourroit luy & ſon pays eſtre deſtruit.

Si trouvoit à ſon Conſeil que le mieulx eſtoit que il les meïſt à mort. Mais quand le ſaige Mareſchal eut ſenty ceste chose

moult eut grand peur & doubte de la vie de ses bons Seigneurs & amis; si se pensa que grand sens convenoit à traicter accord avec Bajazet. Si se parforça encores plus de bel de parler à luy. Si luy disoit, que par les delivrer acquerroit grandes amitez en France, & que maints beaux dons en recevrait, & grande finance en auroit, & par les retenir à force, ou s'il faisoit d'eulx autrement que raison, tous les Princes Chrestiens du monde, pour l'amitié du Roy de France luy iroient courir sus, si le destruiroient. Telles paroles bien & saignement luy disoit le Marechal. Parquoy tant fait & tant travailla, que au dernier Bajazet qui doubta le mal qui ensuivre luy en pouvoit s'il les faisoit mourir, commença à se mesre en voye d'accord. Si entrerent en traicté de la somme de la finance de la rançon, & tant fut celle chose pourparlée, que nonobstant que Bajazet demanda un million de francs, si sage maniere sceut tenir vers luy le Marechal, que petit à petit & de somme en somme, le condescendit à cent cinquante mille francs. A la charge que le Comte de Nevers jure- roit par tous les sermens de sa loy, & aussi tous les autres Seigneurs de son lignaige, que jour de leurs vies eulx ny aucun de par

eulx ne s'armeroient contre luy. De ce serment faire conveint que feussent les prisonniers d'accord, ou autrement jour de leurs vies ne eussent esté delivrez. Et aussi pour celuy serment & seureté avoir de eulx se condescendit Bajazet à moings de somme d'argent. Mais ne furent mie longuement asservis à celle convenance : car assez tost après mourut Bajazet. Quand ceste chose fut accordée ne musa pas le Marechal, car moult avoit grand peur que Bajazet trouvast autre conseil. Si vint tantost devers le Comte de Nevers, & luy dit l'appointement du traité, lequel il agreea, & les autres aussi ; nonobstant que eussent eu en volonté & desir de eulx venger de Bajazet ; mais nécessité n'a loy.

Si furent adonc tirez hors de prison, & menez devant Bajazet, pour jurer & certifier ceste convenance. Si furent reconfortez les prisonniers, si ne feust la mort du bon vaillant Comte d'Eu (a) qui mourut en la prison ; dont durement furent dolens, & moult le plainquirent & à plaindre faisoit. Car de grand vaillance & bonté estoit. Si ensevelirent le

(a) Philippes d'Artois, Prince du Sang, Comte d'Eu & de Beaumont, & Connétable de France. L'Histoire le blâme d'avoir conseillé la funeste bataille de Nicopolis.

corps au plus honorablement que ils peurent, & après fut porté en France (20). Le serment feirent les dictz Seigneurs devant Bajazet & fort se obligerent. Et s'obligea pour le Comte de Nevers le Mareschal, que Bajazet prisoit & honnoroit moult pour le sens & bonté que avoit veu en luy, & avec ce leur convenoit laisser bons ostages tant qu'il feust agréé. Si envoya le Comte de Nevers le Mareschal à Constantinople faire finance d'argent, & la feit au mieulx qu'il peut, & luy-mesme s'y obligea derechef. Et en ces entrefaictes arriverent les messaigers de France, c'est à sçavoir Monseigneur de Chasteaumorant & le Seigneur du Vergy, & autres qui finance & nouvelles de leurs amis leur apportoint, & feurent receus à grand joye.

Et après ce les dictz messaigers allerent devers Bajazet, & luy presenterent de tres-riches & beaux dons de par le Roy de France & de par les Seigneurs, & de moult gracieuses paroles, comme les plus beaux Aultours & Faucons que on peult veoir, & les gants à les porter, tous couverts de perles & de pierres precieuses qui valoient moult grand tresor, escarlates, fins draps, riches toiles de Rheims, & toutes telles choses.

dont ils n'ont mie par delà : & tout ce faisoit le Roy & les Seigneurs, afin que plus favorable feust aux prisonniers, & plus courtois à leur rançon. Si eut les dons bien agréables & la finance aussi que portée avoient. Si fut la rançon payée, & il les delivra & donna congé d'aller où ils voudroient. Si se partirent de luy & vindrent à Metelin, où le Seigneur du lieu les receut à grand honneur, & là se aiserent; car grand besoing en avoient.

Après que le Comte de Nevers & les autres prisonniers furent quittes à Bajazet, ils se partirent du Seigneur de Metelin qui maint bien leur avoit fait. Si se meirent en chemin pour venir en France, & tant errerent que ils approcherent de la cité de Venise. Là acoucha malade Messire Henry de Bar (a) en une ville costé de Venise que on nomme Trevise, de laquelle maladie il trespassa, qui grand deuil fut aux François, & moult le plaignirent; car bon & bel estoit,

(a) Il étoit fils aîné de Robert premier Duc de Bar, & de Marie de France fille du Roi Jean, qui avoit érigé le Comté de Bar en Duché. Il avoit épousé Marie de Couci, fille aînée & principale héritière d'Enguerand. Il n'en eut qu'un fils & une fille. Le fils nommé Robert fut tué à la funeste bataille d'Azincour.

& tout l'honneur que au corps peurent faire ils feirent. Apres ce arriverent à Venise , en laquelle ville teindrent ostage. Et furent que en la dicte ville, que en une autre que on nomme Trevise , où ils se transporterent pour l'epidemie qui à Venise couroit , l'espace de quatre mois. Tant que on leur envoya de l'argent de France , & que en partie se feurent acquitez de ce que on leur avoit presté. Puis se partirent & veindrent en France, où ils feurent du Roy & de tous receus à moult grand jöye. Si se loüa moult le Comte de Nevers au Roy & à son pere du bon Mareschal , & dit que par son sens & bonté avoit sauvé la vie à luy & à sa compaignée , & leur dit la peine que il avoit eüe pour les tirer hors de prison. Si luy en sceut le Roy & Nosseigneurs moult bon gré.

CHAPITRE XXIX.

Comment apres le retour de Hongrie le Roy envoya le Mareschal en Guyenne , à belle campagne de gens d'armes sur le Comte de Perigort , qui s'estoit rebellé contre luy. Si le prit & amena prisonnier au Roy.

Après ce retour de Hongrie fut le Mareschal toute celle saison à repos. Car assez

besoing en avoit. Si advint en celuy temps que le Comte de Perigort (a) se rebella contre le Roy de France, & meit les Anglois dedans ses chasteaux & forteresses sans qu'il eust nulle cause de c'e faire. Et commença à faire grand guerre au pays du Roy en Guyenne, & à bouter feu, à occire gent, & à faire tout du pis qu'il pouvoit. De ceste chose feurent portées les nouvelles au Roy, pour lesquelles offences faire amender il y envoya le Vicomte de Meaux & Messire Guillaume de Tignonville, avec bonne compaignée de gens d'armes. Et quand ils feurent là arrivez, le dict Vicomte de Meaux feit commandement au Comte de Perigort que il se rendist au Roy, & cessast de la guerre & des oultraiges que il faisoit: mais à ce ne voulut oncques obeir le dict Comte, ne du commandement ne fist force. Si s'en retournerent sans rien faire quand une piece y eurent esté. Et passa ainsi l'hiver. Quand veint au renouvel de la saison le Roy ordonna que le Marechal iroit au dict pays, & avec luy meneroit huit cent hommes d'armes, & quatre cent Arbalestriers, & en prendroit deux cent qui estoient ja devant pour la garde du pays, & par ainsi

(a) Archambaut, IV de nom.

feroient mille hommes d'armes qu'il auroit. Et avec ce luy fut baillé l'Arrest de Parlement qui avoit esté jetté contre luy pour ce que il ne s'estoit comparu à l'appel du Roy. Et ainsi se partit le Mareschal à belle compaignée , & avec luy allerent le Vidame de Lannois qui ores est grand Maistre d'hostel du Roy, Messire Guillaume le Boutellier , Messire Bonnebaut , Parchion de Nangiac, & plusieurs autres Bannerets & vaillans Chevaliers.

Si tost que le Mareschal fut arrivé en Perigort, il manda au Comte que il se meist en l'obeissance & volonté du Roy, & demandast pardon du grand mespris que vers luy faicte avoit. Et que si ainsi le vouloit faire, que luy mesme pourchasseroit sa paix vers le Roy, & le prierait que il luy voulust pardonner. Mais de tout ce ne feit nul compte, ains espia sont point & faillit sur les gens du Mareschal à belle escarmouche. Mais toutesfois ce fut à son pis ; car il fut laidement rechassé en sa forteresse : & non pourtant y fut blessé Messire Robert de Milly, qui estoit & est de l'hostel du Mareschal. De ceste desobeissance & outrecuidance que le Comte de Perigort faisoit contre le Roy fut moult indigné le Mareschal, & dit qu'il

luy vendroit cher sa folie. Si meit tantost le siege par tres-belle ordonnance devant le chastel de Montignac (a), qui est une tres-forte place, & sembleroit comme impre-nable, & là estoit le dict Comte, & manda querre engins & trait de par tout, & en fit faire tant qu'il en fut bien garny. Puis les feit dresser : si prirent à lancer si grosses pierres d'engins & de canons contre les murs que tous les estonnerent, & si druëment que l'un coup n'attendoit l'autre, dont ils abatoient la muraille à grands quartiers. Tant que en deux mois que dura le siege furent furent si bien battus que mieulx ne pouvoient. Et bien veirent ceulx de dedans que tenir ne se pourroient, & que remede n'y avoit qu'ils ne feussent pris par vive force. Si conseillèrent au Comte que il se rendist, laquelle chose quand plus n'en peut il feit, & se soubmist à la volonté du Roy & à l'ordonnance du Mareschal. Et aussi se rendirent au Roy tous ses chasteaux & villes (b), & le Mareschal comme saige Chevetaine y meit tres-bonnes gardes & tres-bien les garnit. Et le Comte & ses sœurs qui avec luy feurent prises envoya en France au Roy,

(a) A sept lieues de Périgueux.

(b) Bourdeilles, Aubroche, Sarlat.

lequel luy pardonna ses mesfeits, (21) pour ce que il luy cria mercy, & promist d'estre de là en avant bon François. De laquelle chose il se parjura : car assez tost apres se partit sans congé, & s'en alla en Angleterre, dont puis ne retourna. Le Marechal demeura toute celle saison qui estoit hyver en Guyenne, en la garde du pays, & puis l'esté d'après s'en retourna vers le Roy.

CHAPITRE XXX.

Cy dict comment l'Empereur de Constantinople envoya requerir secours au Roy contre les Turcs, & il y envoya le Marechal à belle campagne.

En celuy temps lors que le Marechal estoit en Guyenne comme dict est, l'Empereur de Constantinople qui est appelé Carmanoli (a), envoya devers le Roy un sien Ambassadeur nommé *Catotufeno* (b), luy supplier que il le voulust secourir & ayder contre les Turcs; car il ne pouvoit plus resister à leur force (22). Si luy pleust luy estre en aide, à celle fin que luy & la noble cité de Constantinople ne cheussent és mains des

(a) Emmanuel. (b) Théodore Cantacuzène.

mescreans, car plus n'y sçavoit remede. Oulre cecy pour celle chose mesme les Genevois (a) & les Venitiens qui de ce sçavoient la pure verité, envoyerent pareillement leurs Ambassadeurs au Roy, le supplier que il voulust secourir le dict Empereur, & que eulx aussi l'ayderoient, c'est à sçavoir chascune Seigneurie de huit galées. Et se faisoient forts de ceulx de Rhodes.

Lors comme le Roy se conseilloit que il estoit bon à faire de ceste chose, arriva le Mareschal devers luy. Si fut regardé en Conseil que pour le bien de la Chrestienté, & pour ayder à l'Empereur qui au Roy requeroit secours, bon seroit qu'il envoyast le dict Mareschal; car Capitaine plus propice n'y pouvoit envoyer. Si en fut le Roy d'accord, & luy ordonna quatre cent hommes d'armes & quatre cens varlets armez, & une quantité d'archers : de ceste commission fut joyeux le Mareschal, & fait telle diligence, que luy & ses gens, & son navire, & toutes choses necessaires pour iceluy voyage feurent prestes à la Saint Jean d'esté à monter sur mer à Aiguemortes, où le dict Mareschal arriva deux jours après. Et là chargea quatre naves & deux galées, & de là se

(a) Genoïs,

partit, & s'en allerent avec luy le Seigneur de Linieres & Messire Iean de Linieres son fils, le Seigneur de Chasteaumorant, Lermite de la Faye, le Seigneur de Montenay, Messire François Daubissécourt, Messire Robin de Braquemont, Messire Iean de Torfay, Messire Louys de Culan, Messire Robert de Milly, Messire Louys de Cervillon, Messire Renault de Barbasan, Messire Louys de Ligny, Messire Pierre de Grassay qui puis porta la banniere de nostre Dame, & autres plusieurs bons Chevaliers & Escuyers de grand renom allerent avec eulx, desquels je passe les noms pour cause de briefveté.

Ainsi alla par mer le Marechal tant qu'il veint prendre port à Savonne, & là feist toutes ses ordonnances, & ordonna ses Capitaines, & bailla à chascun telle charge que bon luy sembla, puis se partit de là pour aller à son voyage. Et ainsi comme il alloit, luy fut rapporté comment cinq galées des gens de Messire Lancelot (a) tenoient le siege devant une ville & bel chastel qui sied en une petite isle prés de Naples appelée *Capri*, laquelle dicte ville & chastel se tenoient pour le Roy Louys. Si tost qu'il sceut ceste chose, il dit à ses gens qu'il vouloit aller secourir

(a) Ladislas, usurpateur du Royaume de Naples.

le chastel du Roy Louys, & que chascun se mist en ordonnance. Si tira celle part; mais quand il y fut arrivé il trouva que ceulx du dict chastel s'estoient ja rendus, toutesfois leur offrit-il son ayde contre les autres, & que ils se retournassent devers leur partie; mais le Capitaine le refusa comme traistre que il estoit au Roy Louys. Et bien le monstra : car il jetta hors certains François qui leans estoient, & le Mareschal les recueillit & emmena avec luy. Mais il ne se teint mie à tant, ains alla pour escarmoucher les dictes galées, & icelles fuirent devant luy. Et comme il s'en retournoit & estoit remis en son chemin, il rencontra le Comte de Peraude, lequel tenoit le party de Lancelot, auquel il donna la chasse tant que par force les fit ferir en terre, & faillir hors & s'enfuir, & nos gens gaignerent le navire & tout ce qui estoit dedans. Et ce faict se remeit en son chemin & tira au Royaume de Cecile (a), & alla descendre en une cité appelée Messine,

(a) Scicile.

CHAPITRE XXXI.

Comment le Mareſchal ſ'en alla par mer à belle compaignée, & l'affaire qu'il eut aux Sarraſins,

De Meſſine ſe partit le Mareſchal ſans y faire longue demeure, & ſ'en alla deſcendre en la ville & iſle de Scio, où il cuidoit, par ce que on luy avoit donné à entendre, trouver les huit galées des Venitiens qui debvoient eſtre envoyées au ſecours de l'Empereur de Conſtantinople, comme diſt eſt, Mais il ne les y trouva pas, & luy fut diſt que il les trouveroit en un lieu appellé *Negropont*. Si ſe partit de Scio pour les aller là chercher, & en ſon chemin paſſa par le Seigneur de Metelin qui à joye le receut. Toutesfois il luy dit que il avoit faiſt à ſçavoir aux Turcs ſa venuë, pour non rompre les convenances & paches que il avoit avec eulx. Mais de ce ne ſeit compte le diſt Mareſchal, & diſt que de par Dieu feult. Non pourtant diſt celui Seigneur de Metelin qu'il ſ'en iroit avec luy en ce voyage.

Quand le Mareſchal ſeut à Negropont il ne trouva pas les diſtes galées, ſi voulut là

un peu attendre, & luy sembla que bon feroit de faire à sçavoir à l'Empereur sa venue, afin que il apprestast son armée pour aller tantost courir sus aux Sarrafins. Si feit monter sur deux galées, en l'une le Seigneur de Chasteaumorant (a), & en l'autre le Seigneur de Torfay (b), pour aller à Constantinople faire le dict messaige. En la galée du Seigneur de Chasteaumorant fut entre les autres bons & vaillans un noble Escuyer du pays de Bourgongne nommé *Jean de Ony*, Escuyer d'escuyrie du Duc de Bourgongne, appert homme, hardy & de grand vasselaige en faict d'armes, & qui ja moult avoit travaillé & s'estoit trouvé en maintes bonnes places, lequel pour tousjours croistre son pris & los de mieulx en mieulx, s'estoit mis en la compaignée du Mareschal en iceluy voyage : pource que tant vaillant le sçavoit, que il estoit certain que mieux ne pouvoit employer son temps que avec luy. Mais pas n'y alla en vain, car avant le retour y esprouva son corps vaillamment, si comme en aucuns lieux cy-aprés sera dict.

Au partir du port, afin que les dictes galées n'eussent empeschement, le Mareschal les convoya jusques à la veüe de Galipoli,

(a) Jean.

(b) Jean.

& de là ne se bougea; afin de les secourir si aulcune chose leur advenoit. Et en ce monstra bien son bon sens & advis, & grande bonté, de vouloir secourir ses gens si mestier estoit, & bien leur en fut besoing. Car les Turcs qui de sa venuë estoient advisez, pour luy courir sus avoient fait deux embusches de dix-sept galées bien armées, dont l'une des embusches estoit dans le port de Galipoli, où il y avoit plusieurs vaisseaux, & l'autre au-dessus de la ville au chemin de Constantinople. Si adveint que aussitost que nos deux galées feurent passées outre Galipoli, la premiere embusche leur fut après pour leur courir sus, c'est à sçavoir sept galées, & tantost devant eulx veirent venir contre eulx la dicte autre embusche, en laquelle y avoit autres dix galées, & par ainsi feurent au milieu de leurs ennemis. Si ne sceurent autre party prendre fors de retourner arriere devers le Marechal; mais par leurs ennemis leur convenoit passer, si furent tost pesse-messe avec eulx, qui les assaillirent de tous costez, & les nostres comme vaillans & preux se preindrent à defendre vigoureusement, & par si grand vertu estriverent contre eulx que oncques ne les peurent arrester, ains malgré leurs dents s'en

veindrent tousjours combatant, quoyque les Sarrafins taschassent à les faire demeurer. Mais ce ne fut mie en leur puissance, ains s'en veindrent ainsi combatant si près que le Mareschal en ouyt l'effrainte, qui ne musa mie à leur estre au-devant, & moult tost se meit en belle ordonnance pour les aller aider. Et bien befoing leur estoit, car ja estoient si batus que mais aider ne se pouvoient; car si grande quantité de Sarrafins y avoit qu'il fut dict & conseillé au Mareschal que il n'y allast point, & qu'il valoit mieulx que deux galées perissent que tout: duquel conseil le vaillant homme sceut mauvais gré à ceulx qui ce disoient, & leur respondit qu'il aimeroit mieulx estre mort que par son default veoir mourir & perdre sa compaignée, & que ja Dieu ne le laissast tant vivre que tant de recreandise feust en luy trouvée.

Le plus tost qu'il peut leur feut alencontre par telle contenance & maintien, que quand les ennemis le veirënt venir, ils abandonnerent tantost les deux galées, & se meirent en fuite au plus tost qu'ils peurent, & tant se hastoient que la plus grande galée des Turcs alla ferir en terre si grand coup, sans que ils y meissent conseil, que grand foison en y eut de morts & d'affollez. Et ainsi sauva

le Mareſchal les diſtes galées, & ſ'en alla ceſte nuit geſir au port de Tenedon devant la grand Troye. Et le lendemain matin les galées des Venitiens arriverent, & deux de Rhodes, & une galiote du Seigneur de Metelin. Et toſt après veint tout le navire qui debvoit aller au ſecours de Conſtantinople. Si feut là fait le Mareſchal chef & conduiſeur de toute ceſte compaignée, de la bonne volonté & aſſentement de tous, & là il feit ſes ordonnances & bailla la banniere de noſtre Dame par droit d'armes, comme à celui qui plus avoit veu, & qui eſtoit un vaillant Chevalier, à porter en celui voyage, à Meſſire Pierre de Graſſay. Et le lendemain après que les Meſſes feurent chantées, le Mareſchal ſe partit à tout ſa compaignée, & n'arreſta juſques à ce que il feut en Conſtantinople, où il feut receu de l'Empereur luy & ſa compaignée à tres-grand honneur & joye (23).

CHAPITRE XXXII.

La grand chere & joye que l'Empereur feit au Mareſchal & à ſa compaignée, & comment ils allerent courir toſt ſus aux Sarraſins.

L'Empereur qui bien avoit ſceu la venuë

du Mareſchal & de ſa belle compaignée , avoit ja fait tout ſon appreſt , & tous ſes gens aſſembler , afin que auſſi toſt que il ſeroit venu n'y euſt que à partir pour courir ſus aux Sarraſins. Si ne ſejourna pas là moult longuement le Mareſchal depuis qu'il fut arrivé : ains n'y avoit eſté que quatre jours quand il feit aſſembler tous les gens de celle armée en une belle plaine pour les veoir. Et feut trouvé que ils eſtoient en nombre de ſix cent hommes d'armes , ſix cent varlets armez , & mille hommes de trait , ſans l'oſt & l'aſſemblée de l'Empereur , où il y avoit grand gent. Là leur ordonna comment il vouloit que ils allaſſent , & feit ſes Chevetains & Capitaines , & leur bailla charge de gens ſelon ce que il ſçavoit que ils valoient , & que faire l'office chaſcun ſçavoit en droit ſoy. Si monta ſur mer l'Empereur à tout celle compaignée , & furent leurs vaiſſeaux par nombre vingt & une galées complies , & trois grandes galées huifieres és quelles ils menoient ſix vingt chevaulx , & ſix que galiotes que brigantins.

Si partirent de Conſtantinople , & allerent arriver en Turquie , & deſcendre par belle ordonnance en un lieu que on diſt le pas de Naretez. Si entrerent au pays de Turquie

environ deux lieües, & preindrent à destruire, brusser & gasser tout le pays d'environ la marine, & par tout où ils passerent, où il y avoit de moult bons villaiges & de beaux manoirs, & meirent à l'espée tous les Sarrafins que ils trouverent. Et puis quand ils eurent faict ceste course ils s'en retournerent & retrahirent en Grece. Et peu de jours apres ils repasserent en Turquie, & allerent bien deux lieües loing de la marine pour destruire un gros villaige qui sied sur le goulphe de Nicomedie appellé Diaschili. Mais là trouverent grande assemblée de Turcs du pays qui cuiderent garder le villaige contre nos gens, & tous arrangez se tenoient à pied & à cheval au devant à telles armeures comme ils pouvoient avoir. Mais ce ne leur valut rien : car en peu d'heures eussent esté tous morts & pris s'ils ne s'en feussent fuis. Toutesfois ne sceurent si tost fuir que la plus grande partie d'eulx ne feust mise à l'espée. En ce villaige y avoit moult de beaux manoirs, & un riche Palais qui estoit à Bajazet. Si bouterent nos gens le feu par tout, & destruirent le villaige & tout le pays à l'environ, puis se bouterent en leurs galées & allerent toute nuit. Et le lendemain quand ils voulurent descendre

& prendre terre devant une cité appellée Nicomedie, les Sarrafins y cuiderent mettre empeschement, & leur feurent alencontre à grand quantité pour leur chalenger le port : mais ce ne leur valut rien : car nos gens prirent port malgré leurs dents, & les repoulsèrent laidement & terre gaignerent sur eulx.

Si allerent nos gens assaillir la ville par maniere d'escarmouche, & meirent le feu aux portes, mais ne peurent les brusser, pour ce que elles estoient toutes ferrées de lames de fer. Les eschelles furent apportées & dressées contre les murs qui à merveilles sont forts & beaux, & si haults que trop courtes furent plus de trois brasses. Si n'y peurent rien faire : mais ils occirent tous les Sarrafins qu'ils peurent trouver, & bruslerent les faulxbourgs, tous le pays & les villaiges d'environ. Puis se retrahirent en leur navire & cheminerent toute nuit, & le matin prirent port au plus pres qu'ils peurent d'un grand villaige champestre que on nomme le Serrail, qui estoit loing de la marine comme à une grosse lieüe. Si s'assemblerent contre eulx tous les Sarrafins du pays, qui leur cuiderent defendre l'approcher de la ville ; mais n'y peurent contredire,

dire, toute bruslerent, & la gent occirent qu'ils trouverent, & tout le pays d'environ. Mais tandis que ils faisoient cest exploit les nouvelles en allerent par tout. Si s'assemblerent moult grand quantité de Sarrafins, & ainsi comme nos gens s'en retournoient en leurs nefs en moult belle ordonnance, comme bien besoing leur estoit, iceulx Sarrafins les poursuivirent de si pres que par plusieurs fois feirent retourner l'arrieregarde pour cuider combatre à eulx. Car par plusieurs fois s'essayerent de mettre nos gens en desordonnance, & toutesfois ne les oserent plainement assaillir. Et nos gens ne voulurent plus là arrester pour la nuit qui ja s'approchoit. Si rentrerent en leurs galées & retournerent à Constantinople.

CHAPITRE XXXIII.

Des villes & chasteaux que l'Empereur, le Mareschal & leur compaignée prirent sur Sarrafins.

Quand l'Empereur & le Mareschal à tout leur ost eurent séjourné à Constantinople environ six jours, ils en partirent & retournerent en Turquie. Et allerent assaillir un

bel chafstel qui feoit fur la mer majour, & estoit appellé Rivedroict. Au point du jour furent là arrivez. Mais les Sarrafins qui de leur venuë avoient esté advisez, & leurs espies avoient sur mer qui tost leur rapportèrent, faillirent tantost en plains champs, & ne leur contredirent pas le descendre : ains se meirent en belle ordonnance devant le chafstel pour leur livrer la bataille, & esloyent bien de six à sept mille Turs. Et quand ils veirent que si grande compaignée de gens estoient, & en si belle estoffe, ils prirent avec eulx pour croistre leur ost tous les gens qui estoient en la garnison du dict chafstel, excepté une quantité de gens d'armes des meilleurs que ils eussent, qui leur sembla estre suffisante pour le garder pour un jour contre tout le monde : car tant estoit fort & hault de luy mesme que il estoit de legere garde. Et quand eurent ce fait, tous serrez ensemble & bien sagement ordonnez, ils se reculerent & tirerent un peu en sus du chafstel; afin que quand nos gens seroient à l'assault au pied du mur, & seroient esparpillez pour combatre le chafstel, que ils veinsent si tost sur eulx que ils n'eussent le loisir de eulx assembler ne mettre en ordonnance. Et par la propre maniere que ils

avoient ordonné, le cuidèrent faire six ou sept fois la journée. Mais le faige Marefchal avoit moult bien pourveu à ceste malice : car quand il fut à terre avec tous les gens, est à ſçavoir que l'Empereur & les Chevaliers de Rhodes à tout grand compaignée de gens d'armes & d'arbalestriers, ſeit demeurer arrangez en moult belle bataille devant le chaſtel, pour garder que les Turs ne vinſſent empescher l'aſſault. Et en ceste bataille demeura la baniere de noſtre Dame ainſi aſſiſe qu'elle devoit. Et quand il eut faiſt toute celle ordonnance il alla combattre le chaſtel, & commença l'aſſault droit à Soleil levant.

Une autre malice encores avoient faiſte les Sarraſins pour empescher le dict aſſault: car du coſté dont nos gens les devoient aſſaillir, ils avoient faiſt ſur les murs & és faulſes brayes des eſchafaults couverts de feurre & de ramille mouillée pour rendre grand fumée, dont auſſi toſt qu'ils veirent partir nos gens pour aller vers eulx ils bouterent le feu en ces eſchaffaults; aſin que ils ne peuſſent approcher pour les grands feux & pour la fumée. Mais tout ce ne leur valut rien: car nonobſtant ce en peu d'heures fut le Marefchal à toute ſa gent au pied du

mur, & tantost fait par force faire deux belles mines, & tant furent menées icelles mines, malgré tous leurs empeschemens, que le mur fut percé en deux lieux. Et là fut fort combatu : car les Sarrafins fort defendoient le passaige. Si y seurent fait moult de belles armes, & moult s'y esprouverent vaillamment nos bons François. Et bien y estoit present qui bon exemple de bien faire leur donnoit, c'est à sçavoir leur vaillant Chevetaine qui mie ne s'y espargnoit, ains y tenoit si bien sa place que nul tant n'y travailloit. Et plusieurs fois celle journée le Mareschal feit dresser ses eschelles: où maints vaillans hommes combattirent main à main par grand force contre ceulx du chastel, lesquels tant s'efforcerent de jetter grosses pierres de fais sur les eschelles qu'elles ne peurent soustenir la charge & rompre les conveint. Et aussi la grand pesanteur des gens d'armes qui par grand desir de bien faire montoient dessus, les faisoit ployer & rompre.

Quand le Mareschal, qui toute la journée ne s'estoit retraits de combatre, & qui tant y avoit fait d'armes que ce n'estoit que merveilles, veid que ses eschelles ne pouvoient durer, tantost & vistemement fait faire

une grande & forte eschelle de deux antennes de galées, & ja estoit Soleil couchant quand elle fut dressée contre les murs. Celle voulut-il garder de trop grand charge, & par grand diligence luy mesme s'en prenoit garde. Le premier monta sus Messire Guichart de la Iaille, qui par long espace combatit vaillamment main à main à ceulx du chastei, qui tant estoient sur luy que ils le desarmerent de son espée ; pour laquelle cause & non mie par faulte de couraige le conveint abaisser deffous un bon Escuyer, qui estoit le premier apres luy, qui est nommé Hugues de Tholoigny, lequel tant vaillamment se combatit que il entra par force le premier dedans le chastei, & le dict Messire Guichart apres. Et ceulx qui combattirent en la mine, comme dict est, aussi tant feirent par force d'armes que ils y entrerent. En celle mine avec plusieurs aultres combatit moult vaillamment le bon Escuyer nommé Iean de Ony, duquel j'ay parlé cy devant, tant que par sa force & la hardiesse de son bon couraige, malgré les ennemis qui toute peine mettoient à l'en garder, feit tant que il entra dedans tout le premier, & apres luy Messire Foulques Viguiier, apres Messire Renauld de Barbasan, & plusieurs autres les suivirent.

Si allerent tantost secourir leurs compaignons qui par l'eschelle estoient montez, & grand besoing en avoient ; car ils n'estoient pas plus de dix ou de douze qui sur le mur se combatoient, & estoit l'eschelle rompuë pour le grand fais & charge des bons vaillans qui par leur grand couraige s'efforçoient de monter sus. Et par celle maniere fut le chastel pris qui tant estoit fort qu'il sembloit imprenable. Si occirent tous les Turs qui dedans estoient. Et le lendemain le Marechal fist le chastel raser tout par terre, qui de grand force estoit. Car de l'une des parts la mer y battoit, & de l'autre une grosse riviere qui vient de Turquie, si que on n'y pouvoit venir que par une part.

Mais à toute ceste chose ne meirent oncques contredit les Turcs qui s'estoient mis en bataille comme dict est devant ; car ils veirent bien que la force n'eust pas esté de leur costé, ains s'en partirent & laisserent la place. Et quand tout ce feut fait nos gens se partirent de là & rentrent en leur galées pour eulx en retourner à Constantinople, & veindrent à passer devant une bonne ville appelée Algiro, qui sied à l'entrée de la bouche de la mer majour. Peu avant Soleil couchant y arriverent, si y geurent celle

nuidt. Quand veint au matin le Marechal qui à autre chose ne pensoit fort à tousjours grever les Sarrafins de son pouvoir, feit armer sa compaignée & trompetes sonner pour descendre à terre & la ville assaillir. Quand les Turcs de la ville qui deux jours devant avoient veu & sceu l'exploict qui avoit esté fait du chastel de Rive, veirent les apprests que on faisoit pour abatre leur ville, ils bouterent le feu tout en un moment en plus de cent lieux, & tout s'enfuirent és montaignes qui là sont grandes & haultes. Le feu qui fut fiché par les maisons prit en peu d'heures à monter hault & à tout embraser. Le Marechal qui veid ceste besongne, voulut que de là ne se partissent jusques à ce que la ville feust toute arse. Et quand ce feut fait il dit que les Turcs avoyent eulx-mesmes fait une partie de ce que il voyoit à faire. Et à tant s'en partirent, & ainsi comme ils s'en retournoient, nouvelles veindrent à l'Empereur que les Turcs estoient arrivez à tout bien vingt vaisseaux au dessus du pas de Narettes. Si faisoient moult de grands dommaiges à ceulx de Constantinople & a la cité de Pera, & comprenoient tout le pays, & se prenoient à tout gaster. Tantost que ces nouvelles feurent

ouyes, le Mareſchal ordonna d'aller celle part. Si alla deſcendre ſur eulx en tres-belle ordonnance ; mais ils ne l'oſerent onques attendre, ains s'enfuirent, & nos gens brûlerent & deſtruirent tous leurs vaiſſeaux, & après s'en reveindrent à Conſtantinople.

C H A P I T R E X X X I V .

Comment apres que l'Empercur, avec l'aide du Mareſchal & des François, eut tout environ ſoy deſcombre de Sarraſins, s'en voulut venir en France pour demander aide au Roy, pour ce que argent & vivres leur failloient. Et comment le Mareſchal qui s'en venoit avec luy laiſſa en la garde de Conſtantinople le Seigneur de Châteaumorant, à tout cent hommes d'armes, bons & eſprouvez, bien garnis de trait.

Ne ſçay à quoy plus ma matière eſloigneroye pour racompter tous les ſaiſts, tous les châteaux, toutes les villes priſes, & toutes les empriſes d'armes qui par le Mareſchal feurent accomplies & miſes à chef tandis qu'il ſeut en ce voyage ; car à ennuy pourroit tourner aux liſans de tout compter. Et pour ce, afin d'eſchever toute narration,

& pour dire en brief, tandis qu'il y feut ne fejourna ne prit aulcun repos qui duraſt plus de huit jours, que tousjours ne feuft ſur les ennemis, où il prit tant de chasteaux, de villes, & de fortereſſes, que tous le pays d'environ qui tout eſtoit occupé de Sarraſins depeſcha & deſencombrea, & tant de bien y·feit que nul ne le ſçauroit dire. Parquoy l'Empereur & tous ſes Barons, & generalement tous ceulx de Constantinople & tous les Chreſtiens l'aimoient & honnoroient. Encores plus de bien leur feit: car l'Empereur Carmanoli qui encores eſt en vie eſtoit adonc, & avoit eſté par l'eſpace de huit ans en grand contens contre un ſien nepveu appellé Caloiani (a), & ſ'entremenoient grand guerre.

La cauſe de ce debat eſtoit pource que le nepveu diſoit que il debvoit ſucceder à l'Empire, à cauſe de ſon pere qui avoit eſté aîné frere de l'Empereur, qui par ſa force ſ'eſtoit faiſi de l'Empire: & l'Empereur le debatoit pour autres cauſes. Si avoit eſté celle guerre & contens comme cauſe de la deſtruction de Grece, & tant eſtoient obſtinez l'un contre l'autre, & fermes en leurs propos, que nul n'y avoit peu meſure

(a) Jean VI de nom.

paix. Et s'estoit le nepveu allié avec les Turcs, avec lesquels il menoit guerre à son oncle ? Entre ces deux, le Marefchal confiderant que celle guerre estoit prejudiciable à la Chrestienté, & mal feanté à eulx, prist à traicter paix : & tant la pourmena que par fa grand prudence les meit en bon accord : tant que de faict luy mefme alla querir ce nepveu & fa femme en une ville appellée Salubrie (a), qui sied sur les frontieres de Grece, & le mena à Conftantinople vers son oncle qui le receut à bonne chere, dont tous les Grecs feurent moult joyeux ; rendans graces à Dieu qui le Marefchal avoit mené au pays, qui ceste faincte paix avoit faicte, & par qui tant de biens leur estoient enfuivis. Ia avoit demeuré le Marefchal & fa compaignée pres d'un an en Grece, fi peut-on fçavoir que en pays qui tousjours est en guerre, ne peult que cherté de vivres n'y soit. Si n'y avoit plus argent pour payer les gens d'armes, ny vivres pour soustenir cest oft, & pour ce par contrainte convenoit que le Marefchal en partift, dont moult luy pefoit ; pour ce que il voyoit bien que tantost qu'il seroit party les Turcs leur vien-

(a) Salubria, ou Selivrea, ou Solimbrea, sur la Propontide.

droient courir sus. Mais sur toute chose en pesoit à l'Empereur & aux siens.

Si delibererent pour le meilleur conseil que l'Empereur s'en viendroit avec luy en France devers le Roy derechef luy demander secours; par si que il renonceroit en sa main l'Empire & la cité de Constantinople, mais qu'il luy pleust luy octroyer ayde pour la garder contre les mescreans. Car quant estoit de luy plus ne la pouvoit defendre contre la puissance des Turcs: & si le Roy de France ne luy aidoit, que il iroit à refuge à tous les autres Roys Chrestiens. Et fut ordonné que tandis que l'Empereur seroit au dict voyage, celuy Caloïani qui estoit son nepveu demeureroit à Constantinople comme Empereur à la garde du lieu, jusques à tant que son oncle retourneroit à tout tel secours qu'il pourroit avoir. Mais de celle chose respondit Caloïani que il n'en seroit nullement d'accord si le Mareschal ne laissoit de ses gens d'armes avec luy & des gens de trait: car il sçavoit bien que dés aussi tost que ils seroient partis, Bajazet viendroit à toute sa puissance assieger la ville, l'assamer & la gaster. Le Mareschal qui veid bien que voirement estoit en voye de perdition, s'il n'y avoit aulcune provision, laissa pour la garde

de la ville cent hommes d'armes & cent valets armez, de ses propres gens, & une quantité d'Arbalestriers. De laquelle compagnie ordonna chef le Seigneur de Chasteaumorant, & les laissa pourvus & garnis de vivres pour un an, & argent suffisant en main de bons marchans pour les payer chacun mois tout le temps durant. Et en toutes choses donna bon ordre avant qu'il partist. Parquoy quand les Genevois & les Venitiens qui là estoient veirent la saige & honorable provision du Marechal, feirent un accord entre eulx que ils laisseroient huit galées garnies avec ses gens pour la garde de la ville, c'est à sçavoir quatre de Gennes & quatre de Venise. De ceste garnison feurent moult reconfortez ceulx de la ville, qui avant estoient comme en desespoir, & n'y sçavoient meilleur conseil que de eulx enfuir devers les Sarrafins, & abandonner la bonne ville de Constantinople. Et à tant se partirent de Constantinople pour venir en France l'Empereur & le Marechal qui un an y avoit demeuré.

CHAPITRE XXXV.

Comment le Seigneur de Chasteaumorant feit bien son debvoir de garder Constantinople, & la famine qui y estoit, & le remede qui y feut mis.

Le Seigneur de Chasteaumorant, que le Marechal avoit laissé Chef & garde de Constantinople, feit tant bien son debvoir de celle commission comme preud'homme envers Dieu, & tres-vaillant Chevalier aux armes qu'il est, que à tousjours mais en debvra estre honoré. Car tres-soigneusement il garda la ville, en laquelle tost apres que l'Empereur fut party, feut si tres-grand famine, que les gens estoient contrainds par raige de faim de eulx avaler par nuit à cordes jus des murs de la ville, & eulx aller rendre aux Turcs. Pour laquelle chose Chasteaumorant estoit presque aussi diligent de faire bon guet : afin que la gent de la ville ne s'enfuit, comme pour la doubte des ennemis, aussi de peur qu'ils se rendissent à eulx. Si eut moult grand pitié de ceste pestilence, & un tel convenable remede y trouva que il envoyoit souvent & menu ses gens courir & fourraiger sur les Turs, par tout

où il ſçavoit que il y avoit gras pays, quand ils ne s'en donnoient de garde. Si leur portoit de grands dommaiges, & prenoit aucunes fois de bons prifonniers, & les rançonnoient nos gens, les uns à argent, les autres à vivres. Et par celle voye & maniere feit tant que la ville, Dieu mercy, feut remplie & aifée de tous biens, ne il n'estoit vaisseau de Sarrafins qui la environ ofast passer, qui tantost ne feust happé par ces galées qui tousjours estoit en aguet. Et par ainſi garentit la cité de mort, de famine, & des mains des ennemis, & la remplit d'abondance. Et par la diligence qu'il y mettoit tousjours gaignoit quelque chose ſur Sarrafins. Et ainſi la garda l'eſpace de trois ans contre la puissance des Turcs. Et à brief parler, tant y feit luy & les gens de ſa compaignée, que ceulx qui en ſçavent la verité dient que par luy & par les bons François qui avec luy estoient, a eſté ſauvée & garantie d'eſtre du tout deſtruite & perie la noble & ancienne cité de Constantinople. Laquelle chose n'eſt point de doubte eſt tres-agreable à Dieu, & grand honneur au Roy de France & aux François qui bien leur vertu. y eſprouverent, & grand bien pour la Chreſtienté. Et tout ce bien adveint

par la saige prevoyance du bon Marefchal qui les y laiffa. Parquoy nul ne pourroit dire le tres-grand bien qui adveint de l'allée que le Marefchal feit au dict pays.

CHAPITRE XXXVI.

Comment l'Empereur veint en France, & comment le Marefchal y arriva devant.

L'Empereur & le Marefchal tant errerent par mer depuis que ils furent partis de Constantinople, comme dict est cy deffus, que ils arriverent à Venife. Et là voulut un peu fejourner l'Empereur, pour certaines choses qu'il avoit à faire avec les Venitiens. Si se partit de luy le Marefchal pour venir devant en France pour annoncer fa venuë, & dire la caufe qui luy amenoit. Si ne fina de cheminer tant qu'il fut devers le Roy qui à moult grand joye & honneur le receut, & moult le defirait veoir, & auffi luy feirent moult grand fefte tous nos Seigneurs & Chevaliers, & Escuyers, & toute gent : car moult bien l'avoit deffervy. Si fut apres fes bien viengnans une bonne piece à fejour : car bien estoit temps qu'il preint un peu de repos, & qu'il eust aucune joye & esbate.

ment : car de longtemps peu en avoit eü. Combien que ja estoit si rassis & tant saige que gueres ne luy chailloit fors que des plaisirs que les vertueux prennent en bien faisant. Si estoit tous les jours entre les Seigneurs qui luy demandoient & enquerroient des adventures & faicts qui estoient advenus là où il avoit esté. Et il leur en racomptoit non mie à sa loüange, mais à celle de ses compaignons, à qui il donnoit l'honneur de tout ce qui avoit esté fait : mais en ce croissoit encore plus son los : car renommée ne se taisoit point de ses bons faicts, dont bien estoient informez.

Et ainsi alla passant le temps tant que l'Empereur arriva à Paris, auquel le Roy & tous nos Seigneurs les Ducs allerent alencontre jusques dehors Paris à tout grand route de nobles gens, & à grand honneur le receurent & moult l'honnora le Roy comme raison estoit (24) : car sans faillir moult est l'Empereur Carmanoli Prince de grand reverence, bon, prudent & saige, & est pitié dont il est en telle adversité. Et se reposa & aisa à Paris, & le Roy luy entreteint tout son estat & le deffroya de toute despence, tant comme il feut au Royaume de France. Et quand il eut assez reposé il dict bien & saigement

faigement au Roy, presens nos Seigneurs en plain Conseil, la cause qui le menoit en France. Si luy feut donnée responce bonne & gracieuse, & de bonne esperance. Et sur ce eut le Roy advis avec son Conseil, & par plusieurs fois en fut parlé avant que la chose feust conclüe. Toutesfois au dernier pour le bien de Chrestienté, & que tout Prince doibt ayder à soustenir l'un l'autre, & par especial contre les mescreans, luy octroya le Roy que il luy feroit ayde & secours de douze cent combattans payez pour un an. De laquelle compaignée le Marechal feroit chef & Capitaine : car ce avoit requis de grace speciale l'Empereur, qui moult en fut joyeux, & qui avoit maints grands biens diëts & raportez de luy au Roy & au Conseil, & comment vaillamment il s'estoit porté au pays. Si remercia le Roy de l'aide que il luy avoit octroyée. Et partit de Paris : car ja y avoit bonne piece demeuré. Et voulut aller par les aultres Princes Chrestiens semblablement requerir leur ayde & secours, tant de finance dont il avoit peu, comme de gens pour luy ayder à garder & à reconquerir son pays qui pour lors estoit és mains des ennemis de la foy, dont grand pitié estoit. Si fut devers le Saint Pere qui donna grand pardon à qui-

conque luy feroit bien, & alla en Angleterre & vers plusieurs autres Roys Chrestiens qui tous luy ayderent, & en ceste queste feut l'espace de pres de trois ans.

C H A P I T R E X X X V I I .

Cy devise comment l'Empereur de Constantinople eut paix avec Bajazet, Et comment le Tamburlan l'en vengea. Et de la mort de Tamburlan.

En ces entrefaictes que l'Empereur de Constantinople estoit hors de son pays, & en la queste dessus dicte, & que le Seigneur de Chasteaumorant estoit garde de la cité de Constantinople, adveint comme il pleut à Dieu, lequel ne veult que nul mal demeure impuny, & qui estrangement vange ses amis des torts faicts & griefs que on leur faict, & quoy qu'il attende, tout ainsi que jadis il feit des enfans d'Israel que il laissa longuement en la servitude de Pharaon, & de ses mains delivra son peuple comme racompte la Bible, tout ainsi voulut-il venger par diverse voye les bons Chrestiens qui avoyent esté occis en la bataille, & cruellement destranchez devant Bajazet, comme nous avons dict cy devant : car un grand Prince de Tartarie

que on nommoit le Tamburlan (a), comme fleau de Dieu en preint la vengeance. Celuy Tamburlan estoit de si hault courage que il avoit intention de conquerir tout le monde si fortune luy eust voulu aider, mais il y faillit : car comme dict le commun proverbe, les hommes proposent, & Dieu ordonne. Toutesfois par le tres-grand travail en armes que il prit, auquel mestier trente ans entiers n'avoit cessé ne reposé en bonne ville, fors toujours aux champs, à tout si grand ost que c'estoit merveilles, & par si grande ordonnance que toutes les necessitez que il convenoit pour fournir l'ost il menoit avec soy, & de bestes si grande quantité que merveilles estoit, & par si bon ordre qu'il n'y avoit si petite beste qui ne portast sa charge de quelque fardeau, mesmes les chevres & les moutons. Et les merveilles qu'il feist, & les grandes rivieres qu'il passa, & comment ses gens esloyent endurcis au travail, ne seroit sinon merveilles raconter. Mais je m'en passe, pource qu'il n'affiert à mon propos. Si croy bien que aulcunement conviendrait que nos Chrestiens qui tant veulent estre à leur aise, suivissent celle voye s'ils vouloient estre grands conquereurs, conquist si grand

(a) Tamerlan.

pays en cest espace de temps, comme toute Egypte, & destruit la Cité de Damas, & subjuga toute la Syrie & toutes les terres d'environ, qui moult long pays s'estendent, puis s'en veint descendant sur la Turquie, & assaillit Bajazet de guerre.

Adonc luy conveint par force laisser en paix les Chrestiens. Si commencerent les Tartares fortement à demarcher son pays, & à piller & gaster, & luy conveint dessendre & faire armée contre eulx. Et lors les Chrestiens qui estoient d'autre part, c'est à sçavoir le Seigneur de Chasteaumorant & sa compaignée luy feurent au dos, qui mie ne luy estoient bons voisins, ains luy portoient souvent de grands dommaiges. Si se continua tant celle guerre que il fut desconfit en plusieurs batailles, & ses gens morts & pris, & ses forteresses, villes & citez prises & destruites, & ruées par terre, tant que à la parfin ne peut plus forçoyer contre luy. Et en une bataille qu'il eut contre le dict Tamburlan fut desconfit, & toute sa gent ensuite & prise. Et feut luy mesme pris & mené en prison, en laquelle mourut de dure mort. Et ainsi par ceste voye perit & finit la Seigneurie de Bajazet qui maints maulx avoit faict à la Chrestienté, & par ceste maniere en

fut vangé le Comte de Nevers & les nobles François, & aussi l'Empereur de Constantinople que il avoit desherité. Mais n'eust pas fait meilleure compaignée celuy Tamburlan aux Chrestiens que avoit fait Bajazet, si longuement eust vescu. Car ja n'eust esté saoul de conquerir terre. Mais Dieu qui à toutes choses sçait remedier, ne voulut mie souffrir que son peuple Chrestien feust soubmis ne subjugué par les ennemis de la vraye foy. Si luy envoya la mort qui toute chose mondaine trait à fin.

CHAPITRE XXXVIII.

Cy dit comment le Mareschal eut grand pitié de plusieurs Dames & Damoiselles qui se complaignoient de plusieurs torts que on leur faisoit, & nul n'entreprenoit leurs querelles, & pour ce entreprit l'Ordre de la Dame blanche à l'escu verd. Par lequel luy treiziesme portant celle devise, s'obligea à la deffence d'elles.

A revenir à nostre premier propos, c'est à sçavoir de parler du bon Mareschal, duquel ne pourroient estre suffisamment représentées les grands bontez, tandis que l'Empereur

de Constantinople estoit en France devers le Roy, comme est deduict cy devant, & que le dict Mareschal estoit à sejour, adveint que aucunes complaints veindrent devers le Roy, comment plusieurs Dames & Damoiselles, veufves & autres, estoient oppressées & travaillées d'aucuns puissans hommes, qui par leur force & puissance les vouloient desheriter de leurs terres, de leurs avoirs & de leurs honneurs, & avoient les aucunes desheritées de faict. Ainsi maints grands torts recepvoient, sans que il y eut Chevalier, ne Escuyer, ne Gentil-homme aucun, ne quelconque personne qui comparust pour leur droit defendre, ne qui sousteint, ne debatist leurs justes causes & querelles. Si venoient au Roy comme à fontaine de Justice, supplier que sur ce leur feust pourveu de remede raisonnable & convenable.

Ces piteuses clameurs & complaints ouyt le Mareschal faire à maintes Gentils-femmes par plusieurs fois, si comme il estoit en la presence du Roy. Desquelles choses eut moult grand pitié, & de toute sa puissance estoit pour elles, & ramentevoit leurs causes au Roy & en son Conseil, & les portoit & soustenoit en leur bon droit par moult grande charité, comme celuy qui en toutes choses

estoit & est tel que noble homme doit estre. Si va penser en son courage que moult grand honte estoit à si noble Royaume comme celuy de France, où est la fleur de la Chevalerie & Noblesse du monde, de souffrir que Dame ny Damoiselle, ne femme d'honneur quelconque eust cause de soy plaindre que on luy feist tort ne grief, & que elles n'eussent entre tant de Chevaliers & Escuyers nuls champions, ny defendeurs de leurs querelles : par quoy les mauvais & vilains de courage estoient plus hardis à leur courir sus par maints oultraiges leur faire, pource que les femmes sont foibles, & elles n'avoient qui les deffendit. Et avec ce disoit en soy mesme que moult estoit grand pitié, peché & deshonneur à ceulx qui mal leur faisoient, que femme d'honneur eust achoison de soy plaindre d'homme, lequel naturellement & de droit les doit garder & deffendre de tout grief & tort, à son pouvoir, s'il est homme naturel, & tel qu'il doit estre, c'est à sçavoir raisonnable. Mais pour ce que chascun ne veult pas user aux femmes de tel droit, que quand estoit de luy par sa bonne foy il vouloit mettre cœur, vie & chevance de toute sa puissance, à soutenir leurs justes causes & querelles, contre qui que ce feust

qui le voulust debatre, ne qui tort leur feist, au cas que son aide luy feust requis d'aucune.

Ainsi devoit à part foy le bon Marechal, & quand sur ce eut assez pensé, adonc par sa tres-grande gentillesse, liberalité, & franchise de couraige, va mettre sus un moult notable & bel ordre, & tres-honorable à Chevalier, que il fonda & assist sur ceste cause. Et de ceste chose va dire sa pensée & sentence à aulcuns ses plus especiaux compaignons & amis, lesquels moult l'en priferent, & luy requierent que ils feussent compaignons & freres du dict ordre, qui moult leur sembla estre juste, bel, honorable & chevaleureux, laquelle chose il leur accepta de bonne volonté. Si feurent treize Chevaliers, lesquels pour signe & demonstration de l'emprise que ils avoient faicte & jurée, debvoient porter chascun d'eulx liée autour du bras une targe d'or esmaillée de verd, à tout une Dame blanche dedans. Et des convenances que ils feirent & jurerent à l'entrer en l'ordre, voulut le Marechal; afin que la chose feust plus authentique, que bonne lettre en feust faicte, laquelle feust scellée des seaulx de tous treize ensemble, & que après feust publié en toutes parts du

Royaume de France, afin que toutes Dames & Damoiselles en ouyssent parler, & qu'elles sceussent où se traire si besoing en avoient. Si me tais de deviser des convenances du dict ordre, pour ce que tout au long on les peult veoir par la declaration des propres lettres par eulx certifiées & escriptes, dont cy-après s'ensuit la teneur. Et ne voulut le Marechal estre le premier nommé és dictes lettres, pour ce que Monseigneur Charles d'Albret qui est cousin-germain du Roy de France, voulut estre compaignon du dict ordre. Si n'en vouloit estre nommé chef par devant luy : & pour ce est mention faicte d'eulx tous ensemble, comme veoir se peult.

CHAPITRE XXXIX.

Le contenu des lettres d'armes, par lesquelles se obligeoient les treize Chevaliers à defendre le droit de toutes Gentils-femmes à leur pouvoir, qui les en requerroient.

A toutes haultes & nobles Dames & Damoiselles, & à tous Seigneurs, Chevaliers & Escuyers, après toutes recommandations, sont à sçavoir les treize Chevaliers compai-

gnons, portans en leur devise l'escu verd à la Dame blanche.

Premierement pour ce que tout Chevalier est tenu de droict de vouloir garder & deffendre l'honneur, l'estat, les biens, la renommée, & la loüange de toutes Dames & Damoiselles de noble lignée : & que iceulx entre les autres sont tres-desirans de le vouloir faire, les prient & requierent que il leur plaise que si aulcune ou aulcunes est ou sont par oultraige, ou force, contre raison diminuées ou amoindries des choses dessus dites, que celle ou celles à qui le tort ou force en sera faicte veuille ou veuillent venir ou envoyer requerir l'un des dictz Chevaliers, tous ou partie d'iceulx, selon ce que le cas le requerra, & le requis de par la dicte Dame ou Damoiselle, soit un, tous ou partie, sont & veulent estre tenus de mettre leurs corps pour leur droict garder & deffendre encontre tout autre Seigneur, Chevalier ou Escuyer, en tout ce que Chevalier se peut & doibt employer au mestier d'armes, de tout leur pouvoir, de personne à personne, jusques au nombre dessus dict, & au dessoubs, tant pour tant. Et en briefs jours après la requeste à l'un, tous ou partie d'iceulx faicte de par les dictes Dames ou

Damoiselles, ils veulent presentement eulx²¹ mettre en tout debvoir d'accomplir les choses dessus dictes, & si brief que faire se pourra. Et s'il advenoit, que Dieu ne veuille, que celuy ou ceulx qui par les dictes Dames ou Damoiselles seroient requis, eussent es-foine raisonnable; afin que leur service & besongne ne se puisse en rien retarder qu'il ne prist conclusion, le requis ou les requis seront tenus de bailler prestement de leurs compaignons, par qui le dict faict seroit & pourroit estre mené à chef & accomply.

Item si aucuns Seigneurs, Chevaliers ou Escuyers de noble lignée, & sans vilain reproche, ont volonté de faire aucune requeste, ou ont faict ou font aulcuns vœus de faire ou accomplir aulcunes armes, quelles que elles soyent ou feussent, honorables & deües de faire, pource qu'il est à penser certainement que les dicts requeste & vœus, ils ont grand volonté de les mettre à chef pour eulx oster de peine, & afin que plus legerement ils puissent trouver l'accomplissement de leur desir, iceulx Chevaliers dessus nommez, tous ou partie d'iceulx, à qui iceulx voüans & requerans voudra ou voudront adresser leurs dicts vœus & requeste, à l'aide de Dieu seront ou sera prest celuy ou ceulx qui en

fera ou seront requis, tous, un, ou partie d'iceulx selon ce que le cas le requerra, de faire & accomplir les dictes armes à eulx requises. Et pour mettre le faict à execution deüe, veulent trouver Iuge à leur pouvoir dedans quarante jours après la requeste à eulx faicte, & la devise des armes, & plustost si faire se peut. Et après que le dict Iuge sera trouvé d'estre prest au chef de trente jours, quelque jour que le Iuge voudra, donner tout accomplissement du dict faict. Et au cas que iceulx ne pourroient trouver Iuge, si celuy ou ceulx qui aura ou auront faict les dictes requestes & vœus le veulent pourchasser convenable tel que par raison doibve suffire, le dict Chevalier ou Chevaliers dessus nommez sera ou seront prests de partir pour y aller trente jours après que l'on leur aura faict à sçavoir qui sera le Iuge. Et s'il est besoing d'avoir saufconduit ou aultre seureté, ceulx qui trouveront le Iuge seront tenus de le faire avoir tel comme au cas appartiendra.

Item pource qu'il pourroit advenir que plus d'un pourroit adresser son vœu & requeste à aucun des Chevaliers dessus nommez, iceluy Chevalier sera tenu de l'accomplir à celuy qui premier luy aura faict à sça-

voir. Et cela fait & fourny, si Dieu le gar-
doit d'essoine, après l'accompliroit à l'autre.

Item au cas que aucun ou aucuns des dictz Chevaliers dessus nommez auroit ou auroient essoine raisonnable & honneste de non pouvoir accomplir les choses à luy requises, il feroit ou feroient tenus de bailler un de leurs compaignons, lequel qu'il luy plairoit, pour donner tout accomplissement au dict fait.

Item s'il advenoit que de tel nombre comme les Chevaliers dessus nommez sont, ils feussent requis tous ensemble d'accomplir aucunes armes quelles que elles soyent ou feussent, & un ou aulcun d'iceulx feussent en voyage, ou eussent aucune essoine raisonnable, parquoy ils ne peussent estre bonnement au jour qui empris seroit, la partie à qui on le feroit à sçavoir, puisqu'il ne pourroit recouvrer à temps leurs compaignons, feroient tenus de leur pouvoir d'en mettre avec eulx pour parfournir le nombre dessus dict, pour accomplir toutes choses à eulx requises. Et s'ils esloyent en lieu que ils ne peussent recouvrer leurs compaignons comme dict est, ne autre compaignée pour fournir le dict nombre, iceulx qui là seroient, ou qui se pourroient bonnement trouver en-

semble, seroient tenus de tel nombre comme ils seroient de faire & accomplir toutes choses comme dessus est dict.

Item s'il advenoit que aucune ou aucunes Dames ou Damoiselles eussent requis le secours & ayde de l'un de tous ou de partie des dicts Chevaliers, & après la requeste faicte de par les dictes Dames ou Damoiselles aucun ou aucuns Seigneurs, Chevaliers ou Escuyers, pour leur requeste & vœus accomplir, s'adressassent à eulx d'aucunes armes quelles que elles soyent ou feussent, comme dessus est dict, les dicts Chevaliers ou aucuns d'iceulx seroient tenus, comme raison est, de faire & accomplir premierement le secours de la dicte Dame ou Damoiselle, & cela faict, donner tout accomplissement aux dictes armes de quoy on se feroit à eulx adressé. Et si ainsi estoit que aucun ou aucuns Seigneurs, Chevaliers ou Escuyers, pour leurs vœus & requestes accomplir, se feussent adressez d'aucunes armes à aucun des Chevaliers dessus nommez, & depuis aucune Dame ou Damoiselle requist pour son ayde celuy mesme Chevalier, en ce cas il pourroit eslire lequel qu'il luy plairoit, & après, si Dieu le gardoit d'essoine, donner tout accomplissement au surplus.

Item si aucun ou aucuns des dictz Chevaliers dessus nommez, un, tous, ou partie d'iceulx, estoient ou feussent requis pour aucuns vœus ou requestes accomplir, de faire aucunes armes, depuis la requeste à eulx faicte, aucun ou aucuns autres Seigneurs, Chevaliers ou Escuyers s'adressassent à iceluy ou à ceulx mesmes Chevaliers de combatre à oultrance, les requis, un, tous, ou plusieurs, s'il leur plaist, peuvent delaisser leurs armes pour prendre la bataille.

Item si aucun ou aucuns des dictz Chevaliers ou Escuyers s'adressoient pour leurs vœus accomplir, de leur volonté, ou autrement à iceulx treize Chevaliers, ou à l'un d'eulx, pour combatre à oultrance, comme dict est, & requissent que les vaincu ou vaincus feust ou feussent prisonniers des vainqueur ou vainqueurs, en celuy cas, & tout avant œuvre, seroit advisée une somme d'argent du consentement des parties, & par l'ordonnance du Iuge devant qui ils combatroient : & celuy ou ceulx qui seroit ou seroient oultrez & desconfits, demeureroit ou demeureroient prisonnier ou prisonniers en la main du Iuge dessus dict, jusques à ce que il auroit payé & contenté, payez & contentez celuy ou ceulx qui les auroit ou au-

roient oultrez, d'icelle somme tant seulement qui paravant auroit esté ordonnée : & icelle payée, s'en pourra ou pourroient aller tous quittes.

Item si aucun ou aucuns mouroit en bataille, ou tost après, pour achoison d'icelle, il seroit en ce cas quitte de payer aucune finance.

Item si aucun ou aucuns des treize Chevaliers dessus diés, le temps durant de leur emprise, alloit ou alloient de vie à trespasfement, ou eust ou eussent essoine raisonnable de non pouvoir plus bonnement porter armes, les autres compaignons en ce cas seroient tenus de mettre d'autres avec eux pour remplir & fournir tousjours le dié nombre.

Item les Chevaliers dessus nommez ont emply & veulent donner tout accomplissement à toutes les choses dessus diées & escriptes, de tout leur loyal pouvoir, à l'ayde de Dieu, & de nostre Dame, par l'espace de cinq ans; à commencer à compter du jour de la datte de ces presentes, & porter leur devise le dié temps durant. Et afin que toutes celles & ceulx qui de ces choses oiront parler, sçaichent & tiennent fermement que les volonte des diés Chevaliers sont fermes de

de toutes ces choses accomplir, & aussi que l'on y adjouste plus grand foy, ils ont fait seeller ces presentes chascun du seel de ses armes, & chascun y a mis son nom par escript, qui feurent faites le jour de Pasques fleuries l'onzieme jour d'Avril, l'an de grace mille trois cens quatre-vingt-dix-neuf.

Messire Charles d'Albret. Messire Boucicaut, Marechal de France. Boucicaut son frere. François d'Aubiffecourt. Iean de Lignerès. Chambrillac. Castelbayac. Gaucourt. Chasteaumorant. Betas. Bonnebaut. Colleville. Torfay.

Et à tant feray fin de la premiere Partie de ce livre, & en poursuivant ma matiere par ordre comme les choses adveindrent de rang au contenu des faits du Marechal de France Boucicaut, commenceray la seconde Partie, en delaisant toutes les choses dessus dites, & entrant en aultre propos, lequel à l'aide de Dieu bien & bel me ramenera à ma matiere. Or me doint Dieu grace de la commencer, moyenner & finir, que ce soit au plaisir de Dieu, qui point ne defend que on loie les bons, & que aussi ce soit à l'honneur & los de celuy qui bien en est digne, & de qui je parle.

M É M O I R E S
O U
L I V R E D E S F A I T S
D U B O N M E S S I R E
J E A N L E M A I N G R E ,
D I T
B O U C I C A U T ,
M A R É C H A L D E F R A N C E .
S E C O N D E P A R T I E .

*Cy commence la seconde Partie de ce Livre ,
laquelle parle depuis le temps que le Ma-
reschal eut le gouvernement de Gennes jus-
ques au retour de Syrie.*

C H A P I T R E P R E M I E R .

*Premierement parle de l'ancienne coustume qui
court en Italie des Guelphes & des Guibelins.*

*(Ce Chapitre ne contient que des réflexions
oiseuses sur les deux partis qui désoloient l'Ita-
lie sous le nom de Guelphes & de Gibellins.)*

CHAPITRE II.

Cy dit de la Cité de Gennes, & de la tribulation où elle estoit avant que le Marechal en feust Gouverneur.

(Ce Chapitre ne dit autre chose, sinon que la ville de Gennes, comme toutes les autres villes d'Italie, étoit en proye aux factions des Guelphes & des Gibellins.)

CHAPITRE III.

Cy dit comment la Cité de Gennes se donna au Roy de France.

Si adveint environ l'an de grace mille trois cent quatre vingt dix sept, que les Genevois, ainsi comme ils ont d'ancienne coustume de gouverner leur cité & le pays qui leur appartient sous l'obeissance d'un chef que ils eslissoient entre eulx avec le Conseil d'un nombre des anciens de la ville, selon leurs Statuts esleurent pour Duc (a) celuy qui leur sembla homme plus propice & idoine à les bien gouverner. Celuy Duc estoit nommé

(a) C'est-à-dire, Doge.

Messire Antoine Adorne, & encores que il feust du peuple, & non mie Gentil-homme d'extradion, si estoit-il saige, & bien & prudemment les gouvernoit & tenoit en Justice. Mais ainsi comme devant est dict, comme il soit comme impossible tenir en paix les communes & peuple d'icelle nation, qui ne se peut souffrir pour leur grand orgueil à nul suppediter, si par force n'est, ains veulent tous estre maistres, se rebellerent contre iceluy leur Duc & le chasserent. Mais apres fait tant par amis que il feut rappellé à la Seigneurie, en laquelle quand il eut un peu esté d'espace, luy qui sage estoit, considera la grande varieté de ses citoyens, lesquels il sentoit ja murmurer & machiner contre luy. Si veid bien que longuement ne la pourroit garder ne tenir pour la division d'eulx, qu'il convenoit tenir & gouverner sous grande puissance. Si s'advisa celuy Duc pour le bien de la dicte cité d'une saige cautele. Car il feit tant par dons, grandes promesses, & belles paroles, que les principaulx des nobles, & qui debvoient avoir les plus grandes dominations en la ville, dont ceulx du peuple les avoient chassez, ne y demeurer sinon peu d'eulx n'osoient, feurent d'accord d'eulx donner au Roy de France. Et ceste

chose agréèrent meismement des principaulx de ceulx du peuple.

Quand il eut toute ceste chose traitée & bastie, il le manda hastivement par ses messaiges en France. (25) Le Roy eut Conseil que ce n'estoit mie chose à mettre à neant. Et que bon seroit pour luy d'estre saisy & revestu de si noble joyau comme de la Seigneurie de Gennes, par laquelle sa puissance & par mer & par terre pourroit moult accroistre. Si envoya un Chevalier de France avec belle compaignée de gèns pour en recevoir les hommaiges, & gouverner pour le Roy la dicte cité. Mais iceluy ne leur fut pas longuement agreable, ains conveint qu'il s'en partist. Et ainsi semblablement plusieurs des Chevaliers de France y feurent envoyez, & meismement le Comte de Saint Pol. Mais aucuns par adventure pour les cuider tenir en amour, leur estoient trop mols & trop familiers, & frequentoient avec eulx souvent, & dansoient avec les Dames. Si n'est pas la maniere de gouverner ceulx de delà. Parquoy tousjours il convenoit que iceulx Gouverneurs s'en partissent.

C H A P I T R E I V.

*Cy dit comment vertu plus que autre chose
doibt estre cause de l'exaucement de l'homme.*

*(Le titre seul de ce Chapitre prouve qu'il
est inutile à l'Histoire.)*

C H A P I T R E V.

*Cy dit comment le Mareschal pour sa vertu
& vaillance fut esleu & estably pour estre
Gouverneur de Gennes,*

*(Ce Chapitre n'offre à conserver que ce qui
suit,)*

Toutefois à la fin, considéré que le Royaume n'estoit mie pour le temps oppressé de grandes guerres, & aussi que c'estoit chose deüe de pourveoir à la ruine de la cité & pays de Gennes, qui adonc estoit moult malade; & adonc au bas & grand disete avoit de faige repareur, laquelle dicte cité en espoir d'avoir secours & aide à sa miserable douleur, s'estoit mise & renduë es bras du Roy de France comme à souverain Prince, feut deliberé que il iroit. Adonc par le Roy feut commis au bon & faige Mareschal Boucicaut le Gouvernement de Gennes & de

tout le pays qui aux Genevois compete & appartient, & feut faict propre Lieutenant du Roy, representant sa personne & ayant l'Administration & Baillie de tout en tout, & tenus à faicts & dictz tous les establissements, ordonnances, & commandemens, comme si le Roy feust en personne; comme le Roy luy certifia par ses lettres patentes, passées, signées & seellées present son Conseil.

CHAPITRE VI.

*Cy dit comment le Marechal alla à Gennes,
& comment il y fut receu.*

Le Marechal qui eut par le Roy la commission & gouvernement de Gennes, comme dict est, appresta son erre au plus tost qu'il peut. Et luy qui en toutes choses scait estre pourveu, faigement considera que avec le bon sens & advis qu'il convient avoir à bien gouverner les gens de delà, estoit aussi necessaire pour reparer la ruine & deschéement du lieu, de s'ayder de force & de puissance contre les diverses volonteiz & contraires opinions qui par la division d'entre eulx communément y sont. Et pour ce par la volonté du Roy se pourveut de bonnes gens d'armes,

en telle quantité comme par bon conseil eut advis que il luy convenoit,

Quand tout son erre eust appresté, adonc preint congé du Roy & des Seigneurs. Si se partit à belle compaignée, adressant sa voye droit à Gennes, en allant par la cité de Milan, laquelle dicte cité sied comme à deux journées de Gennes. Là arresta aucuns jours, tant que vers luy feurent arrivez belle compaignée de gens d'armes qu'il attendoit. Et en ce lieu luy veindrent au devant des principaux & des greigneurs de la cité de Gennes, qui humblement luy feirent la reverence, & grand semblant de joye feirent de sa venuë. Les aucuns d'eulx par adventure le faisoient feintement, pource que ils veoient que la maistrise n'estoit mie leur ; & les autres de bonne volonté estoient de luy joyeux, & le desiroient, en espoir qu'il les meist & teint en paix, & reparast la ruine de leur cité ; & le Mareschal les receut tous tres benigne-ment. Si se voulut informer, & ja avoit fait couvertement de plus longue main, lesquels d'entre eulx il pouvoit reputer pour preud'hommes, & en qui il se peust fier, & quels contents se tenoient de la Seigneurie du Roy de France, & quels estoient amateurs de paix & d'équité. Et aussi se voulut-il infor-

mer quels estoient seditieux & mettans discorde entre eulx, & rebelles à la Seigneurie du Roy. Si fut de tout ce bien & suffisamment informé, par quoy il luy veint à congnissance comment aucuns des plus grands & des plus notables de tous s'estoient voulu attribuer la Seigneurie, & estoient machinateurs de trahisons & de discorde, & par especial l'un d'eulx, si comme cy après sera dict.

Quand il sceut des bons & des mauvais toute la verité ne l'oublia mie, & bien leur sçaura monstrier en temps & en lieu. De Milan se partit pour venir à Gennes, & au feur qu'il alloit luy venoient nobles hommes citoyens & gens du peuple de toutes parts au devant, faisans feste, quelque courage que les aucuns d'eulx eussent, & tous luy venoient faire la reverence, tant que tous bons & mauvais saillirent hors de la Cité. Et ainsi entra dedans Gennes la veille de la feste de la Toussainds, l'an de grace mille quatre cent & un, où à grand joye feut receu. Si feut mené & convoyé à belle compaignée tant de gens d'armes comme des gens de la ville & du pays au Palais, qui moult est bel & richement faict pour son estat ordonner, & pourveoir de toutes choses convenables. Si croy bien qu'il y en eut de tels que quand ils veirent son

redoutable maintien , & la maniere de sa venuë , & comment il estoit accompaigné , que quelque chere que ils feissent n'estoient pas bien à leur ; car coupables se sentoient. Mais les bons de rien ne s'en effrayerent , ainçois plus asseurez feurent que devant. Car lors estoit venu celuy qui les defendroit contre les mauvais & contre tous ennuis.

Tantost qu'il fut arrivé fait faire commandement par toute la ville que tout homme de quelque estat qu'il feust rendist les armes , & les portast au Palais , sans nulle retenir , soubz peine de la teste ; & que nul ne feust si hardy de point en avoir , ne tenir en sa maison , ne porter couteau , fors à couper pain. Si leur conveint à ce obeir , quoy que il leur pesast. Or peurent à ceste fois congnoistre les Genevois que main de maistre les gouvernoit. Si veissiez incontinent porter au Palais à grans presses harnois de toutes parts , dont moult en y avoit & grand foison de beaux & de riches. Et le saige Gouverneur les fait bien & bellement mettre en sauvegarde , & les bien garder. Et aussi leur fait deffence sur la dicte peine que nul ne feust si hardy de tenir couteau , ne eulx assembler en parlement , en Église , ne aultre part.

CHAPITRE VII.

*Cy comment le Marechal parla saigement aux
Genevois au Conseil,*

Le lendemain sans plus de demeure seurent tous les plus notables & principaux hommes de Gennev assemblez avec le Marechal à Conseil. Et adonc parla à eulx par saige maintien, & en discrettes & rassises paroles leur dit comment le Roy son souverain Seigneur l'avoit là envoyé à leur requeste, dont il les remercioit de la bonne opinion & fiance que ils avoient en luy, & que pour secourir à la desolation en quoy ils estoient pour cause de ceux de mauvaise volonté qui estoient entre eulx, lesquels persecutoient les bons, estoit là envoyé afin de punir les mauvais, & les bons tenir en paix, & faire justice à tout homme. Pour laquelle chose accomplir vouloit forces avoir, & toute sa puissance sans nulle espargne y employer, à l'honneur du Roy & de luy, & au profit d'eulx. Et pource les requeroit & prioit que vrais & loyaux subjects voulussent estre tousjours au Roy de France comme ils avoient promis, & que si ainsi le faisoient ils feussent seurs & certains que il les defendroit de toute sa puissance,

à l'aide de Dieu, contre tous ennemis, maintiendrait Justice, & en paix & équité les tiendrait, & à son pouvoir accroistrait le bien & utilité publique.

Mais au cas que il pourroit sentir, sçavoir ou appercevoir le contraire en eulx ou en aucun d'eulx, & quelque machination d'aucune trahison ou forfaiture contre la Royale Majesté ou contre luy, que ils sceussent de vray & tous leurs se teinsent que il n'y auroit si grand que il n'en fait telle punition que les autres y prendroient exemple, mais si peud'hommes & loyaux subjects vouloient estre, que ils ne doubtaissent point de luy. Et notwithstanding que il feust estably leur Gouverneur & chef, ne pensassent que il voulust envers eulx user d'arrogance ne maistrise rigoureuse, par voye de fait & à sa volonté. Car ce n'estoit mie son intention, ains vouloit estre avec eulx paisible comme citoyen & amy de Genes, & user de leur loyal conseil, sans lequel rien ne pensoit d'establi ne faire chose quelconque touchant la police & gouvernement du pays. Telles paroles & assez d'autres belles & bonnes leur dit le sage Gouverneur, pour lesquelles, & pour son bel & honorable maintien, reputerent & priferent moult son sçavoir, & tres - contents en furent. Si le remercie-

rent moult, & offrirent corps & biens, & feauté & loyale obeissance, comme bons subiects du Roy de France leur Seigneur, & à luy son Vicaire & Lieutenant leur Gouverneur.

Après ces paroles parlerent de plusieurs choses. Et là luy feurent accusez les principaux conspirateurs & machinateurs de trahisons, & qui tousjours avoient esté cause de rebellion, & mesmes de tels y avoit qui luy estoient allez au devant & faict la reverence dés Milan. Et par especial un nommé Messire Baptiste Boucanegra, qui avoit traicté de faire occire tous ceulx qui estoient à Gennes de par le Roy, & s'estoit voulu attribuer la Seigneurie de Gennes. Iceluy Boucanegra & aucuns des autres ses complices des principaux ordonna le Gouverneur prendre. Lequel commandement feut tost executé, dont celuy feut moult esbahy quand il veid mettre la main à soy de par le Roy & de par le Gouverneur. Car pour la grande autorité dont il se reputoit ne pensoit que nul oüst s'adresser à luy : mais tout ce rien ne luy valut. Mais le saige Gouverneur qui bien sçavoit que par delà les lignaiges s'entrehayent, & ont envie les uns sur les autres, ne voulut pas pour quelque accusation que on feist d'eulx leur

garder rigueur de Justice sans suffisante information de leurs faicts, laquelle fut faite tres-diligemment, & bien fait examiner les dictz prisonniers. Lesquels apres le rapport de la suffisante enqueste, & la confession de leur propre bouche, feurent trouvez coupables.

Pour laquelle chose iceluy Baptiste, tant feust-il de grande auctorité, afin que les autres exemples y preinssent, & deux aultres avec luy, feurent decapitez en la place publique. Dont ceulx de la ville qui jamais ne l'eussent cuidé, pour le lignaige & auctorité dont il estoit, feurent tous espouventez; & tant que chascun eut depuis peur de mesprendre: & mesmement les propres gens du Gouverneur. Et moult redoubterent la rigueur de sa Justice, parce que ils veirent & apperceurent que son intention estoit de n'espargner nul malfaieteur quel qu'il feust. Car à un de ses Chevaliers propres feist-il trancher la teste pour cause que un de ces dictz prisonniers qu'il luy avoit commis à garder luy estoit eschappé. Si commença à faire raison & Justice à toute gent, & punition des mauvais selon ce que ils avoient desservy, sans espargner grand ne petit, ne quelconque homme de quelconque estat qu'il feust. A

ceulx qui avoyent esté traistres & rebelles du Roy de France & à sa Seigneurie , faisoit publiquement trancher les testes , pendre les larrons & meurtriers , couper membres selon les meffaiçts , bannir les seditieux & mauvais , les uns à temps , les autres à perpetuité , selon que le cas le donnoit. Et aussi faisoit misericorde & pardonnoit aux humbles & aux ignorans , quand leur cas estoit digne de pitié. Si faisoit comme le bon pasteur qui trie & separe les bestes rogneuses d'entre les saines , afin que la maladie ne se prenne par tout , & ainsi que faict le bon Medecin qui tranche la mauvaise chair de peur qu'elle empire la bonne. Si n'estoit favorable à nul par corruption , ne par quelque familiarité tenir part ne bande.

Adonc commencerent à venir de toutes parts les bons anciens & les nobles hommes qui paravant n'osoient venir ny habiter en la ville , & que les populaires & les robeurs & mauvaises gens qui ne vivoient fors que de pillerie & d'occisions les uns sur les autres avoient chassés. Si se retirerent devers le Gouverneur , faisans feste de son joyeux advenement , & il les receut tres-benignement ; & les mauvais qui coupables se sentoient prirent à fuir & à eulx absenter , & mussier

par destours. Mais par sus montaignes & par bois, comme on faict aux loups, & en leurs tasnieres & repaires fait chasser à eulx le prudent Gouverneur, tant que ores par force & puis par cautele preint les principaulx chefs, & d'iceulx pour les autres espouventer fait Iustice.

C H A P I T R E V I I I .

Cy dit les faiges establissemens & ordonnances que le Mareschal fait à Gennes.

Si fait tantost le faige Gouverneur ses establissemens, & ordonna que sur la place, de la ville, laquelle est grande & belle devant le Palais, auroit jour & nuict sous diverses bannieres & Capitaines gens d'armes en suffisante quantité pour la garde du Palais & de la ville. Après ce fut bien informé quels estoient tenus les plus faiges & plus preud'hommes de la ville, & iceulx establit sur le faict de la Iustice. Et bien leur enchargea que sans espargner homme quel qu'il feust, grand ou petit, Iustice gardassent par telle regle de droict qu'il n'y peust appercevoir nulle fraude, ne que plainte en ouist. Et si en aucun d'eulx pouvoit appercevoir faueur nulle à une partie plus que à l'autre, feussent

feussent tous seurs que il les en puniroit, que les autres y prendroient exemple. Et avec ce, afin que fraude n'y peust avoir, ordonna que on peust appeller du Iuge devant luy. Ia avoit estably ceulx qui seroient de son Conseil, où il preint des plus saiges anciens & des plus autorisez, & par iceulx se conseilloit selon leurs statuts & anciennes manieres de gouverner le faict de la police à leurs coustumes. Item feit crier par toute la ville, & faire deffence sur peine de mort, que nul ne feust si hardy de courir sus l'un à l'autre, ne mouvoir sedition pour cause des parts de Guelphes & de Guibelins : mais feist chascun sa marchandise & son mestier, vescuissent en paix, & n'eussent autre soing. Et que si nul leur faisoit tort, s'en plaignissent à la Iustice, & si Iustice ne leur faisoit droit, veinssent à luy, & droit leur seroit fait.

Adoncques veissiez les bons marchans & hommes de bonne volonté, qui souloient mussier le leur de peur d'estre robez de mauvaise gent, mener grand joye, & mettre hors leurs marchandises à plain, & par mer & par terre. Et les changeurs qui leur argent souloient tenir mussé, & leur change clos, (car s'ils les eussent ouverts, tantost eussent esté

robez,) prirent à ouvrir changes, & leurs finances mettre dehors, & le faict des monnoyes tenir, comme il est de raison, apertement & à plain, sans peur ne crainte d'estre desrobez, & leurs riches joyaulx mettre en public sur celle belle place, où ces belles haultes tours & maisons toutes de pierres de marbre sont à l'environ. Et veissiez ouvrir de tous costez boutiques de toutes marchandises, & mettre dehors les trefors qui avoient esté mussez par grand piece. Et ceulx de mestier, dont les plusieurs souloient estre robeurs, conveint s'ils vouloient vivre eulx prendre à leurs labeurs & mestiers. Et ainsi se preint chascun à faire ce qu'il sçavoit. Et par celles voyes & ces regles la Iustice bien gardée, & le tout bien ordonné par le sens & preud'homme du bon Gouverneur, se preint tantost la Police à bien amender.

C H A P I T R E I X.

Cy dit comment le saige Marechal feit edifier deux forts chasteaux, l'un sur le port de Gennes, l'autre autre part. Et comment il reprinted à remettre en estat les choses ruineuses & perduës,

Avec ces belles Ordonnances dessus dictes, le saige Gouverneur qui bien sçavoit ce

que dict est, que à bien gouverner les gens de par delà convient que on se monstre estre le plus fort, & aussi que on le soit. Afin que les Genevois peust mieulx seigneurier, c'est-à-dire les rebelles, non mie pour leur faire extortions, ne grief, ne pour user envers eulx de nulle tyrannie, ne les tenir en indeüe subjection, mais seulement pour leur oster toute hardiesse de eulx rebeller comme ils avoyent accoustumé, si volonté leur en venoit, tantost fait cercher ouvriers & maistres de maçonnerie bons & propices à l'œuvre que faire vouloit. Si fait bastir & hault lever deux beaux & forts chasteaux en là ville de Gennes, dont l'un est assis sur le port de Gennes, là où les galées & le navire sont & arrivent, que on appelle *la Darfe*. Si est moult bel & fort à deux grosses tours. Si le fait afin que le dict navire en feust plus seulement contre tous ennemis, & tous griefs qui advenir pourroient. Ce dict œuvre feut bien avancé, tant que selon le devis & ordonnance du dict Gouverneur feut le chasteel accomply & parfait, grand, fort & bel, comme aujourd'huy on le peut veoir.

Quand ce feut fait, le saige Gouverneur le fait tres-bien garnir d'artillerie & de toute maniere de trait, & de choses qui à desfence

appartiennent, & de bonnes gens d'armes. Et ainsi s'en teint faisy, tant que dedans & dehors peut aller à sa poste, quelque chose que advenir peust, & nul n'entrer ne issir sans son congé. L'autre chastel feit edifier en la plus forte place de la ville, & est appellé *Chastellet*, qui tant est fort que à peu de deffence se tiendrait contre tout le monde. Si est fait par telle maniere que ceulx d'iceluy chastel peuvent aller & venir maugré tous leurs ennemis, en l'autre chastel qui sied sur le port que on dict *la Darfe*. Deux aultres beaux chasteaux feit-il depuis edifier dehors la cité, l'un en un lieu que l'on dict *Chaury*, & l'autre à *Lespeffe*. Avec ces choses tous les chasteaux & forteresses de dehors la cité, qui sont appartenans à la Seigneurie de Genes, dont moult en y a de beaux & de notables, lesquels plusieurs des plus forts d'entre les Genevois s'esloyent attribuez, & saisis s'en tenoient, feit tantost rendre & restituer à la dicte Seigneurie, parce que il envoya gent faire commandement soubz peine de mort que tantost & sans delay feussent rendus. Auquel commandement feut obey sans contredit.

Item feit monter sur mer gens saiges & bons, lesquels il envoya de par le Roy &

de par luy faire vifitation fur toutes les terres & Seigneuries des Genevois, pour fçavoir de leur estat & gouvernement. Et tiennent les diûs Genevois tres-grandes & notables Seigneuries és parties du levant, fur la mer majour, & en autres parties. Comme Capha en Tartarie, qui eft une groffe ville marchande. Et en Grece tiennent la cité de Pera, qui eft moult belle ville, & fied cofte Constantinople. Item l'Ifle de Scio où croift le mafic, au droit de Turquie. En Cypre tiennent Famagoufte, qui moult eft bonne cité. Et tirant à la Tane, en la mer majour, outre Capha, & par delà Constantinople quatorze cent milles, tiennent grand pays & foifon de fortereffes. Sans les Ifles, dont en y a plusieurs là & autre part bien habitées & riches, & autres terres qui long feroit à dire, qui toutes font fous la Seigneurie de Gennes. Et adveint environ ce temps que une ifle bonne & bien peuplée, qui fied affez près de Gennes, appellée *l'Ifle d'Elbe*, meut guerre contre les Genevois. Si y envoya le Gouverneur quatre galées bien garnies de gens d'armes, qui mie n'y allerent en vain. Car tant y feirent que l'ifle gaignerent.

C H A P I T R E X.

Cy dit comment après que le Marefchal eut mis la Cité de Genneſ en bon eſtat, il y feit aller ſa femme, & comment elle y feut receuë.

Après que toutes ces choſes ſeurent faictes & accomplies, & que la cité de Genneſ commençoit ja à reluire en proſperité, & que ſes nobles & riches citoyens plus ne muſſoient leurs puiffances, ains demonſtroient leurs richelſſes publiquement & à plain, tant en eſtat tenir, comme en riches robes & habillemens, & que ces nobles Dames de Genneſ vous reprirent leurs riches ornemens, atours, & veſtures de velours, d'or, de ſoye, de perles & pierreries de grand valeur, ſelon l'uſaige de par delà, & qu'ils ſe prirent tous à vivre joyeuſement, ſeulement, & en paix, ſoubs les aiſſes du ſaige Gouverneur, & en ſa fiance mettre navire ſur mer à cauſe de leur marchandiſe, en plus grande quantité que ils ne ſouloient, & à tirer gain de toutes parts, ſi que ja eſſoyent entrez en leur tres-grande proſperité.

Quand tout ce veid le ſaige Gouverneur, adonc luy ſembla temps de faire venir vers

foy sa tres-chere & aimée espouse, la belle, bonne & saige Madame Antoinete de Turenne, laquelle ne vivoit pas aise loing de la presence de son Seigneur, ne luy semblablement : car ils s'entreatinent de grand amour, & moult meinent ensemble belle & bonne vie. Mais alors un peu de temps estre loings convenoit. Lors par Chevaliers notables, & gens de grand honneur, envoya la querir en son pays en moult bel estat, comme il appartenoit. Et quand de la Ville feut approchée comme à une journée, luy allerent alencontre belle compaignée, tant de Chevaliers & Gentils-hommes des gens du Marechal, comme des plus notables hommes de la cité. Et ainsi au feur que elle approchoit, luy alloient gens au devant en moult riches atours, car tous se vestirent de robes de diverses livrées, depuis les plus grands qui de velours & nobles draps estoient vestus, jusques aux artisans que nous disons gens de mestier.

Tant que toute la Communauté faillit hors à cheval celle journée, & tous luy allerent faire la reverence, & à joye la receurent. Et ainsi en moult riche & grand arroy tant d'atour comme de robes & montures, & belle compaignée de Dames, de Damoisel-

les, de Chevaliers, d'Eſcuyers, & nobles bourgeois & peuple de Gennes, entra en la ville, où tres-joyeuſement de ſon Seigneur qui au Palais l'attendoit ſeut receüe, & de routes autres gens. Si y eut grand feſte de-
menée à icelle venuë, & ſeut adonc la joye encommencée plus grande à Gennes. Car le bien, l'honneur, la courtoisie & le ſens d'icelle noble Dame accroiſſoit encores plus le plaiſir & bien que ils prenoient en leur bon Gouverneur. Car ſemblablement trouverent en elle tout ſens, toute benignité, grace & humilité. Et ces Dames de Gennes la preindrent à viſiter à grands compaignées, & à elles offrir toutes à ſon ſervice & commandement, & la Dame debonnaire les recevoit tres-doucement, & tant vers elles eſtoit benigne, que tres-grandement toutes s'en loüoient,

C H A P I T R E X I.

Cy dit comment nouvelles veindrent au Mareſchal que le Roy de Cypre avoit mis le ſiege devant Famagouſte, laquelle Cité eſt aux Genevois, & comment il ſe partit de Gennes à grand armée pour y aller.

Il avoit gouverné environ un an la cité de Gennes le bon Mareſchal, auquel eſpace de

temps l'avoit adonc remise au chemin de prosperité comme dict est , quand nouvelles luy veindrent que le Roy de Cypre avoit mis le siege devant Famagouste , laquelle est une riche cité qui sied mesmes en la terre de Cypre , & est aux Genevois comme dessus est dict , & l'ont possédée tousjours , & encores font depuis qu'ils l'eurent conquise contre le Roy de Cypre , successeur du bon Roy Pierre , auquel eurent guerre. Pour laquelle diëe cité cuider recouvrer s'il eust peu , avoit ledit Roy de Cypre , qui à present regne , assiegé icelle. Adonc le chevaleureux Gouverneur qui ces nouvelles oüit , & à qui moult eust pesé si en son temps les Genevois feussent descheus en rien de leurs Iurisdiccions & Seigneuries , lesquelles à son pouvoir desiroit & vouloit soutenir & accroistre , pour cause que au Roy de France en appartient la souveraineté , au nom duquel il a le gouvernement , dit que ainsi ne demeureroit mie , & que bien & tost remedié y seroit. Si feit hastivement son erre apprestier , pour en propre personne y aller. Toutesfois luy qui en nul fait ne veult user de volonté sans grande deliberation & sans raison , s'advisa pour le mieux se mettre en tout devoir , & envoya devers le Roy de Cypre avant que il allast sur luy , l'enhorter & prier que il olast

le siege, & qu'il se deportast de faire ennuy ne grief à la cité du Roy de France. Et que ce voulust-il faire par bien & par amour, & que cherement l'en prioit, ou sinon qu'il se teint seur qu'à luy auroit guerre, & que tel ost luy ameneroit que dommaige luy porteroit. Quand d'ainsi le faire eut deliberé avec son Conseil, feust commis à ce messaige par fournir le saige & bon Chevalier qui tout son temps a esté vaillant en armes, preud'homme en conscience, & discret en conseil, l'Ermite de la Faye. Si feit le Mareschal tost apprestier une galée, où monta sus le dict Ambassadeur.

Après ce, nonobstant que le Mareschal ne voulust point aller courir sus au Roy de Cypre jusques à tant que sa responce eust ouye, son noble couraige plain de Chevalerie desira employer son corps és faicts sans lesquels Chevalier n'est honoré. C'est à sçavoir en exercice d'armes, comme le temps passé avoit accoustumé. Mais mieux ne luy sembla pouvoir employer son temps que sur les ennemis de la foy. Et pource delibera son voyage à double intention. C'est à sçavoir sur le Roy de Cypre, au cas que à raison ne se mettroit, & puis contre les mescreans. Si feit tantost apprestier son navire, & bien garnir de toutes choses à guerre convena-

bles. Et quand il eust tres - bien faictes ses ordonnances de garder & gouverner la ville tant qu'il seroit hors (pour laquelle chose faire laissa son Lieutenant le Seigneur de la Vieuville tres-bon Chevalier & saige, bien accompagné de gens d'armes, & de tout ce qu'il convenoit), se partit le troisieme jour d'Avril, l'an mille quatre cent trois, accompagné de huit galées chargées de bons gens d'armes, d'arbalestriers, & de toute telle estoffe & garnison qui en guerre appartient. Si singla en peu d'heures en mer, car bon vent le conduisoit, tenant son chemin droit à Rhodes.

CHAPITRE XII.

Cy dit de l'ancien contens qui est comme naturel entre les Genevois & les Venitiens.

Avant que plus outre je die du dict voyage que feit le Marechal en Cypre, & es parties delà, pour mieulx revenir au propos où je veux tendre, c'est à sçavoir que je compte sans rien oublier toutes les principales adventures & faicts qui au preux & vaillant Marechal adveindrent en iceluy voyage, me convient un petit delaisser ceste matiere, &

entrer en une autre , laquelle comme je ne puisse bien tout dire ensemble , me ramenera à mon propos comme j'espere. Vray est, & chose assez notoire & sçeüe, comme ja de trop long temps, ainsi comme communément advient, que Seigneuries de semblable ou esgale puissance, ou presque pareille, qui sont voisines & prochaines les unes des autres, ne s'entr'aiment mie : & ce advient par l'orgueil qui court au monde, qui tousjours engendre envie, qui donne couraige aux hommes de suppediter les uns les autres, & surmonter en chevance & honneurs.

Pour ces causes les Genevois & les Vénitiens n'ont mie esté bien amis, laquelle inimitié par longue coustume de divers contents & guerres meües entre eulx est tournée comme en haine naturelle, comme communément advient en tel cas. Car estre ne peut que apres grands guerres, où que elles soyent, quoy que la paix soit apres faicte, que le record rancuneux n'en demeure aux terres blessées & dommaigées, là où les traces apparoissent des occisions, des feux boutez, & des ruines & dommaiges qui leur en demeurent. Lesquelles choses representent aux enfans qui apres viennent les maulx & les

griefs que les ennemis de la contrée feirent à leurs predecesseurs, dont ils se sentent. Et ces choses souvent renouvelées ne sont mie cause de nourrir amour entre les parties , qui par guerre s'entregrevent , ou sont grevez.

Or est-il ainsi que moult de fois, pour plusieurs debats & chaenges de terres, de chasteaux & de Seigneuries, comme ils ont leurs Jurisdicions en Grece & autre part , & grandes terres les uns & les autres assez marchissans ensemble, que maintes guerres ont esté entre les Genevois & les Venitiens, par lesquelles maintes fois à tant se sont entremenez, que à peu a esté qu'ils ne se soyent destruits. Et puis quand ainsi bien batus s'estoient, apres par quelque bon moyen celloit leur guerre par forme de paix, & non mie toutesfois ostée de leurs couraiges la haine ou rancune; laquelle, comme j'ay dict, est & demeure comme naturelle entre eulx. Si est vray que quand le haineux veoid son ennemy bien au bas, soit par luy, soit par autre, son ire est aussi comme amortie, & plus n'y daigne penser. Mais s'il advient que par quelque bonne fortune il se recouvre & se retourne en force & prosperité, adonc revient la haine & redouble l'envie. Tout ainsi

estoit-il des Venitiens envers les Genevois : car jaçoit que ja pieça apres moult grande & mortelle guerre , ils eussent faict paix , ne feut mie pourtant , comme dict est , estainte en eulx couverte rancune. Mais icelle rancune n'a par long temps entre eulx porté nul mauvais effect : car comme les Genevois longue piece eussent tant esté oppressez de diverses douleurs par leur mesme pourchas , & par leurs divisions , comme dit est , que nul n'avoit cause d'avoir sur eulx envie : (car chose où n'y a fors malheureté n'est point enviée) dormoit lors & estoit coye du costé des Venitiens la dicte rancune.

Mais quand Dieu & fortune leur est apparu propice par le bon moyen du Roy de France , par lequel ont eu le secours du bon & saige Gouverneur ; adonc fut ravivée l'ancienne envie & inimitié qui tant au cœur les poignit , que volontiers se feussent peinez de defadvancer la grande prosperité où ils veirent les Genevois entrez. Laquelle dicte prosperité & bonne fortune ils repouterent estre à leur prejudice , en tant que si ainsi montoient & alloient croissant , pourroient estre en puissance , Seigneurie & honneur plus grands qu'eulx ; & par ainsi pourroient par advantage encores estre par les Genevois re-

nouvellez les anciens contens au grand grief des Venitiens. Ces choses considérées, moult se voulurent peiner s'ils pourroient desadvancer celui qui estoit le chef & le gonfanon de leur prospérité, c'est à sçavoir leur faige Gouverneur : car bien leur sembla que s'ils pouvoient à ce atteindre, le surplus petit priferoient. Mais ceste chose convenoit faire par grande dissimulation & advis, tellement que leur dessein ne feust apperceu tant que aucune achoison trouvassent de ce faire. Ceste pensée garderent entre eulx jusques au point que ils cherchoient. Dont il adveint que quand ils sceurent que le Mareschal estoit party pour aller oultre mer, comme j'ai dict cy devant, adont leur sembla temps de trouver moyen de meüre leur dessein à effect. Si armerent hastivement & sans reveler leur intention treize galées, & bien & bel les garnirent de bons gens d'armes, d'arbalétriers, & de tout ce qui appartient par mer en fait de guerre. Quand tres-bien se feurent garnis, visiblement se meirent en mer, & tirerent après le Mareschal.

A revenir à mon premier propos, n'avoit pas le dict Mareschal passé le Royaume de Naples, quand luy veindrent les nouvelles de l'armée des Venitiens, mais pourquoy

c'estoit faire on ne sçavoit. Adonc luy comme prudent Chevetaine qui sur toutes choses doibt avoir regard, pensa sur ceste chose sçavoir mon si ce pourroit estre pour luy faire aulcune grevance. Mais à la parfin, comme c'est la coustume d'un chascun preud'homme cuider que les autres veüillent loyauté comme luy, osta de soy tout soupçon, considerant qu'il avoit bonne paix & de pieça, sans avoir rompu en rien les convenances entre les Genevois & les Venitiens. Si creut que ce ne pouvoit estre pour sa nuisance; si n'en feit nul compte & tousjours teint outre son chemin. Quand tant eut erré par mer qu'il feut venu à vingt milles près de Modon, qui est aux Venitiens, luy veindrent nouvelles que les dictes treize galées estoient au port de Modon. Si feut derechef aulcunement pensif pour quelle emprise les Venitiens telle armée pouvoient avoir faicte. Si s'arresta en une Isle près d'illec, & pour sçavoir la vérité de ceste chose envoya une galée à Portogon, & Montjoye le Herault qui saige & preud'homme est, & subtil en son Office, dedans la dicte galée, pour enquerir s'il pouvoit de leur dessein. Lequel, après que il en eut faict toute diligence, rapporta ce qu'il avoit trouvé: c'est à sçavoir que voirement y estoient les dictes galées;

galées ; mais pour quelle emprise ; ne sçavoit.

Adonc entra le Marechal en grande pensée & soupçon de ceste chose : car il ne pouvoit imaginer ne appercevoir que les Venitiens eussent cause par chose qui lui apparust d'avoir fait telle armée : toutesfois son tres-hardy couraige de rien ne s'en espouventa, nonobstant que il eust beaucoup moins de gens & de navire. Et delibera que supposé que celle assemblée feust pour lui courir sus, que rien ne les doubteroit, & que à bataille ne leur faudroit mie. Et de ceste chose delibera avec son Conseil : mais toutesfois pource que la verité ne pouvoit sçavoir, & n'estoit mie certain que contré luy feust, deffendit à tous les siens que ils se gardassent que le premier mouvement ne veint d'eulx ; car il ne vouloit estre cause d'esnouvoir contens, ne que Venitiens peussent dire que par luy feust. Mais bien leur dict & enhorta que si par les autres la meslée venoit, que ils se portassent comme vaillans.

Le lendemain matin le Marechal feit mettre ses galées & ses gens en tres-belle ordonnance, & tous apprestér de combattre si besoing estoit, & mettre devant les arbalestriers tous prests de tirer, & les gens d'armes de monstrer toute apparence de bon vifage de

eulx defendre contre qui les assauldroit. Et ainsi que feut ordonné, se partit le Marechal à tout ses huit galées pour venir au port de Modon. Et quand il feut assez pres, il envoya devant une galée pour sçavoir des nouvelles. Et quand les Venitiens veirent venir la dicte galée, ils l'accueillirent à grand joye & feste, & se monstrent joyeux de la venuë du Marechal qui pres estoit. Si se partirent du port, & joyeusement luy vindrent au devant, & grand recueil luy fait le Capitaine des dictes galées qui se nommoit Messire Carlo Zeni, & tous les autres, & le Marechal à eulx, & ainsi amis se trouvèrent. Si retournerent toutes ensemble au dict port de Modon. Et fut le dict Marechal du tout hors du soupçon qu'il avoit eu.

C H A P I T R E X I I I .

Comment le Marechal donna secours à l'Empereur de Constantinople pour s'en retourner en son pays.

Quand le Marechal feut arrivé à Modon, là trouva les messaigers de l'Empereur de Constantinople, nommé Karmantoli, qui l'attendoient, par lesquels il luy mandoit que

pour Dieu, & en l'honneur de Chevalerie & Noblesse, il ne voulust point passer outre sans que il parlât à luy. Car il estoit en la Morée vingt milles en terre, si le voulust un petit attendre, & il viendrait à luy. Le Mareschal receut les messaigers à tel honneur qu'il leur appartenoit, & leur dict benignement que ce feroit-il tres-volontiers. Si ordonna tantost pour luy aller au devant le Seigneur de Chasteaumorant à tout sa gent, & Messire Iean d'Oultremarin Genevois, à tout une galce, & luy attendit à un port appelé Basclipótano. Quand le Mareschal sceut que l'Empereur approchoit, il luy alla à l'encontre, & receut à grand honneur luy, sa femme & ses enfans qu'il avoit amenez, comme raison estoit. Le dict Empereur le requist moult benignement, en l'honneur de Dieu & de Chrestienté, que il luy voulust donner confort & passaige jusques à Constantinople. Le Mareschal respondit que ce feroit tres-volontiers, & tout ce que pour luy pourroit faire. Si ordonna tantost pour le conduire quatre galées, lesquelles il bailla en gouvernement au bon Seigneur de Chasteaumorant. Si se partit à tant l'Empereur, & le Mareschal le convoya jusques au cap saint Angel.

Quand là furent arrivez veindrent au Ma-

reschal les messaigers des Venitiens, qui avoient sceu comme il avoit baillé quatre de ses galées pour convoyer l'Empereur. Si dirent que ils estoient deliberez s'il leur conseilloit d'envoyer aultres quatre pour plus seurement le mener où il vouloit aller. A ce respondit le Marechal que ce seroit tres-bien fait, & grand honneur à la Seigneurie de Venise & au Capitaine d'icelles galées. A tant preint congé l'Empereur du Marechal & moult le remercia, & aussi les Venitiens. Si s'en partit, & teint son chomin droict à Constantinople. Et le Marechal à tout ses quatre galées sans plus tira vers Rhodes. Et les Venitiens qui demeurerent à neuf galées allerent avec luy, & telle compaignée lui tenoient, que quand il alloit ils alloient, quand il arrestoit, il s'arestoient, & ainsi le firent jusques à l'Isle de Nicocie.

Adonc le Marechal, tousjours tendant au bien de la Chrestienté, & à l'exaucement & accroissement de la foy, comme celuy qui desiroit la confusion & desadvancement des Sarrazins, se pensa d'un grand bien. C'est à sçavoir que si le dict Capitaine à tout son armée vouloit estre avec lui, & que tous d'un bon vouloir allassent courir sus aux mescreans, qu'ils estoient belle compaignée de bonnes

gens pour leur faire une tres-grande envahie & grevance. Si manda par son messaigier bien emparlé & saige au Capitaine des dictes galées toute ceste chose, & comme c'estoit son intention que au cas, au plaisir de Dieu, il auroit paix avec le Roy de Cypre, son desir & volonté estoit de grever les ennemis de la foy quelque part que de leur courir fus verroit son point. Si luy sembloit ceste emprise bonne & belle, & honorable, & que si au dict Capitaine plaisoit que à ceste besongne feussent ensemble, il seroit participant au preu & en l'honneur qui en istroit. Car il avoit esperance que à l'aide de Dieu ils feroient belle & honorable besongne. Le Capitaine respondit au messaiger que grand mercy rendoit moult de fois à Monseigneur le Gouverneur du bien & de l'honneur qu'il luy annonçoit & offroit, & que quand il seroit à Rhodes, où il alloit dedans deux ou trois jours, tellement luy en respondroit que il s'en tiendrait pour content.

C H A P I T R E X I V.

Comment le Mareſchal arriva à Rhodes , & comment le Grand Maître de Rhodes le receut , & le pria qu'il allaſt en Cypre pour traiter de paix.

A tant ſ'approcha de Rhodes le Mareſchal, & quand le Grand Maître du lieu qui eſt nommé Meſſire Philebert de Nillac ſceut que il eſtoit pres, adonc luy alla au devant à belle compaignée de Chevaliers & de bonne gent, & le receut tres-joyeuſement & à moult grand honneur. Et ainſi le mena en ſon chaſtel qui moult eſt bel & hault, aſſis au deſſus de la ville; lequel il avoit fait bien & richement ordonner pour ſa venuë. Là mangerent enſemble, & parlerent de pluſieurs choſes, & de maintes adventures & nouvelles. Et toſt envoya ſes meſſaigers au Mareſchal le Capitaine des dictes galées des Venitiens, par leſquels il luy faiſoit reſponſe, que de ce que il l'avoit enhorté d'aller avec luy ſur les Sarraſins, il n'avoit mie commiſſion de la Seigneurie de Veniſe, ſans laquelle il n'oſeroit entreprendre de faire aulcune nouvelleté, ſi l'en vouluſt tenir pour excuſé, car aultre choſe pour lors n'en pouvoit faire. Si n'en

teint plus plaid le Marechal. S'il est vray que quand le Seigneur de Chasteaumorant se partit de luy pour convoyer l'Empereur, comme dict est, il luy ordonna pour cause de croistre son armée que il luy amenaſt toutes les galées & galiotes que de la Seigneurie de Gennes & de tous leurs aliez pourroit trouver. De laquelle chose toute diligence meit de ce accomplir, tant que plusieurs en eut assemblées. C'est à ſçavoir une galée & une galiote du pays de Payre, & une galée & une galiote d'Ayne, une galée & une galiote de Methelin, & de Scio deux galées. Et à tout le dict navire veint à Rhodes devers le Marechal qui là attendoit l'Ermite de la Faye que il avoit envoyé devers le Roy de Cypre, comme devant dict, pour ſçavoir ſa reſponce. Ne demeura pas moult que l'Ermite veint, & à brief parler rapporta que il n'avoit pu trouver le Roy de Cypre en nulle raiſon d'accord de paix, pour quelconque cauſe qu'il luy ſceuſt avoir monſtrée que il le deuſt faire.

Quand le Marechal entendit ce, dit que puisque le Roy de Cypre ne ſe vouloit deſiſter & oſter de ſon tort, & venir à raiſon, que il ne faudroit mie à luy faire bonne guerre. Adonc ſeit tantost appreſter ſon na-

vire, & remonter ses chevaulx, & toute son armée mettre en ordonnance. Quand le grand Maistre de Rhodes, à qui moult pesoit pour le mal qui ensuivre en pourroit, que guerre y eust entre le Roy de Cypre & les Genevois, veid que c'estoit à bon, & que plus remede n'y avoit, requist moult le Marechal que un don luy voulust donner, lequel l'octroya volontiers. Ce feut qu'il ne voulust mie aller descendre en Cypre jusques à tant que luy mesme eust esté parler au dict Roy de Cypre, Ceste chose accorda le Marechal, Si monta tantost le Maistre de Rhodes sur sa galée, & l'Ermite de la Faye avec luy, lequel feut monté sur la sienne, & encores la galée de Methelin avec eulx; & ainsi à trois galées allerent devers le Roy de Cypre,

C H A P I T R E X V.

Cy dit comment le Marechal alla en Turquie devant une grosse cité que on nomme Lescandclour,

Quand le grand Maistre de Rhodes feut party pour aller en Cypre, comme dict est, le bon Marechal qui estoit demeuré ne voulut mie tandis que le traicté se feroit perdre

temps, ains pour la grande volonté qu'il avoit de nuire aux mescreans desira employer sa gent de faire aux diés Sarrafins aucune envahie. Si se conseilla aux Chevaliers du pays & aux Genevois en quel lieu leur sembloit plus convenable d'aller faire guerre sur les ennemis de la foy. Si luy dirent que s'il alloit en Turquie devant un bel chastel & ville que on nomme *Lescandelour* (a), il pourroit faire celle part belle & honorable conquête, & aussi c'estoit son chemin en approchant vers Cypre. Adonc sans plus attendre feit ses galéës ordonner. Si monta sus avec sa belle & noble compaignée de tres-bons gens d'armes, tous de nom & d'esslite, & tres-desireux de bien besongner & d'accroistre leur renommée. De Rhodes se partit en belle ordonnance. Et comme il alloit par mer rencontrèrent une grosse nave de Sarrafins, laquelle tantost ils combattirent tant que elle fut prise, & grossièrement y gaignerent. Si alla tant par plusieurs journées qu'il arriva devant Lescandelour droit à un Dimanche, à l'heure de None.

Adonc preint à adviser la dicte ville, laquelle sied en partie sus la marine, & y a

(a) Aujourd'hui Candalora, ou Escandalora, sur le Golfe de Satalie. Elle est presque ruinée à présent.

une grosse tour qui garde le havre, & puis va s'estendant au hault d'une montaigne où sied au chef un fort & hault chasteil qui garde la ville, laquelle est partie en deux parties, puis au bas est de l'autre costé la terre plaine venant sur la marine, où il y a moult beau pays & grands manoirs & jardinaiges. Adonc sailirent hors des nefes les bonnes gens d'armes par belle ordonnance, comme le saige Mareschal leur avoit ordonné. Et quand ils eurent gaigné terre, & feurent tous assemblez sur la plaine, adonc feit le Mareschal plusieurs Chevaliers nouveaux, dont d'aucuns me souvient des noms & non de tous. C'est à sçavoir le Barrois, le fils du Seigneur de la Choletiere qui nepveu estoit du dict Mareschal, le Seigneur de Chasteauneuf en Provence, Messire Menaut, Chacagnes, Messire Louys de Montigian qui y mourut, & grand nombre d'autres. Et y leverent bannieres plusieurs autres vaillans Chevaliers & Escuyers, tous de grande volonté de bien faire.

Si se trouverent sur ceste place huit cens Chevaliers & Escuyers tous chuits à la guerre, & gens de grande effite, vaillans & renommez de nom & d'armes, & pouvoient estre en tout environ trois mille combatans, tous

tres-ardens & courageux de faire prouesses & vaillantises pour l'exaucement de la foy Chrestienne, & pour accroistre leurs renommées. Et entre eulx estoit le tres-vaillant Marechal comme preux Chevetaine qui les mettoit en ordonnance, & par ses bons & chevaleureux enhortemens les admonestoit qu'ils se portassent comme vaillans. Car il avoit esperance en Dieu, en nostre Dame, & en Saint George, que ils feroient bonne journée. Ha qu'il faisoit bel veoir ceste belle compaignée, en laquelle estoient assemblées, tant de bannieres de renommée. C'est à sçavoir la banniere de nostre Dame, celle du Marechal, celle du Seigneur Dachet, celle du Seigneur de Chasteaumorant, celle du Seigneur de Chasteaubrun, nommé Messire Guillaume de Nillac, la banniere du Seigneur de Chasteauneuf, celle du Seigneur de Puyos, & autres que nommer ne sçay!

CHAPITRE XVI.

Cy dit comment le Marechal assaillit Lescandelour par belle ordonnance.

Le Marechal ordonna son assault en trois parties, c'est à sçavoir commeit le vaillant

Seigneur de Chasteaumorant à tout belle compaignée à combatre du costé de la marine; son Mareschal appellé Messire Louys de Culan à tout cent hommes d'armes, cent arbalestriers & cent varlets, meit pour garder un pas par où secours pouvoit venir en la ville, & luy avec le Seigneur de Chasteaubrun, & l'autre partie de ses gens, assaillirent du costé de la porte. Quand toute l'ordonnance feust faicte, qui feut comme à heure de None, adonc pour commencer l'assault, prirent trompettes à sonner si hault que tout en retentissoit.

Lors commencerent à assaillir de toutes parts, & ceulx de dedans à eulx defendre par grand vigueur, & ainsi ne finirent de donner & de recevoir des coups, tant qu'il y en eut de morts & de navrez grand foison d'un costé & d'autre. Moults trouva grand force & grand defence du costé de la marine le Seigneur de Chasteaumorant : car la tour qui gardoit le havre estoit fort garnie de trait & de gens d'armes qui moults bien la defendoient, & espoissément lançoient à eulx. Mais vous veissiez nos gens comme preux, par grand vigueur, nonobstant toute defence, agripper contremont ces murs & dresser eschelles, & là estriver l'un contre l'autre à

monter sus des premiers, & à qui mieulx mieulx s'alloient là esprouver. Si feut combatu en eschelle par grande hardiesse & moult vaillamment : mais trop feurent leurs eschelles courtés, pour laquelle cause conveint ainsi demeurer celle journée.

Le bon Messire Louys de Culan qui gar-
doit le pas, comme dict est, n'y travailla
mie en vain. Car tant s'y peina à tout l'esten-
dard du Marechal, & la bonne compaignée
qu'il avoit, que nonobstant que il y eust fort
combatu, & qu'il y trouvast qui bien luy
deffendist, si gaigna-il le pas malgré tous les
ennemis, dont il doibt grand honneur avoir :
car tant est celuy pas forte place, que le
bon Roy de Cypre, qui autresfois à le pren-
dre s'estoit travaillé, oncques n'en peut ve-
nir à chef. Si fut profitable la prise, car par
ce eussent affamé la ville, si encores y feus-
sent demeurez. Et ainsi dura cest assaut, où
assez eurent nos gens bien exploicté jusques
à tant que la nuit veint qui les departit. Le
lendemain derechef prirent à assaillir, & par
deux fois l'assaut donnerent par moult grand
fierté; & moult trouverent qui bien se dé-
fendit, mais toutesfois tant se peina le vail-
lant Chasteaumorant à toute sa gent que le
hayre à tout le bas de la ville feut prins,

& entrèrent au port malgré la deffence de la tour. Là estoient les boutiques des marchandises, que ils appellent magasins, bien garnies de toutes marchandises. Car moult est celle ville marchande. Tout prirent ce que emporter peurent; & au navire qui y estoit, c'est à sçavoir quatre fustes, deux gâlcées, une galiote, & deux naves, bouterent le feu, & tout ardirent.

C H A P I T R E X V I I .

Les escarmouches que faisoient tous les jours les gens du Marechal aux Sarrafins; & comment ils les desconfirent & chasserent.

Au temps que cette chose adveint, le Seigneur de Lescandelour avoit guerre contre un sien frere, & tenoit les champs à tout grand ost à cinq journées de là. Mais quand il oïit dire la venuë de nos gens, tantost véint vers eux, & tant s'approcha en intention de les combattre que veoir les peut. Mais la grande hardiesse & le maintien que il veid au vaillant Chevetaine, & en la chevaleureuse compaignée, lui osta la hardiesse de venir lever le siegè. Et pour ce se logea à demy millè de Post, & le contresie-

gea : car trop le redoubtoit. Mais toutesfois quand son point cuidoit veoir, venoit escarmoucher nos gens comme à costé. Mais à qui se venoit-il jouer ? car ils ne faillirent mie à estre bien receus. Si y avoit souvent grande & fiere escarmouche : mais tousjours y laissoient les Sarrafins ou plume, ou aisse ; & bien y estoient batus. Le Mareschal desiroit moult les combatre, mais ils ne l'attendoient mie : ains s'ensuyoient, & s'alloient retirer & rafraichir és jardinaiges drus & espais qui coste la ville font. Il voulut moult trouver voye s'il eust peu de les faire faillir de là, & les attraper dehors. Pour laquelle chose s'advisa d'une telle cautele. Il ordonna que l'on tirast de nuict quatre - vingt chevaulx d'une nave ; & iceux feit cacher dedans les tentes.

Quand ce veint au lendemain, le Mareschal feit aller à l'escarmouche une partie de ses gens, & leur ordonna que ils feissent semblant d'avoir peur, si fuissent, & tout de gré se laissassent rebouter. Et ils le feirent, & pareillement le soir devant l'avoient fait. Laquelle chose moult accreust le cœur aux Sarrafins, tellement qu'ils veindrent avec nos gens jusques à la banniere de nostre Dame, puis s'en retournerent. Mais pour la chaleur

du Soleil qui hault estoit, s'allèrent rebouter és dicts jardinaiges pour eulx rafraischir, en intention de retourner à l'escarmouche apres la chaleur du jour.

Quand le saige Mareschal les veid là ficher, & que ils n'entendoient que à eulx ventrouiller par l'herbe fresche és ombrages; adonc fait tirer hors les dicts chevaulx & gens bien armez dessus, les lances és poings, & les ordonna en deux parties, dont il prit l'une avec soy, & l'autre commeit au Seigneur de Chasteaumorant, avec ce ordonna une bataille de gens de pied legerement armez, d'archers & de varlets. Et quand cest arroy eust tout faict, lequel il avoit de longue main bien appointé, adonc tout à coup alla d'une part environnant les dicts jardinaiges & Chasteaumorant de l'autre. Et les gens à pied se ficherent dedans si appertement, que les Sarrafins qui desarmez s'esloyent ne purent avoir espace de reprendre leurs harnois. Si se ficherent nos gens entre eulx, & tous les occirent de traict & à bonnes espées.

Adonc qui veid esbahis ceste chiennaille grand ris en peult avoir : car ils ne sçavoient se mettre en defense, ny n'osoient saillir dehors, pour ceulx à cheval que ils voyoient. Non pourtant se meirent plusieurs à la fuite
qui

qui de nos gens furent receus aux pointes des lances. Et ainsi feurent tous occis, excepté aucuns qui à force de course de chevaulx eschapperent, & se tapirent en quelques destours. Et par ce le Seigneur de Lescandelour à tout son ost feust si espouventé, pour la grande perte qu'il avoit faicte, & des plus grands & vaillans de sa compaignée, que il s'enfuit és montaignes, & depuis n'osa descendre, ne se monstrier vers nos gens. Et le preux & vaillant Marechal, apres celle desconfiture, rassembla ses gens, & ne voulut mie que longuement suivissent les fuitifs, ains meit les siens en belle ordonnance, & en belle bataille : car il ne sçavoit si le Seigneur de Lescandelour rassembleroit sa gent pour luy revenir courir sus par grande ire & desdaing. Si se pourveut de deffence avisément, & avoit ainsi ordonné ses batailles. Il estoit en plains champs à tout une bataille, & le Seigneur de Chasteaumorant en une autre, pour secourir les aultres, si mestier en avoient. Et puis l'ost estoit à tout la banniere de nostre Dame, qui gardoit le pas de l'entrée de la ville. Et en ceste maniere & ordonnance attendit le Marechal longue piece. Mais assez pouvoit attendre. Car les Sarrafins n'avoient

intention ny volonté fors de fuir ; & ainfi se passa celle journée.

Le lendemain au matin le Mareſchal ordonna une belle compaignée de gens d'armes pour aller gaigner une montaigne où les Sarrafins s'eſtoient retirez : mais ſi toſt que les ennemis les ſentirent venir, ils s'enfuirent d'autre part, & ſe fichèrent és bois. Adonc nos gens deſcendirent en la plaine, & gaſterent tout le pays à l'environ, où y il avoit de moult beaux Palais, de grands manoirs & beaux jardinaiges, par tout bouterent le feu, & tout allerent gaſtant. Quand le Seigneur de Leſcandelour veid que nos gens ne faiſoient ſemblant de eulx deſloger, il envoya ſes meſſaigers devers le Mareſchal, & luy manda en ſe complaignant, que moult eſtoit eſmerveillé pourquoy il luy faiſoit ſi grande guerre, veu que oncques il n'avoit porté dommaige à luy ne à nul des ſiens, ne meſmement aux Genevois, parquoy ils deuſſent ce faire, & que s'il luy plaiſoit avoir paix avec luy, que à tousjours mais feroit ſon amy, & aux Genevois auſſi, en tout le ſervice que il pourroit faire, & que il preſentoit luy, ſa puiffance, & Seigneurie, pour eſtre avec luy contre le Roy de Cypre, & contre qui il luy plairoit. Après ces nouvelles, le ſaige

Mareschal, qui toutes choses desiroit faire au mieux, advisa que il ne sçavoit s'il auroit guerre au Roy de Cypre, & que s'il y avoit guerre, celle contrée estoit bonne & assez près pour eulx rafraischir, & pour avoir vivres. Si eut de ceste chose advis avec son Conseil, où il fut deliberé que le meilleur estoit de faire paix, puis que si humblement le requeroit. Et ainsi le firent, & tantost après le Mareschal, qui quatorze jours avoit demeuré au lieu, se retira à tout son ost en ses galées.

CHAPITRE XVIII.

Comment la paix fut faicte entre le Roy de Cypre & le Mareschal, & comment il voulut aller devant Alexandrie.

Quand le Mareschal se retira en ses galées, luy veindrent nouvelles que paix estoit faicte entre luy, les Genevois, & le Roy de Cypre, si la maniere des convenances luy plaisoit. Si appella son Conseil, & feut veu que les conditions des dictes convenances estoient toutes telles que ils demandoient. Si agreea la paix, de laquelle avoir fut assez joyeux, afin de mettre à effect le bon desir qu'il avoit

de porter dommaige aux mescreans, & fut son intention d'aller en Egypte devant Alexandrie. Adonc manda querir tous ses patrons de naves & de galées. Si leur dict l'intention qu'il avoit, & ce qu'il voyoit à faire, si vouloit que partie du navire allast devant. Les dicts patrons luy respondirent que à partir de là pour prendre leur adresse tout droict en Alexandrie, le vent leur estoit trop contraire, parquoy ils ne pourroient nullement prendre le port d'Alexandrie : mais leur convenoit retourner à Rhodes, & de là prendre l'adresse du vent. De laquelle chose faire leur en donna le Mareschal licence. Et luy à tout ses galées s'en retourna vers Cypre, pour certifier & confirmer la paix, telle que le grand Maistre de Rhodes l'avoit bastie & faicte avec le Roy de Cypre.

Si alla tant qu'il arriva à un port de galées qui s'appelle *Pandée*, où le dict grand Maistre de Rhodes & le Conseil du Roy de Cypre l'attendoient. Et fut là jurée & confirmée la dicte paix. Et quand ce feut faict, par la priere du dict grand Maistre, & aussi des gens du Roy de Cypre, il alla plus outre, où le Roy de Cypre & luy se trouverent ensemble. Et luy veint le dict Roy au devant, lequel le receut à tres-grand hon-

neur & chere, & le mena en ses chasteaux & citez, où il avoit faict grand appareil pour sa venuë. Si voulut donner de tres-grands dons au Marechal, & vingt-cinq mille ducats comptant. Mais il ne les voulut oncques prendre, ains l'en remercia grandement, en disant que il ne l'avoit point desservy, & qu'il n'en avoit pas besoin, car le Roy de France son souverain Seigneur luy donnoit assez. Mais s'il luy plaifoit l'aider de ses gens d'armes, & des souldoyers qu'il avoit en son pays; & de ses galées luy voulust prester, pour aller avec luy sur les mescreans, que ce prendroit-il volontiers, & grand gré luy en scauroit. Et le Roy luy respondit que ce feroit-il volontiers. Si luy bailla deux de ses galées chargées de gens d'armes, combien que l'une s'enfuit; car c'estoient coursaïres.

Là avoit esté le Marechal quatre jours. Si ne voulut plus sejourner, adonc préint congé du Roy, & s'entre-donnerent de leurs joyaulx. Si entra à toute sa gent en ses galées, en intention d'aller droict en Alexandria. Tost feurent en mer, mais n'eurent pas grandement erré, comme les mariniers tiroient à tourner environ l'isle de Cypre, pour tenir leur chemin en Alexandria, après les naves que le Marechal y avoit devant

envoyées, qu'il commença un vent contraire si tres-grand, que pour sens & puissance que mettre y sceussent ne pouvoient avant aller, combien que de tout leur pouvoir s'en esforcassent & estrivassent. Ne leur dura pas petit cest estrif, ains y feurent trois jours entiers, & si n'avoient mie à aller plus de six milles à estre en l'adresse du vent qui les conduisit droict en Alexandrie.

Quand les mariniers veirent que de toute leur puissance ne pouvoient avant aller, dirent au Marechal que oncques en leur vie telle chose n'avoient veu, & quant estoit d'eulx ils pensoient que c'estoit miracle de Dieu, qui ne vouloit mie pour aulcun grand bien, ou pour le sauvement de luy & de ses gens, que il allast celle part : car selon qu'il leur sembloit ce vent n'estoit taillé de cesser d'un grand temps. Si eut en conseil que il laissast celle voye, & allast aultre part. Adonc eut advis d'aller en Syrie devant Tripoli, car là seroit ce voyage bel & bon, & si avoit en poupe vent propice. Si voulut là aller, notwithstanding que les Genevois luy conseillassent de s'en retourner à Genes, & disoient que il avoit assez fait. Mais ce ne voulut-il mie faire, Si alla tant que il arriva à Famagouste ; mais pour celle fois gueres n'y arresta, Si prit

là une galée, & le lendemain au matin arriva devant Tripoli.

CHAPITRE XIX.

Comment les Venitiens avoient fait ſçavoir par les terres des Sarraſins que le Mareſchal alloit ſur eulx ; & comment le dict Mareſchal alla devant Tripoli.

Or nous convient retourner à la narration que cy-devant ay dicté & représentée de la haine couverte d'entre les Venitiens & les Genevois. Pour laquelle, comme devant eſt dict, par l'envie que avoient les dicts Venitiens contre les Genevois, moult ſe voulurent peiner s'ils euſſent peu de deſadvancer leur proſperité : mais que ſi cautelement feult que on ne l'apperceust. Et par trouver voye de leur tollir leur bon Gouverneur, par le ſens & valeur duquel montoit leur gloire de mieulx en mieulx, leur ſembloit bien que plus grand meſchef & deſadvancement ne leur pouvoient faire. Mais toutesfois de leur courir ſus ouvertement n'oſoient, encores que ils feuffent trop plus de gens. Et pour atteindre à leur intention, avoient cherché une aultre tres-fauſſe voye, & par cé n'y

cuidoient mie faillir. Mais ce que Dieu garde est bien gardé. Car ils avoient envoyé leurs messaigers par toutes les terres des Sarrafsins sur la marine de là environ, tant en Egypte, comme en Syrie, & par tout aultre part, pour annoncer & faire sçavoir la venuë du Marechal, & dire que ils feussent sur leur garde : car il alloit sur eulx à grand ost.

Et qu'il soit vray que la venuë du Marechal feirent sçavoir les Venitiens aux Sarrafsins, feut certainement sceu, comme il sera cy-aprés dict, & comment ce fut. Si en paroïssent bien les enseignes là endroict, & autre part, que advisez en avoient esté, & de longue main. Car tout le port & le rivaige de Tripoli estoit couvert de Sarrafsins, qui tous armez là l'attendoient à recevoir aux pointes des lances. Laquelle chose ne peult estre que là eust telle assemblée, si avant le coup n'en eussent esté advisez. Car ils esloyent en moult bel arroy de combatre, par grands batailles à cheval & à pied. Et y avoit des gens du Tamburlan bien environ six cens chevaux, armez & couverts tant richement de fin veloux & drap d'or, & de tous habillemens riches, que oncques homme ne veïd en bataille ne en faict d'armes plus belle chose, & ceulx qui dessus estoient,

estoyent armez de beaux paremens, & monstroient semblant d'estre gens de grand vigueur, & avoir desir de combattre, & sembloient estre personnes de grand honneur & de grand estat.

Quand le preux & vaillant Marechal veid celle assemblée, laquelle chose en piece n'eust pensé, feut moult esmerveillé : mais non mie pourtant esbahy ne espouventé. Ains dict à visage hardy que pourtant ne lairroit à descendre, à l'ayde de Dieu, nonobstant que son Conseil luy feist la chose moult douteuse, pource que peu de gens estoyent contre tant de Sarraſins; mais il dict que pourtant ne lairroient. Adonc le Marechal envoya Montjoye le Herault par les galées dire à tous qu'ils s'appareillaſſent de descendre à terre par belle ordonnance, comme il leur avoit ordonné,

Après ce tantost & viftement feit le dict Marechal ferir des proues à terre. Si preindrent haultement trompettes à sonner, & les arbalestriers qui tous feurent rangez sur les galées, preindrent druement à tirer pour faire retirer les Sarraſins, en sorte que nos gens peussent arriver. Et semblablement tiroient vers les nostres leurs archers : mais leur trait ne feut mie pareil, ne de telle force. Q

Dieu ! comme on pouvoit là veoir bonne gent à l'esprouve, & comment l'effect de leurs hardis couraiges comme de lyons se demonstroit. Et vrayement dict l'on bien vray, *selon Seigneur maisgnée duite*. Car leur bon conduiseur par ses biensfaits leur accroissoit le cœur, leur donnoit hardiesse, & leur estoit toute peur. Adonc veissiez commencer dur estrif contre ceulx qui les premiers descendoient, & contre eulx venoient les Sarrasins pour defendre le port, & les repousser à pointes de lances. Mais là veid-on hardiment faillir ces gens d'armes en l'eau, & entrer jusques au col pour aider à leurs compaignons. Ha Dieu ! que on doit bien priser, aimer & honorer si noble gent, qui leurs corps & leurs vies exposent pour le bien de la Chrestienté, & bien doit-on prier Dieu pour eulx & pour leurs semblables. Car quand ils sont bons, & font leur debvoir, c'est le sauvement d'un pays contre tous ennemis. Et certes on ne peult trop honorer ne faire de bien à un vaillant homme d'armes; car moult en est le mestier perilleux. Et de tant que plus y a de peine & de difficulté, de tant en est-il plus digne de grand honneur & de grande remuneration.

Ainsi comme vous voyez fut-là grand es-

trif : car les Sarrafins fort se deffendoient, & les Chrestiens par grand vigueur les assailloient. Si vous assure que là peust-on veoir faire maintes belles armes, main à main, & maint tour de bataille. Et là veid-on qui feut hardy, & qui bien s'y esprouva, & qui prix d'armes deust avoir. Car n'y convenoit mie petite force au port gagner contre telle defense, où estoient bien six Sarrafins contre un Chrestien. Si y souffrirent moult nos gens, & moult en y eut de morts & de blesez. Et non pourtant la bonne fiance que ils avoient en Dieu, & nostre Dame, & la vaillantise & proüesse de leur bon conduiseur qui là n'estoit mie oiseux; ains estoit fiché és plus drus coups, & là faisoit tant d'armes comme homme plus faire peut, leur donnoit force & couraige. Pour laquelle chose, à l'ayde de Dieu, tant s'y peinerent, & tant y ferirent & travaillerent, que malgré tous les Sarrafins preindrent terre, & gaignerent le port, & la force du trait des arbalestriers, & des canons qu'ils leur lançoient de dedans les galées, fait les Sarrafins retirer. Si se reculerent assez loing du port, & allerent prendre place pour donner la bataille à nos gens,

C H A P I T R E X X.

La belle ordonnance du Mareſchal en ſes batailles, & comment il deſconfit les Sarraſins.

Adonc les Sarraſins arangerent leurs gens en belle bataille, & en tres-belle ordonnance. Les gens de cheval, comme j'ay dict deſſus, ſe meirent deçà & delà és deux aiſles de la bataille de pied : & là ſe teindrent de pied coy. Le vaillant Mareſchal de France ſeit un petit prendre haleine à ſes gens ; car moult avoient ſouffert de peine à gaigner le port. Si les ſeit boire un coup & eulx rafraiſchir : car grand chauld faiſoit, & puis les admoneſta que ils feuffent bonnes gens : car il avoit eſperance en Dieu, & en la Vierge Marie, que ils auroient bonne journée. Si ſe meit en ordonnance, & en belle bataille. Et ainſi le petit pas tous joints & ferrez enſemble, les lances ſur les cols, allerent vers les Sarraſins qui au champ les attendoient.

Quand ils feurent approchez, trompettes preindrent à faire grand bruit ; adonc commença le trait grand & fier d'un coſté & d'autre. Mais nos gens pour leur trait ne laiſſerent que ils ne leur allaſſent courir ſus

fierement, & de hardy couraige, par telle vertu que tous les Sarrafins espouventerent. Ha ! qu'est-ce que de vaillante gent ? Un en vault mille, & mille failis n'en vaillent un bon. Et vrayement est-il bien vray ce que dict Valere en parlant du faict des Romains, que cinq cens bons hommes peuvent & suffisent, telle fois advient, contre dix mille. Et que petite quantité de bonne gent puisse forçoyer aulcunesfois contre grand foison, appert par ces vaillantes gens icy, par ce que il s'en ensuivit. Car dès l'assembler monstrerent-ils leur fierté, quand oncques ne s'esbahirent pour la quantité d'ennemis qu'ils voyoient contre eulx qui si peu de gens estoient. Si coururent sus aux Sarrafins par grand vertu, & leur bon Duc & conduiseur estoit entre sa gent qui leur donnoit exemple de ce que faire debvoient, & les ennemis d'aulture part ne s'y faignoient. Si fut dure & aspre la bataille, où maints perdirent la vie de chascun costé. Mais trop avoient Sarrafins du pire : car la hardiesse & force de nos gens, & le grand trait des arbalestriers les abatoit morts druement, & ainsi dura grand piece. Mais que vous dirois-je des armes que chascun feist, ne des coups que donna un chascun. Trop ma matiere en eslon-

gneroye. Mais pour ramentevoir en bref , sans faillir tant bien & tant vaillamment le feist le preux Marechal, que mieux ne peust.

Aussi feist le Grand Maistre de Rhodes , nommé Messire Philebert de Nouillac , Messire Remond de Lesture , Prieur de Thoulouze , Messire Pierre de Boffremont , Chevalier de Rhodes , & toute la compaignée du dict Grand Maistre. Si feist Chasteaumorant au cœur vaillant & fier , l'Ermite de la Faye , qui de voyage ne feut onc recreant , Messire Louys de Culan , Marechal de l'ost , & maints autres bons & vaillans Chevaliers , dont pour cause de brieveté je tais les noms. Des Escuyers Tercelet de Cheles , Jean de Nenny , Richard Monteille , Guillaume de Tollegny , & Huguenin son frere , Guillemain de Labesse , le bastard de Rebergues , Jean Dony , Regnault de Camberonne , le Barois , & plusieurs autres vaillans Escuyers , tous tant y feirent à la force de leurs bras , & à la vigueur de leurs couraiges , que à tousjours mais eulx & tous ceulx qui là de leur compaignée se trouverent , en doibvent à tousjours estre honnorez. Et à brief parler , l'effect de leur loüange appert à l'œuvre : car ceulx qui n'estoient pas plus d'environ deux mille combatans , se trouverent en ceste ba-

taille tenir pied & estail à plus de quinze mille Sarrafins. Voire par telle vertu, que nonobstant leurs beaux chevaulx richement parez, & ceulx qui dessus estoient bien armez, qui estoient en nombre bien sept cent, qui de toute leur force mie ne s'y faignirent de rompre nos gens, & leur bataille, si ne peurent-ils souffrir le fais tant du traict des arbalestriers, comme des coups des bons Chrestiens ; ains leur conveint desplacer & se retirer, tant que petit à petit prirent à eulx departir & laisser la bataille. Mais ce ne fut mie sans leur tres-grand dommaige, car moult en y eut de morts & d'affolez.

Et ainsi se departirent les Sarrafins, qui partir peut ; & nos gens moult ne les suivirent, ains se teindrent là tout coys. Et les ennemis, tant par force comme par cautele, s'essloignerent de la marine : car ils cuiderent que les Chrestiens les suivissent, & penserent que quand ils seroient loing de leur navire, ils se mettroient entre eulx & le navire ; & ainsi les enclorroient. Mais le saige Marechal, à qui rien d'armes ne convenoit apprendre, fut tout advisé de leur cautele, pour ce ne les voulut suivre. Mais ores oyez grande hardiesse de Chevalier, & courageuse volonté de vaillant Chevetaine.

Quand les Sarrafins furent esslongez, il

meit derechef les batailles en ordonnance , & defendit , sur peine de perdre la vie , que nul ne feust tant hardy de retourner en galée , ne de deguerpir la place. Si feit son navire tirer arriere , & dit que sans faillir il combatroit derechef les Sarrafins. De ce propos ne peut estre desmeu , nonobstant que plusieurs luy conseillassent que plus n'en feist : car assez y avoit acquis honneur , ce leur sembloit. Mais à ce ne voulut-il entendre. Si feut ordonnée son avantgarde , puis sa grosse bataille , après l'arriere-garde , & aux Chevetains bien commeit ce qu'ils devoient faire ; si les pria & enhorta de culx y bien porter.

Quand les Sarrafins veirent le saige appareil , & la grande hardiesse du vaillant Chevetaine & de sa gent , ils doubterent , & grand semblant en feirent : car ils se partirent de là où ils estoient , & allerent prendre place coste les jardins de Tripoli , qui moult sont drus & espais , afin que si besoing eussent de fuir se fichassent dedans. Là ordonnerent en leur bataille les gens à pied , & es deux ailles les gens de cheval. Le Marechal envoya l'avant-garde premierement assembler , & la conduisit Messire Louys de Culan son Marechal , & il la suivoit de près à tout sa bataille.

Quand

Quand ils feurent approchez des Sarrafins, de beau traict les saluèrent, & au reciproque les Sarrafins eulx, & puis viftement les allerent affaillir, & iceulx fort se defendirent : mais nos gens de près les requirent, & fi fort les prefferent que ils prirent à chanceler. Quand ceulx de cheval veirent les leurs qui se prenoient à reculer, ils se departirent, & cuidèrent venir enclore la bataille du Marechal, mais ceulx de l'arriere-garde par tel randon les prîrent à servir de bon traict, que oncques enfoncer ne les peurent.

Adonc leur courut sus le fier Marechal à tout sa bataille, & main à main prirent à combattre. Et là y eut assez d'hommes & chevaux abatus, qui depuis ne releverent. Si feurent toutes les batailles assemblées, où il y eut fiere meflée, & dès morts & des navrez largement de tous costez. Mais à quoy plus long compte vous en ferois-je ? A tant alla la chose, que plus n'eurent pouvoir les Sarrafins de tenir estail, ne de souffrir, & fuir les conveint pour garentir leurs vies. Si leur feirent les jardins bon mestier, esquels desconfits se ficherent ceulx qui eschapper peurent. Si guerpirent la place, & fuit qui peut : mais maint en y eut qui si près feurent pris,

qu'espace n'eurent de fuir : ains y laisserent les vies, & ainsi se cachèrent là les fuitifs de la bataille & le demeurant des morts.

Le Marechal qui ainsi les voyoit là fuir à garant, à peu qu'il n'enrageoit dont iceulx luy eschappoient, & tant estoit sur eulx acharné, qu'après eulx és jardins ficher se vouloit. Mais ceulx qui l'aimoient le prierent pour Dieu que il ne le feist : car trop y sont les lieux divers & destournez, parquoy s'ils y fichoient jamais pied, n'en retourneroit. Si s'arresta là, & se teint au champ grand piece pour attendre & veoir si de nulle part Sarrafins fauldroient pour le combatre, & si ceulx qui fuis estoient se rassembleroient : mais de ce n'avoient-ils garde, car nul n'en avoit vouloir. Et quand assez eut attendu, & que chascun luy disoit qu'il s'en retournaist en son navire, & qu'il avoit eu belle journée, s'en reveint en belle ordonnance l'avant-garde devant, & la bataille après, & puis l'arriere-garde. Et en tel arroy, & en loüant Dieu se bouta en son navire.

CHAPITRE XXI.

Cy dit comment on sceut certainement que les Venitiens avoient fait sçavoir aux Sarrafins la venue du Mareschal, & comment il print Botun & Barut.

Ne feut mie encores faoulé de grever les Sarrafins le vaillant Mareschal, quoy que on luy dist que à grand honneur retourner s'en pouvoit, car bien avoit exploité. Mais de ce ne feut pas d'accord. Si se partit de Tripoli, comme dict est, & au partir de là il ouït nouvelles que une nave de Sarrafins estoit au chemin de Barut. Si commeit tantost pour y aller le Seigneur de Chasteaumorant, & avec luy de bons gens d'armes, à tout deux galées. Si allerent tant que ils veinrent assembler aux Sarrafins, & si dur escrime leur livrerent que tous les occirent, & prirent la nave : puis liés & joyelux s'en retournerent. Le Mareschal s'en alla à Botun, qui est une grosse ville champestre; qui tost feut pillée, & les Sarrafins qui y feurent trouvez tous mis à mort, & par tout mis le feu, & de là teint son chemin droict à Barut.

Et à revenir à ce que devant j'ay dist, comment certainement on sceut que les Venitiens avoient notifié & fait sçavoir aux Sarrafins la

venuë du Mareſchal, adveint que ainſi comme il approchoit la dicté ville de Barut, il veid partir du port un vaiſſeau appellé Gripperie, lequel s'en cuidoit fuir viſtement avant que le Mareſchal arrivast, & ne penſoit que nul s'en donnaſt garde : & pour mieulx cuider eſchapper ſans que on l'apperceuſt, prit le large de la mer, & fuyant s'en alloit. Mais le Mareſchal qui l'apperceut envoya apres tantost une galée, qui tost le prit. Si l'amena devers le Mareſchal, lequel s'enquit quelles gens y avoit, & ſceut que c'eſtoient Venitiens. Si feit venir devant ſoy le principal de ce vaiſſeau, & moult l'interrogea tant par amour que par menaces pour quelle cauſe ainſi s'enfuyoit. Et à brieſ parler, quoy que il le celaſt au premier, tant feit le Mareſchal, ſans luy faire mal ne grief, que il confeſſa & recogneut que ſans faillir il n'avoit ceſſé d'aller par mer par grande diligence, pour annoncer en toutes les terres & contrées des Sarraſins de là environ, c'eſt à ſçavoir de Syrie & d'Egypte, & de ces marches, la venuë du Mareſchal, & qu'il s'appreſtaſſent contre luy : car il leur venoit courir ſus à grande armée, & que ce avoit-il annoncé à Barut, & par tout zultre part. Si paſſoit par là pour veoir comment ils avoient exploité. Ceste choſe racompta iceluy au Mareſchal, & ce luy teſmoignerent ſes compaignons, & que

à ce faire estoient commis de par la Seigneurie de Venise.

De ceste tres-grande mauvaistté, laquelle jamais n'eust cuidé, feut moult esmerveillé le Maréchal, & feut en grande deliberation si ceulx qui venoient de bastir ce mauvais oeuvre il feroit lancer en la mer. Toutesfois delibera que non; car ils luy avoient racompté debonnairement, & aussi le messaiet n'estoit mie si grand à eulx comme à ceulx qui envoyé les y avoient. Si ouvra adonc de la tres-grande franchise de son noble cœur, comme celuy qui n'en daigna faire compte, & les laissa aller. Laquelle chose peu d'autres eussent fait: mais ne vouloit nullement que par luy ne à son occasion fut meue debat entre les Venitiens & les Genevois. Si teint son chemin droit à Barut. Mais si tost ne fut arrivé, que bien s'apperceut de l'ouvrage que les Venitiens avoient basti: car devant luy voyoit tout le port couvert de Sarasins arrangez en bataille, pour luy defendre le faillir hors. Mais de ce n'eurent-ils mie le pouvoir: car tantost le hardy combatant comme lyon fait de grand randon ferir de proüe en terre, & les arbalestriers tirer druëment à celle chiensaille qui là brayoient comme enragez, & si bien les servirent de traict que plusieurs en larderent. Si leur conveint se retirer malgré leurs dents, & les nostres saillirent hors en-

couragez de leur courir sus par grande vertu.

Mais quand les Sarrafins veirent leur ordonnance, ne les oserent attendre, ains s'enfuirent, & tous nos gens feurent là tous ordonnez pour donner la bataille : mais ne trouverent à qui parler. Si alla le Marechal devant Barut, & fait assaillir la ville par telle force que les Sarrafins qui dedans estoient feurent espouvantez, si que plusieurs d'eulx s'enfuirent par autre costé; & ceulx qui dedans demeurerent la defendirent de tout leur pouvoir. Toutesfois à la fin par force feut prise, & mis à l'espée les Sarrafins qu'ils y trouverent, & tout fouragé & pillé ce qu'il y avoit : mais gueres n'y trouverent, pource que advisez en avoient esté, parquoy la ville estoit vuide de tous biens & de toute marchandise, que ils avoient retirez & mufsez és bois & és montaignes, comme il feut rapporté au Marechal. Si feut le feu bouter par tout, & au navire qui estoit au port, & ce faict se retira en ses galées.

C H A P I T R E X X I I

Cy dit comment le Marechal alla au devant Sayete, & la grande hardieffe & vaillance de luy contre les Sarrafins.

Après ce se partit de Barut le Marechal, & teint son chemin en Egypte pour aller

devant Sayete , en intention de la prendre s'il eust peu. Et quand il feut approché du port ; tout ainsi que és autres lieux avoit faict le trouva bienourny de Sarrafins , qui en belle bataille l'attendoient : mais n'estoient mie en petite quantité ; car plus de douze mille en y avoit tant à pied que à cheval. Mais de ce ne fait cas le faige Marechal , qui sa fiance avoit toute en Dieu ; ains fait ferir en terre , & saluer les Sarrafins de bons viretons & de bombardes , si souvent & menu , que oncques ne trouverent si mortelle rencontre. Si en y eut là tant de morts , que tout le gravier en feut couvert. Et tant esloyent iceulx de grande volonté contre pos gens , que trop envis se desplaçoient. Mais toutesfois force leur feut de fuir , ou mal eust esté pour leurs peaulx. Car si là se feussent longuement tenus , leur troupeau feust de moult appetiffé. Si leur conveint reculer à toutes fins.

Nos gens ne dormirent mie , ains faillirent contre eulx par grande hardiesse à qui mieulx mieulx , & comme sangliers se sichoient en la marine jusques au ventre pour leur courir fus. Et feut tout le premier qui y faillit le bon Escuyer Iean de Ony cy dessus nommé , qui par son bien faire bon exemple donna aux autres , & les Sarrafins qui grand couraige avoient contre eulx se travailloient de les re-

pouffer. Mais oyez la grande fortune contre nos gens, qui leur doibt tourner à grand los & pris. Car droict à celle heure se leva un vent si grand & si contraire qu'il n'estoit mie en la puissance de eulx que toutes les galées peussent arriver, ne tout le navire, pour aller aider à ceulx qui combattoient: dont les combatans eurent grand honneur. Parquoy telle fois estoit que la grand presse & quantité des Sarrafins si fort les chargeoit, que à peu leur couvenoit rentrer en la marine. Mais adonc revenoit à grand tas le traict des galées de bombardes & de viretons, qui abatoient à tas les plus huppez.

Ainsi dura cet estrif par longue piece. Mais que vous en dirois-je ? A la parfin tant vaillamment s'y portèrent nos gens & tant bien le feirent, que à tres-grand peine le port prirent, mais avant moult y souffrirent. Ha quel honneur à une poignée de gens, qui n'estoient pas plus de cinq cent contre telle multitude ! Le vaillant Chevalier Leonidas à tout trois cent Chevaliers sans plus deffait l'ost de Xerxes le grand Roy de Perse, quand il le preit à despourveu en ses pavillons. Car jamais n'eust pensé que iceluy Leonidas à si peu de gens eust eu telle hardiesse, & les Historiens en font grand compte & à bon droict. Mais pourquoy ne dirons-nous abyfme de hardiesse

& de prouïesse estre en celuy vaillant Marechal & en sa noble compaignée, qui ne prit pas les Sarrafins despourueus en leurs pavillons; mais luy feut trouvé despourueu de gent, mais non pas de force & de hardiessé, contre si grande multitude de gent, voire en tel faict comme de prendre port si mal à son advantage: & toutesfois il vainquit, & si il ne pouvoit avoir secours des siens. Car la mer deueint si grosse que les galées ne pouvoient approcher de terre, comme dict est.

Mais ores oyez derechef la vigueur de la tres-grande hardiessé de son couraige, lequel ne s'espouuenta pas de se trouver avec si peu de gent contre tant d'ennemis, ains tout ainsi que si ils eussent esté dix mille, alla prendre place en plaine terre devant la bataille des Sarrafins, qui s'estoyent retirez de la marine tous arrangez comme pour combatre; mais si pres d'eulx s'alla mettre, que les Sarrafins tiroient de belle visée de leurs arcs dedans la bataille de nos gens. Et ainsi demeura en celle place de pied coy en despit d'eulx l'espace de cinq heures, en attendant que la mer fut accoisée, & qu'il eut toute sa gent, afin de combatre les dicts Sarrafins, & assaillir la ville, ainsi qu'il avoit proposé; dont moult estoit troublé de l'empeschement que le vent faisoit à arriver son navire; mais nonobstant toutes ces

choses-là, se tenoit de tel semblant que oncques Sarrafins n'oserent venir contre luy de plain efflans. Et plusieurs fois s'essayerent de rompre la bataille au front de devant, & aucunes fois aux bouts & aux costez; mais pour la tres-belle & faige ordonnance que le Marechal tenoit, tant en arbalestriers qui estoient environ deux cent, & és gens d'armes qui gueres plus n'estoyent, qui tous se tenoient joints & serrez ensemble comme un mur, n'eurent oncques les Sarrafins la hardiesse de venir enfoncer, & tant comme ils en approchoient c'estoit à leur grande confusion; car maints en y eut d'occis & d'assolez du trait & du ject des lances. Et ainsi comme vous oyez le Marechal se teint là tant que ja approchoit la nuit. Et quand il veid que la mer ne s'appaisoit point, parquoy il peust avoir sa gent, dont moult grandement luy pesa d'ainsi faillir à parfournir son intention, en partit en tres-belle ordonnance, & rentra en son navire. Et jugez entre vous qui ce oyez, si il doit de ceste valeur & grande hardiesse grand honneur avoir, d'oser tenir pied contre tant d'ennemis, pour le semblant duquel & fiere contenance, & la grande resolution dont ils le voyoient, nonobstant que ils feussent en grand nombre, les espouvanloit, & ostoit cœur & hardiesse. Mais il n'est pas de doute

que si aulcun signe de recreandise où de peur y eussent veu, luy eussent couru sus, ne jamais pied n'en feust eschappé.

CHAPITRE XXIII.

Cy dit comment le Mareschal alla devant la Liche, & les embusches que les Sarrafins avoient faites pour le surprendre.

Le Mareschal se partit adonc, & tant erra par mer, nonobstant le grand vent qu'il faisoit, qu'il veint devant une grosse ville qui sied comme à une lieüe de la mer, nommée la Liche : mais quand il veint devant le port, ne trouva pas en sa compaignée le quart de ses galées : car le vent qu'il avoit fait la nuit les avoit esloignées & separées les unes des autres, & desvoyées de leur chemin : & pour les grands feux que les Sarrafins faisoient sur la marine en faisant grand guet, ne pouvoient choisir l'adresse des galées qui devant alloient. Si demeura là tout le jour le Mareschal, & ne vouloit descendre sans tous ses gens ; car grande partie de ceux qu'il avoit avec luy estoient malades & bleffez ; & y feut jusques à basses Vespres, en attendant son navire, dont moult luy ennuyoit ; car il ne voyoit mie sur le port plus de trois mille Sarrafins, & d'eulx cuidoit-il bien venir à chef.

Et adonc arriva son navire : mais il estoit trop tard pour descendre. Ha Dieu, comment est vray le Proverbe qui dict, ce que Dieu garde est bien gardé, & l'Escripture saincte qui dict, si Dieu est pour nous, qui sera contre nous ? car manifestement on peult voir en ceste occasion que Dieu vouloit garder le Marechal comme son cher serviteur, & sa compaignée aussi, par ce qui a apparu ainsi, comme compter orrez. Le Marechal, qui avoit esperance le lendemain au matin besongner, feit mettre en une galée Messire Jean d'Outremarin Genevois, & Messire Choleton, pour bien adviser deux tours qui siéent sur le port de Liche, en espoir de les assaillir le lendemain, & se retira un peu loing, comme Dieu de sa grace l'en advisa.

Quand les Sarrafins veirent qu'il se retiroit, ils cuiderent que il se departist, adonc manifestement descouvrirent leur embusche, & faillirent hors de deux parts. C'est à sçavoir de derriere une montaigne & d'un bois, qui estoit entre la ville & le port, bien trente mille Sarrafins, & à pied & à cheval, qui tous veinrent sur la marine crians & brayans comme diables d'enfer. Et quand le Marechal & sa compaignée les veirent en telle quantité, loüerent nostre Seigneur de la grace que il leur avoit faicte dont l'aventure estoit adve,

nuë, parquoy le jour n'estoient descendus,
& le reputerent comme à miracle de nostre
Seigneur qui de sa grace les avoit voulu sauver.

C H A P I T R E X X I V .

*Comment le Marechal, pour ce que ja se ti-
roit vers l'Hiver, s'en voulut retourner à
Genes.*

De la Liche se partit le Marechal, car
bien veid que impossible seroit à si peu de gens
qu'il avoit de forçoyer tant d'ennemis, veu
que encores moult estoyent les siens foibles,
& que moult en y avoit de malades & blesez.
Si s'en retourna derechef en Cypre à Fama-
gouste, pour laquelle cité avoit esté le débar-
quement le Roy de Cypre & des Genevois,
comme dict est, ausquels elle demeura paissi-
blement. Et pour ce feut necessité qu'il la visi-
tast. Si ouït de leurs causes & questions, & de-
termina de leurs querelles au mieulx qu'il peut,
selon le temps qu'il y arresta, qui ne fut pas
plus de huit ou dix jours. Si establit Officiers,
& leur donna ordonnances de gouverner, &
bien leur chargea que bonne justice feissent.
Puis vint à Rhodes, où le grand Maistre du dict
lieu moult l'honnora & festoya, & là sejourna
environ dix ou douze jours. En celuy espace
de temps que il sejourna, il ordonna que trois

de ses naves feussent apprestées , & là dessus fait monter tous les malades & blesez de sa compaignée , dont y en avoit grand foison , tant Chevaliers & Escuyers , comme arbalestriers , varlets , & mariniers. Tant que pour la grande quantité des dicts malades convenit que le Mareschal reteint petite compaignée pour luy. Car il meit le plus de ses gens d'armes sur les dictes trois naves , pour les conduire & gouverner. Si estoit demeuré si mal armé , que avec ce qu'il avoit peu de gens , à peine avoit-il de douze à quatorze cent arbalestriers.

Des dictes trois naves les deux se partirent aussi tost comme luy , dont il ne se peut ayder & l'autre sejourna à Rhodes un mois , & puis à son retour perit en Sicile , dont dommaige feut & pitié , pour les bonnes gens qui dessus esloyent. Et ainsi se partit le Mareschal du dict grand Maistre , & par le conseil de ses gens qui moult l'en admonestoient , delibera de s'en retourner à Gennes , sans plus faire pour celle saison. Car jatiroit vers le temps que la mer souvent s'engrosse , pour cause de la mutation des vents , c'est à sçavoir de l'hyver. Si se meit en mer à si petite compaignée comme dict est. Tant alla sans mal , ne sans encombrer , que il veint jusques en la Morée. Et quand il feut là venu , cuidant paisiblement s'en venir le demeurant de son chemin , quand il feut au port , que

on dit le cap Saint Ange, adonc luy veinrent deux des naves qu'il avoit laissées à Rhodes, moult bien garnies de bonnes gens d'armes & d'arbalestriers à grand foison, desquels il ne preit nuls, pour ce que il n'esperoit point en avoir à faire.

CHAPITRE XXV.

Comment les Venitiens, pour avoir achoison de faire ce qu'ils feirent après, se alloient plaignans du Marechal de la prise de Barut.

Or me convient derechef tourner au fait & à la matiere des Venitiens, pour conclure & terminer ce que j'ay dict devant, c'est à sçavoir en quelle maniere creva l'enflure de l'envie portée en leurs couraiges ja par long temps, & le venin qui en saillit laid & abominable. Quand les Venitiens veirent que tout ce qu'ils avoient basti vers les Sarrafins contre le Marechal ne leur avoit rien valu, determinerent entre eulx, que comment qu'il feust, tandis que ils avoient lieu & commodité, s'ils pouvoient viendroient à leur intention. Car s'il arrivoit à Gennes, à peine jamais y aviendroient si d'aventure n'estoit que si à point le trouvaissent, veu que il estoit moult petitement accompaigné, parce qu'il avoit envoyé grande partie des galées & du navire de

son armée, & que il n'avoit soupçon de nul encombrer, & de tout se prenoient-ils moult bien garde, comme ceulx qui autre chose ne guetoient que de sçavoir tout son dessein, pour leur point mieulx adviser. Mais par cautele, pour plus couvrir leur mussée volonté, voulurent trouver aulcune achoison & couleur de cause raisonnable, & vont semer voix & paroles par maniere de plaintes à plusieurs gens, que ils voyoient bien que le Marechal vouloit prendre debat à eulx, & que bien leur avoit monstre en la prise de Barut, auquel lieu leur avoit fait trop grand dommaige en leurs marchandises à grand foison que là avoient, & sans leur faire à sçavoir l'allée : de laquelle chose se tenoient mal contents d'ainsi estre defrobez & pilliez, & le leur avoir perdu. Tant allerent ces paroles, que par aucuns des amis & bienveüillans du Marechal luy furent rapportées là où il estoit en la Morée, & que bon seroit qu'il se gardast d'eulx : car il estoit à doubter que ils ne l'aimoient mie. De ceste chose feut moult esmerveillé le Marechal, si respondit que il ne pouvoit nullement croire ne penser que ce feust vray que ils lui voulussent mal, ne que ils se plaignissent de luy ; Car oncques en sa vie ne leur avoit meffait ; ains les avoit traictez en tous lieux où trouvez les avoit, aussi amiablement ou plus comme les
propres

propres Genevois , comme ceulx que il reputoit ses amis , & aussi pour tousjours tenir & nourrir paix entre eulx & les Genevois , & que aussi les Venitiens par tout où ils le trouvoient luy monstroyent tant de signes d'amour qu'il s'en tenoit tres-tenu à eulx. Et quant du faict de Barut , ne pouvoit croire que malcontents s'en teinssent ; car ils sçavoient bien que plus d'un an devant il avoit envoyé desier le Souldan, pource qu'il avoit pris des marchans Genevois qui estoient au Kaire , à Damas , & en Alexandrie , & les avoit rançonnez contre son fausconduit. Laquelle chose il avoit mandée aux dictz Venitiens , & faict sçavoir , afin qu'ils tirassent leurs biens & marchandises hors du pays , bien dix mois avant que il partit de Genes. Et que ce ne pouvoit estre que ils eussent de leurs marchandises en la dicte ville de Barut ; car toute la trouverent vuide. Et d'autre part, tant comme il y fut , ne devant , ne apres , ne trouva Venitien , ne autre de par eulx qui luy notifiait ne dist que il y eust rien du leur. Car s'il eust sceu que ils y eussent rien eu , ne mesmement aux Chrestiens , ja à leurs choses n'eust souffert toucher. Car pour grever Chrestiens n'estoit mie allé : mais seulement aux ennemis de la foy. Et encores s'il estoit ainsi que ils s'en teinssent mal contents , & ils luy faisoient à sçavoir que és choses prises il y eut

eu du leur , fans faillir tout leur feroit rendre, & icelle refponfe leur feroit fi aulcune clameur ou plainte luy en venoit, de laquelle chose encores de leur part n'avoit ouïy nouvelles. Et quand est que il eut volenté de prendre debat à eulx, ou que eulx se voulussent prendre à luy; s'il en eust eu quelque pensce, il n'eust pas renvoyé quatre de ses galées & galiotes de son armée, veu que ses gens estoient tous foibles encores, & que moult il avoit perdu de ses arbalestriers. Si ne faisoit mie semblant de vouloir nul grever, ne que il eust doubte aussi que nul ne le grevast. Car s'il l'eust pensé, aultrement se feust garny. Car bien en avoit eu le temps & commodité : mais s'en alloit son chemin simplement, comme celuy qui à nul ne vouloit nuire, & pensoit semblablement que nul nuire ne luy vouloit.

Ces choses respondit le Mareschal à ceulx qui luy en parloient. Et tantost arriva au port que on dict le port des Cailles, & là veint coucher. Si adveint en celle nuit un peu avant le jour, que il arriva un petit vaisseau que on nomme Brigantin, & estoit Venitien, & cuidoient ceulx qui dedans estoient que ce fussent les galées des Venitiens. Car elles n'estoient pas loing de là, comme ouïr pourrez. Celuy apportoit plusieurs lettres de par les Venitiens au Capitaine de leurs galées, & à autres de

sa compaignée, & feurent ces lettres par ignorance baillées és mains du patron des galées du Marechal, les cuidant celuy auquel elles avoient esté recommandées bailler en la main du Capitaine Venitien. Mais quand il s'advisa & apperceut que il n'estoit pas là où il cuidoit, si feut tant esbahy que il ne sçavoit que dire, ne que faire. Quand le patron le veid esbahy, il luy demanda où il cuidoit estre : il dist que aux galées des Venitiens : mais il voyoid bien que non estoit. Et adonc le dict patron porta les lettres & mena le messaiger au Marechal, lequel un petit l'interrogea : mais quand il le veid tant espouvanté, adonc de sa tres-grande liberalité, noblesse de cœur & franchise, & afin que les Venitiens ne peussent trouver nulle cause de eulx plaindre de luy, luy dist debonnairement : *Mon amy, n'ayez doubte, vous estes entre vos amis, & r'aurez vos lettres toutes telles que les avez baillé.* Adonc les luy rendit toutes telles que elles esloyent liées en un fardeau, & luy dit que s'il luy failloit rien que il le dist, & que il le recommandast au Capitaine & à sa compaignée, & ainsi s'en partit.

Quand il feut jour, le Marechal se re-meit en son chemin, & celle journée ne trouva adventure qui face à compter. Si veiat gesir devant la ville de Modon, de coste une

Isle qui est appellée l'Isle de Sapience. Quand il feut là, il feut jetter le fer, & ancrer celle part. Tantost que ce feust fait, veint une epie des Venitiens en une barque où il y avoit cinq ou six hommes, lesquels pour sçavoir la route du Marechal, & veoir s'il se doubtoit de rien, & en quel arroy il estoit, demanderent quelles gens c'estoyent. Et il leur feut respondu que c'estoit le Marechal & les Genevois, & l'on leur demanda des nouvelles, & s'ils vouloient aulcune chose que le Marechal peust, ils dirent que grand mercy, & que nulles nouvelles ne sçavoient. Si les feiton boire, & à tant se partirent.

C H A P I T R E X X V I .

Comment les Venitiens assaillirent le Marechal, & la fiere bataille qui y feut. Et comment le champ & la victoire luy en demeura.

Le Dimanche septiesme jour d'Octobre, bien matin se partit le Marechal du port de Sapience devant Modon, & se meit en voye pour tenir son chemin droit à Gennes. Mais ores estoit temps que plus ne feust cachée la felonnie volonté des Venitiens, qu'ils

avoyent tant gardée celément. Or leur semble veoir temps & lieu de la mettre à effect. Car assez despourveu le pouvoient prendre, & eulx au contraire esloyent bien garnis, & de leur faict advisez. Si n'eust pas le Marechal erré environ deux milles, quand il veid partir de derriere l'isle de Sapience le Capitaine des Venitiens accompagné de onze galées, lequel alla tout droict à Modon, & là preit deux grosses galées de marchandises qui esloyent dedans le port, toutes chargées de gens d'armes jusques au nombre de mille hommes, & avec ce bien dix-huict ou vingt vaisseaux tous chargez de gens d'armes & d'arbalestriers : & à tout cela & leurs onze galées que auparavant avoyent tres-bien armées & chargées de gens d'armes & d'arbalestriers, après le Marechal tirerent tant comme ils peurent ; & feurent mis en tres-belle ordonnance, comme pour donner la bataille. Et avec ce par terre faisoient aller selon la marine grande foison de gens d'armes à pied & à cheval, afin que le Marechal & sa compaignée ne peussent eschapper par nulle voye, au cas que par peur ou par quelque advanture pour se sauver vers terre se retirast. Le Marechal qui voyoid de loing toute celle ordonnance, n'avoit pourtant

contre eulx nul soupçon, ains cuidoit que ils se departissent en telle forme du pays de delà, pour eulx en venir droict à Venise. Car jamais n'eust peu penser que sans le defier, ou luy faire à sçavoir, luy veinsent par telle voye courir sus & l'assaillir. Si exploïterent tant leur erre les Venitiens, que en peu d'heures feurent moult approchez.

Adonc les gens du Mareschal qui en tel arroy venir les veirent, luy dirent que sans faillir les Venitiens venoient contre eulx en trop mauvaise contenance d'amis : car ils estoient tres-grand nombre de gens armez en toute ordonnance de bataille, les arballestriers tous prests de tirer, & les gens d'armes les lances droictes, & toutes choses aprestées comme il appartient pour assembler & pour combatre. Et pour Dieu qu'il y advisast, si que de son opinion ne feust mie deceu, par quoy se trouvaist surpris desarmé & despourveu.

Quand le Mareschal veid la maniere, & que c'estoit à certes, adonc n'eut-il en luy que couroucer. Si feit hastivement les gens armer, si peu qu'il en avoit : car mal en estoit garny. Et trop luy pesoit de ce que deux jours devant avoit congedié deux des naves de son armée toutes chargées de gens

d'armes & d'arbalestriers, & s'il eust cuidé ceste aventure bien s'en feust gardé, mais jamais ne l'eust pensé. Et à tout ce avoyent bien pris garde les Venitiens, & pource le surprirent à leur advantaige. Si meit ses gens tantost en ordonnance, & les arbalestriers, si peu qu'ils estoient, & tantost fait tourner vers les Venitiens les proües de ses galées, & tout appareiller pour assembler, si besoing estoit. Toutesfois il feit expresse defence que nul ne feist semblant de tirer à eulx bombarde, ne autre traict. Car encores ne pouvoit du tout croire que en mauuaise intention contre luy veinssent, & ne sçavoit si ils venoient pour parler à luy pour aucune restitution du faict de Barut, si comme on luy avoit dict que ils s'en tenoient mal contents, ou pour autre chose, si ne vouloit nullement contre eulx commencer debat.

Quand ils feurent assez approchez, adonc s'arrestèrent tout coys, pour eulx du tout mettre en arroy de combatre, comme il asfiet en mer, & leurs voisses prirent à ployer, à ce que elles ne leur nuisissent : & à toutes leurs choses bien appointer. Semblablement estoit arresté le Marechal avec tous les siens, pour les mettre en arroy tout au mieulx que faire se pouvoit. Et adonc veid bien que

c'estoit à certes. Si pria moult & enhorta les gens que ils se defendissent vigoureusement. Car il avoit esperance en Dieu que ainsi comme autresfois leur avoit aydé, à ce besoing ne leur faudroit point, & ainsi le manda en toutes ses galées.

Quand les Venitiens feurent bien mis en arroy, adonc prirent à naviger à effort tant comme ils peurent vers le Marechal, & luy qui oncques ne s'esbahit, semblablement veint de randon vers eulx. Si s'escrierent iceulx Venitiens, en disant *Bataille, Bataille*, & avec ce saluèrent les nostres de bonnes bombardes, & commencerent les premiers. Mais nos gens ne leur gauchirent mie, ains lancerent vers eulx de bombardes & de traict sans nulle espargne. Si preirent à approcher, ainsi tirans les uns aux autres si druement que plus ne pouvoit estre, tant que si prés feurent que ils veinrent au poufser des lances, & que les galées s'entrejoignirent. Lors commença la bataille dure & aspre, & mortelle, & à bonne lance les uns contre les autres, dont maints y perdirent la vie,

Après les lances s'entrecoururent sus main à main à dagues, & à haches & espées. Et là veiffiez nos gens fort envahis & durenent

affaillis : mais leur grand vaillance qui autresfois & en tant de lieux s'estoit grandement demonstrée, ne fut mie adonc amortie ; ains tant vigoureusement se defendirent, que oncques gens mieulx ne le feirent. Si n'estoit mie le jeu esgal quant à la quantité de gens ; car pour un quatre y en eut des ennemis, & presque le double de navire. Si eurent les nostres moult à souffrir pour la foison de gens d'armes & traict qui feut contre eulx. Mais comme ils se combatoient par grand vertu, ce n'estoit merveilles s'il y en eut moult d'occis & de navrez, & maints en verferent le jour en la marine noüer tous armez avec les poissons. Et les veissiez saillir apertement, & courir par grand vertu aux galées & au navire de leurs adversaires, non obstant que moult les grevassent les deux grosses galées qui les surmontoient de haulteur, qui trop leur nuisoit. Mais ire & desdaing de ce que se voyoient ainsi surpris accroissoient leurs forces & leurs couraiges, parquoy à merveilles s'avanturerent pour eulx venger, si faisoient là merveilles de leurs corps. Helas ! & si esgaulx feussent de nombre, comme tost feust la chose par eulx expediee : mais trop estoit grande l'assemblée de leurs ennemis, & y avoit moult bons gens

d'armes souldoyers. Car les Venitiens qui bien congnoissoient la vaillance & proïesse du Marechal & de sa compaignée, avoient pris gens d'eslite, tous les meilleurs que finer peussent.

Longuement dura ceste bataille par la vigueur de nos gens, que les autres taschoient à desconfire : mais il ne leur feut mie leger à faire ; car trop y trouverent grande resistance. Si feurent toutes les galées entremeslées, qui main à main se combattirent si durement, que grande cruaulté estoit de veoir deux parties qui oncques messaiët n'avoient les uns aux autres, que telle occision feust entre eulx. Car aussi mortellement s'entreenvahissoient, comme si ce feust pour la vengeance de pere ou de mere morts, ou de perte perpetuelle. Et le tout par l'iniquité & l'envie de l'une des parties, comme dict est. Ha faulse envie, que tu as basti de males œuvres, & maints as livré à honte ! Mais ce ne feras-tu mie de ce vaillant Marechal pour ceste fois, ne jamais, si Dieu plaist. Car Dieu l'a en sa garde. Entre les aultres que vous diroye du dict preux combatant, & de ceulx de la galée où son corps estoit, qui fut accouplée à celle du Capitaine des Venitiens ? Car Dieu sçait comment luy & les

siens vaillamment le feirent. Luy pour conforter les bons combatans, & eulx par son exemple, & pour garder & defendre leur bon Chevetaine & Seigneur. Ce n'estoit sinon merveilles à veoir, & leurs ennemis aussi moult les requeroient. Car comme dict est, gens estoient en armes tres-esleus & esprouvez : mais nonobstant ce, ceulx de la dicte galée du Marechal, comme lours affamez ou enragez, failloient en celle du Capitaine si druement, & couroient parmy, faisant les traces de leurs coups, que si tost n'eust esté secouruë moult petit eust eu de durée. Mais les dictes deux galées grandes & haultes qui aux deux lez la targerent, feirent au Marechal & aux siens trop d'encombrier. Car de là sus lançoient les ennemis à eulx qui moult en occirent. Et à brief parler, à quoy plus long compte vous tiendroye ? Bien l'espace de quatre heures dura ceste meslée, qui moult est grand merveille comment ce peut estre que tant durast.

Ainsi comme oüir pouvez feut moult dure ceste bataille, où le Marechal & sa gent si vaillamment se porterent, comme dict est, que enfin le champ leur demeura. Mais à dire toutes les vaillantises que chascun endroict soy y feist, long seroit à racompter.

Et pour l'honneur d'eulx & de leurs lignées, & pour exemple de bien faire à ceulx qui nommer les oïront, est bien raison que les noms soyent ramenteus en cest endroit des principaulx qui vaillamment s'y gouvernerent.

Le premier que par droit nommer devons est leur vaillant Chevetaine le bon Mareschal, par la force duquel, hardieffe & sçavoir en eurent l'honneur. Là feut aussi le bon Chasteaumorant, qui de bien faire ne s'y faignit, comme il y parust à luy & à ses ennemis, Messire Louys de Culan, Messire Iean Dome, Messire Robinet Fretel, Messire Iean le Loup, & des Escuyers Guichart de Mage, Robert de Tholigny, Regnauld Descambronne, Richard Monteille, Iean de Montrenart, Charlot de Fontaines, Odart de la Chaffaigne, & Iean de Ony, lequel en ceste bataille entre les aultres y feit tant de sa part, que il emporta au diè des amis & des ennemis à merveilles grand los. Et s'il y besongna bien y parut à son corps, lequel nonobstant que il feust bien armé, feut navré de plusieurs playes comme mortelles. Et avec les dessus diés nommez plusieurs autres, qui long seroit à racompter, tres-vaillamment s'y porterent, & generale-

ment tous les François, & plusieurs Genevois & autres. Et à la parfin les ennemis qui ja estoient lassez, & qui veirent que nonobstant tout leur effort & toutes leurs cauteles, pour neant s'efforçoient de desconfire le preux combatant, & que trop y perdoient des leurs, moult se voulurent retirer s'ils eussent aulcunement peu à leur honneur, & en gagnant ou recouvrant quelque chose de leur perte.

Adonc tant s'efforcerent que ils enclouïrent entre eulx trois des galées du Marechal, qui sur eulx trop s'estoyent advantrées, & des aultres les separerent, & icelles trois tant pourmenerent que prises les emmenerent, & laisserent le champ au vaillant combatant à tout le demeurant de sa gent, qui grand honneur en doibt avoir. Toutesfois toutes ne s'en allerent les galées des ennemis : car malgré eulx en reteint une. Et les autres comme vaincus laisserent la place, & fuyant s'en allerent retirer & ficher en leur ville de Modon, dolens & marris, dont avoyent failly à leur intention. Et le Marechal & les siens de la place ne se bougerent jusques à ce que ils en eurent perdu la veüe.

C H A P I T R E X X V I I.

Comment le Mareſchal ſ'en alla à Gennes, irrité contre les Venitiens; & des priſonniers qui feurent emmenez d'un coſté & d'autre.

Ainſi comme vous qyez demeura le champ de la bataille au preux Mareſchal à tout le demeurant de ſa gent; & les Venitiens comme vaincus ſe retirerent & le laiſſerent. Mais tant demeura dolent & indigné de ceſte adventure, dont jamais ne ſe feuiſt donné de garde, & de ce que ainſi avoit eſté pris au deſpourveu, & auſſi de la perte que il avoit faiſte de ſa gent, que nul ne pourroit dire comment ſon cœur feut gros & enflé contre les Venitiens. Mais ceſte trahiſon cuida-il bien venger. Si diſt que à ce ne faudroit-il point, ſi Dieu luy donnoit vie. Si ſe partit à tant de la place, & environ ſoy rassembla ſes gens & ſes galées au mieulx qu'il peut. Mais bien vous promets que ils ne ſembloient mie gens venans de feſte ou danſe : car à merveilles eſtoient laſſez, navrez & deſrompus, & n'eſtoit mie de merveilles. Si les reconforta & viſita par grand amour & pitié le bon Mareſchal : & non pourtant quatre jours après la bataille deſſus diſte, comme le Ma-

reschal tenoit son chemin droit à Gennes, rencontra deux naves des Venitiens, sur icelles voulut en partie venger son ire, si les feit tantost assaillir si durement que gueres ne durerent, ains feurent tost prises, & les emmena avec luy à Gennes. Si estoient les dictes naves bien garnies de biens & de bons prisonniers, lesquels il reteint jusques à ce que les Venitiens luy rendirent les siens. Mais avec ce moult luy estoit le cœur dolent de ses bien-aimez Gentils-hommes qui feurent emmenez prisonniers, où moult avoit de vaillans gens, dont le principal d'eulx estoit le vaillant & bon Chevalier Chasteaumorant, qui le jour avoit souffert & moult fait d'armes, & avec luy trente-quatre Chevaliers & Escuyers, tous gens d'esslite, de grand honneur & renommée, & autres plusieurs bons & notables Genevois, & autres, qui feurent pris és deux autres galées.

Aussi y avoit grand foison de Gentils-hommes de renommée & de grand honneur en la galée qui par nos gens feut prise comme dict est. Et que tels feussent, y parut quand vint au fait de leurs rançons & delivrances, si comme oïir pourrez. Et ainsi arriva le Mareschal à Gennes, où il feut à si grand honneur & joye receu de tous les plus grands,

& generally de tout le peuple, que oncques Seigneur ne feut receu à plus grand feste. Mais à tant vous lairrons du Mareſchal, & dirons, du Seigneur de Chasteaumorant & des autres prisonniers que on menoit à Veniſe.

C H A P I T R E X X V I I I .

De la pitié des prisonniers François.

Quand Chasteaumorant avec la compaignée des autres prisonniers feurent arrivez à Veniſe, adonc on les ficha en bonne forte priſon, & ſelon la couſtume en tel cas je croy qu'ils n'eurent mie toutes leurs aiſes ; car dur giſte & petit repas, & du mal aſſez leur faiſoit compaignée. Helas ſi n'en euſſent-ils mie eu meſtier : car navrez, malades & bleſſez pluſieurs d'eulx eſtoient. Et ſi oncques eurent eu aiſe, joye & repos, adonc en eurent-ils ſouffreté ; mais ainſi ſont ſouvent ſervis ceulx qui honneur quierent & pourçaſſent, & bien doibvent eſtre hault eſſevez les bons qui ſi chere choſe vont pourſuivans. Or feurent ainſi là à grand tourment & meſchef de cœur, de corps & de penſée. Car bien ſçavoient que le Mareſchal eſtoit

estoit tant indigné contre les Venitiens, & à bon droit, que pour rien n'eust laissé de leur faire guerre & de s'en venger. Si ne sceurent que faire, ny quel conseil prendre. Car bien feurent informez des coustumes des dids Venitiens, c'est à sçavoir que au faict de leurs guerres jamais les prisonniers que ils prennent ne sont delivrez jusques à ce que la guerre soit faillie, qui peult aucunes fois durer tout l'aage d'un homme. Si pouvez penser, vous qui ce oyez, en quel soucy ces bons Gentils-hommes devoient estre.

Le bon Chasteaumorant, le saige, au cœur constant, en qui ne default vertu que bon, vaillant & preux doibve avoir, lequel pour male fortune ne se trouble, ne pour la bonne moult ne s'esjouïst, feut entre eulx comme leur chef. Si les reconfortoit par ses bons admonestemens, & leur mettoit Dieu en memoire, comme celuy qui l'aime, sert & craint, & leur disoit que à luy retournassent & y eussent fiance, & que sans faillir point perir ne les lairroït : & avec ce, que ils eussent cœurs de Gentils-hommes forts & endurcis, & qui pour rien ne se doibvent douloir, ne delaisser bonne esperance, ne cheoir en desconfort. Et ainsi souvent les reconfortoit, & iceulx prenoient grande con-

folation. Mais ne croyez mie que le bon vaillant Marechal oubliast ses bons amis; pourtant s'il ne les voyoit, & s'ils estoient enchartrez, comme souvent sont oubliez des Princes, dont est pitié, ceulx qui sont à cause de leurs guerres pris & destruits. Nenny certes. Mais au plustost qu'il peut les envoya reconforter de faict & de paroles. Car argent assez & largement leur envoya, & manda que de rien n'eussent melancolie. Car il ne leur faudroit jour de sa vie, dont ils feurent moult reconfortez.

C H A P I T R E X X I X .

Comment les prisonniers mettoient peine par leurs lettres vers les Seigneurs de France, que le Marechal ne feist guerre contre les Venitiens, afin que leur delivrance n'en feust empeschée.

Tout ainsi qu'il est de coustume que toute personne qui ne se trouve en aulcune maladie ou defolation, cherche volontiers sa salvation & fanté, & cherche diligemment voye de la trouver; iceulx par plusieurs fois vers Chasteaumorant à conseil se meirent, pour adviser qu'ils pourroient faire pour estre tirez hors

de celle caige. Si en disoit chascun son bon advis, & que sembloit aux aucuns que bon seroit d'escrire piteusement de leur estat à leur bon maistre le Marechal, que pour Dieu il eust pitié de ses bien-aimez Gentils-hommes, & que il voulust aucunement fleschir à son hault couraige, nonobstant la grande injure faicte à luy par les Venitiens; parquoy pour compassion d'eulx qui en seroient destruidz & morts par adventure par longue dure prison, ou autrement, se voulust deporter d'entreprendre la guerre. Les autres disoient, que bon seroit que ils escripvissent aux Princes de France, en les suppliant humblement pour Dieu que ils voulussent mettre paix & accord entre le Marechal & les Venitiens, ou sinon ils estoient perdus. Ces deux voyes leur semblerent bonnes: mais non pourtant les plus advisez doubterent que la grande ire, propos & volonté du Marechal de faire guerre aux Venitiens ne peust estre desmüe, ne pour pitié d'eulx, ne pour quelconque priere de Prince, ne autrement, si n'estoit seulement par une voye, c'est à sçavoir par le seul commandement de son souverain Seigneur le Roy de France, à qui de rien ne voudroit desobeir, bien le sçavoient, & s'ils pouvoient advenir par leurs prieres & piteuses requestes

que le Roy luy mandast expressement par ses lettres : par ce point seroient guairis.

Tel appointment leur sembla bon , & à celle conclusion se teinrent , & d'ainfi faire le conclurent ; & mesmement avec ce que ils se ayderoient des autres voyes dessus dites. Adonc les veissiez tous ensemble escrire lettres au Mareschal pour ceste requeste , dont l'un ramentevoit l'amour que autres fois avoit trouvé en luy , l'autre comment il avoit veu sa grande pieté demonstrier par divers cas , l'autre assignoit raison que ainfi il le devoit faire pour eschever plus grand mal , l'autre qu'il seroit ausmone & grand bonté de souffrir pour les reschapper de mort ; & ainfi diversement tant piteusement à luy se recommandoient , comme ceulx que grand desir menoit , que quand les lettres venoient es mains du Mareschal , il ne feust oncques en la puissance de son noble couraige que les larmes ne luy couvrissent la face , pour la pitié & amour qu'il avoit à ses bons amis. Mais pourtant ne se pouvoit desmouvoir de non vouloir la guerre , pour laquelle s'apprestoit tant & hastivement comme il pouvoit. Mais les pauvres prisonniers reconfortoit par ses messaigers , & fait parler aux Venitiens de les mettre à rançon aux guises de France :

mais rien n'y valut ; car ils dirent que ce n'estoit pas leur usance.

Adonc veissiez les pauvres prisonniers escrire en France aux Seigneurs ausquels ils esloyent de service ; car les aucuns estoient au Roy, les autres au Duc de Berry, autres au Duc d'Orleans, ou de Bourgongne, ou de Bourbon, & ainsi à plusieurs ; & chascun supplioit humblement son Seigneur & maistre que pour Dieu ne les voulut oublier, ne laisser là pourrir en prison. Lesquelles requestes meurent les Seigneurs à grand pitié, si qu'ils escrivirent hastivement au Marechal de ceste chose, & feirent tant que le Roy luy escrivit que il n'en feist plus jusques à ce que il auroit deliberé en son Conseil ce qu'il voudroit qu'il en feust fait. De ceste defence feut moult dolent le Marechal ; mais ne voulut desobeir, si se souffrit à tant pour celle fois. Et en ces entrefaites se entremeirent aucuns bons moyens de traicter de paix & delaisser la guerre, & singulierement pour cause des dicts prisonniers. Long feut le traicté de ceste paix : car le Marechal jura que il n'y seroit veu ny oüy : mais puis qu'il plaisoit au Roy, & à Nosseigneurs, il consentoit bien que les Genevois accordassent selon leur bon plaisir, & il ne leur contrediroit. Si feut à la parfin

paix faicte entre eulx, dont les Venitiens eurent grand joye. (car ils n'en estoient mie fans soucy & peur,) à condition que prisonniers pour prisonniers seroyent rendus, & qu'il n'en y eust plus. Et ainsi feut accordé & faict. Et à tant feurent delivrez nos prisonniers, qui feurent huit mois entiers és prisons des Venitiens. Mais comme par divine volonté les choses viennent aulcunes fois pour le mieulx, on doibt Dieu louer de celle prise : car elle escheva la guerre, dont grand mal & meschef s'en feust ensuivy.

C H A P I T R E X X X .

Comment les Venitiens s'envoyerent excuser envers le Roy de ce qu'ils avoient faict.

Après ces choses, les Venitiens qui doubterent la malegrace du Roy de France, & des Princes François, pour l'achoisson de ce qu'ils avoient faict, & dont les François avoient tenus prisonniers, pour eulx excuser envoyerent leurs Ambassadeurs devers le Roy, qui portoient lettres de la Seigneurie de Venise avec leur creance. Par ces lettres & Ambassadeurs se envoyoient moult excuser de ce faict, disans : que le Marechal leur avoit faict

trop grand tort & dommaige à Barut , & pris leurs biens & marchandises. Et avec ce, quand s'en venoient vers luy dire & remonstrer amiablement, & prier que restitution leur feist de leurs biens , que il leur courut sus, & premier les assaillit. Et eulx comme contrains se meirent en defence : pour laquelle chose Dieu leur avoit donné la victoire , si comme il apparust. Et pource ne leur devoit sçavoir le Roy, ny Nosseigneurs, nul mauvais gré. Telles choses & assez d'autres mensongeres pour leur excuse dirent au Roy & à Nosseigneurs : mais n'en furent pourtant creus, ne grand foy on n'y adjousta. Et ainsi s'en allerent à petite chere, & à froide responce.

Le Mareschal qui par ses amis de par deçà entendit ceste nouvelle, lesquels luy avoient envoyé la copie des lettres que on avoit apportées au Roy, en fut tant fâché que plus ne se peut, & lors luy sembla bien avoir achoison de mouvoir noise & debat comme il desiroit aux Venitiens. Et pour celle cause, & pour monstrier leur tort & mensonge, leur escrivit les lettres qui cy apres s'ensuivent, ausquelles les Venitiens n'oserent oncques faire responce. Et vrayement comme en armes il demonstroit sa vaillance, & au gouvernement sa prudence, pareillement en escriture

apparoissoit son sçavoir au contenu d'icelles, lesquelles par luy sans autre furent dictées, si bien, & en si bel & notable style, comme on peut veoir, & comme nul Clerc Rhetoricien pourroit faire, selon le langage plain & bien ordonné de quoy on doibt user au devis du faict d'armes. Si pouvons conclure par ce qu'il nous appert, iceluy Marechal estre és graces comprises en sens & faicts vail-lans tout remply.

C H A P I T R E X X X I .

Cy ensuit la teneur des lettres que le Maref-chal envoya aux Venitiens;

Au nom de Dieu qui toutes choses à faictes, & qui congnoist toutes personnes, & qui sur toutes choses aime verité & hait men-songe, je Iean le Maingre, diët Boucicaut, Marechal de France & Gouverneur de Gen-nes, à vous Michel Steno Duc de Venise, & Carle Zeni (a), citoyen d'icelle cité, fais à sçavoir que j'ay receu la coppie d'unes lettres que vous Michel Steno avez envoyées en France au Roy mon souverain Seigneur, écrites à Venise le penultiesme jour du mois

(a) Carlo Zani.

d'Octobre dernier passé. Du contenu desquelles, si ce ne feust l'usance & coustume de vous, & vos predecesseurs tenans le lieu que vous tenez, je me donneroïs grand merveilles, pource qu'elles sont toutes fondées sur mensonge, sans y avoir mis nul mot de verité, & ausquelles j'eusse fait pieça response, si n'eust esté pour doubte d'empescher la delivrance des François & Genevois, que contre droit & raison avez detenus prisonniers. Et pour ce maintenant la vous fais, & respons aux articles contenus en icelles en la maniere qui s'ensuit.

Et premierement à ce que en vos dictes lettres est contenu que au mois d'Aoust dernier passé, environ le dixiesme jour, je courrant par la marine de Syrie, avec les Genevois, ay desrobé les biens & marchandises de vos Venitiens estans à Barut, & qu'il ne profita point que par vos Venitiens m'eust esté dict les dicts biens & marchandises estre leurs, & d'autres Venitiens, & que en oultre ay prins aultres vos naves : Je vous respons, que il est vray que quand les Ambassadeurs que j'avois envoyez devers le Roy de Cypre eurent fait la paix, & je me trouvay en Cypre avec l'armée que adonc avoye, non voulant perdre la saison, regardant le

tort & oultrage que le Souldan avoit faict aux marchans, & bien des Genevois, & au commun de la cité de Gennes, (laquelle cité j'ay en garde & gouvernement pour le Roy mon souverain Seigneur,) & que à bonne & juste cause j'estoye tenu de faire guerre & dommaige au dict Souldan, & à ses pays & subjects, ayant volonté d'aller en Alexandrie, & pour le temps & vent contraire ne pouvant accomplir le desir que j'avois, je deliberay d'aller es parties de Syrie, où je les trouvay bien advisez de la venuë de la venuë de moy & de mon armée, par les lettres & messaigers que vos Venitiens leur avoyent envoyé, qui estoit contre Dieu, contre loyauté, & contre tout ce que bon Chrestien doit faire.

Et environ le jour que en vos dictes lettres est contenu, veins descendre au dict lieu de Barut, ou prés. Paravant ma quelle descente voyant une griperie partant du port, envoyai une de mes dictes galées après elle, & feut prise & emmenée la dicté griperie, laquelle estoit de vos Venitiens, qui par Pordonnance de vostre Conseil de Nicocie estoit allée plusieurs jours avant au dict lieu de Barut, pour faire à sçavoir aux Sarrafins la venuë de moy & de ma dicté compaignée.

Et néanmoins peu de temps après que je l'eus fait prendre, pour monstrier amitié envers vous plus que tenu n'y estoie, feis delivrer la dicte gripperie & les hommes qui dessus estoient, sans leur faire nul dommaige en l'avoir, ne en leurs personnes. De laquelle chose je fais grande conscience, & que tous les Venitiens & gens qui estoient dessus ne feis pendre ou jecter en la mer, pource que l'œuvre que ils avoyent faite & faisoient estoit traistresse à Dieu & à la Chrestienté.

Et quant aux biens & marchandises qui au dict lieu de Barut feurent trouvez, il est bien à penser & doibt-on croire fermement que puis que vos Venitiens y avoient fait sçavoir ma venuë, comme dict est, qu'ils avoient bien pourveu à lever les biens & marchandises que ils y avoient. Et bien est vray que moy estant à la terre comme en terre d'enemis, abandonnay à prendre ce qui s'y pourroit trouver : laquelle prise feut petite, pour ce que il s'y trouva peu. Après laquelle prise & demeure faite en la ville, l'espace & temps que le cas le requiert, ayant fait bouter feux par la dicte ville, me retiray en mes galées, sans ce que moy estant en la dicte terre, ne moy retiré en mes dites ga-

lées, feust pour lors à moy venu homme quelconque Venitien, ne autre pour eulx, me demander nulle restitution de biens, ne de proye qui y eust esté prise, comme menfongeusement l'avez escrit. Car Dieu sçait si elle m'eust esté demandée, que de bon cœur & de bonne volonté eusse faict restituer ce que de raison eust esté. Pource que je n'avois intention ne volonté de porter dommage à vos Venitiens, ne autres Chrestiens : mais tant seulement au dict Souldan, ses pays & subjects, ausquels j'avoie la guerre.

Et à ce que vous adjouslez que tantost après la prise de Barut j'ay pris autres vos naves, si ne feust, comme dict est dessus, vostre usance accoustumée d'escire & dire menfonges plus que nulles autres gens & nations qui soyent, je me donneroie grand merveille. Car vous-mesmes sçavez bien, & pouvez bien sçavoir que le contraire de ce que avez escript est la verité. Et toutesfois si j'eusse voulu j'en pouvois assez prendre. Car à Lescandelour, à Famagouste, à Rhodes, tant à mon aller, comme à mon retour, & en plusieurs autres lieux sur la marine, tant à la coste de Syrie, comme ailleurs, j'ay assez trouvé de vos naves & autres vos navires en grand nombre, lesquels esloyent

bien en ma puissance d'en faire ce que je vouloye : mais partout où je les ay trouvées je les ay traitées aussi bien ou mieux que si ce fussent navires de Genevois.

Et quant à ce que en vos dictes lettres est contenu, que environ le septiesme jour d'Octobre dernier passé, moy accompagné de onze galées me trouvoy autour de Modon, & que là vous Carle Zeni, Capitaine des galées des Venitiens, deliberastes de vous monstrier amiablement à moy & à mes galées, pour vous complaindre & requerir satisfaction des choses qui par moy & ceulx de ma dicté compaignée avoyent esté ostées à Barut & ailleurs aux marchans Venitiens, & que lors moy & mes galées tournasmes les proües encontre vous, & les vostres monsttrans & tenans maniere d'ennemis. Et que vous ce voyant comme contrainct, & ne pouvant autrement faire, feistes le semblable vous & vos galées encontre moy & les miennes, & tant que par mon default & coulpe feust dure bataille entre les parties, en laquelle bataille feurent prises trois de mes galées, & les autres se meirent à la fuite. Je vous respons en la maniere qui s'ensuit : Il est vray que au retour de mon voyage je m'en veins vers Rhodes, duquel lieu de

Rhodes je partis avec onze galées pour venir en ma compaignée. Et ces miennes galées, pour le long voyage que faict avoye, où j'avoye eu & laissé plusieurs de mes gens morts, bleffez & malades, estoient tres-mal armées, tant de mariniers, comme de compaignons, arbalestriers, & encores moins de gens d'armes. De laquelle chose pour les mieux armer, ne appareiller, nonobstant que bien l'eusse peu faire de gens, comme vous sçavez qu'il y en avoit beaucoup & de bons au dict lieu de Rhodes, je ne me soucioye. Pource que je n'avoye soupçon en mon retour de vous, ne d'autres Chrestiens, que je tenois tous amis; & par especial de vos Venitiens, pour les belles bourdes polies, & paroles mensongeres que vous Carle Zeni m'aviez dites & par plusieurs fois mandées, combien que je sceusse bien que és dites parties de Modon vous estiez avec les galées des Venitiens. Ainsi doncques accompaigné des dites onze galées, m'en veins mon chemin pour venir droit arriver au dict lieu de Modon, devant lequel lieu, c'est à sçavoir en l'Isle de Sapience, moy & mes dites galées jectasmes le fer le Sabmedy fixiesme jour du dict mois d'Octobre, cuidans estre en lieu d'amis. Et pour donner à chascun

connoissance de la volonté & intention ferme que j'avoie de non offenser nulle de vos galées, ne naves, ne autres choses Venitien-
 nes, & que si j'eusse eu autre volonté & intention, je l'eusse bien peu faire : il est vray que peu de jours avant que j'arrivasse au dict lieu de Sapience, j'avois licentié deux galées de Scio qui'estoyent en ma compaignée, une galée & une galiote du Seigneur de Metelin, une galée & une galiote de Pera, une galée du Seigneur Desne, une autre de mes galées que j'avois envoyée en Alexandrie, & deux ou trois galiotes. Toutes lesquelles galées & galiotes, si j'eusse eu envers vous autre volonté que bonne, j'eusse amenées avec moy. Car il ne le me failloit que commander. Et en oultre le jour avant que je arrivasse au dict lieu de Sapience, moy estant au cap Saint Angel, me veinrent trouver deux des naves de mon armée bien fournies de gens d'armes & arbalestriers ; en l'une desquelles estoyent bien huit cens hommes armez ou plus. Lesquels gens d'armes & arbalestriers, si j'eusse voulu, je pouvoie prendre & lever, & les departir sur mes dictes galées à ma volonté. Et d'autre part, en ce mesme lieu, près du dict cap Saint Angel, vint un vostre brigantin, ou

griperie de Candie, un peu devant le jour, arriver à mes galées, cuidant que feussent les vostres, lequel apportoit plusieurs lettres à vous Carle Zeni, & à ceulx de vostre compaignée. Le porteur desquelles estant sur ma galée, & icelles lettres baillées en la main de mon patron, me demanda mon dict patron que je vouloye qu'il en feist, auquel je respondis que je vouloye qu'il les luy rendist sans les ouvrir, & que je ne vouloye point que à luy ne autres Venitiens quelconques, ne à leurs biens feust aulcunement faict tort ou desplaisir, & qu'il le licentiaist courtoisement. Et ainsi feut faict. Et encores celle mesme nuit que j'arrivay au dict port de Sapience, peu après ma venue, vint une vostre barque, aux gens de laquelle moy faisant parler par aucuns des miens, & demander des nouvelles, feut par eulx respondu, que vous Carle Zeni estiez à tout onze galées à Portogon, & que deux grosses galées estoient à Modon, avec plusieurs autres navires grans & petits, de l'une desquelles grosses galées celle mesme barque estoit, comme ils dirent. Laquelle barque, après toute courtoisie à luy offerte, je feis courtoisement licencier. Et le lendemain, qui feut le Dimanche septiesme jour dessus dict,

dict, me partis bien matin du dict port de Sapience avec mes dictes galées, pour m'en venir mon chemin devers Genneſ; en volonté de lever au port de Ion eaüe, dont mes dictes galées eſtoient mal fournies. Et ainſi comme je feuffe allé deux ou trois milles tirant droit au dict lieu du port de Ion, pour lever eaüe, comme deſſus eſt dict, vous monſtraſtes vous Carle Zeni à tout onze galées parties du dict lieu de Portogon, & allant vers Modon, en quoy je ne pris nul ſoupçon. Auquel lieu vous ayant fait comme nulle demeure, vous apparuſtes derechef, & monſtraſtes à tout vos dictes onze galées, & à tout les deux groſſes deſſus dictes qui paravant ne s'eſloyent à nous monſtrées, en laquelle choſe ne preins ſemblablement ſoupçon ne penſée aulcune, fors que de veoir amis. Et mes galées, comme dict eſt deſſus, eſtant petitement armées, & parce pouvans peu exploicter de chemin, moy n'ayant auſſi en ce trop grande volonté, pource que lors je m'appenſay que vous eſliez party pour prendre voſtre chemin droit à Veniſe, ou que vous aviez volonté de parler ou faire parler à moy, vous qui la trahiſon & mauvaisié que aviez intention de faire aviez longuement baſtie, exploictaſtes de chemin en

telle maniere que en peu d'espace feustes bien prochain de moy & de mes dictes galées. Laquelle vostre venuë je voyant hastive sur moy & sur ma dicté compaignée, & aussi voyant vos dictes onze galées & les deux grosses venans en bataille & ordonnance, chargées outre ce qu'il est de coustume de tres-grand nombre de gens d'armes, dont les lances, harnois & personnes se pouvoient clairement veoir, ayant aussi fait tous habilemens qu'il convient à guerre & bataille, & mesmement vous Carle Zeni à tout vostre galée estre mis au milieu des dictes deux grosses pour vostre plus grande seureté. Voyant en outre venir avec vous sept ou huit brigantins ou palestarmes de naves fort chargées de gens d'armes & d'arbalestriers, qui ne sembloit pas maniere de venir demander aucune restitution, comme en vos dictes lettres est escript : mais droicte maniere & manifeste semblance d'ennemis, qui sans parole & sans aucune sommation ou requeste à nous impourvus veniez courir sus. Mesmement que par terre selon la marine faisiez venir grand nombre de gens d'armes, tant de cheval, comme de pied, de laquelle terre nous estions prochains. Comme contrainct & par pure necessité feis tourner les proües de mes

dictes galées contre vous, defendant premierement que par nulle de mes galées ne feust faict offense à vous ne à aucun des vostres de bombardes, de traict, ne d'autres armeures ou habillemens, ne autrement en aulcune maniere, jusques à ce que de moy en eussent signe ou commandement. Laquelle deffence feut bien observée. Mais vous qui la volonté traistreuse de longtempz aviez en vostre couraige, qui à ce faire aviez mis toute diligence & cure; & pour celle cause aviez pris & mis sur vos dictes treize galées & sur vos brigantins ou palestarmes dessus dictz tres-grand nombre de souldoyers, de gens d'armes, & de traict, tant de ceulx de Modon, de Coron, comme de ceulx qui debvoient aller à la garde de Candie, & aussi de ceulx qui estoient és navires qui pour lors estoient à Modon, dont il en y avoit tres-grand nombre, comme dessus est dict, en grande ordonnance, avec bombardes, arbalestriers, & autres choses à bataille necessaires, avant que mes dictes galées peussent estre bien en arroy, ne que ce peu de gens que j'avoie peussent estre armez, qui encores ne l'estoyent, pour l'esperance que jusques lors moy & eulx avions eu envers vous d'amitié, & non de inimitié, me veins-

tes courir fus & investir. Voyant laquelle chose, je feis signe & commandement à tous les miens que chascun feist à son pouvoir, comme en tel cas appartenoit. Pourquoy tous ceulx qui en ont oüy ou orront parler, & qui à verité adjoustent foy & non à menfonges, peuvent clairement veoir & appercevoir que de vostre tres-malicieuse volonté & trahison pourpensée, non pas par contraincte, comme faullement est contenu en vos dictes lettres, entraistes & esmeustes la bataille, & que moy & les miens par vostre default & coulpe, & non pas par la mienne, entraismes en icelle bataille comme contraincts & defendeurs. Mesmement que si la bataille dessus dite j'eusse desirée, je vous feusse plus tost allé trouver à Portlong, où vous n'aviez que onze galées, que je n'eusse vous laisser fortifier des dictes deux grosses, & des brigantins ou palestarnes dessus dictz. Laquelle chose m'estoit assez legere à faire, si j'en en eusse eu la volonté.

Et touchant ce que en vos dictes lettres est escript, que après la dure bataille entre nous feurent prises trois de mes galées, & les autres se meirent à la fuite. De la dureté de la bataille, je m'en rapporte à ce qu'il en feut, & à ce que vous Carle Zeni,

si vous en vouliez dire la verité, en pourriez dire, qui sçavez que deux fois le jour par ma galée la vostre feut couruë & mise comme à desconfiture. Et si la besongne eust esté à partir à nous deux, & que ma galée n'eust eu à autres galées à faire qu'à la vostre, si je l'eusse legerement depeschée : non-obstant vos traistreux pourpensemens & dessein de longue main, tant en grand nombre de gens d'armes, d'arbalestriers, comme autres choses, oultre le nombre & usance accoustumée, comme dessus est dict.

Et quant aux prises des galées, il est vray que par mes galées feut prise une des vôtres, & par vos galées feurent prises trois des miennes. Et se debyroit-on donner grand merveille, que vous qui estiez en nombre de gens comme je croy trois fois plus que nous n'estions, & en nombre de navires plus que le double, & qui de fait à pensé aviez appoincté vostre besongne, nous estans impourvus & mal fournis, & non sçaichans, ne ayans aulcun soupçon, toutes nos galées par les vôtres ne feurent prises. Mais Dieu qui à tard laisse trahisons & mauvaiſties accomplir à ceulx qui les entreprennent, nous garda & defendit, avec la peine que nous

y meismes, que vostre orgueilleuse & traistesse intention ne veint à effect.

Et quant à la fuite que vous avez escripte par mes autres galées avoir esté faicte, je me donne grandement merveille, comme d'une chose où il y avoit tant de gens, & dont la verité peult estre si clairement sceüe, comme de ce vous osez si apertement mentir. Car vous Carle Zeni & vos galées, feustes celles qui après que nous feusmes departis d'ensemble, (laquelle departie feut faicte principalement par vous & par grand part de ceulx de vostre compaignée, de tout vostre pouvoir, lors que nous estions les uns devant les autres,) honteusement & à grand vergongne vous allastes retirer en vostre port de Modon, nous tousjours demeurans en nostre place jusques à ce que vous feustes au dict port. Et de nostre place nous ne bougeasmes jusques à tant que par vostre entrée faicte au dict port, eusmes perdu la veüe de vous. Laquelle chose à vous & à tous ceulx de vostre dicte compaignée doibt estre reprochée à une tres-grande lascheté de couraige & defaillance d'honneur.

Et pour venir à la conclusion de ceste mienne lettre, je dis ainsi & le veux main-

tenir, que au cas que vous Michel Steno auriez donné à Carle Zeni congé, licence ou commandement d'avoir faict ce qu'il a faict encontre moy & ma dicte compaignée, eu esgard à la bonne paix qui estoit entre le commun de Gennes & le vostre, que vous avez faict comme faulx traistre & mauvais, ensemble tous ceulx qui le vous ont conseillé. Et au cas que vous Carle Zeni l'auriez faict sans le congé ou commandement du dict Michel Steno, qui est vostre Duc & Superieur, je dis de vous le semblable que de luy & de tous ceulx qui le conseil vous en auroient donné.

Et pour ce qu'il est d'usage que tout Gentilhomme extraict de franche & noble lignée, doibt vouloir mettre à clairté & effect les choses par luy parlées, par especial touchans son honneur, & que moy qui sçay la verité de ceste chose le veüil semblablement faire, pour monstrier la faulte & coulpe à ceulx qui l'ont desservy, & afin que ceste mauvaisié congnüë, chascun se garde dorenavant d'en faire une pareille, ou autre, je dis & diray, & veüil prouver & maintenir, comme tout noble homme doibt faire, que toutes les choses que vous Michel Steno avez escriptes au Roy mon souverain Seigneur

ou que vous, & vous aussi Carle Zeni pourriez avoir escriptes à autres, ou dictes touchant ceste matiere, au contraire de ce que en ceste mienne lettre est contenu, qui est la pure verité, sont faulles & mauvaises menfonges, & que faullement & mauvairement avez menty, & mentirez toutes les fois que au contraire en escrirez ou direz aulcune chose. Et pour prouver & monstrier que ainsi soit, je vous offre, s'il y a nul de vous deux qui veuille ou ose dire le contraire, de luy monstrier de mon corps contre le sien par bataille, & luy faire confesser & recongnoistre à l'aide de Dieu la verité estre telle comme je la dis. Et si ce party nul de vous deux n'osoit prendre, comme je croy; pour monstrier plus grande preuve de ma bonne raison & verité, me confiant entierement en Dieu, en nostre Dame, & en Monseigneur Saint George, je vous offre moy cinquiesme combatre lequel que ce sera de vous deux luy sixiesme, moy dixiesme celuy de vous luy douziesme, moy quinziesme celuy de vous deux luy dix-huidiesme, moy vingtiesme, celuy de vous deux vingt-quatriesme, ou moy vingt-cinquiesme celuy de vous deux luy trentiesme. Par ainsi, que tous ceulx qui de vostre costé seront soyent tous

Venitiens, & que ceulx de mon costé soyent François & Genevois. Pource que aux François & Genevois ensemble avez faicte la trahison que faicte avez. Et pour estre teneur de la place & juge de ceste bataille, si de vostre part l'osez faire & accomplir, je seroye content plus que de nul autre que ce feust le Roy mon souverain Seigneur, si de sa grace le vouloit faire. Et au cas qu'il ne voudroit, ou que vous ne le voudriez accepter, de quelque autre Roy Chrestien que voudriez eslire ou choisir, j'en seray content, & semblablement de maint autre moindre que Roy. Et si la bataille s'accomplit, comme si fera, si Dieu plaist, si par vous ne default, mon intention est que chascun soit armé de telles armes & harnois comme il est accoustumé de porter communément en guerre & bataille, sans autre malice ou malengin desraisonnable. Et si nulle des dictes deux offres ne voulez accepter ne accomplir, pour ce que vostre guerre & vos œuvres avez tousjours plus pratiquées par mer que par terre, je vous offre, & suis content que l'un de vous lequel que voudrez prenne une galée, & moi une autre, veüe premierement la vostre par aucuns des miens à ce de par moy commis, & aussi la

mienne par autres des vostres que voudrez semblablement à ce commettre , afin que les dictes galées soyent semblables , & que icelles galées chascun puisse armer à sa volonté , en tel nombre & quantité de gens comme bon luy semblera. A la charge que tous ceulx d'icelle vostre galée soyent Venitiens , & ceulx de la mienne François & Genevois , pour les causes dessus dictes. Et que en certain lieu par nous accordé nous trouvions à toutes nos dictes deux galées , pour combattre jusques à tant que l'une d'icelles par l'autre soit outrée & vaincuë. Toutesfois avant que la dite bataille se face , je voudrois avoir bonne seureté , que en nulle maniere par vous , ne par vostre pourchas , occultement , ne paloïsement , fors seulement par la galée qui seule à moy se debyroit combattre , & par les gens qui dessus icelle seroyent , ne me soit fait offence , & semblablement je le vous veulx faire. Et si l'une de ces trois offres vous est agreable , je voudroie que l'effect d'icelle que mieulx voudriez feust brief. Pource que tout fait de guerre & de bataille se doibt plus mener par œuvres que par paroles. Et eüe vostre responce , à l'ayde de Dieu , de nostre Dame , & de Monseigneur Saint George , en bref je seray prest de l'ac-

complir. Et pour monst^rer que ceste chose vient de ma certaine science & pure volonté, & que j'ay entier vouloir & parfaict desir de l'accomplir à mon loyal pouvoir, j'ay seellé ces lettres du seel de mes armes; faictes & escriptes au Palais Royal à Gennes, le sixiesme jour de Juin mille quatre cent & quatre.

M É M O I R E S

O U

L I V R E D E S F A I T S

D U B O N M E S S I R E

J E A N L E M A I N G R E ,

D I T

B O U C I C A U T ,

M A R É C H A L D E F R A N C E .

T R O I S I E M E P A R T I E .

*Cy commence la troisieme Partie de ce Livre,
laquelle parle des faits que le Marechal
fait depuis le temps que il feut retourné du
voyage de Syrie jusques à ores.*

C H A P I T R E P R E M I E R .

*Premierement parle des Seigneurs Italiens qui
desiroient avoir l'accointance du Marechal,
pour les grands biens que ils oyoient dire
de luy.*

*Après que ces choses feurent toutes ap-
paissées, & que le Marechal estoit à sejour*

à Gennes, comme la renommée feust ja grande en toutes parts de ses vertus & bienfaits, & toute Italie en feust plaine, feurent aucuns Seigneurs du dict pays, qui moult l'aimèrent, & desirerent son accointance. Entre lesquels feut le Seigneur de Padoüe, qui moult estoit de grande bonté, vaillant aux armes, & bien morigené; & pource aimoit-il le Marechal : car comme dit le proverbe commun : *Chascun aime son semblable*. Et pour le grand amour qu'il luy portoit, & le desir qu'il avoit de le voir, veint vers luy à Gennes, apres ce que par plusieurs fois luy eust escript. Si le receut le Marechal à grand honneur, & moult grande chere luy feit. Laquelle il eut tant agreable, & tant le prisa & aima, que tous les François prit à aimer pour l'amour de luy. Et adonc le bon loyal Marechal, qui tousjours taschoit à accroistre l'honneur & le bien de son souverain Seigneur le Roy de France, ne musa mie : ains tant faigement se gouverna avec le dict Seigneur de Padoüe, que par ses bons admonestemens feit tant qu'il deveint homme du Roy, & recongneut de luy la Seigneurie de Padoüe & de Verone, qui sont deux grosses citez, & de tout son pays, & en feit hommaige au

Roy en la personne du Marechal, lequel le receut joyeusement.

Semblablement comme avoit faict le Seigneur de Padoüe, se tira devers le Marechal, pour la renommée de sa grande bonté, la Comtesse de Pise (a), & son fils Messire Gabriel Marie, & de leur volonté & propre mouvement feirent hommaige au Roy en la personne du Marechal, de la Seigneurie de Pise & de tout le Comté. Et moult se offrirent à luy faire tout le service que faire luy pourroient, si besoing en avoit. Et il les en remercia grandement, & moult les honnora & festoya tant que avec luy feurent. Si doibt bien avoir cher tout Roy ou Prince tel serviteur, & loyal Lieutenant & Chevetaine, qui tousjours est en soin d'accroistre, augmenter & multiplier le preu & l'honneur de son Seigneur.

C H A P I T R E II.

Comment le jeune Duc de Milan entreprit guerre au Marechal, dont mal luy en ensuivit.

Environ ce temps adveint que le jeune Duc de Milan (b), & son frere le Comte de Pa-

(a) Agnès.

(b) Jean Marie, fils & successeur de Galéas au Duché de Milan.

vie (a), apres la mort de leur pere, qui avoit esté le premier Duc de Milan, prirent contens aux Genevois, tant que ils les assaillirent de guerre, & avoient à leur solde & en leur ayde Facin Kan (b), lequel comme assez de gens sçavent a esté longtemps & encores est le plus grand Chevetaine de gens d'armes, & le plus renommé & craint qui soit, ne ait esté en Italie bonne piece a, & qui meilleurs gens soubz soy communement a. Mais nonobstant sa force & hardiesse, & tout ce que il peut faire, ne toute la puissance du Duc de Milan, grande grevance ne receurent mie de eulx les Genevois; car le bon Chevetaine & Gouverneur bien les en sceut garder; car n'avoient mie affaire à enfant; mais à celuy qui tout duiet & maistre estoit de mener telles danses, & qui peu les craignoit. Si fait assemblée contre eulx tantost le Maréchal, & n'attendit mie que ils le veinssent chercher, ains alla sur leur pays, & par telle vigueur prit à faire ce que à guerre appartient que toute leur terre espouvanta, & en peu de temps leur porta grand dommaige.

(a) Philippe.

(b) Francisque, Capitaine brave & entreprenant; mais si peu raisonnable qu'on le surnommoit *le fléau de la Lombardie & l'ennemi de Dieu & des hommes*.

Et pour dire en brief comment la chose feut demenée, & puis terminée, car long procès serpit à tout dire, & à racompter toutes les envahies & faicts d'entre eulx, ils se trouverent par plusieurs fois main à main ensemble. Mais sans faillir oncques n'assemblerent que ce ne feut tousjours au pire & au grand dommaige du Duc de Milan, & qu'il n'y perdist moult de ses gens. Et malgré toute sa deffence le Marefchal alla assieger ses chasteaux & forteresses, & par force & de bel assaut en preit plusieurs, quoy que ils se defendissent de toute leur puiffance, & que par maintes fois Facin Kan veinft sur eulx pour cuider lever le siege : mais tout ce rien ne leur valoit. Pour laquelle chose tant y fait & tant y exploicta le Marefchal, que à brief parler le Duc de Milan feut tout joyeux de pourchasser la paix, à laquelle moult se peina avant qu'il la peust avoir ; car à son grand tort la guerre avoit commencée. Toutesfois à la parfin le Marefchal, qui en nul cas n'est trouvé defraisonnable, s'y condescendit. Et ainsi feut faicte la paix entre le Duc de Milan & les Genevois, au proffit du Roy, & à l'honneur du Marefchal, & au biendes Genevois.

CHAPITRE III.

*Comment le Mareſchal labouré , afin que il
peuſt mettre paix en l'Egliſe, que les Ge-
nevois ſe declaraffent pour noſtre Saint Pere
le Pape*

Entre les autres biens que le Mareſchal dont nous parlons a faiſts ſur terre , ne faiſt mie à oublier , mais à ramentevoir , comme choſe à tousjours digne de grand memoire , la grand peine & travail , & miſe de ſes propres deniers , que il a employez pour le bien de la Chreſtienté au faiſt de l'Egliſe , en laquelle ja par ſi long temps , dont c'eſt dommage & pitié , a eu & encores a douloureux ſchiſme & diſiſion , comme chaſcun ſçait. Et qui eſt celuy en vie aujourd'huy Prince ne autre qui plus ait travaillé au bien d'union & paix que a le dict Mareſchal ? Certes nul. Et c'eſt choſe notoire. Et pour venir à celle fin , c'eſt à ſçavoir de paix , comme tres-chreſtien , prudent & ſaige , a tenu ſubtile maniere de ce qu'il luy a ſemblé que bon feuſt à faire , comme ſçavoir ſe peut manifeſtement. Mais afin que le temps advenir ſes faiſts ſoyent tousjours cauſe de bon exemple , il eſt bon que cy ſoit representé tout au long.

Tome VI.

N.

Il est à sçavoir que apres que le Marechal feut retourné du voyage de Syrie, comme j'ay dict cy devant, quand il se veid un peu à repos, luy qui oncques temps n'employa en oisiveté, voulut adonc vaquer à mettre à effect le bon desir que tousjours avoit eu en l'esprit. C'estoit de trouver voye comment union & tranquillité peust estre au faict de l'Eglise. Et pour à ce advenir, se pensa que moult grand bien seroit s'il pouvoit tant faire que il peust advenir à deux conclusions. L'une estoit qu'il peust à ce tourner les Genevois, lesquels croyoient en l'Antipape de Rome, que ils se declarassent pour nostre Saint Pere, & luy rendissent obeissance. L'autre conclusion estoit, que il se peust tant travailler que nostre dict Saint Pere pour le bien de paix en la Chrestienté, feust d'accord de ceder toutes les fois que on auroit trouvé voye, ou par force, ou par amour que l'Antipape cedast.

Si advisa temps & lieu au plus brief que il peut de arraisonner les Genevois de ceste chose. Et un jour assembla à conseil tous les plus saiges & les plus suffisans Gentilshommes, bourgeois & marchans d'entre eulx. Là leur preint à dire par moult belles & saiges paroles, que il leur avoit à proposer aulcunes choses, lesquelles le grand amour que il avoit

à eulx le mouvoit à ce faire. Si ne voulussent avoir mal à ce que il leur diroit ; ains leur pleust le recevoir à la bonne fin & intention qui le mouvoit. Lors commença à dire tout ainsi que le bon pasteur qui a le gouvernement de ses brebis doit avoir soin de prendre garde que elles ne se fourvoyent ; luy qui estoit estably, encores qu'il n'en feust digne, pour estre leur garde & Gouverneur, avoit grand pitié de ce que par si long temps avoyent esté endormis en l'erreur, & encores y perseveroient, de croire, obeir, & adjouster foy à l'Antipape de Rome : mais par advanture c'estoit parce que suffisamment n'avoient mie le temps passé esté informez de la verité du faict, comme on avoit esté en France, & pource les en vouloit informer. Et qu'après ce qu'il auroit faict son devoir de les faire certains de la verité, de laquelle chose s'il ne le faisoit il feroit grand conscience, & s'il ne les enhortoit de leur sauvement, comme il debvoit, ils feroient neantmoins par eulx, quand tout diét leur auroit, ce que bon leur sembleroit ; car à chose qui touche l'ame & la conscience, on ne doit homme contraindre par force, ne aussi faire ne le voudroit ; car ce doit venir de pure franche volonté, ny Dieu ne veult estre servy à force.

Et que à tout le moins il en seroit quitté envers Dieu, quand son pouvoir & debvoir auroit faict de leur suffisamment monstrier & dire.

CHAPITRE IV.

Comment le Marechal assemblea à conseil les plus saiges de Gennes, & les paroles que il leur dit sur le faict de l'Eglise.

Adonc le Marechal commença à parler, & prit sa narration dès le commencement du Schisme, & dict, que comme ceste douloureuse pestilence en l'Eglise, qui ja avoit duré l'espace d'environ trente ans, dont c'estoit grand meschef, commenceast du temps & au vivant du tres-Chrestien & saige Roy Charles cinquiesme du nom, lequel par les merites de sa juste vie, & la grande vertu & prudence qui en luy estoit, a esté tenu, est & tousjours sera le plus juste Prince, le plus saige & de meilleure vie que Roy qui feust en France depuis le temps de Saint Louys, ne mesmement autre que on sceust au monde en son vivant, & qui le plus ufoit de conseil, sans lequel ne feist quelconque chose.

Si fut vray que dès que les premieres elections eurent esté faictes, qui feurent comme chascun sçait, assez près l'une de l'autre,

c'est à sçavoir la premiere à Rome , & puis tantost ensuivant l'autre par deça, le Roy Charles eut par plusieurs fois lettres des Cardinaux qui luy notifierent toutes ces choses, & les causes des advenemens des faicts par eulx executez. Mais quoyque ils luy certifiassent la seconde eslection estre juste & vraye, & la premiere de nulle valeur, le faige Prince ne se teint mie à tant : ains voulut par grand soin s'informer de la maniere de toutes les deux eslections, pour avoir advis & conseil pour lequel des deux il se debvoit declarer. Et pour estre de ceste chose certainement & au clair informé; afin que il ne peust errer, envoya certains preud'hommes, Prelats de son Conseil en Avignon, devers les Cardinaux qui adonc là estoient, pour bien les interroger de la maniere, & pour prendre & avoir les sermens d'eulx, que sans faveur diroient la verité du faict, & lequel des deux esleus debvoit estre tenu pour vray Pape. Si feut ainsi que quand les dicts envoyez de par le Roy eurent faict comme ils deurent leur legation aux Cardinaux, adonc les dicts Cardinaux tous jurerent l'un après l'autre sur le corps de Iesus Christ sacré, & prirent sur la charge & damnation de leurs ames de dire verité.

Après prirent à dire que comme ils estoient à Rome enclos au Conclave, en intention d'esslire sans nulle faveur, mais comme Dieu leur administreroit par la voye du Saint Esprit, les Romains par maligne volonté, & à grand fureur de peuple, s'assemblerent autour du Palais, & prindrent à crier sur eulx par grands menaces que ils vouloient avoir un Romain, ou au moins un Italien. Si les tenoient là assiegez les dictz Romains, qui sans cesser, cryoient à leurs oreilles, pour laquelle cause eulx tous troublez d'iceluy tumulte, pour eschever peril de mort, où ils se voyoient, conclurent entre eulx que ils feindroient avoir esleu l'Archevesque de Bari, qui estoit Italien.

Et ainsi le firent, & par celle voye les Romains furent appeisez : mais bien estoit leur intention, que au plus tost que ils pourroient se partiroient de là, & laisseroient le dict esleu, qui par force avoit esté mis en la chaire, & non mie par droicte voye. Si ne le reputoient point pour Pape, nonobstant qu'ils luy eussent faict toutes les ceremonies qui y affierent, pource que ce avoit esté par contraincte, & ainsi qu'ils avoient proposé de le laisser le firent. Et quand ils furent venus en Avignon, adonc ils se meirent en-

semble, & par bonne & saincte deliberation esleurent un autre : lequel ils affermoient sur leur part de Paradis, & sur le peril de leurs ames que celuy estoit droict & vray Pape, & que à iceluy debvoit toute la Chrestienté obeir comme au vray Pasteur.

A toute ceste certification & lettres sealées des seaulx de tous les Cardinaux, qui ainsi estre vray le tesmoignoient, s'en retournerent vers le Roy les dicts Ambassadeurs, qui luy rapportèrent ce qu'ils avoient trouvé. Mais encores ne se teint pour satisfait le courage du Roy, & ne luy fust à tant; ains voulut luy mesme oïr parler aucuns d'eulx, c'est à sçavoir de ceulx qui estoient reputez pour les plus dignes, & les plus saiges preud'hommes Cardinaux, & autres Prelats, qui és dictes eslections avoyent esté. Si les envoya querir & feit venir vers luy à ses propres cousts & despens. Et pour les oïr quand venus feurent, il assembla le Conseil de tous les Prelats, & des plus saiges Maistres en Theologie de son Royaume & d'ailleurs.

Si feurent à celuy Conseil moult examinez les dicts Cardinaux & les Prelats de tous les points qui pouvoient toucher la conscience sur le dict fait, auxquels ils respondirent

sur chascun article si suffisamment que il n'y eut que dire. Si feut la chose moult bien discutée, comme il affiert à si pesante besongne, & non mie tost ne hastivement; mais prolixement, & en longtemps: afin que point d'erreur n'y peust estre meussée sous dissimulation, ne que aucun scrupule peust demeurer en conscience. Toutesfois à la parfin, par le conseil de tous les Prelats, & des susdits solempnels Maistres en Theologie, & de tous les saiges que il peut assembler, feut conclu, que toutes choses regardées & bien discutées, le Roy & toute la Chrestienté se debvoient declarer & tenir à la seconde eslection, & ainsi l'asfermoient pour verité, & juroient & prenoient sur leurs ames que faire se debvoit. A laquelle chose à bonne cause le Roy adjousta foy, en disant qu'il n'estoit pas à croire ne vray semblable que tant de preud'hommes se voulsussent damner pour la faveur d'un tout seul homme.

Et ainsi delibera & manifestement se declara pour la deuxiesme eslection. Laquelle chose il escripvit à tous les autres Roys & Princes Chrestiens ses alliez, comme en Espagne, en Arragon, en Escosse, & ailleurs, lesquels, considerée l'autorité de sa preud'

hommie & de son grand ſçavoir, adjouſlerent foy à l'enqueſte qu'il en avoit faite, & pareillement ſe declarerent. Toute ceſte narration ſeit le Mareſchal aux Genevois en iceluy Conſeil, & pluſieurs autres choſes à ce propos leur dit, que je laiſſe pour briefveté. Si ſeit après ſa concluſion, en diſant que par ainſi pouvoient veoir & congnoiſtre que ſans grande deliberation & advis ne s'eſtoient pas condeſcendus les François à rendre obeiſſance à la ſeconde eſſedion. Et que s'il leur cheoit au cœur, & ſembloit que ſi digne perſonne que eſtoit le ſaige Roy Charles en euſt faite ſuffiſante information & enqueſte comme il leur avoit recordé (laquelle choſe eſtoit aſſez notoire que maintes gens encores vivans ſçavoient, & luy meſme certainement le ſçavoit, car ce avoit eſté de ſon temps, nonobſtant que il ſeuſt moult jeune adonc; mais aſſez de fois l'avoit depuis oüy recorder), que ils ſe vouluſſent ſemblablement declarer pour noſtre partie, ſi leur conſcience s'y adonnoit.

Quand le Mareſchal eut finy ſa parole, les Genevois, qui bien & bel avoient noté ce qu'il avoit dict, reſpondirent que bien l'avoient entendu, mais que la choſe leur eſtoit moult nouvelle, & ſi touchoit conſcience,

& ne devoit estre deliberée sans grand advis, si penseroient sus, & puis luy en respondroient, & il dict que ce luy plaisoit bien. Et à tant se departirent : mais depuis par plusieurs fois en feurent assemblez ensemble, & tant que à dire en brieſ, à la parfin de leur tres-bonne volonté & sain consentement, comme Dieu pour le bien de chrestienté le voulut, se declarerent pour nostre partie, & rendirent vraye obeissance au Pape. De laquelle chose le Mareſchal feut moult joyeux, & en remercia nostre Seigneur.

Et ainſi en veint à chef par son grand ſçavoir & prudence : car c'eſtoit la nation de toute l'Italie qui depuis le Schiſme plus ſouſtenoit en ſaiſts & dictſ le party de l'Antipape. De quoy tous les ſaiges & les Clercs de la Seigneurie de Gennes dient & teſmoignent que ils ſçavent de vray que ſi tous les Roys, Princes & Clercs du monde les euſſent de ce enhortez, ſuppliez & requis, que ja n'y ſeuſſent advenus pour ſermons, ne dons, ne offres que leur ſceuſſent avoir ſaiſt. Si doit estre reputée ceſte chose, comme ils dient, & il eſt vray, entre les grands ſaiſts du dict Mareſchal, comme miraculeuſe. Car par de là ils tiennent que c'eſt la plus grand merveille, & le plus grand ſaiſt d'en estre venu

à chef, que de chose qui adveint au pays d'Italie passé à deux cens ans.

CHAPITRE V.

Comment le Marechal tendoit que l'Eglise feust en union, & sous l'obeissance d'un seul Pape esleu par Concile general,

Or estoit venu le Marechal à l'une des conclusions que longtems avoit desirée à atteindre, qui estoit de rendre les Genevois obeissans à nostre Pape, comme dict est devant. Si voulut tendre s'il pouvoit à l'autre conclusion qu'il desiroit. Il est à sçavoir que il avoit bien en memoire & estoit informé comme le dict Roy Charles, avant que il trespassast, comme bon & juste Roy & tres-Chrestien, qui avoit sur toute chose à cœur le faict de l'Eglise, voyant que il ne pouvoit mettre toute Chrestienté en l'obeissance d'un seul Pape, comme elle doibt estre, & que grand meschef estoit de telle division entre Chrestiens, advisa & considera que bon seroit pour appaiser ce maudit Schisme, que Concile general feust faict de tous les Prelats de Chrestienté ou de la plus grande partie assemblez en aucune part, où au

mieulx seroit regardé : & que là feust delibéré & ordonné que tous les deux esleus cessassent, & que si par amour ne le vouloient faire, que à tout l'ayde & le port des Princes terriens, qui tous en feussent d'accord, on les y contraignist par force. Et que quand ce seroit fait, adonc bien & dignement feust un seul esleu par voye du Saint Esprit, comme faire se doit.

Telle estoit l'intention du bon Roy, qui l'eust traité à chef, mais la mort l'en desadvancea, au grand dommaige & prejudice de toute la Chrestienté, & singulierement de son Royaume. Ceste chose sçavoit le Marechal, & aussi comment le Roy qui à present regne, fils & successeur d'iceluy, & Nosseigneurs les Princes de France, ont tousjours depuis pretendu à celle voye, pour venir au fait d'union. Et pour ce que bien luy sembloit que ce chemin tenir estoit juste, ne par autre ne pouvoit estre mise paix en l'Eglise, à son pouvoir vouloit travailler que ceste chose peust estre terminée, & traitée à chef de paix. Et c'estoit la cause principale & singuliere qui l'avoit meu à tant desirer & travailler que les Genevois se declarassent pour nostre Saint Pere : car son intention estoit que quand il auroit tant fait à l'aide

de Dieu comme il feit , que les Genevois feussent obéissans au Pape , que adonc par l'ayde de eulx qui est moult grande , & par les autres d'Italie , aulcuns se pourroient pareillement convenir. De laquelle chose se voulut travailler , comme il feit après du Seigneur de Padoüe , & de celui de Pise , dont cy dessus est parlé , & d'autres , dont mention fera cy après faicte , que il iroit courir sus aux Romains , si besoing estoit , au cas qu'ils ne voudroient souffrir que l'Antipape cedast , ou qu'il ne le voulust faire. Plus feit encores le Marechal : car , comme dict est cy devant , pour sa grande renommée & bonté , il attiroit plusieurs nobles hommes à son amour , dont il adveint que mesmement un des plus principaulx Cardinaulx qui feust à Rome de la partie de l'Antipape , appellé le Cardinal de Flisco , l'aima tant & prisà que il desira son accointance , & luy escrivit plusieurs lettres , & le Marechal à luy , & dont à la parfin tant bien y ouvra le Marechal que il se soubstrahit de l'Antipape , & s'en partit , & laissa bien la valeur de seize mille francs de benefices que il tenoit , si rendit obeissance à nostre Pape.

Mais à parler de l'autre conclusion où il tendoit , pour venir par ces deux à une seule fin , c'est à sçavoir de union , par la premiere

il entra en l'autre. Car nostre Saint Pere luy sceut merueilleusement bon gré de ce qu'il avoit mené les Genevois qui plus luy fouloient estre contraires que gens du monde à son obeissance. Si l'en beneist moult & pria pour luy. Mais encores feit plus pour luy le Mareschal : car pour tousjours le tirer à plus grand amour, luy presta en ses affaires de grands deniers, & luy feit maint secours à ses propres despens. Et tant alla la chose que le Pape alla vers luy, & le Mareschal luy feut à l'encontre, & le receut à tres-grande reverence & honneur, comme il debvoit faire. Et lors quand il le teint à séjour avec luy, le prist à enhorter que pour le bien & la paix de l'Eglise, & de toute Chrestienté, il voulust estre d'accord, comme il avoit autresfois promis à Nosseigneurs de France, de ceder toutes les fois que on auroit tant fait ou par force ou par amour (à laquelle chose il travailleroit de toute sa force & puissance), que celui de Rome cedast, & que requis en seroit.

De ceste chose timonna le Mareschal tant le Pape, que il lui promet & jura que ainssi seroit-il sans faulte. Et ainssi parveint le dict Mareschal à ses deux conclusions, dont si grand bien en est ensuivy, que les Romains

qui ont bien veu & sceu son intention, ont si redoubté & redoubtent sa vaillance, force & puissance, que après la mort du dernier leur Antipape trespasfé, voulurent eulx mesmes & requirent de leur bonne volonté, sans contrainte, c'est à sçavoir les Cardinaulx de delà, par le consentement de ceulx de la cité, que un que ils esleurent cederait & délaisseroit la chaire toutes les fois que le nostre ainsi le feroit, afin que par sainte & juste voye un seul pasteur feust eslu.

Toutes fois ceste sainte volonté de ceder & de pretendre à union, qui est venue à nos adversaires, c'est à sçavoir aux Cardinaulx de Rome, je tiens que ce soit œuvre du saint Esprit, qui a pitié de son espouse la sainte Eglise, qui tant est desolée, si la veult mettre en paix. Laquelle chose, si Dieu plaist, briefvement sera, & non par quelconque autre œuvre d'homme mortel. Combien que nous avons couleur de penser que le Maréchal, comme dict est, en soit cause, par ce que oncques mais, fors que lorsque ils sceurent son intention, ne s'y voulurent consentir. Si peut bien estre que ce y a valu. Si ne sera au plaisir de Dieu nul besoing de mouvoir guerre, & aurons vraye union que Dieu nous octroye par sa grace.

Et combien que le faulx hypocrite que les Cardinaulx de la partie de delà esseurent dernièrement, se monstraist au premier bonne & sainte personne (car il voïa & promet de faict devant tous, que il cederoit tantost & sans delay toutes les fois que le nostre le feroit, & ainsi le certisia par ses lettres à tous les Roys & Princes chrestiens) : toutes-fois ce ne feut fors que hypocrisie & feintise ; car sa volonté estoit toute plaine de fallace, comme à la fin y parut, & comme je diray cy après.

C H A P I T R E V I.

Cy commence à parler comment les Pisains se rebellerent contre leur Seigneur, & comment le Marechal se peina d'y mettre paix.

Pour ce que tout ne se peut dire ensemble, convient racompter les matieres l'une après l'autre, combien que plusieurs des choses dont nous parlons soyent advenües en un mesme temps. Si est vray que en l'an mille quatre cent cinq les Pisains se rebellerent contre leur Seigneur, & le chasserent de la Seigneurie de Pise, selon la generale coustume qui est au pays de delà de non
culx

eulx tenir longuement sous une Seigneurie , quand ils se trouvent les plus forts. Donc quand iceluy Seigneur se veid ainsi debouter de son heritaige par ses mauvais subjects , pour ce que il sentoit que il n'avoit mie assez de gens & force pour les remettre en subjection , se va retirer vers le Marechal , comme à Lieutenant du Roy de France son souverain Seigneur , à qui il avoit faict hommaige de son dict heritaige , luy requerir ayde au nom du Roy , comme Seigneur doit au besoing secourir son vassal qui le requiert à son ayde.

Quand le Marechal entendit ceste chose moult luy en pesa. Si luy respondit que avant que on allast sur eulx par voye de faict & de punition , que luy mesme se mettroit en toute peine pour les remettre en accord & en bon amour : car si par armes destruisoit son pays , le dommage luy en demeureroit , pour ce ne luy conseilloit , si iroit parler à eulx. Et adonc se partit de Gennes , & alla en un lieu qui est assez près de Pise que on appelle Portouenere (a). Si feit sçavoir aux Pisains qu'il estoit là venu pour parler à eulx. Adonc veindrent vers luy les principaulx d'entre eulx , & grand peuple en leur com-

(a) Porto-venere.

paignée. Lors leur prit à dire le Mareſchal par amiables paroles, que il eſtoit bien courroucé de ce que ainſi s'eſtoient rendus deſobeiffans & rebelles à leur Seigneur, qui tant leur avoit eſté & eſtoit bon & amiable, & qui ſi cherement luy & ſa mere Madame Agnes les avpit aimez & gardez ſoigneuſement de tous encombriers à leur pouvoir, comme bon Seigneur doit faire ſes ſubjects, & encores avoit volonté de leur faire de mieulx en mieulx. Si ſe vouluffent adviſer & venir vers luy à miſericorde & à mercy, & luy amender ceſte grande offenſe; & il feroit tant vers luy que il les prendroit à mercy & leur pardonneroit leur maltalent: car pour mettre paix entre eulx eſtoit-il là venu.

En ceſte maniere les preſcha le Mareſchal, & moult leur diſt de belles paroles. Et quand il eut diſt, ils respondirent à brief parler qu'ils n'en feroient rien, & que plus ne vouloient de ſa Seigneurie: mais que ils le ſupplioient que luy meſme vouluſt eſtre leur Seigneur, & accepter & prendre la Seigneurie de Piſe & de tout le Comté: car luy ſeul avoient agreable, & non autre: car ils ſçavoient bien que par luy ſeroient gardez, portez & defendus, & que ſi prendre les

vouloit , ils luy obeiroient doucement , & loyauté , honneur & amour luy porteroient si loyaument comme bons & loyaulx subjects doivent faire à leur Seigneur , si ne voulust mie refuser cest offre que de bon cœur luy faisoient. Le Marechal respondit que jamais telle pensée ne leur veinst au cœur ; car ce n'estoit mie l'usage des François d'user de tels tours , & ne le feroit pour mourir : mais les prioit que ils le voulussent croire , & retournassent vers leur Seigneur , & feussent bons subjects & vrais obeissans , & que il leur promettoit que si ainsi le faisoient , il seroit leur amy , & leur aideroit , & les porteroit contre tout homme , tout en la maniere que s'ils feussent à luy proprement , & mesmement contre leur Seigneur , s'il luy venoit à connoissance que il voulust sur eulx user d'aucun tort. Que plus en diroye ? Les Pisains respondirent que pour neant en parloit , que jamais Messire Gabriel ne seroit leur Seigneur pour chose qui peust advenir ; & que ainçois tous se laisseroient destrancher. Mais puisque luy mesme ne vouloit estre leur Seigneur , & les prendre à subjects , ils le prioient que il allast à un chasteau qui sied sur la mer que on appelle Ligourne (a) , &

(a) La mer de Ligurie.

là est le port de Pise , & que là iroient à luy ,
& se donneroient au Roy de France tout en
la maniere que avoient faict les Genevois.

C H A P I T R E V I I .

Comment les Pisains feirent entendre au Marechal par feintise que ils vouloient estre en l'obeissance du Roy de France , & devenir ses hommes , & la mauvaiستی qu'ils feirent.

Quand le Marechal veid que pour prieres, ne sermon, ne belles paroles qu'il sceust dire aux Pisains, ne pour offre que il leur feist ne se vouloient desister de la mauvaise volonté que ils avoient vers leur Seigneur, & que remede n'y pouvoit mettre, ni aucun accord, il se partit de là : & manda vers luy le dict Messire Gabriel, & luy dit tout ce qu'il avoit trouvé vers eulx, & comment absolument luy avoient respondu que plus ne s'attendist d'avoir la Seigneurie de Pise : car ja n'y aviendroit. De ceste responce feut moult dolent Messire Gabriel, & le Marechal luy dit qu'il regardast ce qu'il vouloit faire de ceste chose, & que puis que ainsi estoit que il n'y avoit remede que jamais il en joiüst, & ils se vouloient donner au Roy de France,

que mieulx vauldroit que le Roy les eust que autre Seigneur estrangier, considéré que luy mesme luy en avoit faict hommaige. Toutesfois, que il ne vouloit mie que on peult dire que le Roy voulust s'attribuer les terres & Seigneuries de ses vassaulx, seaulx & subjects.

Et pource, si de sa bonne volonté & accord se demettoit de la Seigneurie de Pise & de tout le Comté és mains du Roy, & luy transportoit son droit, que il le feroit recompenser de aultant de terre & de Seigneurie, & de revenu aultre part. Et de ce que il se chargeoit de ceste chose, feut d'accord & bien content Messire Gabriel. Et parce le Marechal alla au chastel de Ligourne, comme les Pysains luy avoyent dict, en intention que là veinssent à luy pour ~~le~~ donner au Roy, & qu'il en receust d'eulx les hommaiges. Mais eulx qui oncques ne l'eurent en pensée, & qui ne taschoient que à mauvaistié, & toute trahison & decevance, comme apres bien le monstrent, avoient pris autre conseil, & luy dirent quand ils feurent devers luy, que avant que ils se donnassent au Roy ils vouloient que les gens de Messire Gabriel, qui estoient en une forte place de la cité de Pise, que on nommoit la citadelle, vuidassent, &

que le Mareſchal l'eueſt en ſa main , & que lors ils feroient ce qu'ils avoient diſt. Et ainſi luy promirent & jurerent de faire ſans nulle decevance.

Et le Mareſchal encores leur agreea ceſte choſe , & en ſeit tantost aller les gens qui tenoient la dicte citadele , & la ſeit garnir des ſiens , deſquels ſeut chef Meſſire Guillaume de Muillon. Mais pour ce que les vivres y eſtoient ja comme faillis , Il ſeit charger une galée & une grande barque de tous vivres. Et avec ce , pour plus renforcer la garniſon de la fortereſſe , envoya avec ſon propre nepveu le Barrois (a) , & la plus grand part de Gentils-hommes de ſon hoſtel , & auſſi ſoiſon de Gentils-hommes & de citadins de Genneſ : & menoient avec eux une grande partie des meubles & des habillemens du corps du Mareſchal qui y penſoit aller , & deux mille eſcus en or que il envoyoit aux gens de Meſſire Gabriel , afin qu'ils ſe teinſſent pour contents & bien payez , & plus volontiers delivrassent la place , ne plaindre ne ſe peuſſent. Et ainſi ſe partit du port la dicte galée & la barque , & cuidoient aller en terre d'amis , & de nul encombrer ne ſe donnoient garde. Mais quand ils ſe feurent boutez en la riviere de

(b) Des Barres.

Pise, & ja feurent arrivez pres de la citadele, les desloyaux Pisains, qui bien les avoient advisez, s'assemblerent : mais ce feut coye-ment, qu'ils ne les apperceussent, & se meirent en embusche.

Et quand nos gens eurent pris port, & feurent tous descendus en terre, sans avoir quelconque doubte de nul, ainçois cuidoient que si les estrangers les venoient assaillir, que les Pisains qu'ils reputoient amis & à qui oncques n'avoient mesfaict, les veinssent ayder, il alla tout aultrement; car ils leur veindrent courir sus plus de six mille. Et accourut là tout le peuple à grand cry & à grand fureur, disant grandes vilenies du Roy de France, du Marechal & des François, & comme chiens enragez les environnerent, dont nos gens se trouverent moult esbahis, car en piece ne l'eussent pensé. Si prirent, batirent navrerent & tuerent aucuns, & menerent en obscure & vilaine prison. La galée & la barque pillerent, & pour plus les injurier prirent la banniere du Roy de France qui sur la galée estoit, & l'allerent traïnant au long des boïes, & marcherent & cracherent sus, disans, comme dessus est dict, tres-grandes vilenies du Roy & des François. Et en faisant ce vilain exploit, venoient par devant la

dicte citadele à tout grande proceſſion de peuple pour faire deſpit aux gens du Mareſchal, tant François que Genevois, qui là dedans eſtoient, que ils alloient menaçant, & diſant que ainſi feroient-ils d'eulx. Si faiſt icy à noter leur grande trahiſon & mauvaiſtié : car oncques le Mareſchal ne les ſiens ne leur avoient meſſaiſt, ains leur avoit faiſt maints biens; car les Florentins ſi toſt que ils avoient ſceu que ils eſloyent en diviſion avec leur Seigneur leur voulurent courir ſus, & ils les en avoit gardez ja par deux fois, & les deſloyaux plains d'ingratitude le ſçavoient bien, & comment tousjours avoit tendu à leur bien, ſi luy en rendoient mauvais guerdon.

C H A P I T R E V I I I ,

*Comment le Mareſchal ſe travailloit tousjours
que ceulx de Piſe ſe donnaſſent au Roy de
France.*

Quand les deſloyaux Piſains eurent faiſt ceſt exploit, ils doubterent l'ire du Mareſchal, & que il leur vouluſt courir ſus pour les deſtruire, comme bien l'avoient deſſervy, & que faire le vouloit. Mais pour diſſimuler & couvrir leur mauvaiſtié, & pour en faire

encores une plus grande, envoyèrent des principaulx d'entre eulx en ambassade devers luy, lesquels luy dirent que pour Dieu il ne se voulust mie courroucer contre eulx, & que ce qui avoit esté faict oultrageusement & à leur grand tort, que ce avoit faict le menu peuple sans le consentement des principaux, & qu'ils estoient tous prests de luy en faire telle satisfaction & amende qu'il sçauroit demander, & que ils estoient bien d'accord de eulx donner au Roy, comme ils avoient promis.

Le Marechal qui ainsi les oüit parler, ne voulut mie user envers eulx de grand rigueur, pour ce que il tendoit tousjours que il peust tant faire que il les teint subjeûs du Roy. Si leur dict que voirement tant avoyent meffaiât que plus ne pouvoient, & plus luy pesoit de ce que le Roy avoient injurié, que de luy, ne de ses gens : mais que au fort tout leur seroit pardonné ; mais que ils se donnassent au Roy, ainsi que promis avoyent. Et ils dirent que si feroient-ils sans faillir. Si retourneroient par son bon congé dèvers les autres citoyens de Pise, leur dire la benignité qu'ils avoient trouvée en luy, & qu'ils veinssent là pour du tout confirmer la chose. Mais que pour Dieu ils le prioient que pendant

ce traité il ne voulust aucunement proceder rigoureusement contre eulx , Et il leur promet que non feroit - il. Et à tant partirent les desloyaux , qui tout ce ne faisoient que pour le tenir en paroles , pour tandis mettre à fin le desloyal exploict où ils tendoient ; car au temps que ce traité duroit , de toute leur puissance assailloient la citadele de jour & de nuict d'engins de traité , & de canons.

Et plus grande mauvaiſſié firent ; car chascun jour à force d'engins jectioient en la forteresse plus de cent cacques plains des ordures de la ville , de poisons , de charognes pourries , & de toutes punaïſſies. Si feirent grands fossez entre eulx & la citadele , & la separerent de la ville. Et pource que elle sied à un des bouts de la cité , comme faict le chasteil de la Bastille Saint Anthoine à Paris , ils les enfermerent du costé des champs à fossez & bastilles que ils fortifierent , afin que ils ne peussent avoir secours. Et ainsi les assiegerent de toutes parts , & s'efforçoient sans cesser de les prendre par force. Mais ce n'estoit mie legere chose ; car moult est la place forte. Et avec toutes ces choses , bien faisoient garder tous les passaiges , afin que le Mareſchal n'en peust avoir nulles nouvelles. Plus grande trahison voulurent encores bastir &

faire; car ils envoyèrent leurs Ambassadeurs à Florence garnis de belles lettres de puissance de pouvoir donner à la dicte Seigneurie de Florence quatre chasteaux, lesquels ils voudroient prendre & choisir en leur Seigneurie de Pise, & avec ce les affranchir de toutes les marchandises que ils feroient jamais en leur Seigneurie, mais que ils voulussent aller à toute leur puissance avec eulx mettre le siege devant chastel de Ligourne, où le Marechal estoit, & leur Seigneur Messire Gabriel avec luy, & faire tant que ils sceussent pris & livrez à eulx.

Mais à ceste chose ne voulurent point les Florentins se consentir. Et en ces entrefaites que ils bastissoient ceste chose, les Ambassadeurs de Pise retournerent devers le Marechal, afin que il ne s'apperceust de rien de ce que ils faisoient; afin que ils peussent tandis que ils le tiendroient en paroles, prendre la citadele, & aussi trouver voye s'ils pouvoient de l'assieger à Ligourne. Si luy dirent que les Pisains estoient tousjours bien d'accord de eulx donner au Roy comme ils avoyent promis: mais ils vouloient que aincois qu'ils s'y donnassent, que le Marechal leur baillast & delivrast trois chasteaux en leurs mains, c'est à sçavoir la citadelle, le

chastel de Ligourne, & celui de Librefaïde, que tenoit encores Messire Gabriel en sa main. Et le Marechal leur respondit adonc que voulez-vous faire de la citadele ? Et ils respondirent, nous la voulons raser par terre, & tenir les autres deux chasteaux en nos mains. Quelle Seigneurie ce dist le Marechal aura doncques le Roy sur vous, ne quel pouvoir auroit-il de justicier les mauvais & de les punir ? Nous ne voulons ce dirent-ils que il y ait autre Seigneurie fors que le nom d'en estre Seigneur. Peu de chose, ce dist le Marechal, seroit au Roy celui tiltre, mais donnez-vous y comme ceulx de Gennes ont fait, ou ainsi que vous vous donnastes à Messire Girard de Plombin, duquel le Duc de Milan eust depuis la Seigneurie & le tiltre.

Adonc respondirent les Pisains une fois pour toutes que rien n'en feroient, & à tant se departirent. Si veid bien & apperceut le Marechal que leur fait n'estoit fors toute tromperie, & que pour le mener à la longue l'avoient ja tenu en paroles l'espace de vingt deux jours. Et Messire Gabriel qui voyoit que tout ce n'estoit que decevance, prit à traicter avec les Florentins de leur vendre Pise & tout son droit du Comté. Mais le Marechal

qui tousjours y avoit la dent, encores se voulut mettre en son debvoir de s'essayer avant que aux Florentins aucune vendition en feust faicte. Si envoya six des plus notables de la ville de Gennes devers eulx, pour leur remonstrer & dire qu'ils ne se voulussent pas eulx-mesmes destruire ; car leur Seigneur estoit en paroles de les vendre aux Florentins , lesquels ils sçavoient bien que point ne les aimoient , & qui mal les traicteroient , si se advisassent bien , & se donnaissent au Roy comme ils avoyent promis , & grand bien & profit leur en viendroît , si vivroient en paix & à leur.

Tandis que ces Ambassadeurs estoient allez à Pise, les Florentins envoyerent au Marechal la coppie des lettres du pouvoir que les Pisains avoient baillées aux Ambassadeurs de Pise, pour faire tant avec les Florentins que ils allassent assieger le Marechal à Li-gourne, comme dict est. Et ce mesme jour eust messaige & nouvelles de son nepveu le Barrois , & des autres prisonniers, comme vilainement estoient traictez , & que on les avoit mis à rançon, & que pour Dieu, nonobstant que la rançon feust assez grande , que il les voulust delivrer de celle chartre : car

ils estoient à grande souffreté & peril de leurs corps.

De ceste chose feut moult dolent le Marechal , & bien luy estoit manifeste la grande trahison & mauvaistié des Pisains. Et si ne feust que il avoit ja mandé en France au Roy & à son Conseil que ceulx de Pise s'esloyent donnez à luy, il n'eust pour rien tant attendu de leur courir sus , & de leut monstrier leur trahison & mauvaistié. Mais il aimoit plus tost souffrir que les envieux, dont bien sçavoit que assez en avoit en France & ailleurs, peussent dire que le Roy eust par son arrogance perdu sa Seigneurie. Si ordonna tantost de la delivrance des prisonniers. Et les mesfaigiers Genevois qui feurent envoyez à Pise n'y feirent rien : ains leur respondirent les Pisains telles paroles. De tout ce que vous requerez nous ne ferons rien , & ne nous en parlez plus , mais faictes mieulx , ostez la Seigneurie à vostre Roy , & tuez Boucicaut & tous les François , & vivez en Republique comme nous , & soyons tous unis comme freres vous & nous , & vous ne ferez que faiges. Ceste responce rapporterent les dicts Ambassadeurs, qui autre chose n'en peurent tirer.

CHAPITRE IX.

Comment le Marechal dit & manda aux Pisains que s'ils ne se donnoient au Roy leur Seigneur, les vendroit aux Florentins.

Le Seigneur de Pise qui veid que il n'y avoit plus d'attente que les Pisains se consentissent à vouloir estre subjects du Roy, prist adonc fort & ferme à continuer son traicté avec les Florentins de la vendition de Pise, c'est à sçavoir de leur transporter son droit entierement. Si pourparlerent tant ceste chose, que ils feurent d'accord ensemble pour quatre cens mille florins que les Florentins debvoient bailler à Messire Gabriel. Mais toutesfois les Florentins vouloient tout avant œuvre que le Marechal consentist, jurast & agreast cest accord, ou autrement marché nul.

Si le veint dire Messire Gabriel au Marechal, & luy requist que il luy rendist la citadele que il tenoit encores, laquelle il luy avoit juré & promis de luy rendre sans contredit, au cas qu'il ne seroit d'accord avec les Pisains, si ne le pouvoit ny debvoit refuser. Le Marechal respondit que il luy tien-

droit sans faillir ce qu'il luy avoit promis ja n'en doubtaſt. Mais quand eſtoit de accorder les convenances qu'il avoit faiſtes avec les Florentins de la vëndition de Piſe, jour de ſa vie il ne ſeroit d'accord que le Roy perdiſt ſa Seigneurie, dont luy-meſme luy avoit une fois faiſt hommaige, & eſtoit entré en ſa foy. Et que il vouloit veoir les lettres de l'accord & des convenances qu'il avoit faiſtes avec les Florentins, & il dit que volontiers les luy bailleroit. Et quand le Mareſchal les teint, & que bien les eut viſitées, il en envoya la coppie à Piſe, & manda aux Piſains que nonobſtant toutes les trahiſons & mauvailliez que ils luy avoyent faiſtes & voulu faire, ſi avoit-il grand pitié du grand meſchef qui leur eſtoit à advenir, & de leur deſtruction, où eulx-meſmes par leur follie ſe ſichoient. Et que pour eulx adviſer leur envoyoit la coppie du traidé qui eſtoit ja tout conſommé & parfait entre leur Seigneur & les Florentins, auquel il ne s'eſtoit pas encores voulu conſentir. Afin que Dieu, ny le monde ne le peuſt accuſer que il n'eueſt ſuffiſamment faiſt ſon debvoir de les bien adviſer avant que ils feueſſent deſtruits.

Si les admonéſtoit derechef que ils ſe donnaſſent au Roy comme ils avoient promis,
&

& il les jetteroit hors de celle tribulation, & les mettroit en paix, & que ceste fois pour toutes leur disoit. Car plus ne pouvoit dilaier ne empescher la dicte vendition; & que si alors ne l'accordoient, deux jours après passez jamais plus n'y pourroient advenir. Car il luy convenoit consentir la chose, & promis avoit à leur Seigneur que il s'y consentiroit, au cas que ils ne se voudroient donner au Roy, si le tenoit de si près de sa promesse que plus reculer ne pouvoit. Si feussent certains que quand il l'auroit consenty, juré & promis, que jour de sa vie n'iroit au contraire. Si deliberaissent à ceste fois ce que faire en voudroient. A ceste chose respondirent les Pisains que brief & court rien n'en feroient, & que plus on ne leur en parlaist.

CHAPITRE X.

L'accord qui fut fait entre le Marechal & les Florentins du fait de Pise.

Adonc voulut parfaire Messire Gabriel son traité avec les Florentins : mais le Marechal s'y opposa, & dist que il ne consentiroit point que autres eussent la Seigneurie de l'heritaige dont une fois avoit esté fait

hommage au Roy, & que plusloft il feroit bonne guerre aux Pisains, & les conquerroit par force. Quand Messire Gabriel veid ce, il se conseilla avec les Florentins. Si conclurent un tel appointement ensemble, que afin qu'il s'y consentist les dicts Florentins deviendroient hommes & feaulx du Roy de la Seigneurie de Pise, tout en la maniere que l'estoit Messire Gabriel. Et quand ainsi l'eurent appointé, ils le veindrent dire au Marechal, lequel leur respondit, que quelque chose que il accordast, ils feussent leurs que jour de sa vie ne consentiroit que le chasteil de Livourne issist hors de ses mains, ne alast en Seigneurie estrangere. Car ce seroit au prejudice des Genevois, desquels il devoit garder & accroistre les jurisdiction & puissance. Mais au surplus il y penseroit, & le lendemain retournassent.

Adonc va dire Messire Gabriel qui là estoit, que dès-lors desja vouloit & se consentoit, & belles lettres luy en feroit, que quelque marché que il feist avec les Florentins, ou à aultre, que le dict chasteil de Livourne feust nuëment & absolument au Marechal. Car tant avoit pour luy travaillé & fait de bien, que assez l'avoit desservy. Et iceulx respondirent que pour celle cause

il n'y auroit debat entre eulx. Celle nuit pensa le Marechal à ceste chose, & advisa que au fort par celle maniere que ils luy avoient offert le Roy n'y perdoit rien; ains y gagneroit. Car il auroit pour une puissance & Seigneurie deux, c'est à sçavoir Pise, voulsissent les Pisains ou non, & les Florentins avec, qui moult est grande puissance, qui seroyent par cest accord hommes du Roy.

Si delibera que il s'y accorderoit, mais que ils voulsissent encores luy conceder & octroyer aulcunes choses que il leur requerroit. Esquelles requestes le bon Chrestien n'oubloit point sa mere Sainte Eglise, de laquelle tousjours & sans cesser en avoit à cœur la paix & union, comme dict est devant.

Le lendemain quand ils feurent retournez vers luy, il leur dict que à ce dequoy ils luy avoyent parlé s'accorderoit assez, c'est à sçavoir que les Florentins teinsent Pise, la citadele, & toutes les appartenances du Comté, excepté le dict chastel de Livourne, & que ils en feissent hommaige au Roy, & deveinsent ses hommes liges : mais que ils voulsissent accorder, promettre, jurer, & eulx obliger, que à tousjours & à jamais ne

feroient marchandise sur mer, fors sur les naves & vaisseaux de Gennes, & des Genevois.

Item, que un mois après que ils auroient gaigné la Seigneurie par force, ou autrement, ils se declareroient pour nostre Saint Pere le Pape, & feurent chargez d'y faire obeir les dicts Pisains.

Item, que six mois après la dicte conqueste, si l'Esleu de Rome estoit encores en son erreur, & y voulust perseverer, que ils feussent obligez de luy faire guerre avec les François & Genevois, si mestier estoit, & si on les en requeroit, & manifestement se monstraissent ses ennemis.

Item, que posé que ils luy accordassent toutes ces choses, que il vouloit que la maniere de leur accord & traité feust envoyée en France au Roy & au Conseil, sans lequel assentement il ne vouloit point passer la chose, ne que ce feust du tout à sa charge, & que ce debvoient-ils bien vouloir. Car si la chose estoit passée par le Roy & par son Conseil, plus grande seureté à tousjours seroit pour eulx. Et que s'ils se vouloient tenir à cest accord, que il se faisoit fort de leur en faire avoir lettres passées & seellées du

Roy & de son Conseil, & de Nosseigneurs de France.

Quand le Mareschal eust tout dict, les Ambassadeurs de Florence dirent que ils iroient sçavoir la volomé sur ces choses de leur Seigneurie, & puis retourneroient luy dire la responce. A brief parler ils retournerent à tout lettres de puissance de pouvoir passer le dict accord que ils agreoient entierement. Si fut là Messire Gabriel, & bien cent des plus suffisans Gentilshommes & citadins de Gennes, que le Mareschal y avoit faict venir : car il vouloit que ils feussent presens, & que la chose feust faicte par leur accord & bon vouloir. Si fut adonc la chose du tout accordée, jurée & promise à tenir entre eux, sans jamais aller à l'encontre, & belles lettres passées, seellées & certifiées au gré des parties.

C H A P I T R E X I.

Comment le Marechal envoya par escript au Roy de France, à Nossseigneurs, & au Conseil, l'accord qu'il avoit faict avec les Florentins du faict de Pise; lequel le Roy & Nossseigneurs agréerent par leurs lettres. Et comment depuis par feintise les Pisains se voulurent donner au Duc de Bourgogne.

Le dict accord faict & passé, tantost le Marechal l'escrivit au Roy, à son Conseil, & à Nossseigneurs les Ducs, & manda par escript toutes les clauses & la maniere des convenances, en suppliant au Roy, que au cas que par son Conseil seroit veu que le dict accord luy feust bon, profitable & honorable, & que nos dicts Seigneurs l'eussent agreable, que il luy pleust le ratifier & confirmer par ses lettres, seellées & passées par son Conseil, presens les dicts oncles, desquels il requeroit aussi avoir les certifications & verifiement par leurs seaulx autentiques, à celle fin que la chose feust stable & ferme à tousjours, & sans que jamais nulle des parties repentir se peust, ne desdire le dict accord.

Quand ces nouvelles feurent venues au Roy, fut en Conseil regardée la chose. Si fut par le Roy, par nos dicts Seigneurs & tous les saiges moult loüé le Mareschal, de sa prudence & de son sçavoir, qui si saige maniere avoit tenuë que il avoit amené au Roy deux Seigneuries pour une, qui moult pouvoit estre chose valable à ce Royaulme, grand honneur & grand bien pour l'Eglise, & profit pour la Seigneurie de Gennes. Et pour toutes ces choses, & les autres biens que le dict Mareschal avoit achevez & achevoit chascun jour par son grand sçavoir, moult le loüerent, & grand gré luy en sceurent, & ainsi l'agréerent. Si confirma le Roy la chose par ses lettres patentes, tout en la maniere que le Mareschal l'avoit accordé, & Nosseigneurs pareillement, qui tous jurerent de n'aller jamais à l'encontre, & ainsi le certifierent par leurs scelez. Et feurent les dictes lettres de certification envoyées au Mareschal, qui tantost les bailla aux Florentins, qui grand joye en eurent, & pour contents s'en teindrent.

Toutes ces choses faictes, tantost & sans delay les Florentins envoyerent le vidimus des lettres de leur achapt aux Pisains, & leur manderent que ils obeissent à leur Seigneu-

rie, comme faire le devoient, comme apparoir leur pouvoit, ou ils leur meneroient guerre, & par force les conquerroient. Si leur seroit de tant plus dur, comme plus rebelles les auroient trouvez. Les Pisains de tout ce ne seirent compte, ains respondirent que rien n'en feroient, & que qui guerre leur feroit, bien & bel se defendroient, & qu'ils ne craignoient ame. Adonc fort & ferme les Florentins les assaillirent & coururent sus, & en peu de jours moult les endommaigerent. Et de faict assiegerent Pise; & les Pisains moult bien se defendirent, si que n'estoit mie legere chose à les conquerir.

Quand la guerre eut duré ja plus d'un an, les Pisains qui bien voyoient que au dernier tenir ne se pourroient contre la force des Florentins, & de leurs aydes, voulurent pour avoir secours, user de cauteles & malices que autresfois avoient faict. Si envoyerent leurs messaigers à Lancelot, qui se dict Roy de Naples, & luy manderent qu'ils se donneroient à luy, mais que il les veint secourir à grande armée, & lever le siege qui les tenoit enclos. Il respondit que si feroit-il sans faulte. Et par l'esperance que il leur donna se teindrent plus forts. Mais ce

fut en vain : car autre occupation le destourna ; si qu'il n'y peut venir ny envoyer. Et tousjours alloit affoiblissant la force des Pisains , & estoit merveilles comment tenir se pouvoient ; car plus de deux ans avoient ja souffert celle pestilence , où on leur livroit souvent de durs assauts. Si preindrent moult à diminuer : car la famine de dedans fort les destraignoit , & la guerre de dehors mal les menoit. Si ne sçavoient quel tour prendre : car ils disoient que plustost se donneroient aux Sarrafins si faire le pouvoient , ou que tous plustost mourroient que ils se rendissent aux Florentins. Si voulurent derechef user de leurs cauteles , en esperance de faillir par celle voye hors du meschef qui les contraignoit.

Adonc envoyerent leurs Ambassadeurs en France garnis de belles paroles , & manderent au Duc de Bourgogne (a) que ils se donnoient à luy entierement : mais que il les vouldst secourir contre les Florentins , & faire tant que le siege feust levé. Le Duc n'accepta pas tost ceste chose , veu l'accord devant dict que il avoit agreeé , & ne debvoit aller à l'encontre. Parquoy les dicts Ambassadeurs qui assez sçavoient le tour de leur

(a) Jean sans peur.

baston, se retirerent devers aucuns des Conseillers du Duc d'Orleans frere du Roy, & largement leur promeirent, si tant pouvoient faire que aucun remede feust mis en ceste chose. Dont il s'ensuivit que par l'enhortement d'iceulx Conseillers, le dict Duc d'Orleans & le Duc de Bourgogne cousins-germains, se tirerent devers le Roy, & le prirent que il leur voulust donner licence d'accepter icelle donation, & leur transporter tel droit qu'il y pouvoit ayoir. A bref parler tant l'en timonnerent, que luy qui envis rien n'eust refusé à son frere, & aussi conseillé par aucuns de ce faire, le va octroyer. Parquoy tantost & sans delay ils escrivirent à ceulx de Florence que ils se departissent du siege, & se deportassent de plus guerroyer les Pisains. Pareillement ils escrivirent au Marechal que plus ne donnast confort ne ayde aux Florentins, ains aydast de toute sa puissance à ceulx de Pise qui à eulx s'estoyent donnez, & feist tant par force qu'il levast le siege.

Quand le Marechal entendit ceste chose il feut moult esmerveillé, veu l'accord qu'ils avoyent agreeé, & que luy-mesme avoit juré & promis de non aller à l'encontre. A laquelle chose, comme preud'homme qu'il est,

pour mourir ne se voulut parjurer, ne aller contre son seellé. Si respondit que ce ne pouvoit-il pas faire sauf son honneur. Si n'estoit pas legere chose de forçoyer contre si grand puïssance comme estoit celle des Florentins. Car moult y conviendrait grand foison de gens d'armes, dont mal estoit garny pour l'heure, & grande finance d'argent pour telle chose entreprendre. Si conviendrait que par especial à ces deux choses pourveussent, s'ils vouloient la chose encommencer, pour en venir à leur intention. De leurs lettres les Florentins ne teindrent compte, ny ne se deporterent de la guerre, ains procederent de plus en plus, nonobstant que plusieurs Capitaines & François se departissent du siege, & de l'ayde des Florentins, pour non encourir le mal-talent de nos diés Seigneurs. Et à brief parler, tant continuerent la guerre, que plus ne se pouvoient les Pisains tenir, qui souvent envoioient en France requerer secours; mais c'estoit parce que plus n'en pouvoient, & on les secouroit de lettres envoyer aux Florentins que ils se departassent, ou ils encoureroient leur ire. Mais tout ce rien n'y valoit, ains s'en mocquoient, & disoient que c'estoit jeu d'enfant d'octroyer & puis vouloir retollir, & que ainsi n'iroit

mie. Et n'estoit pas grand honneur à la maison de France telle variation, comme d'aller contre ce qui estoit promis & seellé.

Ainsi arguant, tant continuèrent la guerre les Florentins, que ils veinrent à chef de leur emprise, & par force preindrent la cité de Pise, & entrèrent dedans malgré les Pisains, nonobstant que le Roy à l'insligation de nos dicts Seigneurs les eust envoyez defier pour celle cause. Si pouvons dire & penser qu'il en est aux Florentins de tenir ou non les convenances du susdict traité; puis que le Roy avoit revocqué l'accord fait avec eulx, & depuis sont venus à leur intention. Ainsi & par ceste maniere que j'ay racomptée au vray, qui que autrement le voudroit dire, fut commencé & terminé le fait de Pise subjuguée par les Florentins.

C H A P I T R E X I I .

Comment Nosseigneurs les Ducs d'Orleans & celuy de Bourgogne sceurent mauvais gré au Marechal, pource qu'il n'avoit esté en l'ayde des Pisains contre les Florentins.

De ceste chose ont sceu mauvais gré nos dicts Seigneurs d'Orleans & de Bourgon-

gne au Mareſchal , & eulx & leurs adhe-
rans en ont parlé en le blaſmant. Et pource
pluſieurs gens qui ne ſçavent point le faiſt
au long , en parlent & ont parlé à l'ad-
venture comme on faiſt de maintes choſes
ſans ſçavoir la verité ne les cauſes de la choſe,
& ont diſt que par ſon deffault nos diſts
Seigneurs ont perdu la Seigneurie de Piſe ,
qui ſeroit une belle choſe à avoir pour eulx.
Mais vrayement ils veulent tourner à blaſme
ce de quoy grand honneur luy appartient , &
ſi aultrement euſt faiſt , reproche ſeroit à
luy ; car homme qui va contre ce que par
deliberé ſens & bon loyal conſeil a une fois
accordé , juré & promis , encourt reproche
d'inconſtance & deffault de foy.

Ce que nos diſts Seigneurs en ont diſt &
faiſt , & le mauvais gré qu'ils luy en ont
ſceu , je tiens fermement qu'il n'eſt venu de
leur premier mouvement ; mais d'aulcuns fla-
teurs envieux d'entour d'eulx , comme aſſez
de telles gens a en Cour communément ,
qui bien voudroient trouver maniere s'ils
pouvoient de defadvancer la bonne fortune
& proſperité du Mareſchal ; mais ſi Dieu plaïſt
à ce n'adviendront ja ; car Dieu gardera ſon
ſervant , & iceulx deſcherront en leur ini-
quité. Si pouvez veoir & noter vous qui ce

livre lisez en ce pas cy, ou oyez, que hommie ne peult estre si parfaict, ne tant de bien faire & dire, qu'il puisse avoir la grace d'un chascun. Et tout ce vient par le vice d'envie qui court sur la terre.

(Le reste de ce Chapitre se réduit à des réflexions contre l'envie.)

CHAPITRE XIII.

Cy devise par exemples comment les bons sont communément enviez.

(Encore des reflexions inutiles.)

CHAPITRE XIV.

Cy prouve par exemples que on ne doit mie tousjours croire ne adjouster foy en paroles & opinion du peuple.

(Même inutilité dans ce Chapitre.)

CHAPITRE XV.

Cy dit comment le Marechal par la vaillance de son couraige entreprit d'aller prendre Alexandrie. Et des messaigers qu'il envoya pour ceste cause au Roy de Cypre.

En l'an mille quatre cent sept le bon Marechal, qui ne pense à autre chose fors

Comment tousjours augmenter & accroistre le bien de la Chrestienté, & l'honneur de Chevalerie, advisant la grande pitié & honte aux Chrestiens que les Sarrafins soyent Seigneurs & subjuguent les nobles terres d'oultramer, qui deussent estre propres heritaiges des Chrestiens, si mauvaistié & lasche couraige ne les destournoit de les aller conquerir, luy va venir une haulte emprise au couraige. C'est à sçavoir que faisable chose seroit & assez legere qui l'oseroit entreprendre, & par bon moyen, que la cité d'Alexandrie, qui tant est noble & de grande renommée feust prise & ostée des mains des Sarrafins : laquelle chose s'il advenoit seroit grand honneur aux conqueteurs, & tres-grand profit à toute la Chrestienté.

Si. proposa que en ceste chose mettroit corps, chevance & pouvoir, & une saison y employeroit, plus long temps si mestier estoit. En ce temps estoit venu à Gennes un Ambassadeur de la part du Roy de Cypre, le tres-noble & reverend Messire Raymond de Lesture, Prieur de Thoulouze, & Commandeur de Cypre, homme de grand honneur, faige, preud'homme, & expert en toutes choses. Si pensa le Mareschal que il se decouvriroit à luy de ceste chose, tant pour

en ouïr son bon advis, comme pource que il avoit hanté le pays & grand piece frequenté avec les Sarrafins en la dicte ville d'Alexandrie. Si le pourroit adviser d'aucun bon point. Et comme le Marefchal a de coustume de ne rien entreprendre sans premierement y appeler le nom de Dieu; & son ayde, alla un jour en pelerinaige à une devote Eglise qui est à une lieüe de Gennes, que on appelle nostre Dame la couronnée, & manda le Prieur de Thoulouze. Et apres la Messe qu'il feist dire à grande solemnité, luy descouvrit le dict secret & toute son intention de ceste chose; de laquelle le dict Prieur feut tres-joyeux, & moult l'en reconforta. Et dit que sans faillir par ce que il luy pouvoit estre advis estoit chose tres-faisable, & que luy mesme volontiers y ayderoit de son corps, de gens & de chevance; car l'emprise estoit agreable à Dieu, profitable à la Chrestienté, & tres-honorable à qui s'y employeroit. Si fut de ceste chose encores plus reconforté le Marefchal.

Et quand toute la maniere de ce faire eut bien advisée & tout deliberé en son couraige, & advisé ceulx qui propices & bons luy sembloient pour descouvrir ceste chose, & envoyer en ambassade là où convenable luy sembloit,

sembloit, comme fera dit cy apres, il les fait appeller, c'est à sçavoir un tres-noble & notable Religieux de l'Ordre de Saint Iean, appellé frere Iean de Vienne, & son Escuyer Iean de Ony cy dessus nommé. Et leur dit toute son intention, & leur devisa ce qu'il luy plaisoit que ils feissent. Mais pour ce que memoire ne peut bonnement toutes choses que les oreilles oyent si enclore en soy que retenir les puisse, afin que rien n'oubliaissent de leur commission, leur bailla par bel memoire escripte la maniere que il vouloit que ils teinsent. Laquelle dicte instruction & memoire, affin que rien ne s'y adjoust du mien, comme elle veint de luy, celle mesme par articles, comme elle m'a esté baillée, ay incorporée & mise cy endroit, comme il s'ensuit.

« C'est l'instruction de toutes les choses que nous Iean le Maingre dict Boucicaut, Marechal de France, avons donné en commission de poursuivre par nous és lieux cy apres declarez, le septiesme jour du mois d'Aoust, 'en l'an de nostre Seigneur mille quatre cent sept, à vous noble Religieux frere Iean de Vienne, Commandeur de Belleville, & à vous Iean de Ony, nos tres-
seaux & bien aimez,

Premierement voulons & vous enjoignons que ceste chose teniez secrete sur toute chose, par telle maniere que personne quelconque appercevoir ne le puisse, & à nul soit decouverte fors au Roy de Cypre vers qui vous envoyons, & à aulcun de son Conseil. Pource que si apperceüe estoit, nous pourroit tourner à destourbier. Et que vous partis de nous, au plaisir de Dieu, avec la charge que nous vous commettons & ordonnons, pour accomplir nos desirs, comme ceux en qui spécialement nous nous fions, que mettiez toute diligence & peine de à vos pouvoirs l'accomplir, selon la forme & maniere de vostre instruction. Et supposé que vous avons tres-bien informez des besongnes selon nostre volonté, lesquels sçavons bien que vostre bon sens les aura tres-bien en memoire, & que les mettrez à effect tres-diligemment selon vos pouvoirs; neantmoins pour vostre seurreté, & afin que ayez plus parfaite memoire de nous & de nostre plaine intention, vous baillons par escript ce qu'il nous plaist estre par vous accompli au dict voyage.

Tout premierement vous en irez à Venise, & là prendrez vostre passaige jusques à Rhodes. Si nous plaist bien que là puissiez demeurer de huit à neuf jours, si bon & expen-

dient vous semble, & visiterez Monseigneur le Grand Maître de Rhodes, auquel nous recommanderez, & aux autres Seigneurs, & de nos nouvelles leur direz, l'estat de par deça, & que la cause de vostre allée est pour aucunes besongnes qui bien nous touchent, c'est à sçavoir pour les joyaux du Roy de Cypre qu'il bailla en gaigé aux Genevois au temps que nous feusmes en Cypre, pour recompense de trente mille ducats de despens que les dicts Genevois avoyent fait en l'armée de Famagouste, laquelle ville le Roy cuida usurper & tollir aux dicts Genevois, & par la paix & accord que nous feismes la rendit, & s'obligea à la dicte somme de deniers pour nos frais. Et luy dictes la forme & la maniere que nous avons tenuë avec le Prieur de Thoulouze, & la somme de deniers que luy avons baillée pour rachepter les dicts joyaux au nom du Roy. Et en cest espace de temps vous pourvoyez de navire pour vous porter en Cypre, & si par adventure ne le trouvez; vous prierez de par nous le dict Monseigneur le Grand Maître qu'il luy plaise le vous faire avoir.

Estans partis de Rhodes, quand il plaira à Dieu que soyez en Cypre, tout droict vous en irez à l'hostel de Saint Jean en Nicosie, &

par le Lieutenant du Prieur de Thoulouze ferez sçavoir au Roy de Cypre vostre venuë, & quand luy plaira que luy alliez faire la reverence. Et de luy oüye la responce, & venus en sa presence, nous recommanderez à sa Seigneurie. & à Messieurs les freres, puis luy baillerez nos lettres de creance. Et quand son bon plaisir sera d'oüyr vostre creance, priez-le de par nous que ce soit si secretement que nul fors que luy entendre le puisse, ne s'en donner de garde. Et vous mesmes soyiez bien advisez que si secretement soit que ne puissiez estre entendus.

Et tout premierement le priez de par nous tres à certes que les choses que luy aurez à declarer veuille bien tenir secretes, pour les perils qui s'en ensuivroient, & pour son propre honneur & exaussement. Apres commencerez vostre narration, en disant que la bonne renommée qui en France & par tout le monde court desja de ses grands bienfaits, des belles envahies qu'il a par plusieurs fois faites sur les Sarrafins, & chascun jour fait, en s'efforceant de les grever, en quoy comme il appert n'espargne corps, vie, ne avoir, par tres-grande diligence, le fait tenir aujourd'huy un des jeunes Princes du monde qui le plus bel commencement a, & qui plus fait à louer.

Parquoy on espere que il veult & a désir d'ensuivre en hault honneur & pris de Chevalerie ses tres-nobles predecesseurs, qui tant acquirent de los en terre par les merites de leurs vertus, & des grandes guerres & nobles emprises que ils feirent en leurs propres personnes contre les mescreans, & ennemis de la foy de Iesus Christ, qu'à toujours mais avec les vivans sera memoire de leurs grands bontez & vaillance. Et pource nous qui desirons de tout nostre cœur l'honneur & exaucesment de son noble Estat & Seigneurie: pour laquelle chose voudrions exposer corps & avoir, par plus grande affection que pour Prince qui vive, apres la personne du Roy de France & de nos Seigneurs de son sang, pour les dicts grands biens qui sont dicts de son bel & bon gouvernement és terres voisines, & en toute part desirans d'estre cause que tousjours sa belle jeunesse continuë de mieulx en mieulx, avons advisé une haulte & noble emprise digne de memoire à tousjours mais, & de souverain los pour luy, si Dieu par sa grace la donnoit venir à bonne fin, ainsi que elle est bien faisable, si à ce luy plaist entendre.

Et pour ceste cause, c'est à sçavoir pour luy annoncer la chose que avons bien discutée

en nous mesmes avant que delibérée l'ayons, laquelle nous semble agreable à Dieu, & profitable à toute Chrestienté si Dieu la donne achever, vous avons envoyez devers sa Royale Majesté. Et adonc vous envoyez de par nous descouvririez au dict Roy de Cypre tout le dessein que pris avons sur la prise de la cité d'Alexandrie. Et tousjours bien luy notez & repliquez si mestier est où il escherra, que pour ce que nous voyons sa bonne volonté, voulons employer nostre propre personne, & celle de nos parens, amis, & serviteurs, en sa compaignée, avec nostre chevance. Et que à ce faire nous meuvent quatre principales raisons.

La premiere est, pour le pur amour de nostre Seigneur, voulons nous employer à son service, & le bien & exaußement de Chrestienté. La seconde pour acquerir merite à nostre ame. La tierce, pour ce que nous voudrions estre cause, comme dict est, que sa force & sa belle jeunesse s'employast à tout bien faire : parquoy los à tousjours luy en demeure. Et la quarte, pour la cause qui doibt esmouvoir tout Chevalier & Gentilhomme que son corps incessamment employe en la poursuite d'armes, pour acquerir honneur & renommée. Et apres ces choses

dictes , pour mieulx animer & accroistre le desir du dict Roy à entendre à celle chose , luy monstrerez par bonne maniere comment Dieu luy monstre grand signe d'amour, quand il luy met en main si haulte chose , sans grand coust de sa part , mais le plus aux depens & labeur d'autrui. Et que s'il le refusoit, peur debvroit avoir que Dieu s'en courrouçast, & que aussi jamais nul n'auroit fiance que de grand & hault couraige feust ne entreprenant ».

CHAPITRE XVI.

Encore de ce mesme, de l'instruction que le Marechal bailla à ses Ambassadeurs de ce que dire debvoient au Roy de Cypre.

« Apres que vous aurez dict bien & bel ordonnément toutes ces choses au dict Roy de Cypre, vous prendrez bien garde au changement de son visaige , mesmement quand vous parlerez à luy; car par ce vous pourrez adviser si la besongne luy plaira, ou non, & par ce pourrez estre plus advisez de parler. Et s'il vous demande comment se pourroit faire ceste entreprise sans qu'il feust sceu, & où seroit prise si grand finance

comme il y conviendroît. A ces deux choses vous respondrez , en luy demonstrent comment il pourroit faire son armée en son pays, tenant maniere que ce feust pour la guerre que il a au Souldan, & nous prest au temps & au terme que luy mesme vous diroit. En telle maniere que quand nous luy ferions sçavoir nostre venuë montast sur mer, se partist, & feist semblant de venir à Rhodes. Et adonc luy ferions au devant à Chastel rouge , & là nous assemblerions, & partirions à tout nostre ost au nom de Dieu tout-puissant, & tiendrions nostre chemin vers Alexandrie.

Et aussi feroit bien au faict , que il trouuast maniere d'envoyer secretement un Cyprien ou un Armenien demeurer au dict lieu d'Alexandrie , par lequel il sceust toutes nouvelles , & feist à croire à ce-luy mesme que ce feroit pour la guerre qu'il a au dict Souldan, & ceste voye seroit bonne. Et quand à la mise qu'il y conviendroît, luy direz que nous sçavons bien que soustenir ne pourroit si grands charges & despens que feirent ses predecesseurs, par lesquels la dicte cité feut autrefois prise, mesmes de nostre aage; car trop a esté du depuis le pays grevé. Et pour ce tout ainsi que le vou-

lons ayder de nos personnes & de gens, semblablement nous plaist le faire de nostre chevançe. Et affin que il voye & sçaiche que ceste chose avons bien en tous les points advisée, nous semble que pour ce faire telle quantité de gens d'armes suffiroit, toutesfois selon nostre advis, lequel remettons tout en sa bonne ordonnance & discretion.

Tout premierement mille hommes d'armes de bonne estoffe, mille varlets armez, mille arbalestriers, deux cent archers, deux cent chevaux, sans ceulx que nous prendrions par delà. Item de navire cinq grandes naves, deux galées, & deux galées huissieres, garnies de vivres pour six mois. Apres ces choses dictes, vous luy pourrez dire la despense qu'il convient, laquelle n'est pas grande selon l'effect, & peult monter environ cent trente deux mille florins. Les deux galées & les deux dictes huissieres valent de naule pour mois cinq mille florins, qui monte pour quatre mois vingt mille florins. Les mille arbalestriers valent pour mois cinq mille florins. Les deux cent archers valent pour mois mille florins, qui monte pour quatre mois quatre mille francs. Les mille hommes d'armes, avec les mille varlets, & les deux cent chevaux, valent pour mois douze mille florins; sont pour

quatre mois quarante huit mille florins. Item pour les vivres dix mille florins , & pour l'artillerie & autres habillemens nécessaires dix mille florins. Somme pour toutes choses cent trente deux mille francs. Laquelle finance conviendrait toute avoir en la ville de Genes, qui feust preste environ le mois de Decembre prochain venant, affin de faire les provisions comme il appartiendrait, nonobstant que toutes ne seroient mie prises à Genes, mais en plusieurs lieux, affin que la chose ne peust estre imaginée. Et conviendrait que la dicte armée partist de par deça environ le mois d'Avril.

De ceste dicte finance que mettre hors conviendrait voudrions de bon cœur payer nostre part ; mais veu & considéré que ceste chose viendra tout à l'honneur & renommée du dict Roy , nous semble que bien est droit que à tout le moins en paye la moitié , qui seroit en somme soixante six mille florins. Et encores au cas qu'il ne pourroit fournir à ceste dicte somme, payast soixante mille. Mais besoing seroit que le plutost que faire se pourroit que on les eust à Genes : car le mieulx seroit tost que tard. Et encores s'il n'avoit toute la dicte somme preste à temps , que au besoing on le supporteroit jusques à ce

qu'il feust retourné en son pays jusques à la somme d'environ dixhuit ou vingt mille florins : mais que faulte n'y eust que lors on les trouvaist prests. Et sur ce point dire au Roy comment Monseigneur de Thoulouze , qui tant l'aime, & desire loyaument le bien, l'honneur & exaultement de sa personne, loüe ceste chose plus que autre chose du monde, auquel il pourroit envoyer fiablement la dicte finance ; & mesmement si le Roy ne l'avoit, le dict Monseigneur de Toulouze en feroit finance au nom du Roy par deça , ayant de luy le commandement & puissance : car de ce faire pour l'autorité de luy est suffisant, & de plus grande chose, si mestier estoit.

Ainsi & par ceste forme direz au dict Roy de Cypre. Et s'il repliquoit que il eust aucune doubte d'aucun de son Royaume , pourquoy pourroit estre peril pour luy à aller hors , respondre luy pourrez que il mene avec luy tous ceux de qui doubter se pourroit. Item , s'il disoit qu'il sçait bien que les Genevois ne l'aiment mie, si se douteroit de la quantité des Genevois qui viendroient en la dicte armée. Responce, que les gens d'armes, varlets & archers qui seroyent de France, seroyent tous à son commandement & obeissance, de ce ne seist nulle doubte. Et s'il advenoit que

le Roy feust bien d'accord de ceste chose , & que il voulust y mettre plus grande mise du sien , & plus grande quantité de gens d'armes & de navire qu'il n'est devisé : dire luy pourrez que de tant que plus y mettroit , de tant prendroit-il plus en butin , & raison seroit : car qui plus y mettra , plus prendra. Par ceste maniere direz toutes les choses sus escriptes au Roy de Cypre ; & du surplus que il escherra à dire , si mestier est , nous en attendons à vostre bonne discretion ; & tenons à fait & dict ce que vous en ferez ».

C H A P I T R E X V I I .

Cy devise la grande chere & belle responce que le Roy de Cypre fait aux Ambassadeurs du Marechal.

Tel que j'ay devisé fut le Memoire de la commission baillée du Marechal au Commandeur de Belleville , & à Jean de Ony , envoyez au Roy de Cypre , pour l'emprise d'aller prendre Alexandrie. Lesquels deux Ambassadeurs se partirent de leur Seigneur , & à brief dire tant exploitèrent de leur erre , que ils arriverent au dict pays de Cypre , où ils parfournirent bien & bel & saigement leur

ambassade, tout en la maniere que commis leur estoit. Si nous convient dire la responce que on leur fist.

Le Roy de Cypre si tost qu'il sceut la venue des Ambassadeurs, tantost les envoya querir, & à tres-grand honneur & chere les receut. Et quand il eut assez demandé de l'estat & santé du Marechal, & de l'estre de Gennes, & qu'il les eut à certains jours oüy parler tout au long, respondit à joyeulse chere en telle maniere, & par moult belles paroles. Comment il debvoit bien remercier Dieu qui si grand grace luy donnoit, que si noble & haulte entreprise luy estoit annoncée de si vaillant homme que estoit le Marechal, & que il appercevoit bien la grace, amour, & affection que il avoit à luy & à son advancement, & le desir que il avoit que luy qui estoit jeune, & encores de petit sens & vaillance, se peust avancer en pris & los, & que il y paroïssoit bien, quand luy-mesme en personne, ses amis & son avoir y vouloit employer. Si ne le pouvoit assez loüer ne remercier à la centiesme partie de ce grand benefice, ne jamais faire chose qui y peust suffire. Et que moult avoit grand joye de ceste chose, laquelle estoit notable & de grande entreprise, & pour ce ne se

devoit encomencer sans grand advis & deliberation. Si penseroit sans cesser la voye & la maniere comment seroit le meilleur d'en faire, & tost & en bref leur en rendroit si bonne responce, que son honneur y seroit, & que pour contents s'en tiendroient, & que ils feissent bonne chere, que tres-bien feussent venus, & que si rien leur failloit que ils prissent le sien comme le leur propre.

Adonc luy demanderent les Ambassadeurs si c'estoit son plaisir que un de son Conseil qui nommé estoit *Perrin le jeune*, que il moult aimoit, sceust ceste chose. Car au cas que il luy plairroit, ils luy bailleroient unes lettres que le Marechal luy avoit escript de ceste besongne : car il sçavoit que le Roy l'aimoit moult, & se fioit en luy. Si respondit qu'il luy plaisoit tres-bien.

Les dictes lettres presentées de la part du Marechal à iceluy, & la chose descouverte, & tous les points monstrez comme au Roy avoient fait, feît semblant que de ceste besongne eust une merveilleuse joye. Et sur tout remercioit le Marechal de toute son affection de ce qu'il luy en avoit daigné escrire, & que il luy plaisoit que il le sceust. Si y tiendrait si bien la main, en monstrant

au Roy que comment que il feust ne feust refusant à si grand offre, que on s'en aperceveroit bien. Ne demeura gueres après que le Roy arraisonna les dicts Ambassadeurs, & leur prit à compter l'achoisson que il avoit eüe de faire guerre au Souldan, & que avant la guerre il souffroit ses gens marchander, & aller & venir en sa terre & pays paisiblement, jusques à ce que Messire Raimond de Lesture, Prieur de Thoulouze, & Commandeur de Cypre, fut detenu en Alexandrie, & mené au Kaire. Pour laquelle detenuë & encombrer il escrivit au dict Souldan que il le voulust delivrer, & moult luy recommanda, desquelles lettres ne feit nul compte, ne rien n'en feit. Parquoy, ce dict le Roy, quand je veis cela, considerant que j'avois faict autres fois aux siens de grandes courtoisies, je fus moult indigné, & poursuivis tant qu'il en feut hors moyennant vingt cinq mille ducats que il paya. Et après en despit de ce envoyay deffier le dict Souldan, qui peu de compte en teint. Si envoyay tantost une galée courir sur le pays du dict Souldan, qui moult grand dommage luy porta, & prit la plus belle nave que ils eussent chargée de marchandises.

Et ainsi pays gasant, & prenant proyes,

alla ceste galée courir contremont le fleuve du Nil bien quinze milles. Parquoy j'aperceus leur lascheté, & depuis leur ay porté maint dommaige, dont je remercie nostre Seigneur Dieu qui a voulu que j'aye eu achoison de leur faire guerre, & affin que je les prise & doubte moins, m'a donné cause de les congnoître avant que l'emprise que annoncée m'avez me-veint entre mains. Car je fais moins de compte d'eulx cent mille fois que devant ne faisoie, & plus les essaye & moins les redoubte. Car des plus lasches & plus foibles, encores qu'ils soyent grand nombre, les trouve, tant que je veoie bien que pour multitude de gens que ils soyent, on ne les doit accompagner à un peu de bonnes gens. Si congnois bien que nonobstant que soye pecheur, & non digne que Dieu m'aime, qu'il veult qu'en moy soit relevée & renouvelée la renommée de mes vaillans predecesseurs, qui ceste mesme entreprise acheverent, ausquels de tout mon cœur je desire ressembler. Et Dieu m'en doint la grace. Car quant est du coust & mise je n'en fais compte, ne de quelconque autre peine,

CHAPITRE XVIII.

Cy devise comment le Roy de Cypre s'excusa vers les messaigers du Marechal de non aller sur Alexandrie.

Sur ceste forme & manière parla au commencement de leur venuë le Roy de Cypré aux dicts Ambassadeurs du Marechal. Mais avant que gueres de jours passassent après, il ne se parforçoit pas moult de leur tenir compte de la dicte besongne. Parquoy ils peurent bien appercevoir que autre conseil l'avoit desmeu, & que celuy Perrin dessusdict, à qui les lettres de par le Marechal avoient baillées, n'avoit pas bien tenu ce qu'il leur avoit promis. Si commencerent à solliciter le Roy que responce absoluë de son intention leur voulust bailler : car ja avoyent assez demeuré, & ainsi plusieurs fois luy dirent, & luy aucunes fois leur faisoit responce, qui leur donnoit esperance que il y voulust bien entendre. Mais il disoit que il y convenoit grand regard, pour la chose qui estoit moult pesante. Et autres fois faisoit responce assez froide, pour les doubtes que il y mettoit.

Toutesfois tant le solliciterent, que le

vingt quatriefme jour d'Octobre, l'an dessus dict, leur feit absoluë responſe, qui fut telle. Il diſt que ſans faillir depuis leur venuë, n'avoit ceſſé de penſer à celle beſongne, comme à la choſe en ce monde à quoy il deſiroit plus entendre. Mais ~~que~~ moult luy eſtoit grieve, & de grand poids pouvoit bien eſtre, pour ſa petite congnoiſſance. Car ce qui ſeroit paradvanture leger à une autre, & de briefve deliberation à un Saige, eſtoit un grand travail & obſcur penſement à luy pour ſon jeune aage, qui excuſoit ſon petit ſens. Et pour ce avoit conclu, nonobſtant que il ſçavoit bien que ſon tres-cher & eſpecial amy le Mareſchal l'avoit imaginé & penſé pour ſa tres-grande vaillance, & luy avoit annoncé loyaument pour ſon bien & advancement, que il n'y entendroit mie pour ceſte fois. Et que à ce le mouvoient trois principales raiſons. L'une eſtoit le tres-grand peril où il ſe mettroit de laiſſer ſon pays, veu & conſideré les Turcs qui luy ſont voiſins, qui ſont gens de grande puiſſance, qui pourroient tandis courir ſon pays, & par advanture l'en deſheriter. Combien que de ce premier point ſe departiroit aſſez legèrement. Mais quant au deuxieſme, que il doubteroit plus la guerre couverte que la guerre

ouverte. Car il ſçavoit bien que luy party de ſon pays, il y en avoit maints par adventure que on cuideroit qui feuffent ſes meilleurs amis, leſquels ne ſe faindroient mie de luy tollir ſa Seigneurie, & ainſi pourroit perdre le ſeur pour le non ſeur.

La tierce raiſon eſtoit pour le doubte que il avoit des Genevois, qui de longtems l'avoient ſi mal traité, comme chaſcun pouvoit ſçavoir, & pis luy euſſent fait, ce ſçavoit-il bien, ſi ne feust ſon bon amy le Mareſchal qui les en avoit gardé. Et que ainſi ces trois principales raiſons, avec leurs dependances, c'eſt à ſçavoir le doubte du fait de guerre, dont nul ne peut ſçavoir la fin, fors Dieu, ne à qui la victoire en fera, luy font ſembler la choſe trop perilleuſe & douteuſe pour luy. Et veu meſmes que le Mareſchal ne ſeroit mie à Gennes, qui garder peult les dictſ Genevois de luy porter dommage. Et que ce n'eſtoit mie par faulte de couraige, ne laſcheté, ne de petit deſir de n'y vouloir entendre, mais ſeulement pour les ſuſdictes doubtes. Car feust le Mareſchal certain que la choſe ne luy partiroit du cœur jour de ſa vie, quoyque pour le preſent n'y entendist. Mais que au plaifir de Dieu mettroit toute peine de diſpoſer tellement & de

longue main ses besongnes , qu'encores un temps viendrait qu'il y entendrait. Et que il prioit le dict Marechal, en qui il avoit fiance sur tous les hommes du monde, que il ne voulust departir son cœur de ceste chose, ains luy pleust l'ayder à se preparer & ordonner, comme il le pouvoit bien faire. Si que eulx deux peussent encores user leurs vies ensemble au service de nostre Seigneur. Et que il luy pleust le reputer & tenir à fils. Car quant à luy il le tenoit pour pere, & par son bon conseil se vouloit gouverner. Et pour conclusion, que il se reputoit tant tenu à luy de ce que tel soin avoit de son bien & advancement, & des grandes offres que il luy faisoit, que jamais meriter, remercier, ne guerdonner assez suffisamment ne le pourroit. Et à tant se teut le Roy, & les dicts Ambassadeurs prirent congé de luy, & au plus tost que ils peurent s'en retournerent à Gennes vers le Marechal, & tout luy racompterept ce que trouvé avoyent.

C H A P I T R E X I X.

Cy parle du faict de l'Eglise, & comment le Marechal voulut empescher le Roy Lancelot que il n'allast prendre Rome.

En la maniere dessus dicte le bon Maref-

chal a employé son aage & tout son temps en bien faire perseveramment de mieulx en mieulx. De laquelle chose n'est encores lassé, ny ne fera toute sa vie, si comme on peut par raison penser : car le Proverbe commun lequel est vray dit : *La bonne vie attraiñt la bonne fin*. Si ne pourroye racompter toutes les choses belles & notables en faicts & dictz que il a faictes, & continuellement & par chascun jour & heure faict & sont par luy terminées : car tant en y a que c'est un abyfme. Si me passe seulement de dire grossièrement & en general ses principales emprises, & les adventures qui luy adviennent, & où il se treuve ; afin de continuer mon propos, qui est de monstrier sa grande vaillance, pour ce que ce peut estre un exemple à tout noble Chevaleureux qui oüir le pourra, d'estre bon en faicts & en mœurs. Si ay racompté cy-dessus comment entre les autres bons desirs & nobles faicts que il avoit en volonté, estoit son intention & est par grande affection de travailler à la paix de sainte Eglise. Lequel desir nulle heure ne depart de son bon couraige, comme il le monstre par effect, comme celuy qui ne cesse à son pouvoir, & tousjours a faict. Mais la faulxe convoitise attifée & emflambée par l'ennemy d'enfer és

cœurs d'aucuns Prelats de l'Eglise, aveuglez par detestable & mauvaise detraction, & par male ambition & desordonnée avarice, ne souffre, quelque peine que le dict bon Marechal & les autres bons y mettent, terminer si tost la chose, ne tirer à bon effect, (*Nous supprimons ici une page d'exclamations ridicules contre les ambitieux*).

Mais à venir à nostre propos de monstrier comment le bon preud'homme, dont nous parlons, c'est à sçavoir le Marechal, met toujours toute peine à tirer à fin d'union; pource que toutes choses ne se peuvent dire ensemble, comme dict est, adveint comme assez de gens le sçavent, que nostre Pape d'Avignon & celuy esleu de Rome, (tant y avoit travaillé le bon Marechal, & plusieurs autres bons Seigneurs,) feurent tous deux d'accord ou feignirent estre, (car feintise voirement estoit ce, comme il y a paru,) de ceder. Si avoit chascun d'eulx promis que pour mettre l'Eglise de Dieu en paix il cederait, à condition que l'autre le voullust semblablement faire. Mais les faulx hypocrites, (tels se peuvent-ils par l'effect de leurs œuvres appeller,) s'entre entendoient bien. Car ceste malicieuse voye ont fait à sçavoir entre eulx, pour se excuser chascun.

sur son compaignon , disant : *mais que il cede, je cederay*. Et semblablement respond l'autre. Et ainsi est la fable du Ricochet. Car ils ont plus cher avoir ce morceau eulx deux , que un tiers y soit mis , & eulx deposez. Mais c'est le morceau qui les estranglera. Dieu avance l'œuvre.

Et ainsi par ceste voye passent & dissimulent le temps , & font muser en vain après eulx & leurs fallacieuses responses tous les Princes du monde. Et debvoit lors que le dict accord fut pris le Pape de la Lune (a) , dict d'Avignon , aller en un chastel appelé Portovenere , qui sied au bout de la riviere de Gennes , & celuy de Rome (b) debvoit aller en la ville de Lucques , qui est à une petite journée du dict chastel de Portovenere. Et là debvoient ordonner un certain lieu , auquel s'assembleroient pour renoncer au Papat , presente l'assemblée des Cardinaulx & du Concile general , à ce que eslection d'un seul Pasteur feust faicte par la voye du Saint Esprit , comme Dieu l'a ordonné.

Pour conclusion de ceste chose , tant feu-

(a) Pierre de Luna Anti-Pape , connu sous le nom de Benoît XIII.

(b) Gregoire XII , Vénitien , connu sous le nom d'Ange Corrare , & élu Pape sous condition en 1406.

rent timonnez du Marefchal & des autres bons, qui tendoient & tendent au bien de paix, tous les deux, que excufer bonnement ne fe peurent que ils n'allaffent és dicts lieux ordonnez. Mais leur venuë peu profita. Car à le faire brief, la conclufion feut telle, que la difficulté du lieu trouver où s'affembler debvoient feut fi grande, que ils n'en peurent efre d'accord. Et quand l'un vouloit une chofe, l'autre le contredifoit, & effisoit une autre voye, laquelle femblablement l'autre defnioit. Si s'entendoient bien les faulx damnez. Car il n'est pas doubte que entre eulx avoyent fait ceste faulfe conſpiration, pour abuſer le monde par telles fallaces, & ainſi feirent ſemblant de non pouvoir accorder. Et dire les cauſes de leurs frivoles excuſes, ſeroit long procès ſans neceſſité. Mais à dire en bref vrayement; tout ainſi que un diable eſt plus malicieux que l'autre, & ſ'entredeçoivent, nonobſtant qu'ils ſoyent compaignons, noſtre Pape de la Lune ſceut tenir telle voye & maniere, que de ce deſaccord bailla tout le tort à celuy de Rome, au dire de tous, tant d'un coſté que d'autre. Pour laquelle cauſe les Cardinaux de Rome le laiſſerent, & ſ'en allerent malgré luy en la cité de Piſe, & tant que il ne demeura

en toute Italie Seigneur ne terre qui le favorisast.

Parquoy quand il veid ce , envoya rëquerir au Rôy Lancelot de Naples que il le secourust , laquelle chose volontiers accorda ; en intention d'usurper & tirer à foy par celuy moyen & voye la cité de Rome & tout le patrimoine , comme il feit après , comme il fera dict. Si promet le dict Lancelot que il luy aideroit de tout son pouvoir par tout & contre tous. Dont pour ceste cause tant s'orgueillit le dict Pape de Rome , que du tout fut obstiné en son propos de non condescendre à la volonté d'un Concile general. Si alla tant ceste susdicte alliance de Lancelot avec l'Antipape de Rome , que ils traicterent entre eulx par leurs messaigers , que par certains moyens , comme dict sera , Lancelot prendroit la Seigneurie de Rome , par telle condition que quand il l'auroit , luy-mesme à si grande puissance que nul ne luy oseroit contredire , l'iroit querir à Lucques & l'emmeneroit. Et ainsi feut deliberée ceste chose.

C H A P I T R E X X.

De ce mesme , & comment Paul Ursin Romain meit le Roy Lancelot à Rome par argent qu'il receut.

Les nouvelles de la susdicte emprise , comment le Roy Lancelot debvoit favoriser & secourir le Pape de Rome , & comment son intention estoit de se parforcer de prendre la cité de Rome , veindrent aux oreilles du Marechal. De laquelle chose feut durement irrité. Car bien luy sembla que ce pourroit estre grand empeschement & empirement de traicté de paix au faict de l'Eglise. Et aussi moult luy pesa que la cité de Rome , qui doibt estre & est le droict patrimoine de l'Eglise , deust par telle tyrannie estre ravie & usurpée. Et par especial d'un si mauvais Chrestien comme il est , & ennemy du Roy de France , & si grand adverfaire du Roy Louys , cousin-germain du dict Roy de France. Si sceut comment le dict Roy Lancelot alloit ja à toute sa puissance par mer & par terre , pour y mettre le siege. Si feut moult en grande pensée de trouver aulcune voye que ceste chose feust empeschée.

Et quand il eut deliberé de ce qui estoit

le meilleur à faire, il appella un de ses Gentilshommes que il sçavoit vaillant, faige, bon & diligent, nommé Iean de Ony, duquel est parlé autrefois en ce livre. Si luy dit en ceste maniere. Vous vous en irez de tire à Rome, & parlerez à Paul Urfin, auquel me recommanderez, & de par moy luy direz, que luy qui est comme le chef & principal de Rome, & qui l'a en gouvernement, veuille monstrier par effect à ce grand besoing la loyauté, preud'homme & vaillance qui tousjours a esté en luy, & en ses nobles & anciens devanciers, si que de toute sa puissance & force il monstre la feauté & bon amour que il porte, comme il est tenu à la cité de Rome. En telle maniere que il ne veuille souffrir que elle soit ainsi contre droit & raison baillée, ne soufferte en mains estrangeres, & en Seigneurie de nouvel Tyran. Laquelle chose s'il advenoit seroit tres-grandement à l'empirement de l'honneur de la cité & des Romains. Et que s'ils ont esté & sont grands & de noble couraige, despriant sans servitude plus que gens du monde, à ceste fois le veuillent monstrier. Et que de ce je le prie tant comme je puis, & le fais certain & luy promets que s'il se tient hardiment, & s'il se deffend par grand vigueur

contre le dict Lancelot, si y aura grand honneur à tousjoursmais, & que je le secoureray à tout grand puissance sans nulle faulte dedans quinze jours.

Iean de Ony à tout ceste comission s'en alla batant à Rome, & avec luy par le commandement du Marechal un autre Escuyer bon & appert, nommé *le Bourc de Larca*. Si feit sa legation à Paul Urfin bien & saigement, tout en la forme & maniere que enjoit luy estoit. Et oüyes les paroles, à dire en brief ce que Paul Urfin en feit, il monstra semblant que moult estoit liez de ce que le Marechal luy mandoit, en disant qu'il l'en remercioit de bon cœur. Et que par faulte de couraige, & de mettre toute peine, diligence, corps, avoir, & vie, ne demeureroit mie que Lancelot ne trouvast grande resistance. Et que à Rome y avoit assez vivres pour cinq mois, & puissance pour souffrir tant que ils feussent secourus. Si mettroit grand soin que ils se teinssent forts contre le siege. De ainsi faire & tenir loyaument le jura & promet Paul Urfin à Iean de Ony, & que sans faulte deffendrait la cité hardiment jusques au dict terme, & tousjours à son pouvoir, attendant le dict secours. Et pour mieulx monstrier au Marechal la voye

que il debvoit tenir, luy-mesme figura de sa propre main la cité de Rome sur un peu de papier, & la cité d'Ostie qui là près sied, & la maniere & place où l'on pourroit combattre par mer le navire du Roy Lancelot. Aussi devisa l'ayde que il feroit au Marechal, bailla enseigne comment on le congnoistroit, & dict la maniere comment Lancelot pourroit estre desconfit par terre.

Toutes ces choses certifia à tenir le desloyal Paul Urfin, qui oncques rien n'en teint. Car deux jours après que le dict Iean de Ony partit d'avec luy, il meit luy-mesme le Roy Lancelot dedans Rome, moyennant vingt-six mille florins que il receut, & deux chasteaux. Et Iean de Ony, qui en piece n'eust pensé ceste mauvaisliè, s'en retourna devers le Marechal. Toutesfois il laissa son compaignon à Rome, c'est à sçavoir le susdict Bourd de Larca, pour faire sçavoir toutes nouvelles au Marechal, & pour tousjours solliciter Paul Urfin des susdictes choses. Mais en s'en retournant trouva la venuë du Roy Lancelot plus avancée que luy ny le Marechal ne pensoient. Car ja estoit le dict Roy à toute sa puissance par terre & par mer au siege devant la cité d'Ostie, qui sied à la rive du Tibre près de Rome. Et avoit en sa

compaignée par terre environ de huit à neuf mille chevaux, & deux cens hommes à pied. Et par mer avoit en navire sept galées subtiles, & deux grosses galées huissieres, & bien soixante dix barques chargées d'habillemens de guerre & de victuailles.

Ces choses veües & sceües, le dict Jean de Ony, qui veid le besoing de tost haster la chose, exploicta tant son erre, que en quatre jours feut de Rome à Portovenere. Auquel lieu trouva le Mareschal, qui après le rapport ne musa mic, ains meit telle diligence en la besongne, que le quatriesme jour d'après il appresta toute son armée, tant de gens d'armes, comme de naves, d'arbalestriers, de vivres, & de toutes choses à ce necessaires. Et celuy jour monta en galée. Si avoit en sa compaignée huit galées & trois brigantins, les mieux armées & fouraies de gens d'armes & d'arbalestriers que on peut veoir. Desquelles dictes galées avoit fait Capitaines ceulx de qui les noms s'ensuivent. Luy-mesme feut le Capitaine de la premiere nave. Dom Iames de Prades de la seconde. Jean de Lune, nepveu du Pape, de la tierce. Messire Girard de Cervillon, & le Mareschal du Pape, de la quatriesme. De la cinquiesme Frere Raimond de Lesture, Prieur de Thou-

louze. De la sixiesme le Seigneur de la Fayette. De la septiesme Messire Robert de Milly. Et de la huitiesme Iean de Ony. Si estoient en ceste compaignée entre les autres nobles & renommez gens, ceulx dont les noms cy ensuivent, Messire Guillaume Muillon, Messire Lucas de Flisco, Messire Gilles de Pruilly, Messire Beraut du Lac, Guillaume & Hugues de Tholigny, le Sire de Montpesat, Robert de Fenis, Capitaine de l'un des brigantins, Gilet de Grigny, Chabulé de Ony, nepveu du susdict Iean de Ony, & plusieurs autres, qui long seroit à dire.

A tout ceste belle compaignée se partit le Marechal. Mais comme Dieu le voulut pour son mieulx, tantost se leva un vent contraire, & un oraige si tres-grand, que nullement ne pouvoit aller avant, dont tout vif enrageoit. Et contre le vent par droicte force alla jusques devant Moutron : mais pour neant. Car la tempeste s'enforcea si tres-grande que il luy conveint tourner arriere. Et dura cest oraige par trois jours, De laquelle chose tant estoit dolent le Marechal que plus ne pouvoit.

Et ainsi en attendant tousjours que la tourmente cessast, pour le grand desir que il avoit de parfournir son emprise, ne souf-

froit que nul de ses gens ississent hors du navire, jusques à tant que le susdict Bourr de Larca, que le dict Jean de Ony avoit laissé à Rome, comme dict est devant, arriva, qui venu estoit à grand haste, & par maints perils. Lequel dict les nouvelles comment Lancelot avoit esté par Paul Urfin mis à Rome, comme dict avons devant. Laquelle chose moult pesa au Marechal. Mais tous ceulx qui avec luy estoient remercierent nostre Seigneur de l'oraige & tourmente qui les avoit empeschez d'aller plus avant. Car sans faillir si jusques là feussent allez, tous eussent esté trahis, morts & peris. Mais Dieu, qui tousjours defend les siens, garda adonc son servant le bon Marechal, qui demeura dolent & courroucé de ce qui advenu estoit. Mais ne defaillit mie pourtant en luy l'ardente volonté de tousjours travailler au bien & paix de Sainte Eglise.

Ains puisqu'il avoit failly à une de ses voyes, pour venir où il tendoit, c'est à sçavoir d'empescher celuy de Rome que il ne feust favorisé par la puissance de Lancelot, comme dict est, il prist à penser que il chereroit voye & maniere de tant faire par toutes les parties d'Italie qui au dict Pape de Rome obeissoient, que ils feussent advertis

• &

& congneussent les grands maulx & inconveniens qui à cause de l'erreur du dict Pape de Rome, & aussi de celuy d'Avignon, & par leur obstination, advenoit en la Chrestienté. Et à ce tant se peina, que il leur ouvrit les yeux de verité en ceste cause. C'est à sçavoir que bon seroit que un seul Pasteur feust esleu par sainte voye, & ces deux maudits deposez. Et semblablement feit tant par ses saiges & bonnes manieres, avec l'ayde de Dieu, vers tous les Roys, & les terres & pays qui au dict Pape de Rome obeissoient, comme en Angleterre, Alemaigne, & ailleurs, & pareillement de celuy d'Avignon, comme France, Arragon, Espagne, & autre part, que tous les Princes de la Chrestienté, & chascune puissance de pays mettroit peine à tendre à l'union, & que plus nul de ces deux ne seroit favorisé ny soutenu en son erreur.

Et ainsi par long travail, non mie tout en un jour, mais en l'espace de plus de-trois ans, (car trop y a à faire de ramener infinies opinions, & diverses faveurs à une seule,) a tant fait par son saige pourchas, que il est venu à ce que il tendoit. C'est que tous les Princes de la Chrestienté qui leur obeissoient, & toutes les terres & pays sont aujourd'huy

d'accord, & mesmement le Roy Lancelot ; (qui souloit favoriser celui de Rome, comme dict est,) que tous deux cedent, & un vray Pape soit esleu. Et chascun endroit soy y travaille. Et au cas qu'ils y soient contredifans, & ne aillent à la journée, qui pour ceste cause est prise à certain jour au mois d'Avril, en cest an mille quatre cens huit, en la cité de Pise, où le Concile general doibt estre assemblé, & eulx-mesmes y sont appelez, & ja de toutes parts y vont Prelats, & Ambassadeurs de tous les Princes & pays, (en laquelle chose France a grand honneur, le Roy & les Princes d'icelle, avec la noble Université de l'estude de Paris, qui grand peine & par longtems y a mis,) ils feront delaissez seuls comme heretiques damnez, mauvais & detestables, de tous leurs Cardinaux, de tous les Princes, & de toute gent, & leur sera ostée toute puissance, & punis s'ils peuvent estre tenus, & un nouvel esleu par le saint College, sans contraincte, en maniere deüe, par la voye du Saint Esprit.

Laquelle chose Dieu par sa sainte misericorde, veuille terminer briefvement, au bien & paix de toute la Chrestienté, comme mestier est. Car il n'est nul doute que à

cause de ce Schisme sont venus par l'ire de Dieu les maux qui depuis sont venus au monde moult merueilleux. Et en cest estat, & sous la forme que en brief je devise, est à cestuy jour dixiesme de Mars, mille quatre cens huit, le fait de l'Eglise; environ lequel jour doibvent partir pour aller au dict Concile les Envoyez du Roy de France, c'est à sçavoir le Patriarche d'Alexandrie, & autres notables Prelats, & nobles Clercs de la dicte Université de Paris, & mainte gent d'autorité. Si en lairray à tant, & diray des autres bien faicts du vaillant Chevalier en qui prenons nostre matiere.

CHAPITRE XXI.

Cy devise comment le Marechal en venant par mer de Gennes en Provence, combatit quatre galées de Mores, où grande foison en y eut d'occis.

Le bon champion de Iesus-Christ, c'est à sçavoir le Marechal, qui est de cœur, de volonté & de fait le vray persecuteur des mescreans, eut volonté d'aller en Provence veoir sa belle & bonne femme, & visiter sa terre. Si se partit de Gennes le vingtiesme

jour de Septembre, en l'an mille quatre cent huit, & monta sur la galée de la garde de Gennes. Et ainsi comme il alloit par mer, eût nouvelles que quatre galées de Mores estoient en son chemin. De ceste chose demanda advis aux vaillans hommes qui avec luy estoient, & que il leur sembloit qu'estoit bon à faire. Et ils respondirent que il estoit presque nuit, & que ils conseilloient que il demeurast ceste nuit à Porto Morice, & que il envoyast tout coyment sçavoir où ils estoient, & que le lendemain feist ce que bon luy sembleroit : mais que ils le prioient que sa personne descendit à terre, pour eviter tous perils; car trop grand meschef adviendrait s'il avoit mal ne encombrer, dont Dieu deffendre le voulust. De tout ce que dict avoient les creut le dict Marechal, excepté de descendre, & de ce ne les voulut escouter. Delà ne se bougea. Si eut environ minuit nouvelles que iceulx Sarrafins estoient en son chemin au plus près d'un chastel nommé Roquebrune, ne semblant faisoient de s'en aller. Oüyes ces nouvelles, quoy que chascun feist la chose moult perilleuse & douteuse, pour ce que grand foison estoient, le Marechal dit que pour ces Mores ne laisseroit son chemin : & se tourna vers ses gens & comme

en souffrant leur dit : *On y apperra de ce que vous sçaurez faire ; voicy bien à besongner. Mais es fortes besongnes acquiert-on le grand honneur.* Adonc pour leur aller courir sus prist à faire ses ordonnances. Cinquante arbalestriers prist sur sa galée , & ordonna par la dicté galée les lieux où il vouloit que ses gens combatissent.

Premierement coste luy pour combattre en pouppe , feurent les principaux ceulx de qui les noms icy s'ensuivent , Messire Choletton , le Seigneur de Montpesat , Guillaume de Tholoigny , Pierre Castagne , Messire Thomas Panfan , Genevois , & plusieurs autres Gentilshommes. Et pour combattre en proüe feit mettre Iean de Ony , Macé de Rochebaron , le bastard de Varanes , le bastard d'Auberons , & plusieurs autres. Et au long de la galée ordonna Louys de Milly , accompagné de plusieurs autres. Le matin se meit en son chemin au nom de Dieu le Mareschal , & droict sur l'heure de Vespres arriva au lieu où les dicts Mores avoient reposé , mais partis s'en estoient , & allez ancrer devant le port de Villefranche. Si teint vers là son chemin au plustost que il peut , tant que trouver les veint , comme une heure devant soleil couchant. Et adonc par grand signe de hardiesse,

faisant toute monstre de fier assault, courut à eulx, qui attendre ne l'oserent. Et tant feurent effroyez, que ils coupperent à grand haste les cables, & laisserent les autres. Et de tout leur pouvoir se meirent à fuir. Là feurent huez, en criant apres, & tant feurent poursuivis que on les ataignit devant la ville de Nice apres soleil couchant. Si feurent durement envahis. Et là feut faict de moult belles armes, & moult s'y esprouva bien chascun endroit soy.

Mais pource que long feroit à dire les faicts que chascun y feit, vous dis-je que l'œuvre loüe le Maistre. Car de tel randon y feurent heurtez les dicts Sarrafins, qu'en la propre place où acconsuivis feurent mourut de eulx de quatre vingt à cent, que la mer jecta le lendemain à terre. Et iceulx taschoient de fuir, mais de si pres estoient requis qu'espace n'en avoient, & non pourtant se mettoient à deffence par grande vigueur, & aux nostres fort lançoient. Et ainsi toute nuit dura entre eulx l'escarmouche, où le traict fut si grand, que de la galée du Mareschal feurent tirées sept grosses casses de viretons. Et le lendemain, ainsi tousjours escarmouchant allerent jusques devant le chastel de Briganson, auquel lieu le Mareschal veid la

nuist. Et les Sarrafins se retirerent en une Isle qui est devant le dict chastel, & à la minuiſt se partirent ſecretement, & teindrent leur chemin en Barbarie. Mais des leurs y perdirent plus de quatre cent hommes que morts que affolez, comme rapporterent les Chreſtiens qu'ils avoient pris, leſquels leur eſtoient eſchappez en la dicte Isle.

Et des gens du Mareſchal que morts que bleſlez y en eut dixneuf: mais moult eſtoient laſſez, & à bon droit, car ceſſé n'avoient de combattre ou eſcarmoucher une nuit & un jour. Si teint ſon chemin le Mareſchal, & veint trouver le Roy Louys (a) à Toulon, qui moult grand chere & honneur luy feit, loüant Dieu de la belle adventure qui advenue luy eſtoit. Et quand aſſez eurent eſté enſemble, & deviſé de leurs affaires & adventures, le Mareſchal prit congé, & vers ſa femme alla, qui à la plus grande lieſſe que ſon cœur pouvoit avoir le receut au chasteſ de Marargues, en plorant de joye.

(a) Louis II du nom, Duc d'Anjou, Comte de Provence, & Roi titulaire de Naples & de Sicile.

C H A P I T R E X X I I .

Cy devise comment Messire Gabriel Marie, Bastard du Duc de Milan, cuida usurper au Roy la Seigneurie de Gennes, & comment il eut la teste couppée.

Diët vous ay cy devant comment Messire Gabriel, bastard du premier Duc de Milan, vendit la cité de Pise aux Florentins, & comment le Marechal à toutes ses besongnes luy avoit esté amy, voire si amy luy avoit esté, que par maintes fois luy avoit sauvé la vie, & gardé de faim, & de maints autres encombriers. C'est chose vraye. Mais iceluy Gabriel mauvais & desloyal, comme il y parut, luy en cuida rendre si petit guerdon, comme de se parforcer de usurper au Roy & soustraire la Seigneurie de Gennes comme par moy vous sera devisé. Il est vray que quand iceluy Messire Gabriel eust faicte la dicte vendition de Pise, il alla demeurer avec le jeune Duc de Milan & le Comte de Pavie ses freres, qui benignement le receurent. Et à brief dire, quoy que ils le traictassent amiablement comme frere, il se porta si mal vers eulx, que il attira tant de gens vers soy, par ses tromperies, que il osa faire la guerre à ses dicts freres.

Et de faict se bouta en une forte place de Milan, que on dit la citadelle, & la teint par force, en cuidant pouvoir forçoyer contre eulx. Mais sa presumption le deceut ; car il conveint au dernier que par necessité de vivres & par force famine il se rendist. Laquelle chose feut sauve sa vie. Et le Duc de Milan pour celuy messaiet le bannit à certain terme, & le confina à aller demeurer en la cité d'Ast, qui est au Duc d'Orleans. Laquelle chose jura & promet. Mais de ce serment se parjura, & feit tout le contraire. Car il s'en alla au pays de Lombardie devers Facin Kan, qui est un grand tyran, & meneur de compaignées de gens d'armes, ennemy de Dieu, & de nature humaine ; car tous maulx, occisions & dommaiges font & ont esté par long temps par luy faicts & executez.

Ce Facin Kan est ennemy du Roy de France, & tres-grand adversaire du Duc de Milan, & du Comte de Pavie son frere. Et se teint le dict Gabriel en une cité que Facin avoit usurpée, laquelle se nomme Alexandrie de la paille, l'espace d'un an, en portant de tout son pouvoir mal & dommaige à ses dicts freres. En ces entrefaictes ne luy suffist pas celle seule mauvaisié, ains luy & son desloyal com-

paignon le dict Facin Kan vont machiner grande mauvaillié, si à chef l'eussent peu mestre. Mais Dieu de sa grace ne le voulut consentir. Ce feut que ils proposerent d'oster au Roy la Seigneurie de Gennes, y occire tous les François, & l'attribuer à eulx, ou au moins, si tout ce faire ne pouvoient, mettre la ville à sac, qui est à dire la courir & piller, & eulx en aller à tout la proye.

Ceste chose deliberée entre eulx, feirent tant que aucuns Guibelins feurent de leur accord. Si estoit telle leur intention que le dict Gabriel, qui tousjors avoit trouvé amitié & courtoisie au Mareschal, viendroît à Gennes devers luy, & demanderoit marque sur les Florentins pour aulcun reste de deniers que encores luy debvoient à cause de la vendition de Pise, & par celle voye, tandis que à Gennes seroit, pourroit adviser la maniere de mettre à fin cette entreprise. Ceste chose deliberée, manda au Mareschal que il luy pleust que devers luy veinst; laquelle chose il octroya volontiers. Mais non pourtant Gabriel, avant qu'il y veinst envoya demander au dict Mareschal un faufconduit, pource qu'il avoit demeuré avec Facin Kan, ennemy du Roy & des Genevois. Et il luy donna,

mais non pourtant pour faire dommaige en nulle maniere à luy ou à la dicte Seigneurie de Gennes. Et ainsi y veint Messire Gabriel, & le Marechal luy donna la marque que il demandoit, & le traïdoit aussi amiablement pour l'amour de son feu pere, comme si ce feust son frere. Et à ses depens y feut environ six mois, en monstrant signe de poursuivre la dicte marque, mais à autre chose pensoit; car c'estoit pour tousjours adviser son point, pour à son pouvoir parfournir sa trahison. Mais la faige prevoyance du Marechal ne luy souffroit avoir opportunité, ny espace.

Toutesfois pour entrer en son faict, avoit ja demandé au dict Marechal congé de passer huit cent chevaux par la ville & rivaige de Gennes, lesquels il vouloit mener de Toscane en Lombardie, pour certain sien affaire; comme il disoit. Lequel congé il luy avoit donné. Mais Dieu qui ja par tant de fois a gardé de mal & d'encombrier son servant le Marechal, ne voulut que plus feust ceste mauvaistié celée, laquelle feut par estrange maniere, descouverte en telle maniere. En celuy temps le Marechal faisoit tenir le siege devant un chaste! que on nomme Cromolin, que tenoit contre le Roy & la Seigneurie de

Gennes un mauvais rebelle nommé Thomas Malespine , qui estoit de l'entreprise de Gabriel & de Facin Kan. Adveint une fois entre les autres , comme Dieu le voulut que un autre Genevois qui estoit dehors au siege , prist fort à debatre avec celuy Thomas qui sur le mur du chastel estoit , en disant , que mal luy viendrait d'estre ainsi rebelle au Roy & à sa Seigneurie , & que mieulx feroit de se rendre , & donner obeissance , comme raison estoit.

A brief dire , grosses paroles eurent entre eulx , & s'entredirent de grandes vilenies , tant que le dict Genevois dit à celuy Thomas que il luy verroit couper la teste sur la place de Gennes. Adonc l'ire extrefine & le despit que le dict Thomas eust , le feit esslargir de paroles , selon la vanité de son couraige. Si respondit , & je te promets que avant que il soit gueres de jours tu me verras aller par entre les changes de Gennes. La parole que cestuy dict feut moult pesée des oyans , qui tantost penserent que jamais cestuy-cy n'auroit la hardiesse de se tant tenir , s'il n'avoit & esperance d'aucun. Si feut tantost tenu suspect le dict Gabriel , à cause de Facin Kan. Mais pour en sçavoir la certaineté , feut par secret Conseil ordonné une certaine quan-

tité de bons hommes d'armes, loyaux au Roy & à la Seigneurie, qui feurent envoyez sur les montaignes environ Gennes, pour prendre garde si nul messaige ne pourroit aller ne venir de Gabriel à Facin Kan.

Dont il adveint un jour, comme ils esloyent là en espie, que ils veirent venir un compaignon à cheval. Tantost coururent sur luy à tout dagues & espées nües, disans traistre tu es mort; car nous voyons bien à la devise que tu portes que tu es à ce faulx traistre Gabriel, qui est amy du Marechal que nous hayons sur tous. Car par luy sommes bannis de Gennes, si compareras le maltalent que nous avons à luy. Adonc celuy qui cuida que ils deissent vray, & que ils feussent des bannis de la ville, haineux du Marechal, leur dist que pour Dieu ne le tuassent pas, & que puisque ennemis du dict Marechal estoyent, telle chose leur annoncroit, que s'ils en vouloient estre participans, ils seroient tous riches.

Adonc iceulx faisant semblant que bien leur pleust ceste chose, luy tirerent de bouche toute l'entreprise, & comment il portoit lettre à Facin Kan de par Gabriel, que il avoit entre les semelles de ses souliers. Lors iceulx faisans accroire que ils le meneroient

saufement avec eulx, le menerent à Gennes. Dont il se trouva esbahy, & secretement fut examiné, & tantost recogneut toute la chose. Si feut pris Messire Gabriel, qui garde ne s'en donnoit, au Palais de la ville, auquel habite le Marechal, où s'estoit allé esbatre, pour adviser le lieu, afin de mieulx parfournir sa trahison.

Et à tant feut mené, que de sa propre bouche recogneut tout le faict. Et comment à certain jour Facin Kan debvoit venir à tout deux mille chevaux & trois mille hommes de pied devant les portes de Gennes, & crier vive partie Gibeline. Que adonc quand les gens du Marechal & les Genevois sortiroient dehors contre luy, Messire Gabriel à tout ses huit cent cent chevaulx debvoit faire semblant de faillir en leur ayde, & avec eulx contre le dict Facin. Mais il tiendroit la porte ouverte, pour donner lieu au dict Facin d'entrer dedans. Et que au cas que les Gibelins de Gennes se feussent voulu rebeller, ils eussent esté avec eulx si forts que tous les gens du Roy eussent tué. Et au cas qu'ils ne se rebellassent, que au moins courroient-ils la ville & la pilleroient, puis s'en iroient. Si eut apres cette confession Messire Gabriel la teste trenchée, comme il l'avoit bien desservy (26).

M É M O I R E S
O U
L I V R E D E S F A I T S
D U B O N M E S S I R E
J E A N L E M A I N G R E ,
D I T
B O U C I C A U T ,
M A R É C H A L D E F R A N C E ,
Q U A T R I E M E P A R T I E .

*Cy commence la quatriefme & derniere Partie
de ce livre, laquelle parle des vertus,
bonnes mœurs, & conditions qui sont au
Mareschal, & de la maniere de son vivre.*

C H A P I T R E P R E M I E R .

*Devise le premier Chapitre de la façon de son
corps.*

Or ay dit & racompté, Dieu soit loüé,
les faicts dignes de memoire jusques à au-
jourd'huy accomplis & tirez à chef par Mes-
sire Boucicaut, Mareschal de France, de qui

procède ceste Histoire, & comme on me les a baillez par memoires les ay mis par ordre au mieulx que j'ay sceu, & non mie si bien comme la matiere le requiert. Car à ce mon entendement n'est suffisant. Si n'en dirons plus à present, & irons à ses mœurs & conditions.

(Ici le Panégyriste prend la place de l'Historien, comme on le verra aisément à la seule inspection du titre des Chapitres, dont nous avons jugé à propos de conserver l'énoncé, en nous imposant la loi d'en extraire fidèlement le très-petit nombre de faits & anecdotes consignés dans cette dernière partie de l'ouvrage; qui n'est qu'une longue suite de réflexions morales, appuyées sur les exemples des Héros Grecs & Romains.)

CHAPITRE II.

Cy diâ de la devotion que le Marechal a vers Dieu en œuvres de Charité.

Moult volontiers aussi ayde à secourir Convents & Eglises, & fait reparations de Chapelles & lieux d'oraisons. Si comme il apert en maints lieux, & mesmement à Saint Innocent à Paris, auquel lieu par l'argent qu'il

qu'il a donné sont faits les beaux charniers
qui sont autour du cimetiere vers la drap-
perie.

CHAPITRE III.

*La règle que le Marechal tient au service
de Dieu.*

CHAPITRE IV.

*Comment le Marechal se garde de trespasser
la loy de Dieu & ses Commandemens, mes-
meinent en faict de guerre, & de la mesure
que il y tient.*

CHAPITRE V.

*Comment le Marechal est hardy & seur en
ses saiges entreprises.*

CHAPITRE VI.

*Comment le Marechal est sans convoitise, &
large du sien.*

Oncques en sa vie n'achepta ne acquist
Seigneurie, terre, ne heritaige, & mesme-
ment de ce qu'il a de son patrimoine peu
de compte en tient.

Ainsi ce bon Marechal dont nous par-
lons, qui vraiment tout ainsi que les an-

ciens appelloient les saiges Philosophes *Chevaliers de Sapience*, se peult bien appeller *Philosophe d'armes*.

CH A P I T R E V I I.

*Comment la vertu de continence & de chasteté
est au Marechal.*

.
Et vrayement Dieu a commis tout tel Gouverneur à Gennes comme il y convenoit. Car comme par delà ils soyent moult jalouse gent, ny n'ont desir que on leur aille desbaucher leurs femmes, de cestuy leur est bien advenu. Car plus de semblant n'en faict que si de pierre estoit, nonobstant que les Dames y soyent bien parées & bien attiffées, & que moult de belles en y ait. Et semblablement veult que ses gens s'y gouvernent, & si plainte luy en estoit venuë d'aucun, mieulx luy vaudroit n'y estre oncques entré. Car avec ce que il faict pour le bien de vertu, outre ce il veult garder l'amitié des Genevois, que il congnoist en leurs mœurs & coustumes. Si ne veult que ils ayent cause de eulx tenir mal contents de luy, ne des siens, pas seulement mesmes au regarder.

De laquelle chose j'ay oüy dire à un de ses

Gentilshommes que une fois entre les autres le Marechal chevauchoit par la ville de Gennes, si y avoit une des Dames de la ville qui au Soleil peignoit son chef, qui moult estoit blond & bel, comme par delà en sont communément curieuses. Si advint que un des Escuyers, qui chevauchoit devant luy, la veid par une fenestre, & va dire, *O que voilà beau chef !* Et quand il fut passé outre, encores retourna pour regarder la Dame. Et adonc le Marechal, qui le veid ainsi retourner, va dire : *C'est assez fait.* (a)

.

CHAPITRE VIII.

Comment le Marechal suit la reigle de Justice.

.

A Gennes court une telle generale parole entre grands & petits, quoyque ils ayent à faire ensemble : *Fay moy raison de toy mesme, ou Monseigneur me la fera.*

.

(a) L'Historien moderne de Boucicaut, racontant cette anecdote, met dans la bouche du Maréchal cette belle réponse : « C'est trop de liberté ; il ne faut pas » qu'on voye partir d'un Officier du Gouverneur de » Gennes le moindre regard lascif ».

C H A P I T R E IX.

Comment avec ce que le Mareſchal eſt Juſticier, il eſt piteux & miſericordieux Et preuve par exemples que ainſi doit eſtre tout vaillant homme.

Qu'il ſoit vray que pitié & miſericorde ſoyent en luy, bien l'a monſtré n'a pas grandement, que il luy veint à congnoiſſance que pluſieurs de ſes ſerviteurs, c'eſt à ſçavoir de ceulx qui avoyent le gouvernement de ſa deſpence le deſroboient, & avoient deſrobé bien de quatre à cinq mille francs, l'un plus, l'autre moins. Si feit tant qu'il en ſceut la verité, non mie par gehenne, ne par force, mais par faire prendre garde par bonnes gens que pouvoit monter chaſque jour ſa deſpence, à le prendre au large. Si fut trouvée clairement la mauvaiſtié. Mais le bon Seigneur ne voulut que aultrement en feuffent punis, ains leur feiſt bailler de l'argent tres-large-ment à chaſcun ſelon le temps que ils l'avoient ſervy, & courtoieſement leur donna congé. Et pour ce que ils diſoient que on pourroit avoir aulcun mauvais ſoupçon ſur eulx, pour ce que ils eſtoient congediez de ſon ſervice, il voulut que bonnes lettres euſ-

sent que ils estoient en la bonne grace, & que de son bon gré se partoient tant que il les remandaſt.

.
C H A P I T R E X.

De la belle éloquence que le Mareſchal a.

C H A P I T R E X I.

De l'ordonnance de vivre du Mareſchal.

.
Il ſe leve par chaſcun jour couſtumiere-
ment moult matin. Et ce faiſt-il, affin que
il puiſſe employer la plus grande partie de
la matinée au ſervice de Dieu, avant que
l'heure vienne que il doit vacquer aux au-
tres beſongnes mondaines que il a à faire. Si
ſe tient en œuvre d'oraïſon environ trois
heures. Après ce il va au Conſeil, qui dure
juſques à heure de diſner. Après ſon diſner,
qui eſt aſſez brief, & en public, (car nulle
fois ne mange que d'un mets de viande, ny
ne ſçait que l'on luy doit apporter à man-
ger, ne jamais mange faulſe d'eſpice, ne
autre, fors verjus & ſel, ny n'eſt ſervy en
argent, ny en or,) il donne audience à
toutes manieres de gens qui veulent parler
à luy, & luy faire aucune requête. Si n'y

a mie petite presse souvent advient, mais si grande, que toute la sale en est plaine, que d'estrangers, que de ceulx qui nouvelles luy apportent de divers pays, & d'uns & d'autres. Et à chascun il parle gracieusement, & rend responces si benignes & si raisonnables que tous s'en tiennent contents selon leurs demandes, & tous expedie l'un après l'autre. Et tost & brief les delivre, sans leur faire longuement en la ville en long sejour despenser le leur. Après il se retire, & adonc faict escrire lettres, où il les veult envoyer, & ordonne à ses gens ce qu'il veult qu'il soit faict. Puis va à Vespres, s'il n'a autre trop grande occupation. Après Vespres de-rechef il besongne un petit, ou parle à ceulx qui ont à parler à luy, jusques à l'heure que il se retire. Et adonc acheve ce qu'il a à dire de son service, & puis va coucher.

.

C H A P I T R E X I I .

Cy conclud comment homme où tant y a de vertus doit bien estre honoré.

C H A P I T R E X I I I .

Cy dict en parlant au Marechal, que pour-tant ne se veuille fier en fortune, qui tost se change, & donne exemples.

CHAPITRE XIV.

La fin du livre où la personne qui l'a fait s'excuse vers le Mareſchal de ce que il l'a fait ſans ſon ſceu & commandement, & non ſi bien mis par eſcript que il appar-tiendrait.

Or eſt temps que je tire à fin la matiere de mon livre, nonobſtant que dire encores aſſez ſe pourroit. Mais pource que l'entendement de l'homme ſe travaille aulcunes fois de moult ouïr, tant ſoyent les choſes bonnes, icy concluëray mon dire, delaiſſant à parler de luy au temps qu'il eſt encores en la droite fleur de ſon aage, dont j'eſpere que ſes biensfaits ne fauldront mie à tant, ains croy que tousjours iront croiſſans de mieulx en mieulx. Car tout ainſi que on veoid que l'un vice attire l'autre, pareillement croiſſent & multiplie les vertus. Donc comme nous ſoyons tous mortels, s'il advient que mort ou autre encombrer me de-fende à plus eſcrire & adjouſter à mon livre ce que le dict Mareſchal fera doreſnavant, je ſupplie tous ſaiges Eſcrivains que aucun d'eulx veuille parfaire le ſurplus, juſques à ſa fin, que Dieu bonne luy oſtroye.

Si prie & requiers humblement aux nobles, & notables personnes par l'ordonnance desquels il a esté fait, que ils me veüillent pardonner si suffisamment que la haulte matiere le requiert ne l'ay sceu traicter, ne mettre en ordre. Car vraiment il n'a mie tenu à faulte de bonne volonté, mais à non plus sçavoir. Si leur plaist corriger les defaults, & avoir agreable mon labour tel comme il est. Et aussi je supplie tres-humblement le bon Chevalier de qui il est fait, que s'il advient que en son vivant il vienne entre ses mains, ou en oye parler, que pareillement me veüille pardonner, si si suffisamment que il appartient n'y ay enregistré & mis ses nobles faits & dignes mœurs, ne mauvais gré ne me veüille sçavoir, si j'ay eu hardiesse d'entreprendre à parler de luy, & de sa vie, sans en avoir auparavant congé de luy & licence, & sans son sceu. Car j'ay receu la charge & commission de ce faire volontiers, & à bonne intention, pour ce que la belle matiere dont il traicte, pourra à tousjoursmais estre cause de bon exemple à ceulx qui desirent hault attaindre, & qui mirer s'y voudront. Si ne luy debvra pas desplaire d'avoir le payement de ce qu'il a bien desservy, c'est à sçavoir los & renom-

mée à tousjoursmais au monde par les merites de ses biensfaicts. Car il ne desplaisoit pas jadis aux vaillans preux, que memoires authentiques & perpetuels feussent faicts de leurs bontez.

CHAPITRE XV.

Exemples des vaillans hommes trespassez qui sceurent bon gré à ceulx qui avoyent escript & enregistré leurs gestes, & leurs vaillants faicts.

*Fin des Mémoires de Jean le Maingre,
dit Boucicaut.*

OBSERVATIONS

SUR LES MÉMOIRES

DE JEAN LE MAINGRE,

DIT

BOUCICAUT.

(1) JEAN le Maingre, Maréchal de Boucicaut, père de celui dont nous donnons les Mémoires, fut surnommé *le Brave*. Il facilita par sa rare prudence la conclusion du traité de Brétigni, qu'il signa en qualité de Plénipotentiaire, le Dimanche huitième jour du mois de May de l'année 1360. Par ce traité la liberté fut rendue au Roi Jean, que les Anglois avoient fait prisonnier à la funeste bataille de Poitiers. (Note des Ed.)

(2) « Charles VI n'avoit que douze ans lorsqu'il succéda au Roi Charles V dit *le Sage*, son père. La querelle des Princes, frères du feu Roi, n'empêcha point le Sacre du jeune Roi. Il fut conduit à Reims par l'élite de ses troupes, commandées par Olivier de Clisson, qui venoit de recevoir l'épée de Connétable, en exécution des dernières volontés de Charles V. Les Princes & les grands Sei-

gneurs du Royaume firent ce voyage avec des trains magnifiques, & Boucicaut y parut avec l'éclat qu'ajoutoit à sa bonne mine, la faveur du nouveau Monarque. Le festin Royal, qui termina la cérémonie, eut cela de remarquable, que le Connétable, le grand Echançon & les autres grands Officiers de la Couronne y firent les fonctions de leurs charges, montés sur des chevaux de prix richement harnachés ». (Hist. mod. de Bouci. in-12. 1697. pag. 9.).

(3) Nos Mémoires racontant d'une manière trop peu détaillée cette guerre de Flandres, qui remplit trois campagnes consécutives, nous croyons devoir insérer ici le récit de l'Histoire moderne.

« L'hyver qui étoit proche lorsque l'armée fut mise sur pied, ne pût ralentir l'ardeur de Charles, il se rendit vers la fin d'Octobre dans la ville d'Arras, où ses troupes avoient eu ordre de s'assembler, & il en partit pour la Flandre, après les fêtes de la Toussaints. Il passa par Lille & fut camper à quelques lieues de la Lis. Le Comte de Flandre prit son quartier à l'Abbaye de Marquette; & sachant de quelle importance il luy étoit de s'assurer des ponts de Comines

& de Varneton sur la Lis, les fit attaquer par l'élite des Flamans fideles. Ils furent emportés avec beaucoup de vigueur, & regagnés quelques heures après, par les milices de Courtray. Cette dernière action qui fut fort chaude, fit connoître au Roi qu'il avoit à faire à des opiniâtres qui se deffendroient bien. Ce fut pour cela qu'il renvoya le gros bagage de son armée, & qu'il fit défense aux soldats de s'écarter. Il commanda ensuite le Connétable & les deux Mareschaux de France de Sancere & Blainville, avec deux mille hommes d'armes pour gagner ces ponts. Comme on étoit sûr que cette occasion alloit être sanglante, & qu'il y auroit de l'honneur à acquérir, la plûpart de la jeune Noblesse de l'armée voulut s'y trouver. Boucicaut se présenta des premiers, mais comme il n'avoit pas encore été armé Chevalier, il se jetta aux pieds du Duc de Bourbon qui lui donna l'épée.

L'on marcha fièrement aux ennemis, & on les attaqua avec vigueur. Comme ils se deffendirent de même, & qu'ils avoient rompu les premières arches du pont, du côté de l'armée Françoisse, l'attaque dura jusqu'à la nuit sans aucun avantage.

Soixante jeunes Seigneurs dont les prin-

cipaux étoient *Sampi, Laval, Boucicaut, Rohan, Rieux & Rochefort*, indignés de ce que des milices les arrêtoient si long-temps, se jetterent pendant la nuit à cheval dans la rivière, & la passerent à la nage. Arrivés à l'autre bord, ils formerent un escadron pour couvrir le passage des archers commandés par le Maréchal de Sancere, qui persuadé que les ennemis n'avoient rien sçu de cet heureux succès, mit des troupes en embuscade dans un marais planté d'arbres, où l'infanterie avoit de l'eau jusqu'à mi-jambe. Le Capitaine *du Bois* qui commandoit pour les révoltés au pont de Comines, averti de cette embuscade par ses coureurs, vint y chercher les François à la pointe du jour. Il les y attaqua, mais avec tant de malheur pour lui, qu'il y perdit la vie, & que ses gens furent défaits, & poursuivis jusques au pont par les vainqueurs, qui les chasserent après un carnage affreux.

Ce malheur ne rebuta pas les Flamans; ils formerent un corps de neuf mille hommes, & vinrent charger les François commandés par *Sampi*, à qui Sa Majesté avoit donné ordre de faire réparer ce pont & de le conserver. Les troupes que commandoit ce Seigneur étant bien moins nombreuses que celles des

rebelles il les auroit chassées, si le Connétable ne fut accouru au secours avec de la cavalerie qui poussa les attaquans jusques aux portes de leurs villes.

Les François demeurés maîtres du pont, passèrent la rivière, & allèrent se camper entre Courtray & Rosebeque. Philippes Artevelle, brasseur de bierre, Général des Gantois, les y vint trouver à la tête d'une grosse armée toute fière de ses victoires précédentes. Il eut l'insolence d'envoyer un cartel de défi à Sa Majesté, & de lui présenter la bataille. On ne la refusa pas; elle fut sanglante: les rebelles se battirent avec une opiniâtreté surprenante, ils eurent même d'abord quelques avantages, qu'on ne leur laissa pas longtemps: enfin ils furent enfoncés de toutes parts, on en tua vingt-cinq mille sur le champ de bataille; car je ne parle point de ceux que Charles Sire d'Albret & Enguérant Sire de Couci que le Roi avoit mis à leurs trousses avec quatre cent hommes d'armes, tuerent dans la fuite. Artevelle fut trouvé parmi les morts, prêt à expirer. Sa Majesté le fit pendre en punition de son crime.

Boucicaut fut un de ceux qui se distinguèrent le plus dans cette action célèbre. Au plus fort de la mêlée, il voulut decharger un coup

de hache d'armes sur un rebelle d'une taille de géant. Cet ennemi croyant le jeune guerrier indigne de sa colere , se contenta de lui faire tomber sa hache d'armes, & de le railler avec insolence sur sa jeunesse. Boucicaut outré de ce mepris mit l'épée à la main , en perça ce grand corps , & le jetta sur le carreau.

Sans entrer dans le détail de mille prodiges de valeur qui se firent dans cette occasion , il me suffit de dire que Charles VI qui avoit fait dans cette bataille tout ce qu'on devoit attendre , non d'un Prince de quatorze ans , mais d'un très-grand Capitaine , reprit peu de jours après la route de Paris , & laissa la garde de la frontiere au Connétable , avec l'élite de ses troupes : Boucicaut bien loin d'imiter presque toute la Noblesse qui retournoit à la Cour passer l'hiver dans les plaisirs de la saison , resta à l'armée , où il ne fut pas inutile.

La victoire de Rosebeque , revella la jalousie de Richard Roi d'Angleterre , & lui fit écouter favorablement les rebelles de Flandres , qu'il avoit jusqu'alors meprisés ; il fit embarquer l'armée qu'il avoit sur pied , & en donna le commandement au Duc de Gloucester son oncle , qui prit terre à Calais , où il fit débarquer ses troupes.

La nouvelle de cette arrivée obligea le Connétable de passer tout l'hiver à Teroüenne, tant pour observer les nouveaux venus, que pour arrêter les rebelles. Comme il étoit beaucoup plus foible qu'eux, il ne put les empêcher de faire quelques conquêtes, & de mettre le siege devant Ypres.

Charles VI qui n'étoit pas d'humeur à voir perdre cette ville, se remit en campagne à la tête d'une puissante armée; les assiégeans n'osèrent l'attendre, ils decamperent au plutôt, & s'enfermerent dans Bourbourg. Charles les y assiégea, & alloit les y forcer, lorsque Jean de Montfort Duc de Bretagne, fit consentir le Roi à un traité, par lequel Bourbourg lui fut rendu, avec des conditions avantageuses pour lui, & assez honorables pour les assiégés.

La troisieme campagne ne fut pas moins glorieuse au Roi. Il finit la guerre, & força les Gantois & les autres Flamans d'obeir à leur nouveau Comte». (Hist. Mod. de B. p. 10 & suiv.)

(4) Nos anciens Historiens employent souvent le nom de Sarrafins pour désigner les peuples qui étoient soit Idolâtres, soit Mahométans. Les peuples de la Prusse, & de la Lithuanie,

thuanie , que l'Ordre Teutonique avoient pour ennemis, vivoient encore dans les ténèbres du Paganisme, & c'est-là ce que l'Auteur inconnu des Mémoires de Boucicaut, désigne ici, en les appelant Sarrafins. (Note des Editeurs.)

(5) Comme nos Mémoires ne disent rien du mariage du Comte de Nevers, dont les fêtes rappellèrent Boucicaut en France, nous suppléerons à leur silence « Boucicaut quitta la Prusse au commencement de l'hyver, pour revenir en France prendre part à la joie qu'y causoit le mariage de Jean Comte de Nevers, fils aîné du Duc de Bourgogne avec Margueritte de Baviere, fille aînée d'Albret Comte de Hainaut. La ville de Cambray fut choisie pour la cérémonie du mariage que Sa Majesté honora de sa présence. On y fit des tournois qui durèrent plusieurs jours, & le Roi bien que fort jeune voulut y courre la lance contre Colard d'Epinoy, Chevalier des plus renommés de ce tems & qui joignoit à une taille des plus avantageuses beaucoup de force, d'adresse & de valeur. » (Hist. Mod. de B. p. 17.)

(6) « Pierre de Courtenay, Anglois d'An-
Tome VI. Dd

gleterre, lequel estoit des plus prochains du Roi d'Angleterre en service, & auquel il se fioit moult, vint en France, voulant faire armes contre le Seigneur de la Trimouille, en luy requerant qu'il voulust accomplir ce qu'il requeroit. Et le Conseil du Roy respondit, que telles manieres de faire n'estoient à souffrir, ne point honnestes, vu qu'il n'y avoit point de matiere. Et le Seigneur de la Trimouille respondit qu'il le combattroit, & qu'il y avoit assez cause, vu qu'il estoit François & Courtenay Anglois. Et fut journée assignée à la couture Saint Martin. Il y avoit des Astronomiens à Paris, lesquels vindrent dire au Seigneur de la Trimouille qu'il combattist hardiment, & que au jour assigné il feroit très-beau temps, & qu'il vaincroit son adversaire. Au jour assigné, ils apparurent en la présence du Roy, & des Seigneurs, & faisoit un temps très pluvieux. Et quand ils furent tous prests de besogner, & de faire armes, le Roy les fit prendre, & deffendre qu'ils ne combattissent point. Et ainsi se departirent. Ledit Anglois s'en partit de Paris, & le fit le Roy deffrayer, & donner du sien bien & honnestement. Et s'en vint devers le Comte de Saint Paul, qui avoit espousé la sœur du Roy d'Angleterre, & se vantoit

qu'en la Cour du Roy, il n'avoit trouvé François qui l'eust ozé combattre. Un Gentilhomme Seigneur de Clary estoit présent, qui luy respondit, que s'il le vouloit, il le combattroit le lendemain, ou quand il luy plairoit. Et estoit homme de petite stature, mais de grand courage. Et en fut l'Anglois content, & jour assigné au lendemain, & comparurent le François & l'Anglois au champ, & combattirent bien & vaillamment. Et finalement l'Anglois fut blessé, & cheut à terre, & fut desconfit, & y eut le Seigneur de Clary grand honneur. La chose venüe à la connoissance du Duc de Bourgogne, il en fut très-mal content, & disoit que ledit de Clary avoit merité de mourir, & qu'on luy couppast la teste, pour ce que sans le congé du Roy il avoit fait armes, & combattu ledit Anglois. Et il respondit que ce pouvoit avoir lieu entre gens d'un party : mais un François pouvoit combattre un Anglois son ennemy mortel, en tous les lieux qu'il le trouvoit. Toutesfois ledit de Clary craignant le courroux & mal-talent du Duc de Bourgogne, se absenta, & en divers lieux se latita, & mussa. Et à la fin, le Roy luy pardonna l'offense qu'il luy avoit peu faire,

en faisant armes contre son congé. » (Hist. de Charles VI par Juv. des Urs. in-fol. 1653. p. 53.)

(7) Le Duc de Berry, oncle du Roi, fut accusé d'avoir fait manquer ce projet de descente en Angleterre, pour le succès de laquelle, on avoit préparé neuf cens navires garnis de vivres, & huit mille chevaliers & écuyers, & gens de trait & gros varlets sans nombre. . . . « Le Duc de Berry après l'entreprise faillie de passer en Angleterre, & par sa faute, comme on disoit, feignit de vouloir tant faire qu'on passast. Et disoit en soy excusant, qu'il ne pouvoit plustost venir. Et estoient les excusations apparemment vaines & frivoles. Et de fait, vint jusques à l'Escluse, où le Roy estoit. Mais le temps n'estoit pas bien disposé. Car sur mer estoient merveilleuses tempestes. Et si estoient les gens de guerre tellement séparés en divers lieux, qu'il estoit tout apparent qu'il n'estoit pas possible de passer, & les manieres que tenoit le Duc de Berry, n'estoient que moqueries & derisions. Et estoit-on très-mal content, & en disoit-on plusieurs meschantes paroles. Et furent tous les navires peris par la tempeste de la mer, ou gagnés par les

Anglois. Et y avoit vaisseaux pleins de vivres & de vins, jusques à deux mille tonneaux, lesquels furent gagnés par les Anglois. Et fut contraint le Roy s'en retourner à Paris ». (Juvenal des Ursins, idem 58.)

(8) En ce temps y eut grande guerre entre le Roy d'Espagne & le Roy de Portugal, lequel estoit fort allié des Anglois, & l'année de devant, le Roy d'Espagne avec dix mille combatans, étoit entré au Royaume de Portugal, & y faisoit forte & aspre guerre, & vint devant Lisbonne une grosse ville de Portugal. Le Roy de Portugal assembla gens de toutes parts, & si avoit des Sarrafins & des Anglois. Et avec le Roy d'Espagne étoit Messire Geoffroy de Roye, avec huit cens hommes bien armés. Et furent contens les Espagnols & les Portugalois de combattre, & se mirent sur les champs, & se rencontrèrent l'un l'autre, & y eut dure & aspre bataille, & foison de morts d'un costé & d'autre, & finalement les Espagnols furent desconfits, & s'enfuit le Roy d'Espagne. Et le Roy de Portugal encores non-content d'avoir gagné la bataille, voulut faire forte guerre, & envoya en Angleterre pour avoir.

gens, & en écrivit au Duc de Lanclastre, lequel avoit épousé la fille de Pierre, qui se disoit Roy d'Espagne. Et se disposa le Duc de Lanclastre de venir en aide au Roy de Portugal, & passa par emprès Brest, comme dessus est dit. Quand la chose vint à la cognoissance du Roy d'Espagne, il envoya aussi hastivement devers le Roy de France, querir aide & secours. Le Duc de Bourbon, un vaillant Prince s'offrit d'y aller, & d'y mener gens le plus qu'il pourroit. Et cependant qu'il faisoit son armée, le Roy y envoya mille combatans, étant soubz Messire Pierre de Villaines, & Olivier de Glisquin, & firent grande diligence d'aller vers le Roy d'Espagne. Dont il fut moult joyeux, & les mit en garnison en ses villes. Quand le Duc de Lanclastre scut que les François estoient venus, il fust bien esbahi, & leur envoya dire que la chose ne touchoit le Roy de France, & que s'ils le vouloient servir, il les contenteroit tres-bien. Les François respondirent, que si la chose touchoit le Roy ou non, ils n'en avoient point à cognoistre, & qu'il leur avoit commandé qu'ils vinssent servir le Roy d'Espagne, & pour ce y estoient-ils venus, en luy obeissant, pour le servir. Et commencerent à faire forte guerre, & aspre, & mer-

veilleuse, & se monstroient bien les François estre vaillans en armes. Le Duc de Lancastre considérant que aisément il ne pourroit pas venir à son intention, & que grandes nouvelles étoient de la venue du Duc de Bourbon, & que dès avant son partement, il sçavoit que les François devoient passer en Angleterre, & faisoient grand appareil, délibéra d'entendre à trouver moyen d'aucun traité, & accord. Et y eut aucunes trefves entre les deux Roys, & finalement ils furent amis. Et avoit le Duc de Lancastre deux filles, & les deux Roys étoient à marier, & eut le Roy d'Espagne l'une des filles, & le Roy de Portugal l'autre. Et y eut paix & bon accord, & par ce moyen les François s'en retournerent, & ne fut aucune nécessité que le Duc de Bourbon s'en allast en Espagne. Et devoit ledit Duc de Lancastre porter des armes d'Espagne un quartier. Et tous les ans avoit certaine somme d'argent, à cause de sa femme qui étoit fille de Pierre, soy disant Roy d'Espagne. (Juv. des Ursins, page 56.)

(9) C'étoit Sigismond, fils de Charles IV. & frère de Venceslas, qui fut élu Roi de Hongrie en 1386, & Empereur en 1410.

Depuis son règne, l'aigle à deux têtes a toujours été conservée dans les armoiries des Empereurs. A sa mort la Couronne Impériale rentra dans la Maison d'Autriche, qui l'a toujours gardée, jusqu'à son extinction en 1740. (Note des Ed.)

(10) Nos Mémoires ne disant rien de quelques évènements publics, qui remplirent le reste de l'année 1389, nous suppléerons à cette lacune par le récit de l'Historien moderne.

« La noblesse Angloise profitant de la
 » treve qui étoit alors entre la France &
 » & l'Angleterre, vint à la Cour de Char-
 » les VI, & visita les meilleures villes de
 » ses Etats. Quelques-uns s'étant vantés de-
 » vant des Gentilshommes François, que les
 » Anglois avoient fait les plus beaux ex-
 » ploits dans les guerres précédentes, Bou-
 » cicaud qui ne put supporter cette insolente
 » vanité, pensa dès-lors aux moyens de faire
 » connoître à toute la terre, que la noblesse
 » Française l'emporte en valeur sur celle de
 » toutes les autres nations. Il communiqua
 » ses desseins à *Roye* & à *Sampi*, ils les
 » approuverent, s'offrirent à les seconder,
 » & ils ne furent empêchés de les mettre à

» exécution que par deux evenemens, qui
 » remplirent toute cette année. Le premier
 » fut l'entrée de la Reyne à Paris, c'étoit
 » Isabeau de Baviere, fille aînée d'*Etienne*,
 » surnommé le *jeune Duc de Baviere*, & de
 » *Thadée Visconti*, dite de *Milan*. La cé-
 » rémonie de mariage s'étoit faite dans
 » Amiens, dès le 17 Juillet de l'année 1385.
 » Cette entrée fut magnifique, & les Pari-
 » siens se surpasserent dans les arcs de Triom-
 » phe, & les autres préparatifs. Le Roi vou-
 » lut se donner le plaisir de voir toutes ces
 » magnificences, il fut *incognito* dans tous
 » les quartiers de cette grande ville, porté
 » en trouffe par Savoisi qui étoit dans sa fa-
 » veur, où il essuya les railleries de la po-
 » pulace, & même les coups des archers.

« La Reine fut portée à cause de sa gros-
 » sesse dans une litiere fort riche; les Dames
 » montoient des haquenées blanches, riche-
 » ment harnachées, ou étoient dans des
 » chars dorés d'une magnificence achevée.

» Le couronnement de cette Reine suivit
 » de près son entrée dans Paris, la cérémo-
 » nie se fit dans l'Abbaye de St. Denis, où
 » l'on n'oublia rien de ce qui pouvoit la
 » rendre plus auguste. Elle fut suivie d'un
 » carrouzel qui eut quelque chose de parti-

» culier, & qui dura trois jours. Au pre-
 » mier les Seigneurs de la plus haute qua-
 » lité furent menés au camp par des Dames
 » de leur rang, montées sur des hacquenées
 » richement harnachées. Elles tenoient en
 » main un riche cordon tissu d'or & de soye,
 » attaché à la tête de la bride du cheval
 » de leur cavalier. L'ayant introduit dans le
 » camp, elles mettoient pied à terre, &
 » alloient se placer sur un amphithéâtre
 » qu'on avoit dressé exprès. Les Ecuyers
 » parurent au second jour sur la lice, con-
 » duits de la même manière par les Damoi-
 » selles. Au troisième, les Cavaliers & les
 » Ecuyers se rendirent seuls au camp, &
 » coururent indifféremment les uns contre
 » les autres.

« Le Roi termina ces magnificences ,
 » faisant les deux Princes d'Anjou, Cheva-
 » liers ; l'aîné étoit Louis Roi de Naples, de
 » Jérusalem & de Sicile , Duc d'Anjou ,
 » Comte du Maine & de Provence ; & le
 » cadet étoit Charles , Prince de Tarente ;
 » ils étoient cousins-germains de Sa Majesté ,
 » & fils de Louis de France, Duc d'An-
 » jou, &c., & de Marie de Châtillon dite
 » de Bretagne.

« Le second incident qui retarda l'exécu-

» tion des projets de Boucicaut, fut le voyage
 » du Roi en Avignon, pour une entrevüe
 » avec le Pape *Clement VII.* qui le regar-
 » doit comme le plus puissant de ses pro-
 » tecteurs contre Urbain VI, qui tenoit son
 » siege à Rome.

» Les Princes du sang accompagnèrent sa
 » Majesté en ce voyage, où Boucicaut parut
 » avec éclat. Toutes les villes s'empreserent
 » à faire de magnifiques entrées au Roi,
 » celle de Lyon l'emporta sur les autres. Je
 » ne m'arrêterai point à décrire toutes les
 » magnificences de cette entrée, je dis seu-
 » lement que Sa Majesté marcha depuis la
 » porte de la ville, jusques à l'Archevêché
 » sous un riche dais porté par quatre jeunes
 » Damoiselles de la premiere qualité, toutes
 » brillantes de pierreries.

» Sa Sainteté reçut Charles VI dans Avi-
 » gnon avec toutes les démonstrations de
 » joye & d'amitié qui lui furent possibles, &
 » comme il lui étoit de la derniere impor-
 » tance de maintenir le St. Siège dans l'in-
 » vestiture du Royaume de Naples, elle la
 » donna au Duc d'Anjou, & le jour de la
 » Toussaints, lui mit sur la tête la couronne
 » de ces deux Royaumes.

» Le Roi étant sur son départ d'Avignon,

» le Pape lui accorda la nomination de sept
 » cens cinquante bénéfices, & de quelques
 » Evêchés dans la France, à son choix;
 » en un mot il n'oublia pour se l'atta-
 » cher, ni graces, ni caresses, & il n'en
 » fut avare aux Princes & aux grands Sei-
 » gneurs, surtout à ceux qui avoient du
 » crédit.

« Sa Majesté fut ensuite à Toulouse, &
 » y reçut le Comte de Foix, Gaston Phébus,
 » d'une maniere si obligeante, que ce Comte
 » qui étoit venu lui faire hommage de son
 » Comté, & à qui son grand âge ôtoit l'es-
 » pérance d'avoir d'autres enfans que le fils
 » qu'il avoit perdu, crut ne pouvoir mar-
 » quer dignement sa gratitude, qu'en faisant
 » ce généreux monarque son héritier.

« Enfin la Cour revint à Creil, & comme
 » la trêve avec l'Angleterre duroit encore,
 » Boucicaut crut qu'il étoit temps de faire la
 » fameuse jouxte dont il étoit convenu avec
 » *Roye & Sampi.*) Hist. mod. de Boucicaut,
 » page 34.)

(11) Juvenal des Ursins, comme tous les
 Historiens du temps, parle de ce fameux *pas
 d'Armes*, mais d'une manière qui diffère
 beaucoup de celle de l'Auteur des Mémoi-

res. Il n'est pas inutile de rapprocher ici le premier du second, afin qu'ils s'expliquent tous les deux l'un par l'autre.

« Les Anglois qui conversoient aucunes fois avec les François, à Calais, disoient que les François étoient lasches de courage. Et y avoit deux Barons ou Chevaliers d'Angleterre, qui maintenoient qu'ils n'avoient trouvé François, qui avec eux ou contre eux vou-lussent faire armes : laquelle chose venue à la cognoissance de Messire Regnaud de Roye & de Messire Jean Boufficaud, vinrent de-vers le Roy en lui suppliant, qu'il leur vou-lust donner congé de faire armes. Et de ce le Roy fut très-content, & s'en allerent à Boulogne, & les Anglois estoient à Calais. Et comparurent les Anglois, & aussi firent les François. Et combattirent fort & aspre-ment & assez longuement. Et finalement fut dit par les Juges que c'estoit assez fait, & eurent honneur les uns & les autres, & dis-nerent & soupperent ensemble. Et firent très-bonne chère les uns aux autres, & se firent de beaux & graticux présens. Les François présentèrent leurs chevaux & harnois en l'église de Nostre-Dame de Boulogne. (Juv. des Urs. p. 83.)

Non-seulement Charles VI donna son con-

sentement à cette entreprise , mais voulant l'honorer de sa présence , il partit de Creil , où il avoit laissé la Reine , & arriva incognito à Ingelbert , suivi d'un seul Ecuyer. (Note des Ed.)

(12) Le motif de cette expédition en Afrique est ainsi raconté dans la nouvelle Histoire.

« Les Ambassadeurs de la République de Gènes arriverent quelques jours après à la Cour , pour prier le Roi de leur accorder du secours contre les corsaires de Barbarie , auxquels ils alloient déclarer la guerre. Ils représentèrent si fortement au Conseil du Roi , les insultes que ces Pirates faisoient aux Chrétiens , leurs vols , & leurs irruptions continues , & enfin l'utilité qui reviendrait à toute la Chrétienté de leur destruction , que Charles fort zélé pour le bien du Christianisme , leur promit le secours dont ils avoient besoin. Il y a des Auteurs qui assurent que le Roi fut ravi de trouver cette occasion pour faire sortir hors de ses Etats quantité de gens , accoutumés à vivre du port d'armes ; qui étoient fort incommodes aux paysans & aux voyageurs dans ce temps de trêve.

Quoiqu'il en soit , Sa Majesté envoya de

belles troupes en Barbarie, sous la conduite du Duc de Bourbon; les Comtes d'Eu, d'Auvergne, de Foix, de Harcourt, & celui de Sancerre, frere du Mareschal du même nom, Henry fils aîné du Duc de Bar, Gui de la Trimouille, le Sire de Coucy, Jean de Vienne, Amiral de France, Geoffroi de Boucicaut, Seigneur du Luc, & de Roquebonne, frere puîné de notre Boucicaut, le Comte de Derbi Anglois, & quantité d'autres Seigneurs François & Anglois, se trouverent à cette expédition ». (Hist. mod. de B. p. 42.)

(13) « Ce Duc prit terre à Calais, & le Duc de Bourbon qui le fut recevoir de la part de Sa Majesté, eut le soin de le faire defrayer avec toute sa suite aux dépens du Roi.

La Cour s'étoit renduë dans Amiens, où Charles VI vouloit traiter en personne avec ce Duc, qui fut reçu dans cette capitale de la Picardie avec beaucoup de pompe & conduit à l'audiance par les Ducs de Berry & de Bourgogne.

Il trouva le Roi assis sur un trône magnifique, sous un riche dais, & revêtu de ses habits royaux, entouré des Princes de son

fang, du Connétable, des deux Maréchaux de France, des autres grands Officiers de la Couronne & de bon nombre de Seigneurs de la premiere qualité.

Le Duc de Lancaſtre, entrant dans la ſalle où étoit le Roi, mit un genouil à terre, il fit la révérence au milieu de la ſalle, & au pied du trône; Sa Majeſté qui s'étoit levée prit le Duc par la main & le releva. Cette premiere audience ſe paſſa en civilités.

Le lendemain Charles VI fit l'honneur à ce Duc de le faire diner à ſa table, il lui donna même une place ſous le dais, il fit le même honneur aux principaux Seigneurs de ſa ſuite, & voulut que les Ducs d'Orléans & de Bourbon fiſſent la charge de Grand-Maitre. Pour donner plus d'éclat à cette cérémonie, il mit des habits ſemés de perles & de pierreries d'un prix inefſtimable, & il reçut l'après-dinée, les reſpects de tous les grands Seigneurs de la ſuite du Duc de Lancaſtre.

Ce Duc ayant eu une ſeconde audience, y fit des propoſitions ſi déraiſonnables, qu'il ne fut pas poſſible de rien conclure; on continua ſeulement la trêve pour quatre ans, & on ſe promit de travailler ſérieuſement
pendant

pendant cet intervalle , à une paix ». (Hist. mod. de B. p. 50.)

(14) Le Roy sortit de cette capitale du Maine, sur la nouvelle que le Gouverneur de Sablé avoit fait refus d'ouvrir les portes de cette ville à ceux qui y étoient allés de sa part , & arriva dans la forêt du Mans tout transporté de colere , & tout brûlé de l'ardeur du soleil. Un paysan sorti du plus épais de cette forest saisit brusquement la bride de son cheval , & lui dit de ne point passer , parce qu'il étoit trahi. La voix horrible de ce paysan , le bruit d'une lance , que laissa tomber un page endormi , la colere , la fatigue & la chaleur firent un effet si prodigieux sur la cervelle de ce Monarque qu'ils la renverserent. Il mit aussitôt l'épée à la main , & ne cessa de frapper ceux qui l'accompagnoient que quand elle fut rompuë. Depuis ce tems-là , il n'eut plus l'esprit sain , & s'il avoit de bons intervalles , il en avoit d'autres pendant lesquels il étoit si peu raisonnable , que les États assemblés ordonnerent que pendant sa maladie les Princes du Sang gouverneroient le Royaume. Je me suis un peu étendu sur la maladie de ce Prince , bien qu'elle fasse peu à l'Histoire de Boucicaut. Mais nous n'avons

pas d'époque plus fatale dans notre Histoire ; elle causa la brigue des Princes pour la regence ; cette brigue donna lieu à mille défordres , & appella l'Anglois dans le Royaume , où il se rendit en si peu de tems si puissant , qu'il fallut un miracle pour l'en chasser. » (Hist. mod. de B. p. 52.)

« Et couroient divers langages entre le peuple disant que la maladie du Roi étoit punition divine , pour les grandes exactions qui se faisoient sur le peuple , sans rien en employer au fait de la chose publique. » (Juv. des Ursins , p. 130.)

(15) Nos Mémoires ne disant rien de l'origine du grand schisme qui désoloit alors l'Eglise , & à l'extinction duquel Boucicaut fut chargé de s'employer, nous sommes obligés de recourir à l'Historien moderne.

« Comme Boucicaut n'étoit pas moins habile dans les negociations , que brave dans la guerre , Sa Majesté le nomma avec le Maréchal de Sancerre , Renaud de Roye son Chambellan , & le Sieur Bertaut l'un de ses Secretaires pour Ambassadeurs extraordinaires vers le sacré College des Cardinaux d'Avignon , pour tâcher de mettre fin à ce grand schisme qui partageoit alors toute l'Eglise.

Comme il y a peu de personnes qui ayent plus travaillé à l'extinction de ce schisme que le Maréchal de Boucicaut, j'ai jugé à propos de parler de son origine.

Après la mort de Gregoire XI qui avoit remis le siège à Rome, les Romains voulurent un Pape de leur nation, & qui demeurât chez eux. Les Cardinaux ne pouvant tenir contre leurs violences, donnerent leurs voix à Barthelemy de Prignan, Archevêque de Bari, persuadés qu'il étoit trop habile pour croire son élection légitime, étant faite avec si peu de liberté. Il arriva néanmoins tout le contraire; l'Archevêque ne trouva rien à redire à son élection, & prit à son couronnement le nom d'Urbain VI. Les Cardinaux dont la liberté avoit été violentée, & qui n'avoient donné leurs voix que pour ne pas perdre la vie, comme on les en menacoit, obtinrent du Pape la permission de sortir de Rome sous prétexte de changer d'air, & se retirèrent à *Fundi* ville du Royaume de Naples, où, protégés par la Reyne *Jeanne*, ils protestèrent de nullité touchant l'élection d'Urbain, & élurent un autre Pape. Il prit le nom de Clément VII & vint mettre son siège à Avignon. Le nouveau Pape fut reconnu de la plus saine partie de la Chrétienté, & entre autres des

François, parce que, disoit-on, *un Pape élu par violence n'est pas légitime.*

Clément étant mort, Charles VI crut avoir trouvé le tems propre à l'extinction du schisme. Il choisit les Ambassadeurs que je viens de nommer, & leur ordonna de tout faire pour porter les Cardinaux d'Avignon à se reconcilier avec *Urbain*, en cas qu'il fut le véritable Pape, ou du moins à se joindre avec ceux de Rome pour procéder conjointement à l'élection d'un Vicaire de Jesus-Christ. Comme il n'étoit pas possible aux Ambassadeurs de faire assez de diligence pour arriver en Avignon avant la cloture du Conclave, Sa Majesté écrivit aux Cardinaux d'une maniere aussi forte que respectueuse, & les pria de ne point faire d'élection qu'ils n'eussent donné audience à ses Ambassadeurs.

Le courrier arriva quelques heures avant que les Cardinaux fussent entrés au Conclave, & donna ses dépêches au Cardinal de *Florence*, Doyen du sacré College. Ce Prélat & ses confreres ayant pressenti les volontés du Roy, furent d'avis de ne faire l'ouverture de ses lettres qu'après l'élection, ils y procéderent sur le champ, & élurent *Pierre de Luna* Cardinal Diacre, qui prit le nom de *Benoit XIII.*

Les Ambassadeurs reçurent la nouvelle de

cette promotion, & députèrent à Sa Majesté pour recevoir ses ordres; elle les rappella tous, excepté le Maréchal de Boucicaut, à qui elle ordonna de se rendre en Provence pour terminer les différens d'entre *Raymond* Vicomte de Turenne son beau-pere, & la Reine Douairiere de Naples, Duchesse d'Anjou & Comtesse de Provence. Cette Princesse ne pouvant digérer l'affront que le Vicomte lui avoit fait, préférant comme j'ai déjà dit, notre Maréchal au Prince de Tarente son fils puîné, faisoit à ce Seigneur une espèce de guerre qui troubloit entièrement la tranquillité de la Provence parce que le Vicomte étoit puissant, & qu'il avoit des amis.

Le nouveau Pape fut à peine sur le Trône, qu'il pensa tout de bon aux moyens de mettre Charles VI dans ses intérêts. Il lui dépêcha l'Evêque d'Avignon, pour lui faire part de son élection, & le pria de lui envoyer des Ambassadeurs avec d'amples instructions de tous les moyens que son Conseil jugeoit les plus propres pour donner la paix à l'Eglise, protestant *qu'il ne souhaitoit rien avec plus de passion; que les Cardinaux lui avoient fait violence, le choisissant pour Chef de l'Eglise, & qu'il n'avoit accepté cette haute dignité que pour être plus en état de mettre fin au schisme;*

& que pour rendre la paix à l'Eglise, il étoit prêt de déposer la Tiare, & de se renfermer dans une solitude si on le jugeoit à propos.

Le Roi donna toute sa créance aux sentimens de Benoît, & lui envoya la plus célèbre ambassade dont l'Histoire fasse mention. Le Duc d'Orleans frere de Sa Majesté, & les Ducs de Bourgogne & de Berry ses oncles, en étoient les chefs, & ces Princes étoient suivis d'un grand nombre de Théologiens, de Jurisconsultes & d'autres personnes habiles dans les sciences & éclairées dans les affaires pour les assister de leurs conseils. Le Pape fit à ces Princes tous les honneurs qu'il crut leur être dus, il les envoya complimenter à Villeneuve lez-Avignon par les plus considérables de ses Cardinaux, suivis de tous les Officiers du sacré Palais, les reçut à l'audience d'une maniere toute distinguée, & prit les lettres de Sa Majesté avec de grandes marques d'estime & de respect : en un mot, il n'omit rien de tout ce qui pouvoit faire plaisir aux Princes & de tout ce qui étoit dû au Roi, mais il ne voulut jamais consentir à l'abdication qu'ils lui proposoient, comme l'unique moyen de rendre la paix à l'Eglise. Tout le sacré College, au Cardinal de Pampeune près, eut beau la demander à genoux,

il ne fut pas écouté, & Benoît se retrancha toujours sur une entrevue avec Urbain VI dans quelque lieu du Royaume de France, où du moins sous la protection de Sa Majesté.

Les Princes se retirèrent fort mécontents du procédé de Benoît, & revinrent à la Cour. Leur retour & l'obstination du Pape fit grand bruit en France; le Clergé s'assembla & résolut de ne plus le reconnoître pour véritable Successeur de St. Pierre & Chef légitime de l'Eglise.

Le sacré College d'Avignon approuva cette résolution & protesta par une lettre adressée à Sa Majesté, qu'il alloit déclarer Benoît Anti-Pape & fauteur du schisme, s'il refusoit encore la voye d'abdication qu'il avoit promise avec serment avant que de recevoir la Tiare.

Le dessein du sacré College alarma *Benoît*. Les Cardinaux de Pampelune & de Terracine qui lui étoient entièrement dévoués, lui conseillèrent de se servir de la violence pour en arrêter les suites. Il les crut, & fit couler sans bruit dans son Palais neuf cens hommes qu'il venoit de recevoir du Roi d'Arragon, auquel il les avoit demandés. Quelque précaution qu'il eut pris pour tenir cette arrivée

secrète , les Cardinaux l'apprirent , & se retirèrent au plutôt dans Villeneuve lez-Avignon , qui est du domaine de France.

Les Bourgeois d'Avignon craignans quelque violence de ces troupes étrangères , & d'ailleurs scandalisés des manieres de Benoît , prirent les armes en faveur des Cardinaux & investirent le Palais. Les Arragonois firent une furieuse sortie sur eux , & en tuerent ou blessèrent un grand nombre. Les Cardinaux se croyans obligés de les soutenir , implorèrent le secours de Boucicaut qui étoit encore en Provence. Il vint avec de bonnes troupes , attaqua vivement le Palais , y mit la famine , y fit brèche , & étoit à la veille de le prendre , quand les amis que Benoît avoit en Cour , firent si bien que le Roi consentit à un traité par lequel les Arragonois vuidèrent le Palais à la réserve de cent , & la garde en fut confiée aux Francs , qui tinrent Benoît pendant trois ans dans une captivité assez dure. Boucicaut ne commanda pas longtemps cette garnison , il revint à la Cour quelque tems après l'exécution de ce traité. (Hist. mod. de B. pag. 54, 55, 56, 57, 58, 59, 60, 61.)

(16) Cette armée se mit en campagne

vers la fin du mois de Mars de l'année 1396, & après une marche de trois mois, elle entra dans la Hongrie.

« On composa plusieurs compagnies de cette illustre Noblesse, & on leur donna pour Commandans, le Connétable, le Marechal de Boucicaut, le grand Admiral Jean de Vienne, le Sire Jean de Couci, & le Comte de St. Paul Valran de Luxembourg. Ils eurent pour Lieutenant Jean de Bourbon Comte de la Marche & de Vendôme, Henry & Philippe fils de Robert Duc de Bar, Gui de la Trimouille surnommé le Vaillant, & garde de l'Oriflame de France, Gui son fils aîné, & les Seigneurs de Roye, de Sampi, & de Montmorel. » (Hist. mod. de B. p. 65.)

(17) « L'admiral se trouva avec dix Chevaliers au milieu des troupes ennemies. Il les exhorta à faire de leur mieux, ou pour sauver leur vie, ou pour la vendre chèrement. Alors le vieillard vénérable, & qui avoit blanchi dans le commandement des armées, s'élança comme un lion sur un escadron des Infidèles, le perça plusieurs fois, & démonté, releva jusqu'à sept fois son étendard, dans lequel, accablé sous la multitude des flèches qu'on lui lançoit, il s'enveloppa,

& rendit là sa grande ame à son Créateur. On le trouva le lendemain parmi les morts tout couvert de blessures, & dans son étendard. Philippe de Bar, le jeune de la Trimouille, & grand nombre d'autres Seigneurs de marque périrent en cette occasion ». (Hist. mod. de B. p. 73.)

(18) « Ce barbare en fit égorger près de trois mille, irrité de ce qu'ils lui avoient tué plus de trente mille hommes. Poussant la vengeance plus loin, il voulut que les corps de ces braves & des autres qui étoient restés sur le champ de bataille, demeurassent sans sépulture ». (Hist. mod. de B. p. 75.)

« Les Sarrafins laisserent les Chrestiens morts emmy les champs, pour les faire dévorer aux loups & bestes sauvages, sans vouloir souffrir qu'ils fussent mis en terre. Et furent treize mois tous nets & blancs, sans ce que oncques beste y touchast, & disoient les Sarrafins que les bestes n'en daignoient manger ». (Juv. des Ursins, p. 127.)

(19) « Ce Gui de la Trimouille étoit un des plus grands hommes de ce temps-là, & un des plus gros Seigneurs : il fut grand

Chambellan de nos Rois, charge alors si relevée, que le Comte de Nevers se tint honoré de celle de simple Chambellan ou premier Gentilhomme de la Chambre, bien qu'il fut sans contredit plus riche qu'aucun Prince de l'Europe qui ne portât point l'auguste titre de Roi. Ce même Seigneur de la Trimouille fut encore garde de l'Oriflâme de France; il refusa l'épée de Connétable que Sa Majesté lui présenta après la retraite du Sire de Clifson; sa haute valeur lui mérita le nom de *Brave*. Le Pape Clément VI rechercha son amitié; Galéas Duc de Milan & Amédée Duc de Savoye voulurent qu'il fût de leurs amis, & de leurs pensionnaires, & firent des traités d'alliance avec lui. Il faudroit un volume entier pour faire l'éloge de ce Seigneur, qui de Marie, Dame de Sulli, de Craon, &c., eut plusieurs enfans, entre autres Gui, jeune Seigneur de belle espérance, & qu'une mort trop prompte, mais très-glorieuse empêcha d'égaliser les beaux exploits de ses illustres ayeux; & Georges Comte de Guines, de Boulogne & d'Auvergne, si célèbre dans l'Histoire de Charles VII, & de qui descendent tous ceux qui portent aujourd'hui le nom de la Trimouille ». (Hist. mod. de B. p. 77.)

(20) « Enguerant VII du nom, Sire de Couci, Comte de Soissons & de Berfort en Angleterre, grand Bouteillier de France, survécut peu le Connétable; il étoit fils d'Enguerant VI. Sire de Couci, & de Catherine d'Auſtriche, fille de *Léopold I*, Duc d'Auſtriche & de Catherine de Savoye, & petite fille de l'Empereur *Albert* d'Auſtriche, fils du célèbre Rodolphe de Hasbourg, premier Empereur de la Maison d'Auſtriche. Cet Enguerant VII paſſa pour le Seigneur de ſon temps qui avoit le plus de mérite. Un grand Roi & un puiffant Duc en furent ſi perſuadés, qu'ils le choiſirent pour leur gendre, quoiqu'il ne portât que la ſeule qualité de Baron, & qu'il ne fût pas Prince. Il eſt vrai qu'il l'auroit été, ſi Albert, dit le ſage & le Boiteux, n'eût uſurpé l'Archiduché d'Auſtriche, qui appartenoit à Catherine, mere de notre Enguerant, & ne ſe fût maintenu dans cette uſurpation, par le plus deſeſpéré de tous les moyens, c'eſt-à-dire en brûlant les petites villes & les bourgs, & gâtant tout ce qui étoit à la campagne, pour ôter à l'armée du Sire de Couci, les moyens de ſubſiſter. Je ne parleray point des victoires qu'il remporta en Allemagne, en France & en Italie, ni de pluſieurs traités qui durent

leur conclusion à sa rare prudence; j'ajoute seulement que le Duc de Bourgogne qui voyoit peu de Rois aussi puissans que lui, le choisit entre dix mille pour apprendre par son exemple le métier de vaincre au Duc de Nevers son fils aîné, dans un temps que toute la terre avoit les yeux tournés sur ce jeune Prince. Le corps d'Enguerant fut embaumé & apporté en France. Il reçut l'honneur de la sépulture dans l'église Abbatiale de *Nogent* sous Couci, auprès d'Elisabeth d'Angleterre sa première femme, seconde fille d'Edouard III Roi d'Angleterre, & de Philippe de Haynaut. Sa seconde femme le survécut; c'étoit *Isabeau* fille de *Jean* Duc de Lorraine & de Sophie de Virtemberg. En luy finit la Maison de *Guines de Couci*. (Hist. mod. de B. p. 81.)

(21) L'Historien moderne observe que le Comte de Périgord perdit tous ses biens qui lui furent confisqués. « Le Duc d'Orléans eut la confiscation du Comté de Limoges, & s'en assura la possession par une grosse somme d'argent que ce Comte infortuné fit porter en Angleterre, où il se retira ». (Hist. mod. de B. p. 87.)

(22) « En ce temps, les Turcs & les Sarrafins grevoient fort Constantinople, & faisoient forte & aspre guerre. Pour laquelle cause l'Empereur de Constantinople envoya devers le Roi requérir aide & secours », (Juv. des Ursins. p. 143.)

(23) « Le jour même qu'elle mit à la voile, la flotte, dont Boucicaut avoit le commandement général, arriva heureusement au port de Pera, au moment où les Turcs alloit ôter cette place aux Genoïs, qui l'avoient conservée depuis la prise de Constantinople par les François. Le salut de Pera fut celui de Constantinople, car il est sûr que sa prise auroit été bientôt suivie de celle de la capitale de l'Empire ». (Hist. mod. de Bouci. p. 92.)

(24) « Deux mille bourgeois richement vêtus & fort bien montés, sortirent de Paris sur la nouvelle qu'Emmanuel en approchoit, & furent au devant de luy jusqu'à Charenton, & le conduisirent jusqu'à Paris, marchans sur deux lignes à ses côtés. Le Chancelier de France à la tête du Parlement, le complimenta au nom de Sa Majesté, un peu en deçà de Charenton; & à quelques pas

de là, trois Cardinaux qui étoient alors à Paris, lui firent aussi leurs civilités, & les Ducs de Berry & de Bourgogne parurent peu après, suivis d'un nombreux cortège de noblesse. L'Empereur alloit entrer dans le fauxbourg St. Antoine, lorsqu'il rencontra le Roi même, qui étoit venu au devant de lui à la tête de tout ce qu'il y avoit de plus grand & de plus leste à sa Cour.

Sa Majesté & l'Empereur Emmanuel mirent pied à terre aussi-tôt qu'ils s'aperçurent, puis s'embrassèrent & se donnerent mutuellement mille témoignages de joye & d'affection. Ils remonterent ensuite à cheval, entrèrent dans Paris côte à côte, & sur une même ligne.

L'Empereur portoit un habit impérial de soye blanche, & montoit un cheval blanc richement caparassonné, & dont Sa Majesté luy avoit fait présent. C'étoit un Prince bien fait, d'une taille médiocre, mais bien prise, & assez quarrée. Il avoit un air majestueux, qui lui attiroit la vénération de tout le monde, & qui le faisoit juger très-digne de l'Empire. Je viens de dire qu'il marchoit à côté du Roi, & j'ajoute qu'il étoit immédiatement suivi des Princes du Sang, & des plus grands Seigneurs du Royaume. Il fut

dans cet ordre à l'Eglise Notre-Dame & de là au Palais, où il fut traité avec toute la magnificence & la délicatesse usitée en ce temps-là. Les tables levées, les Princes le conduisirent au Louvre, où son logement étoit préparé.

Charles qui étoit naturellement très-civil & très-magnifique, se surpassa lui-même en cette occasion. Il défraya l'Empereur & sa suite pendant tout le temps qu'il fut en France, & voulut qu'on le traitât en Empereur ». (Hist. mod. de B. p. 105.)

(25) « Ils furent reçus à l'audience, & prièrent à genoux Sa Majesté au nom de la République & du peuple de Gènes, de les prendre sous sa protection, & de les recevoir au nombre de ses sujets.

Comme la harangue qu'ils prononcèrent a quelque chose de particulier, j'ai jugé à propos de la mettre ici, après lui avoir ôté les marques d'antiquité, qui ne s'accorde point avec le langage d'aujourd'hui.

S I R E ,

« La République de Gènes pleinement informée des bontés de Votre Majesté, & de
cette

cette inclination toute royale , qui la porte à se rendre protectrice de tous ceux qui en ont besoin , à recours à elle pour des nécessités pressantes , & que nous ne pouvons lui représenter qu'avec le déplaisir de rappeler l'idée d'un état autrefois florissant , & qui se voit aujourd'hui à la veille de tomber ; mais, Sire , nous devons cet honneur à nos illustres ancêtres , & nous avançons avec moins de vanité que de douleur , qu'ils ont établi la gloire de notre nation par mille exploits aussi grands que difficiles. Nous regardons ces exploits avec étonnement , & l'Orient qui en a été témoin les admirera jusqu'à la fin des siècles. Ces grands hommes avoient si solidement établi notre République , qu'il est sans exemple qu'elle ait subi le joug d'aucune nation étrangère. Ceux qui l'ont attaquée n'en ont remporté que de la honte & de la confusion , & bien loin de l'ébranler , ils l'ont affermie , & ont multiplié ses triomphes. Nous serions encore invincibles à nos ennemis , si l'ambition de dominer ne nous avoit divisés. C'est elle , Sire , qui nous a réduits à n'espérer de salut que dans une soumission volontaire qui nous arrache à nos partialités , & nous délivre de la tyrannie de nos citoyens. Tous les ordres de la Républi-

que ont approuvé ce conseil, & après une sérieuse attention sur les mœurs, la réputation & la grandeur de tous les Princes Chrétiens, ils n'en ont point trouvé de plus digne de leur obéissance que Votre Majesté. Vous pouvez, Monarque très-puissant, mettre fin aux factions, & arrêter les séditions qui déchirent notre République. C'est de vous seul que nos citoyens attendent le bonheur de jouir en repos du peu qu'il leur reste de biens. Ils implorent tous votre protection, & si Votre Majesté nous l'accorde, nous sommes chargés de l'assurer qu'elle ne nous aura rien conservé que nous ne sacrifions avec plaisir pour son service ; que nous aurons pour elle une obéissance & une soumission fidelle. C'est, Sire, ce que nous vous promettons avec serment de la part de tous nos Citoyens ». (Hist. mod. de Boucicaut, pag. 119.)

(26) Comme l'Histoire des Mémoires de Boucicaut ne s'étend pas plus loin, & que ce Maréchal a vécu cependant quelques années de plus, durant lesquelles se sont passés plusieurs événemens importants à son Histoire & à celle de France, nous suppléerons au silence des Mémoires par le récit de l'Historien moderne, en supprimant de celui-ci tout

te qui se trouve raconté dans notre Volume précédent soit par Fenin, soit par les notes que nous avons ajoutées à Fenin.

« Cette conspiration qui devoit, selon toutes les apparences, faire périr Boucicaut, ne servit qu'à le rendre plus puissant & plus redouté, & à le faire rechercher par une partie des Princes Italiens, qui ne voyoient rien capable de les garantir de la tyrannie de Françoisque, que la valeur & la bonne fortune du Gouverneur de Gennes.

Jean Marie Duc de Milan, & Philippe Comte de Pavie son frere, rechercherent son amitié, il la leur accorda, & fit si bien par ses conseils, qu'ils envoyèrent des Ambassadeurs à la Cour de France prier Sa Majesté Très-Chrétienne de les prendre sous sa protection, de les recevoir au nombre de ses sujets, & de leur envoyer quelque personne d'autorité avec laquelle ils pussent traiter, & entre les mains de qui ils prêtassent serment de fidélité.

Le Roi reçut les lettres de ces Princes avec beaucoup de joie, & regarda la protection qu'ils lui demandoient comme un incident qui relevoit beaucoup la gloire de son regne. Il remit la conduite de toute cette affaire aux soins du Marechal, auquel il envoya mille

hommes d'armes commandés par Raoul de Gaudcourt, pour s'en servir à humilier Francisque. Boucicaut incorpora ces nouvelles troupes aux siennes, pourvut à leur subsistance pendant le reste de la campagne, & après avoir donné les ordres qu'il crut nécessaires pour la conservation de Gennes, il partit pour le Milanois sur la fin de Juillet. Il signala son entrée dans ce pays par la prise de Tortone qui s'étoit revoltée contre le Comte de Pavie son Souverain. Cette conquête fut suivie de celle de Plaisance où le Maréchal laissa une puissante garnison. Ayant joint sous les murailles de cette ville les troupes des Seigneurs de Lodi, de Crème & de Cremone, il passa le Po. Le Comte de Pavie le vint recevoir aux bords de ce fleuve, suivi de la plus leste Noblesse de son Comté, & le conduisit dans sa ville capitale, où il prêta le serment de fidélité entre ses mains, au Roi de France & à ses successeurs, auxquels il soumit sa personne, celle de ses successeurs & ses Etats.

Après cette action le Maréchal prit la route de Milan, le Duc de cette ville vint le recevoir jusques à Clairval, Abbaye qui en est éloignée de demi-lieue; ils firent une entrée solennelle dans Milan, précédés d'un concert de voix & d-instrumens, & aux acclamations

de tout le peuple. Tant de marque d'affection n'empêchèrent pas le Maréchal de prendre ses sûretés contre ces citadins, dont la fidélité lui étoit suspecte ; il posta ses troupes dans toutes les places publiques de leur ville, & commanda La-Faye pour veiller à tout.

Ces ordres donnés le Maréchal s'engagea dans les rues, & s'y fit rendre par-tout les honneurs dûs au Roi, qu'il représentoit. Il termina ce jour par l'*accolée* qu'il donna aux Seigneurs de Crème, Cremone & Lodi qui se tinrent fort honorés d'avoir été faits Chevaliers de sa main.

Le Duc de Milan voulant rendre la cérémonie de son hommage plus auguste choisit pour le faire, la place publique ; il la fit entourer de barrières, & tendre de riches tapisseries relevées d'or & de soye ; il fit élever au milieu un grand théâtre, & sur ce théâtre, qui étoit couvert de tapis de pied d'un grand prix, un trône magnifique. Le jour marqué pour cette action étant arrivé, le Duc de Milan & le Comte de Pavie son frere, suivis des principaux Officiers de l'armée Française, & de la plus haute Noblesse du Milanois, conduisirent Boucicaut à ce théâtre ; l'habit de ce Maréchal qui brilloit de pierreries & son épée qui étoit des plus riches, ajoutoient,

ce me semble, quelque chose à son air majestueux. Il se mit sur ce trône, tenant en main un sceptre d'or qui marquoit assez qu'il représentoit un grand Monarque.

- Le Duc s'approcha du trône dans une posture humiliée, appella le Maréchal par son nom d'une voix haute & intelligible, lui soumit, en qualité de Procureur du Roy, commis à cet effet, *sa personne & ses États, pour être par luy gardés & deffendus*, & lui prêta ensuite serment de fidélité. Le Maréchal les reçut au nom du Roi, & promit à ce Prince, au même nom, de le deffendre & de le secourir contre tous ses ennemis, & de lui entretenir des garnisons Françoises dans toutes les places.

Cela fait, on dressa la traité, par lequel le Duc de Milan & le Comte de Pavie son frere, se donnoient eux & leurs États à la France. Voici les principaux articles.

I. Que l'on garderoit la justice en toutes choses.

II. Que l'on conserveroit les particuliers dans tous leurs droits & leurs privileges légitimes.

III. Que l'on défendrait sous de grandes peines à toutes personnes de quelque condition qu'elles fussent, de se traiter de Guelfes & de Gibelins.

IV. Que toutes les ordonnances faites, soit pour la police ou la guerre entre le Duc de Milan, les Magistrats & Communautés de son Duché, demeureroient dans leur force, sans qu'il fut permis d'y rien changer ni altérer.

Le Marquis de Montferrat, Francisque, & les autres petits tirans de la Lombardie, regarderent la protection que Sa Majesté donnoit aux deux Princes comme le coup qui alloit les accabler. Ils assemblerent au plutôt quatorze cens hommes d'armes & deux mille bandits, entrèrent dans la riviere de Gennes, y firent des conquêtes avec une rapidité qu'ils ne s'étoient pas promise. Les Spinola & les Doria, Chefs des Gibelins Gennois, personnes riches & puissantes, & que le Maréchal tenoit dans la soumission parce qu'il connoissoit leur humeur, se laisserent gagner, s'assurerent de tous ceux qui conservoient encore quelque attache pour ce parti, & se rendirent maîtres d'une des portes de Gennes, & manderent aux ennemis de s'avancer.

Le menu peuple, qui ne respiroit à son ordinaire que quelque changement, surpassa l'attente des conjurés, & commença de faire des assemblées tumultueuses. Choleton Sci-

gneur Auvergnat, & que le Maréchal avoit laissé dans Gennes pour commander en son absence, tâcha d'arrêter cette sédition par ses remontrances. Il assembla les principaux de Gennes, leur fit un tableau de l'état pitoyable où leur république étoit réduite quand le Maréchal commença de les gouverner, & de l'état florissant auquel elle se voyoit par les soins de ce grand homme. Il leur représenta, dis-je, avec tant de force les grandes obligations qu'ils avoient à la France & au Maréchal, que tous lui firent de nouvelles protestations d'obéissance & de fidélité.

Il s'en retournoit au Palais sûr que la sédition étoit apaisée, quand Jean Turlet, Capitaine des séditieux, suivi d'une grosse troupe de gens comme lui, l'attaqua & l'assassina au milieu de la rue. La populace accourue au bruit qui se fit lors de l'attaque, encherit sur l'attentat de ce furieux, & mit le corps de ce malheureux en pieces.

Les Chefs de la faction profitant de ce desordre assemblèrent le peuple dans la grande place, traiterent de tyrannie tout ce que le Gouverneur avoit fait pour eux, décrierent jusques à ses plus belles actions, & animèrent si fort cette populace, qu'elle cria d'une commune voix : *il faut secouer leur*

joug, & étancher dans leur sang leur soif insatiable de se remplir de nos biens.

Les mêmes Chefs louerent hautement la valeur du Marquis de Montferrat qui venoit de leur amener du secours, & sçurent si bien représenter qu'ils n'auroient rien à craindre sous sa protection, que le peuple l'élut d'une commune voix pour son Gouverneur, & alla faire les préparatifs de son entrée. Elle fut magnifique, & accompagnée de cris de *vive la liberté & le peuple*. Le Marquis conduit au Palais, les conjurés coururent aux maisons des François, tuerent les uns, couperent les oreilles ou creverent les yeux aux autres; après quoi, ils attaquèrent la principale citadelle avec tant de furie que la garnison fut obligée de capituler, & sortit le bâton blanc à la main.

Il ne seroit pas facile d'exprimer jusques à quel point la nouvelle de cette révolution surprit le Maréchal; il accourut dans l'état de Gennes, & alla camper au chateau de de Gani où La-Faye s'étoit jetté; il attendit pendant un mois les troupes qu'il avoit demandées au Roi, afin d'être en état de mettre les mutins au devoir. Il fut pendant ce tems battre Francisque, qui assiegeoit le chateau de la Nouë, où Savigné Gentilhomme du

Dauphiné commandoit. Mais il eut beau préférer ce secours, s'engager d'en faire la dépense, & promettre de reprendre Gennes en peu de tems; il n'en reçut point : la maladie du Roi qui augmentoit tous les jours, la jalousie des Princes du Sang, les partis qu'ils formoient dans le cœur du Royaume, forcèrent la Cour d'abandonner Gennes, & le Maréchal de sortir d'un Etat qu'il avoit gouverné près de neuf ans avec beaucoup d'honneur.

Il reprit la route de France avec ses troupes, & se rendit en Savoye. Le Duc de cette province étant dans la disposition d'attaquer le Montferrat, il le joignit, & entra dans le pays de ce Marquis, & vengea sa perfidie par les fréquentes défaites de ses troupes & la prise d'un grand nombre de places, dont le Duc de Savoye demeura en possession.

Tout ce qui reconnoissoit en Italie l'autorité du Roi, imita la révolution de Gennes; le Duc de Milan & le Comte de Pavie cessèrent d'être François, & renoncèrent à la protection de Sa Majesté, qu'ils avoient recherchée avec tant d'empressement. Les Gouverneurs François, qui étoient dans Livourne, & dans les autres places de l'Etat de Gennes, s'accommodèrent autems, & traitèrent avec les ennemis pour la reddition de leurs places ».

Note particulière sur la bataille d'Azincour.

« On ordonna le Mareschal Boucicaut, Messire Clignet de Brabant & un bastard de Bourbon, pour les chevaucher. Ce qu'ils faisoient diligemment, & porterent grand dommage auxdits Anglois, & en tuerent plusieurs, & ne se osoient eschapper, &c.

Et y eut diverses opinions & imaginations car les uns disoient qu'on les laissast passer sans combattre, & que à faire bataille estoit chose bien dangereuse, &c. & disoit - on que le Connestable d'Albret, le Mareschal Boucicaut, & plusieurs autres anciens Chevaliers & Escuyers qui avoient vu & fréquenté les armes, estoient de cette opinion, &c.

« Et y eut de prisonniers bien quatorze mille entre lesquels estoient les Ducs d'Orleans, & de Bourbon, les Comtes de Vendosme & de Richemont, & le Maréchal Boucicault ». (Juven. des Urfins.)

« L'an 1415 estoient à Caudebec Messire Jean Boucicault durant le siege, qui estoit Mareschal de France, à tout mille & cinq cent hommes d'armes, & le Sire d'Albret, Connestable de France à tout mille & cinq cent hommes d'armes à Honnefleure, lesquels se tenoient là & es places d'environ, pour cuider porter dommage aux Anglois.

Et l'on fait sçavoir que les Connestable & Marechal de France iroient audevant d'eulx à Abbeville , pour garder le passaige sur la riviere de Somme. Et si firent-ils : car ils teindrent bien quinze jours avant qu'ils pussent passer la dicte riviere. Mais à la fin ils trouverent passaige entre Corbie & Perronne , par où ils passerent , &c.

A l'avantgarde estoient le Sire d'Albret , Connestable de France , & Boucicault , Marechal , qui avoient en leur compagnee trois mille hommes d'armes , &c.

Là moururent treus les Seigneurs dessus dictz , réservés les Ducs d'Orleans & de Bourbon , & les Comtes d'Eu , de Vendosme & de Richemont , & le Marechal Boucicaut , lesquels furent prisonniers du Roy d'Angleterre , & menez en Angleterre ». (*Extrait de l'Histoire de Charles VII, par Berry, premier Herault du Roy.*)

N'oublions pas de remarquer que la veille & le jour même du combat, on fit plus de cinq cens Chevaliers , dont la plupart voulurent recevoir cet honneur de la main du Marechal de Boucicaut.

Bien des gens demeurent d'accord que le succès de cette funeste campagne eût été

tout différent , si l'on avoit suivi les conseils
 de Boucicaut , & la manière de faire la guerre.
 Il commanda toujours un corps détaché
 de la grande armée , avec lequel il fatigua
 tellement l'ennemi , & lui tua tant de monde ,
 qu'il l'eût entièrement ruiné , si tous les Gé-
 néraux eussent agi de concert. On crut le Duc
 de Bourgogne d'intelligence avec l'Anglois ;
 cela parut par les ordres qu'on disoit venir
 de la part du Roi , & qui furent adressés aux
 troupes , d'abandonner certains postes très-
 avantageux. (Note des Éditeurs.)

*Fin des Observations sur les Mémoires du
 Maréchal de Boucicaut.*

T A B L E

D E S C H A P I T R E S

CONTENUS DANS LES MÉMOIRES DU MARÉCHAL DE BOUCICAUT. PREMIERE PARTIE.

- CHAP. I. *P*REMIEREMENT Prologue. 3
- II. *Cy dit par quel mouvement present livre
feut fait.* 7.
- III. *Cy dit de quels parens fut le Marechal
Boucicaut, & de sa naissance & enfance.* 8.
- IV. *Encores de l'enfance du diã Boucicaut.* 12.
- V. *Cy dit de la premiere fois que Boucicaut
prist à porter armes.* 16.
- VI. *Cy dit comment en jeune aage Boucicaut
voulut poursuivre les armes, & se prist à
aller en voyages.* 18.
- VII. *Cy devise les effais que Boucicaut faisoit
de son corps, pour soy duire aux armes.* 21.
- VIII. *Cy parle d'amour, en demonstrent par
quelle maniere les bons doivent aimer, pour
devenir vaillans.* 24.

IX. *Cy dit comment amour & desir d'estre aimé
creust en Boucicaut courage & volonté d'es-
tre vaillant & chevaleureux.* 24.

X. *Cy dit comment Boucicaut fut fait Che-
valier, & des voyages de Flandres.* 28.

XI. *Comment Boucicaut feut la premiere fois
en Prusse, & puis comment la deuxieme fois
il y retourna.* 33.

XII. *Comment Messire Boucicaut, après le
retour de Prusse, alla avec le Duc de Bour-
bon devant Taillebourg, & devant Ber-
tueil, qui feurent pris, & autres chasteaux
en Guyenne.* 35.

XIII. *Cy dit comment le Duc de Bourbon
laissa Messire Boucicaut és frontieres son
Lieutenant, & comment il joustâ de fer de
glaive à Messire Sicart de la Barde.* 40.

XIV. *Comment Messire Boucicaut joustâ de fer
de glaive à un Anglois appelé Messire
Pierre de Courtenay, & puis va à un autre
nommé Messire Thomas de Clifort.* 46.

XV. *Comment Messire Boucicaut alla en Es-
paigne, & comment au retour le Seigneur de
Chasteauneuf, Anglois, entreprist à faire
armes à luy : vingt contre vingt. Et puis
ne le voulut ou n'osa maintenir.* 50.

XVI. Comment Messire Boucicaut alla outre mer, où il trouva le Comte d'Eu prisonnier. 56.

XVII. De l'emprise que Messire Boucicaut feit, luy troiefme, de tenir champ trente jours à la jousté à tous venans, entre Boulongne & Calais, au lieu que on diã Ingelbert. 60.

XVIII. Comment Messire Boucicaut alla la troiefme fois en Prusse, & comment il voulut venger la mort de Messire Guillaume de Duglas. 70.

XIX. Comment Boucicaut feut faicã Marechal de France. 74.

XX. Comment le Marechal Boucicaut alla avec le Roy à Boulongne au traicã, & la charge de gens d'armes que le Roy luy bailla après, pour aller en plusieurs voyages, & comment il prist le Roc du Sac. 79.

XXI. Comment le Marechal alla en Guyenne, & les fortereſſes qu'il y prist. 82.

XXII. Cy commence à parler du voyage de Hongrie, comment le Comte d'Eu admonesta le Marechal d'y aller. 85.

XXIII. Comment le Comte de Nevers, qui ores est Duc de Bourgongne, voulut aller au voyage de Hongrie, & comment il feut faicã Chevetaine

Chevetaine de toute la compaignée des François qui là allerent. 90.

XXIV. *De plusieurs villes que le Roy de Hongrie prist sur les Turcs, par l'aide des bons François; & comment le vaillant Mareschal Boucicaut les autres bien s'y porta.* 93.

XXV. *De la fiere bataille que on diët de Hongrie, qui feut des Chrestiens contre les Turcs.* 99

XXVI. *De la grand pitié du martyre que on faisoit des Chrestiens devant Bajazet, & comment le Mareschal fut respité de mort.* 113.

XXVII. *Comment les nouvelles vindrent en France de la dure desconfiture de nos gens.* 117.

XXVIII. *Comment le Comte de Nevers fut emmené prisonnier à Burse, & plusieurs autres Barons, & de la rançon qu'on envoya à Bajazet, & du bienfaict du Mareschal.* 121.

XXIX. *Comment après le retour de Hongrie, le Roy envoya le Mareschal en Guyenne, à belle compaignée de gens d'armes, sur le Comte de Perigort, qui s'estoit rebellé contre luy, si le prist, & amena prisonnier au Roy.* 129.

*Et comment le champ & la victoire luy
en demeura.* 260.

*XXVII. Comment le Mareſchal s'en alla à Gen-
nes, irrité contre les Venitiens; & des pri-
ſonniers qui furent emmenés d'un coſté &
d'autre.* 270.

XXVIII. De la pitié des priſonniers François.
272.

*XXIX. Comment les priſonniers mettoient peine
par leurs lettres vers les Seigneurs de France,
que le Mareſchal ne feiſt guerre contre les
Venitiens, afin que leur delivrance n'en
feuſt empêchée.* 274.

*XXX. Comment les Venitiens s'envoyerent
excuser envers le Roy de ce qu'ils avoient
faict.* 278.

*XXXI. Cy enſuit la teneur des lettres que le
Mareſchal envoya aux Venitiens.* 280.

TROISIEME PARTIE.

*I. Premièrement parle des Seigneurs Italiens
qui deſiroient avoir l'accointance du Ma-
reſchal, pour les grands biens que ils oyoient
dire de luy.* 300.

*II. Comment le jeune Duc de Milan entreprit
guerre au Mareſchal, dont mal luy en
enſuivit.* 302.

- III. *Comment le Mareſchal labou.a, afin que il put mettre paix en l'Egliſe, que les Genevois ſe declaraffent pour notre ſaint Pere le Pape.* 305.
- IV. *Comment le Mareſchal aſſembla à ſon Conſeil les plus ſages de Genneſ, & les paroles que il leur dit ſur le faiã de l'Egliſe.* 308.
- V. *Comment le Mareſchal tendoit que l'Egliſe fut en union, & ſous l'obeiſſance d'un ſeul Pape, eſleu par Concile general.* 315.
- VI. *Cy commence à parler comment les Piſains ſe rebellerent contre leur Seigneur, & comment le Mareſchal ſe peina d'y mettre paix.* 320.
- VII. *Comment les Piſains firent entendre au Mareſchal par feintife que ils vouloient eſtre en l'obeiſſance du Roy de France, & devenir ſes hommes, & la mauvaiſtié que ils firent.* 324.
- VIII. *Comment le Mareſchal ſe travailloit toujours que ceulx de Piſe ſe donnaſſent au Roy de France.* 328.
- IX. *Comment le Mareſchal dit & manda aux Piſains que ſi ils ne ſe donnoient au Roy, leur Seigneur les vendroit aux Florentins.* 335.

X. L'accord qui fut faict entre le Marechal & les Florentins du faict de Pise. 337.

XI. Comment le Marechal envoya par escript au Roy de France, à Nosseigneurs, & au Conseil, l'accord qu'il avoit faict avec les Florentins du faict de Pise; lequel le Roy & Nosseigneurs agréerent par leurs lettres. Et comment depuis par feintise les Pisains se voulurent donner au Duc de Bourgogne. 342.

XII. Comment Nosseigneurs les Ducs d'Orleans & celuy de Bourgogne sceurent mauvais gré au Marechal, pource qu'il n'avoit eslé en l'ayde des Pisains contre les Florentins. 348.

XIII. Cy devise par exemples comment les bons sont communément enviez. 350.

XIV. Cy prouve par exemples que on ne doit mie tousjours croire ne adjouster foy en paroles & opinion du peuple. 350.

XV. Cy dit comment le Marechal par la vaillance de son couraige entreprit d'aller prendre Alexandrie. Et des messaigers qu'il envoya pour ceste cause au Roy de Cypre. 350.

XVI. Encores de ce mesme, de l'instruction que le Marechal bailla à ses Ambassadeurs

de ce que dire debvoient au Roy de Cypre.

359.

XVII. Cy devise la grande chere & belle response que le Roy de Cypre fait aux Ambassadeurs du Marechal. 364.

XVIII. Cy devise comment le Roy de Cypre s'excusa vers les messaigers du Marechal de non aller sur Alexandrie. 369.

XIX. Cy parle du faict de l'Eglise, & comment le Marechal voulut empescher le Roy Lancelot que il n'allaft prendre Rome. 372.

XX. De ce mesme, & comment Paul Ursin Romain meit le Roy Lancelot à Rome par argent qu'il recent. 378.

XXI. Cy devise comment le Marechal en venant par mer de Gennes en Provence, combatit quatre galées de Mores, ou grand foison en y eut d'occis. 387

XXII. Cy devise comment Messire Gabriel Marie, Bastard du Duc de Milan, cuida usurper au Roy la Seigneurie de Gennes, & comment il eut la teste couppee. 392

QUATRIÈME PARTIE.

I. Devise le premier Chapitre de la façon de son corps. 399

II. Cy diät de la devotion que le Marechal a vers Dieu en auyres de Charité. 400

nople, & la famine qui y estoit, & le remede qui y fut mis. 157.

XXXVI. *Comment l'Empereur veint en France, & comment le Marechal y arriva devant.* 159.

XXXVII. *Cy devise comment l'Empereur de Constantinople eut paix avec Bajazet, & comment le Tamburlan l'en vengea, & de la mort de Tamburlan.* 162.

XXXVIII. *Cy dit comment le Marechal eut grand pitié de plusieurs Dames & Damoiselles, qui se complaignoient de plusieurs torts qu'on leur faisoit, & nul n'entreprenoit leurs querelles, & pour ce entreprist l'Ordre de la Dame blanche, à l'Eescu verd, par lequel luy treiziesme portant celle devise, s'obligea à la deffence d'elles.* 165.

XXXIX. *Le contenu des lettres d'armes, par lesquelles se obligeoient les treize Chevaliers à defendre le droict de toutes Gentiles-femmes à leur pouvoir qui les en requerroient.* 169.

SECONDE PARTIE.

I. *Premierement parle de l'ancienne coustume qui court en Italie des Guelphes & des Guibelins.* 178.

- II. *Cy dit de la cité de Gennes & de la tribulation où elle estoit avant que le Marefchal en feust Gouverneur.* 179.
- III. *Cy dit comment la cité de Gennes se donna au Roy de France.* 179.
- IV. *Cy dit comment vertu plus que autre chose doit estre cause de l'exaucement de l'homme.* 182.
- V. *Cy dit comment le Marefchal pour sa vertu & vaillance fut esleu & estably pour estre Gouverneur de Gennes.* 182.
- VI. *Cy dit comment le Marefchal alla à Gennes, & comment il y fut receu.* 183.
- VII. *Cy dit comment le Marefchal parla saigement aux Genevois au Conseil.* 187.
- VIII. *Cy dit les saiges establissemens & ordonnances que le Marefchal fait à Gennes.* 192.
- IX. *Cy dit comment le saige Marefchal fait edifier deux forts chasteaux, l'un sur le port de Gennes, l'autre autre part. Et comment il reprinted à remettre en estat les choses ruineuses & perdues.* 194.
- X. *Cy dit comment après que le Marefchal eut mis la cité de Gennes en bon estat, il y fait aller sa femme, & comment elle y feut receue.* 198.

XI. Cy dit comment nouvelles veindrent au
Mareschol que le Roy de Cypre avoit mis
le siege devant Famagouste, laquelle cité
est aux Genevois, & comment il se partist
de Gennes à grand armée pour y aller.

200.

XII. Cy dit de l'ancien contens qui est comme
naturel entre les Genevois & les Venitiens.

203.

XIII. Comment le Mareschal donna secours
à l'Empereur de Constantinople pour s'en
retourner en son pays.

XIV. Comment le Mareschal arriva à Rhodes,
& comment le grand Maître de Rhodes le
receut, & le pria qu'il allast en Cypre pour
traiter de paix.

214.

XV. Cy dit comment le Mareschal alla en
Turquie devant une grosse cité que on nomme
Lescandeloure.

216.

XVI. Cy dit comment le Mareschal assaillit
Lescandelour par belle ordonnance.

219.

XVII. Les escarmouches que faisoient tous les
jours les gens du Mareschal aux Sarrafins,
& comment ils les desconfirent & chasserent.

222.

XVIII. Comment la paix fut faite entre le
Roy de Cypre & le Mareschal, & comment
il voulut aller devant Alexandrie.

227.

III. *La reigle que le Marefchal tient au service de Dieu.* 401

IV. *Comment le Marefchal se garde de trefpasser la loy de Dieu & ses Commandemens, mefmemment en faict de guerre, & de la mesure que il y tient.* 401

V. *Comment le Marefchal est hardy & seur en ses saiges entreprises.* 401

VI. *Comment le Marefchal est sans convoitise, & large du sien.* 401

VII. *Comment la vertu de continence & de chasteté est au Marefchal.* 402

VIII. *Comment le Marefchal suit la reigle de Iustice.* 403

IX. *Comment avec ce que le Marefchal est Iusticier, il est piteux & misericordieux. Et preuve par exemples que ainsi doit estre tout vaillant homme.* 404

X. *De la belle éloquence que le Marefchal a.* 405

XI. *De l'ordonnance de vivre du Marefchal.* 405

XII. *Cy conclud comment homme où tant y a de vertus doit bien estre honoré.* 406

XIII. *Cy diët en parlant au Marefchal, que pourtant ne se veuille fier en fortune, qui tost se change, & donne exemples.* 406

476 TABLE DES CHAPITRES.

XIV. La fin du livre où la personne qui l'a
faict s'excuse vers le Marechal de ce que
il l'a faict sans son sceu & commandement,
& non si bien mis par escript que il appar-
tiendroit. 407.

XV. Exemples des vaillans hommes trespassez
qui sceurent bon gré à ceulx qui avoyent
escript & enregistré leurs gestes, & leurs
vaillants faicts. 409.

Fin de la Table des Chapitres & du sixième
Volume.







